



5. 3. 310

A N I M A
SPIRITUALIS BRUTORUM
SECUNDUM
SANIORIS DOCTRINAE
CANONES
PROFLIGATA
AUTHORE

P. LAURENTIO MARIA FRASCONI

Ordinis Minimorum in Mediolanensi S. Francisci
de Paulâ ad S. Anastasiam Collegio Sacrae
Theologiae Lectore jubilato.

* * * * *
Nolite fieri sicut equus & mulus
Quibus non est intellectus
Psal. 31. v. 9.
* * * * *




MEDIOLANI, MDCCXLV.

~~~~~  
Apud Franciscum Agnellum.  
**SUPERIORUM PERMISSU.**

**Doctrinis variis, & peregrinis  
nolite abduci.**

*Ep. ad Hebr. cap. 13. v. 9.*

EGREGIO AC CLARISSIMO VIRO  
DON CAROLO  
DE TAGLIABOBUS  
JURIS UTRIVSQUE DOCTORI  
Et  
Totius Ducatus Mediolanensis  
SINDICO GENERALI  
Recens inaugurato .

 *Xultas Mediolani Ducatus difficil-*  
*limis licet temporibus , te in sui Sindicum*  
*generalem assumpto , minime ambizens , quod*  
*sub tuæ jamdudum ab omnibus commenda-*  
*tae nedum solertiae atque prudentiae , sed*  
*summæ etiam integritatis umbrâ , securus*  
*vivet ,*

vivet, parumque sentiet quid obsit temporum  
vicissitudo, dum ad ejus solatium, talis ac  
tantus vigilat Defensor. Exultat Mediola-  
nensis haec Civitas, nec amplius habet  
quod de Majorum tuorum & Sanguine il-  
lustrium, & virtute, ammissione doleat,  
dum in te uno invenit, & quae majorum  
tuorum sunt, cumulata, & quae tua potis-  
simum sunt, veteribus addita, ut meritò  
habeat unde in te glorietur & laetetur ut  
Mater; Sed in Urbe hac ipsa exultat prae  
caeteris hoc Sancti Francisci de Paula Col-  
legium, sincero corde gestiens de honorifi-  
centissimo munere per quàm dignè tibi con-  
credito; Sentiebat enim quantis tibi nomi-  
nibus obstrictum foret, qui maximis illud,  
optimo ingenio, sedulo labore, humanitate in-  
defessà cumulare beneficiis nunquam desisti,  
& quae bona in grati pignus animi, con-  
ferre tibi non poterat, ~~et~~ omnium bonorum  
largitore Deo, enixè precabatur; Votis  
itaque suis annuente Deo, concepti magni-  
tudo gaudii, se se intus coercere non potest,  
sed publicè cupit ostendi: Patere igitur Cla-  
rissime Vir; ut appposito nomine tuo Operi  
huic, nunc primam lucem aspicienti, &  
grati ob accepta beneficia, & laeti ob col-  
lata

*lata tibi praeclara munia, monumenta ani-  
mi, manifesta sint omnibus; Fiet ita, ut  
nomen tuum, quod nulla unquam è corde  
nostro; delebit oblivio, per hasce paginas  
in omnium ore, aeternum vivat; Fiet ita,  
ut manifestius falsa appareat ea, quae in  
hoc Opere profligatur opinio, dum illius no-  
men in fronte geret, qui inter Optimos,  
praeclarissimis animi dotibus, morumque in-  
tegritate, ita elucet, ut in semetipso osten-  
dat, quantum rationalis Anima, irrationali-  
um Animas excedat, & quàm immeritò  
istae, paululum ab illà disferre asserantur:  
Vereor utique, nè ista succinèdè licet attin-  
gens, plus aequo molestus sim tibi, qui  
quantò humanas laudes & excellentià Do-  
ctrinae, & ingenii pernicitate, & probita-  
te vitae, mereris, eò illas despicias refugis-  
que, tanquam sine Corpore umbras; Sed  
tua ex hoc ipso culpa est, quod laudaris,  
umbra enim sequentem fugit, fugientem co-  
mitatur; Nec habes quò de me uno meri-  
tò conqueraris, quod ea de te commemo-  
rem, quae neminem latent, & ab omnibus  
commendantur, & si laudabile non est, lau-  
dari, sed se laudabilem exhibere, debueras  
non tot fulgere virtutibus, si debitis opta-  
bas*

*bas carere laudibus ; Debueras non tot in  
nos profundere beneficia , si quaecumque res-  
puebas grati animi officia : Eà itaque , quā  
nos omnes humanitate excipere Soles , in  
Opere hoc , quod tibi devovemus , observan-  
tiae erga te nostrae pignus sulcipe , nec eum  
aegrè feras , qui minimus licet inter om-  
nes , omnium tamen nomine , Opus Dans .  
Donans , Dicans , se ipsum lubenti animo  
subscribere gloriatur*

*Illustrissimae Dominationis tuae*

*Humillimus , & Addictissimus Servus  
F. Laurentius Maria Frasconi  
Minimus*

# SANIORIS DOCTRINAE PROFESSORI.



**I**nstatutum de Brutorum Anima  
mae Spiritualitate vel admittendâ, vel  
explodendâ, ii tantum flocci facere pote-  
runt, vel qui omnia Circino ulnâque metiri  
volentes, se ipsos, suaque dumtaxat aesti-  
mare norunt, caecâque inflati superbiâ, cae-  
teros despiciendo contemnunt; Vel qui ex  
praeconcepto, in Peripateticorum Systemata  
odio, verentur nè sublatâ Spirituali è Bru-  
tis Animâ, de Formâ aliquâ, quae limites  
imaginationis transcendat, admittendâ, con-  
vincantur; Vel denique qui videre, vel non  
valeant, vel nolint, ex assertae Spiritualis  
in Brutis Anima, affinitate cum Spirituali  
Hominis Animâ, quantum periculi conse-  
quatur. Verum enimverò, quidquid isti,  
quovis tandem ducti principio quaestionem

istam nihili pendant, quam tamen non infimae notae Viri, integris voluminibus pertractare, non inutile, nec parvi momenti opus unquam existimarunt; Nec ego cum ipsis levem esse duxi, neque in praesentiarum duco.

Multi propterea materiem hanc faciens edidi (quo fato nescio) Dissertationem contra Animam Spiritualem Brutorum, in octo partitam Dialogos. Vixque illa emanarat, inveni quamdam Dissertationis meae Relationem à quodam *Vincentia Phocà* exaratam, quam abs morâ alio in lucem dato Opusculo, protinùs confutavi: Sollicitus exindè remanseram, ut si quid novi, contra vel Dissertationem, vel Dissertationis Vindicias typis ederetur, citò ad me perveniret. Factum itaque est, ut anno 1743. die undecimâ Julii, venerit in manus meas recens editum Opusculum contra praefatam Dissertationem, die vigesimâ quintâ Octobris anno 1741. approbatam, & paulò post publici juris factam. Totum diligenter perlegi ac attentè lustravi, omnigenamque in eo eruditionem admirans, sicut responsionis honore dignum, sic responsionis qualemcumque laborem minime



nimè differendum judicavi. Manum operi jam jam apponebam ; sed hinc recolens me promississe , non ampliùs dimicaturum contrà incognitum hollem (a), hinc animadvertens, me non aequo Marte cum Adversario pugnare ; Ego enim in apertum prodeò, ille verò jacula vibrat in propatulo, sed tutus latet in abscondito, suspenso calamo haesitabam.

Vicit denique animi haesitationem mei, veritatis promovendae amor, & mallui sub Philadelphi nomine, Oppositorem pro cognito habere, quàm in tantâ necessitate loquendi, quasi timens silere. Supensam eà propter manum, operi iterùm admoveram ; sed modò scholasticis, modò sacris occupationibus detentus, modò Ordinis mei officiis ( quibus nec in praesens prorsùs absolutus existo ) admotam distrahentibus manum, Opusculum hoc, quod pro tenuitate suâ, paululùm temporis exigebat, ex opportuni temporis defectu, nec absque animi anxietate, serò lucem aspicere permissum est. Prodit jam, qualecumque illud sit ; rebus quidem, ni fallor, quantum satis discussis, & non sinè magnâ claritate enuclea-

(a) *In Confut. Relat. Vincen. Phocae.*

cleatis, stylo tamen nec turgido, nec affectatè expolito, sed qui & rerum Philosophicarum explicationi, & hominum familiari colloquio conventior visus est, aptiorque; Nec enim unquam ejus imitari mihi placuit morem, qui tunc magnum aliquid perfecisse aestimat, cum involutas resonantium verborum magnitudine periodos contexuerit, quem meritò sic carpit Horatius (b).

*Projicit ampullas, & sesquipedalia  
verba.*

Redarguet verò me fortassè aliquis, quod Aristippum ethnicum hominem, arbitrum admiserim illius Controversiae, quae etiam per firmissimas Fidei regulas, discutienda veniebat; At facile ab hac redargutione me subduco; Cum enim Arbitrum hunc, ab Oppositore meo assumptum invenerim, cupidumque viderim, sive Scripturarum, sive Conciliorum nosse doctrinam, eundem meritò in Mysteriis, ac regulis Fidei à Philadelpho instructum, ab eodemque baptizatum supponere debui;

Appo-

---

(b) *Horat. de arte Poet.*

Apposui autem, licet, ut verum fatear, displiceret, de chartâ, ut dicitur, transcribere in papyrus, Dialogo IX. integrum D. Bernardi Sermonem V. in Cantica, eo consilio ductus, ut quoniam & Comes Magalotti (c) asseverare non dubitavit, in eo sermone expressè à S. Bernardo, Brutalis Animae Spiritualitatem doceri; Et ipse Oppositor meus (d) dicere non est veritus, quod. *Mentem S. Bernardi Sermone. 5. in Cantica hanc esse, ut Brutorum Anima vera sit immaterialis Substantia, ii solum vocare in dubium poterunt, qui vel numquam sermonem istum viderint, aut si viderint, caecutire nihilominus malunt contrâ lucem Sole meridiano clariorem.* Et non omnes qui ista legerint, Divi Bernardi Opera, in promptu habere possint quae consulant, habeant hic unde ex ipso fonte, veritatem haurire valeant.

Curavi denique, ut ad calcem opusculi hujus, & Dissertatio primitus edita, & confutatio relationis Vincentii Phocae adnecteretur, ut commodius quae in ipso

ex

---

(c) 1. p<sup>17</sup>. Epist. 24. pag. 407. (d) *An. Brus. Vindic.*  
Dial. 8.

ex istis citantur , inveniri , & facilius inspicere possint . Unum est quod Humanissimum Lectorem precer , videlicet ut eo Animo ista excurrere velit , quo fuerunt exscripta , non scilicet ingenuum Oppositorem , vel levissimè offendendi , sed unice ostendendae veritatis amore , ac falsitatis , vel vera sit , vel putata ( judicet Lector ) confutandae .



SE-

**SERIES DIALOGORUM**

## DIALOGUS I.

Opinio de Animâ Brutorum *Spiri-*  
*tuali*, discutienda proponitur, & quaedam  
Oppositoris Doctrina refellitur.

## DIALOGUS II.

Sensatio & cognitio Brutorum, nōn  
evincit in ipsis verum *Spirituale* Princi-  
pium.

## DIALOGUS III.

Peripateticorum Doctrina quæ ad distinctionem Actuum ab eorundem Principio, sanior ostenditur contra Recentiorum placita.

DIALOGUS IV.

Substantia Spiritualis, est ad Imagi-  
nem Dei; ex hoc capite Anima *Spiritu-*  
*alis* Brutorum, Profligatur.

## D I A L O G U S V.

Substantia spiritualis, est immateria-  
 70 B lium

lium intellectiva ; ex hoc capite Anima  
*Spiritualis* Brutorum, profligatur.

## DIALOGUS VI.

Substantia Spiritualis est immortalis ;  
ex hoc capite Anima Brutorum *Spiritualis*  
profligatur .

## DIALOGUS VII.

Auctoritate Sacrae Scripturae Anima  
Brutorum *Spiritualis* profligatur.

## DIALOGUS VIII.

Conciliorum Auctoritate Anima Bru-  
torum *Spiritualis* profligatur.

## DIALOGUS IX.

D. Bernardus sermone V. in *Cantica*  
non docet Brutorum Animam esse Spiri-  
tualem , immò ex ejus Doctrina Anima  
*Spiritualis* Brutorum , profligatur.



O P I N I O  
DE ANIMA' BRUTORUM,  
SPIRITUALI

*Discutiendâ proponitur,*

Et quaedam Oppositoris Doctrina  
refellitur

DIALOGUS PRIMUS.

*Philadelphus, Aristippus, Critophilus.*

*Phil.*



Aristippe mi, parce quaeso, si fortè  
importunus, sub horâ prandii,  
advenio; non alia de Causâ ad  
te redire placuit, quàm ut te  
benè valentem revilerem, atque  
de praesentâ concertationibus nostris diuturnâ, ac  
eruditissimâ adficientiâ tuâ, tanto distinctius,  
B 2 quan-

quantò secretius, debitas grates referrem; Venissem aequidem primo manè, ut tanto muneri facerem satis, sed domo egredienti obviam factus amicus regredi compulit, nosse sollicitus, non tandem, & quomodo expleta disceptatio, me inter & Critophilum, te iudice habita; vixque huic enarraram me de Critophilo solemnem retulisse triumphum, alii & alii, ejusdem disceptationis exitum audire cupidi, adventant, dumque omnibus inservire pergo, mane penè totum elabatur, & volvitur in meridiem; itaque cum primum licuit, adveni, si sero advenisse error est, error veniabilis est.

*Arist.* Cui tamen non tam facile parcendum; quantò longior fuit mora in adveniando, tanto protractior sit, & in discedendo; unà mecum prandeas volo, nec mecum tantum, sed & cum Critophilo prandebis, qui duabus jam ab hinc circiter horis eadem quae tu, immerita licet urbanitatis erga me officia praestiturus, se se huc contulit; cumque se eadem qua te modo poena mulctavi, damnatum audisset, multasque interim excribere deberem epistolas, cum volumine nescio quo prae manibus, quod è mea bibliotheca excerptum, vicinum descendit in hortum; prandebitis itaque quidem frugaliter ambo, sed inter amicos pluris facienda epulis, jucunda societas; sed en sensit Critophilus horam prandii, & accedit ad nos. O Critophile gradum accelera, & socium invenies, quem forte non putas.

*Crit.* Ecce adsum; quis est novus iste conviva? O Philadelphæ, dilectissime, quantum gaudeo



deo , & de optimâ valetudine tuâ , & de acceptissimâ tuâ , qua me fruturum video societate !

*Arist.* Venite amici , assidete mensae , ibique inceptos , quantum libuerit , complebitis sermones , & implebunt verba epularum intervalla ; scio quod apponenda est tructa grandioris formae lario in lacu expiscata , quid de reliquo sit , prorsus ignoro ; jam de prandii frugalitate monui vos , veniamque poposci .

*Crit.* De Tructâ libenter vescemur , & si etiam nos Pythagoreos non esse ostendamus .

*Phil.* Quid connexionis inter ista ?

*Crit.* Memini me apud Plutarcum legisse quod Pythagorei , non lege tantum ab omnibus hominibus , sed naturâ etiam ab omni innoxio injuriam abstinentes minime usi sunt piscibus pro cibo , cum praeter injustitiam , piscatio videatur intemperantiam , seculum trahere . Quod si viveret Anaximander , & apud nos moraretur , proh quod in nos jaceret jurgia , tanquam qui naturae jura per piscium comestionem violari censeat ! Siquidem , ut apud eundem Plutarcum legere est Anaximander hominum patrem matremque communiter pronuncians piscem , ab ejus esu debortatus est . Sed vos me loquentem non otiosi auditis aure apertâ , sed ore pleno ; silebo & ego ( si potero tamen ) & sedens sequar vos .

*Arist.* Anaximandrum in sua relinquit opinione precor , finite & in sua Pythagoreos persiicere , vosque mecum iridentes utramque , prandete hilares , & manducate impavidi ; emarcuerunt enim cum Auctoribus suis opiniones marcidæ &

Doctis

*Anima Spiritualis*

Doctis non receptae, & in conviviis irridendae; sed agite quod agendum.

*Crit.* Obedio statim, habent enim in me locum imperii vel nutus tui.

*Phil.* Oppiparè sane prandidimus tuâ in nos agente munificentia, Aristippe mi dulcissime; brevi nos obsonio te spononderas recreaturum, sed ut verum ingenuè fatear, nihil poterat, vel quò ad varietatem, uberius, vel quò ad dapum sapiditatem excellentius optari, si ita de re Philosophicâ disceptantes excipis, expedit mihi, expedit & Critophilo novum aliquod datâ operâ excitemus nos inter dissidium, te iudice dirimendum.

*Arist.* Mittamus ista quaelo, ego enim vobis potius referre pro humanissimâ mihi praestitâ societate vestrâ, quàm pro frugali prandio gratias à vobis recipere, debeo. Sed en tibi sigillum stomachi, ne bibere detrectes, vinum etenim generosum est, vulgò Lagrima di Napoli, quod à quodam amico meo ex Ordine S. Francisci de Paulâ, in Conventu Sancti Aloytii commorante dudum accepi, optimum gustui, & stomacho saluberrimum senties; si placet tamen, optarem ut ~~in~~ manibus ipse tuis, in signum initiae stabiliter pacis, ciathum Critophilo porrigeres.

*Phil.* Lubentissimè porrigam, lubentissimè bibam. Accipe Critophile in ciatho manu meâ porrecto, & observantiae in Aristippum meae, & mei in te obsequii, amorisve pignus . . . observas Aristippe? Critophilus nostra non audit, ad nihil attendit, nec dormit tamen; res sanè mira! paulò ante tam lepidos innoxiosque miscebat epulis sales, & tam

& tam citò suprà vel extra se raptus est, atque abstractus ! at vide quod rideas , hinc catulus , indo felis ei abblandientes , videntur eidem dicere , vel ex nostris erga te blanditiis agnosce , nos non meram putamque materiam esse , sed intellectivo , spiritualique proin principio dotari .

*Arist.* Dimove tantisper subsellium loco , & strepitu excitatus redibit Critophilus ad se .

*Crit.* Ubi eram ? parcite quaeso Domini mei , si vos inurbanè reliqui , profundà etenim cogitatione detentus , nec ubi , nec quibulum reperirer , animadvertēbam . Caeterum non te deserueram Philadelphē , tecum eram , videbarque mihi audire te exhibentem mihi synopsis eorum , quae pro Animâ Spirituali in Brutis vindicandâ , à te dicta sunt , atque eorum etiam , quae pro eadem profligandâ allata fuere à me , audiensque quàm facile me vinci sinuerim , de memetipso querebar , aiebamque ad te ; oportet Philadelphē quod cum tu certabas mecum , Philadelphus esset Neapoli , & Critophilus Mediolani .

*Phil.* Accipe , accipe Critophile , modo scis nos esse simul , simul ergo bibamus , atque Aristippo , hilares propinemus .

*Arist.* Eja Critophile accipe de manu Philadelphi stomachi sigillum , in pacis signum , indeque exhilarato corde , amœnioribus nos invicem colloquutionibus recreemus .

*Crit.* Non opus Aristippe inire pacem , ubi nulla est scissura pacis ; intellectu dissidemus , non affectu ; caeterum praesto sum , ac , ut utrique obsequar , utrique lubens propingo .

*Phil.*

*Phil.* Merito vetat Aristippus, ne ultra de hucusque discussâ controversiâ loquaris Critophile, si enim ea revolvās, quae solide dixi tum contra formam materialem quae non sit materia, tum de sensationibus, & earum principio; de vi cognoscitivâ, de necessitate admittendi in brutis Animam Spiritualem, de Scripturis & Patribus Animam in Brutis Spiritualem agnoscentibus; de falsitate confessoriorum, quae ex datâ in Brutis Animâ Spirituali, inferebas; de Conciliis huic Spiritualitati minime adversantibus, denique de D. Bernardo verum in Brutis esse Spiritum apertissime docente; fatebere vel invitus quod Causa finita est.

*Crit.* Utique Philadelphie mi, pulchra attulisti; doctè ac subtiliter loquens es, tuamque in re Philosophicâ, inque Scripturarum, Patrum, Conciliorum, primaeque notae Aauthorum lectione eruditionem ostendisti, dignus sanè ut meliorem defenderes Causam; nihilominus tamen, videor adhuc mihi videre, unde mea defendam, unde tua dissolvam; & ni quod vereor, ne diuturniori sermone gravis modò sim Aristippo, ab hoc ultimo statim inciperem, claraque afferrem momenta, per quae tu ipse fateri cogaris Divum Bernardum, ne dum non favere, sed apertè Brutorum Spiritualitati contrariari.

*Phil.* Si placet Aristippo quod nos, nos invicem hisce detineamus, ecce adsum, audire, si quae habes, & respondere paratus.

*Arist.* Recite Domini mei, si desideris vestris hac vice obſulto, siquidem statim à prandio, honestae potius recreationi vacandum, quam scholasti-

lasticis concertationibus plus aequo laborandum ; Si placet Critophilo , nova in sui defensionem adducere , aequitas postulat , ut eum audire non detrectem ; ut eum audiam modò , conservandae zelus valetudinis prohibet ; Sic itaque & aequitati , & valetudini consulamus , nunc animos hilari conversatione levemus , Crastino manè , ni pigeat tamen , ad me accedite ambo , & optimâ cocolata , quam parari jubebo , primitus refectos , differentes poetica , & colluctantes lubenti animo excipiam .

*D'un tale spediente*

*Dourian ambe le parti esser contente*

*Crit.* Verè te ipsum , Aristippe , aequalem tibi , exhibes semper , pari siquidem animi & magnitudine , & prudentiâ , apprimè nosti & quae socia sunt detinere , & quae divisa componere ; Certiorè te facio tamen , quod si Philadelphus ( te quidem Judice ) videri nonnullis potuerit de me retulisse triumphum ; si patienter feras , rem gradatim à me quoque pro virili tractari ( nam praeteritis hisce diebus Philadelpho contrà me agenti , spiritu saltem , non eram praesens ) quisque benè morigeratus , non anticipatae sententiae , non praecupari judicii , verè Philosophus , verè Catholicus , verè amator veritatis , si non Peripatetici partes ( quas nec ego assumpseram ) partes saltem meas , quoad hanc controversiam , te quoque , Aristippe , in meliora mutato , certissimè peraget , & quae gran-

C

grandiosè & sonanter contrà me objecta sunt , valide dissipata manebunt .

*Come l'imagin tal' or d'immensa mole  
Forman nubi nell' aria , e poco dura  
Che il vento la disperde , o solve il Sole :*

*Phil.* En me pariter Aristippe nutibus tuis obsequentem; Ad crastinam diem, nostrae recognitionem causae differamus, sed multa licet & sibi, & nobis promittente Critophilo, novum tamen, quod te annuente instituemus examen, uni deferret (si juxta sanioris Philosophiae Canones rem agamus) veritati à me assertae, magis, ac magis confirmandae. Crede mihi Critophile dilectissime, Spiritualis est Anima Brutorum; Deferre tandem peripateticas praeventiones, & si rationibus meis acquiescere recusas, acquiesce scripturae palam dicenti. *Cognovit bos possessorem suum.*

*Arist.* Nostis amici, quod benè ajebat Scaurus, non minùs magnam virtutem esse, scire desinere, quàm scire dicere, parcite itaque pro nunc de iis differere, quae in crastinum referavimus; Porius quoniam una jam hora est à meridie, & nimis fervet dies, tenet, si placet, ut & mihi moris est, locum date quieti.

*Crit.* Si meridiano assuetus es somno, quiesce paulisper Aristippe, quiesce & tu Philadelphæ, ego interim viridarii callem, quem è fenestrâ solaribus impervium radiis video, quietus obambulabo.

*Phil.* Non patiar te solum relinqui Critoph.  
sed

sed quoniam pomeridianae quietis nec consuetudo mihi est, neque voluntas, sequor te.

*Arist.* Ut brevius sit vobis iter ad umbrosum callem, per Bibliothecae januam exite, en famulus praesto est, ut ostium adaperiat, interim hilares esse, post horam revisam vos.

*Crit.* Aspice Phil. Crallini Certaminis arma, Divi nimirum Bernardi opera; videamus cujus editionis ea sint. Impressa sunt Parisiis, sed. *Post Horstium denuò recognita, aucta, & in meliorem digesta ordinem, nec non novis praefationibus, annotationibus, notis, & observationibus, indicibusque copiosissimis locupletata, & illustrata secundis curis Domini Johannis Mabillon Presbyteri, & Monachi Benedictini à congregatione S. Mauri.* Pro certo habeo, quod te, quoad mentem D. Bernardi, victum habis, si ex hac ejus operum editione convinceris.

*Phil.* Utique de perfectione Editionis hujus, non ambigo, miror tamen quod de Philosophicâ controversiâ acturus, primas des auctoritati, ratione naturali relicta, cum tamen haec in hisce ambagibus potior sit, & ego ipse ab illâ fuerim exorsus, ostendens nimirum (a) quod sentiendi facultas comprobatur in brutis immateriali aliquod principium, atque insuper (b) quod percipiendi, & cognoscendi facultas evincit esse in Brutis principium immateriale. Ab illis itaque, si ritè velis procedere, inchoandum est; Aptiorem denique afferre debes opinionem, evincendo scilicet (quoniam te Peripareticum & ostendis, & fateris) admittendam in brutis formam materialem, quae non sit mate-

(a) *Dial. 2. An. Brut. vindic.* (b) *Dial. 3. An Brut. vindic.*

ria , & sic tandem concludere, formam in illis spirituali , admittendam non esse . *Objurgare enim* ut aiebat S. Gregor. Nazian. *hauri magnum est , perfacile quippe , & cujuslibet hominis ; consilium autem suum , animique sententiam subrogare , viri est mente praediti (c) .*

*Crit.* Haec tua Philad. & reprehensio , & quærimonia

*Più di stupor , che di timor m'ingombra . (d)*

Meminisse etenim deberes eorum, quæ tecum ipso agens candidè confessus sum , videlicet „ . Neque „ ego in praesentiarum, quænam sit Anima in Brutis, quaero , sed potius quid ipsa non sit , ostendo, aptis, ni fallor, momentis evincens eam *Spiritualem* dici , nec cum veritate posse , nec cum rectâ fide debere „ (e) Neque pariter deberes tam cito oblitus esse eorum, quæ cum mihi Dissertationis meae Relationem à Vincentio Phoca exaratam enarrares , nuperrimè dixi , nimirum „ Quidquid ergo contra formam materialem inculcet , non curo , cum non hac *inofferim* viâ , „ non debeo à cepto *desistere* tramite , ut extrâ „ viam currentem sequar (f) . Neque aptius contra me usurpas illud D. Greg. Nazian. numquid enim in meâ dissertatione objurgavi eos qui Spiritualem Brutorum animam docent , an potius , & ratione & auctoritate doctrinam hanc , falsam ostend-

(c) *Orat. 3. de Theol. contr. Eunomian.* (d) *Torg. Taf. p. 2.*

(e) *Dissert. contrâ An. Spir. Brut. Dial. 8.* (f) *Rel. Vincentii Phocæ pag. 17.*



ostendere conatus sum ? postremum hoc, non verò primum, palam est me egisse. Ast inquis, appone tu itaque, qui alienam sententiam refellis, appone meliorem : Porro licet mei non foret instituti, aliquam positivè promovere, sed unicè illam, de qua & nunc acturi sumus, confutare, aliquam tamen, obiter saltem, & quasi inferendo, apposui, Animam scilicet Brutorum, per materialem Peripateticorum formam, tutius explicandam. Quod si forma haec quid monstro simile dicatur, quid repugnantiam involvens &c., non ego istius assumpti vindicias ; fateor quod quantò clariùs ejus admittendae ostenditur necessitas, tantò difficiliùs ejus explicatur entitas, quare & de Brutorum animâ dici potest, quod olim cecinit Claudianus (g).

*Est ignota procul, nostraeque impervia menti,*

attamen, ni fallor, species quaedam assecutae veritatis est ipsa etiam detectio falsitatis ; Caeterùm sufficiat in rem praesentem effatum Ciceronis adducere, usurpatum à Lactantio Firmiano (h). *Nota Ciceronis vox est ; utinam tam faciliè vera invenire possem, quàm falsa convincere !*

*Phil.* Tibi utique suastisti facile esse controversam opinionem falsam ostendere, sed non tibi res, ut sperabas, bene cessit, nec enim ea Opinio potest de falsitate convinci, quae si rationes è naturalibus principiis comparatas spectemus ; caeteris est probabilior, atque ad explicandas Brutorum operationes accommodatior. Si momenta aut è Sacris Codi-

---

(g) *Paneg. 2. in Stilic.* (h) *Lib. 2. cap. 3. Divin. Institut*

Codicibus, aut è Patrum testimoniis, aut Conciliorum Doctrinâ derivata perpendamus, vel patrocinium in his obtinet, vel nullum certè incommodum (i).

*Crit.* Egrediamur, si placet, è Bibliothecâ, ne fortè elatiori voce molesti simus dormienti Aristippo. Putas nè Philad. vera esse, quae dicis?

*Phil.* Firmissimè omnia pro certis habeo, à primo ad ultimum omnia fortiter sustinere paratus.

*Crit.* Ambulemus itaque amicè, & sincerâ cum veritate disceptemus: Enimverò, quomodo poterit naturalis Ratio eam Sententiam probabiliorē suadere, quam Scripturae, quam Patres, quam Concilia non leviter improbant? Erit nè vera & sanior Philosophia, quae & Scripturas & Patres, & Concilia ad sua sensa distrahit? An potius ea sanior erit doctrina, quae ex Scripturis, Patribus, atque Conciliis derivatur? Hoc secundum utique concedes, sed huic me laborare, in concertationis decursu, palmariter ostendam. Quod si Brutorum operationibus explicandis sententia haec tua accommodatior videatur, quid tum? nec explicandi difficultas certa est, ~~totum~~ falsitatis, nec facilitas explicandi argumentum est veritatis. Quid ~~explicandi~~ difficilius, quàm libertas Dei ad extra? Et tamen nemo tam perversè dissipiet, ut illam neget. Quid intellectu facilius, quàm, quaerenti cur Gratiam fidei uni Deus det, denegat alteri, respondere, quia unus per liberam arbitrium se disponit ad illam, alter non? Sanè vel mulierculae mysteria Gratiae nosse valerent, & tamen quis, nisi

---

(i) *An. Brut. vindic. Dial. 1.*

nisi Semipelagianus , ita quaestionem illam resolvat ? clamat enim Apostolus (k) *Quis te discernis ? quid habes quod non accepisti ?* Clamant Concilia Arausicanum secundum (l) *Salubriter confitemur quod in omni opere bono , nos non incipimus , Et postea per Dei misericordiam adjuvamus* &c. & Tridentinum (m) *Ipsius Justificationis exordium in adultis à Dei per Jesum Christum gratiâ sumendum esse* . Sed , ut ad philosophica redeam , quid ad Astronomiae phaenomena explicanda , Hypothesi Copernicana accommodatus ? & tamen quia Scripturae , & terram stare , & solem moveri , nos docent , quas quidem incassum aiebant Copernicani intelligendas esse quò ad captum vulgi , & quò ad sensum , non verò literaliter , Hypothesis Copernicana olim proscripta est , atque damnata (n) ; Non inde ergo probabilior est sententia tua Philad. , quod Brutorum explicandis operationibus appareat accommodatior .

*Phil.* Non est cur frustra fatigeris Critophile ; quidquid dixeris , inficiari certe non poteris , quod sentiendi facultas comprobat in Brutis immateriale aliquod principium , & quod idem in Brutis esse nequit , Impressionis & Perceptionis principium . Recole quaeso , quae dixi Dialogo II. & ex sensitivâ Brutorum facultate penè ad evidentiam ostensum reperiis , immaterialem in ipsis Animam esse agnoscendam .

*Crit.* Quae inibi locutus es , planè recolo , sed ex hoc ipso possem de te amicè conqueri , quod aliquod in ore meo posueris , quod respondere numquam somniavi . Quis porro Peripateticorum ,

---

(k) 1. *Ad Corinth. 4.* (l) *Can. ult. (m) Sess. 6. c. 5.* (n) *An. 1616. sub Paulo V. & an. 1633: sub Urb. VIII.*

corum, ita stupidus, ita plumbeus est, qui nesciat materiam non esse de se sensitivam, quivè diversum impressionis subiectum à perceptionis principio esse, ignoret? Non ego, ut tu autumas, dico quod principium sentiendi in Brutis fortasse diversum non sit à subiecto corporaliū impressionum, sed absolute diversum pronuncio, & quamvis materiale, non tamen materiam esse, concedo; Sensitivam in Brutis Animam ex eorundem operationibus admittendam colligo, non autem ex diverso in Brutis, ac in hominibus sentiendi modo; sanè si unus homo modum sentiendi alterius hominis scrutari non valet, quis nostro similem vel dissimilem in bestiis sentiendi modum asseveret? Aut ex incognitâ quò ad modum sensatione, principium sensationis inferre unquam praesumpsit?

*Phil.* Sed tamen, ni fallor, ex iis es, qui ibi fieri sustinent sensationes, ubi ipsae fiunt externae obiectorum impressiones; Quo semel admissò, vitare non poteris, quod Bruta duplicata videant obiecta, cum duplici ea aspiciant oculo, vocemque semper geminatam audiant, cum eam duplici aure excipiant, quod quidem quànò verius ex datâ hypothefi consequitur, tantò etiam absurdus est, & ex quotidianâ nostrum experientiâ, tantò falsius convincitur.

*Crit. (o)* Risponderò come da me si suole  
*Liberi sensi in semplici parole*

quor-

---

(o) *Taf. cant. 2.*

quorum ista objicis mihi Philadelphæ ? Num his nobis est, de modo, vel loco, sensationum in Brutis, an potius datâ semel in ipsis verâ sensatione ( quovis tandem, vel modo fiat, vel loco ) de sensationis principio, pro Spirituali agnoscendo vel non, tota collimat ? Perperam itaque traducis me ad differendum de modo, vel loco sensationum ; Cum ipsa quidem sensatio, non verò vel modus sentiendi, vel locus, Brutorum Spiritualitati, vel proficiat, vel officiat, vel saltem hinc & inde suspicandi ansam præbeat . Nihilominus tamen, ut propositæ difficultati faciam satis : Præmitto unitatem visionis, ex unitate impressionis in Cerebro factæ, perperam desumi ; Si enim id foret, numquam geminatum appareret objectum, nisi fieret duplicata impressio in Cerebro, quod tamen falsum esse, experientia evincit ; Nam uno oculo leviter compresso, non multiplicatur in Cerebro imago objecti, & tamen geminatum objectum conspicitur ; Verum itaque est quod oculus non videt nisi per Animam ( quis neget ? Quis nisi superflue probare aggrediatur ? ) unde si ista vel non adsit, vel ad alia vehementi intentione distrahat, detentis, vel impeditis spiritibus vitalibus, visio ipsa tollitur, quia videlicet requisita non adsunt conprincipia visionis ; At verum itidem est, quod nec Anima visionem elicit, nisi per oculum, & in oculo .

Cui quidem doctrinæ non refragatur, sed favet apertè Aug. loco à te citato (p) ait enim . *Dolor qui dicitur corporis, magis ad Animam pertinet ;*

D

*Animæ*

(p) *S. Aug. lib. de Civit. Dei . 21.*

*Animæ enim est dolere, attende Philadelphæ, quum in eo loco dolet, ubi læditur corpus. Et paulò inferius sic prosequitur. Dolet itaque Anima cum corpore in ejus loco, ubi aliquid contingit ut doleat. Si itaque ibi dolet Anima ubi corpus læditur, ibi fit sensatio, ubi fit impressio: Alibi etiam mentem suam explicat, nam loquens de eo, qui videns remum in aquis, eum fractum esse opinatur, scribit (q). Quare oculus rectè, ad hoc enim factus est, ut tantum videat; sed animus perversè, quia ad contemplandum summam pulcritudinem, mens, non oculus factus est.*

In oculo itaque Visio fit, non tamen in ullo ex triplici humore, Aqueo nimirum, Crystallino, & Vitreo, qui in oculo reperiuntur, in quorum secundo visionem peragi docuit Galenus (r) humor, enim crystallinus cum cerebro continuus non est, & lucis quidem refringendis radiis inservit, non tamen exterioris objecti recipit imaginem, quæ percipitur ab Animâ quum videt. Neque fit in Choroidæ ut placuit Clar. Mariotti, Choroides siquidem non derivatur à substantiâ cerebri in oculum, sed ab illius pia matre; Atque insuper, esto opacitate suâ, radiorum impediatur trajectionem, haud tamen in ipsâ, objecti formatur imago. Neque demum (ut obsoleta aliorum placita mittam) ibi elicitur visio, ubi fit nervorum opticorum concursus, ut senserant olim Alhazan, & Vittellio, quibus postea Gravesandus, Bartholinus, & Villisius subscribere; Tum quia in eo nervorum opti-

(q) *Lib. de vera Relig. c. 33. (r) De usu partium lib. 8. c. 6.*

opacorum concursu, dato quod eorundem opacitas, radios non excluderet, & ibi proinde fierent objectorum omnium imagines; istae deberent esse inextensae, immò ex permixtione radiorum ab aliis objectis reflexorum, confusa ibi fieret imaginum expressio, & consequenter visio confusa. Tum etiam quia dato quod in omnibus Hominibus nervi optici uniantur, non sunt tamen unus idemque nervus, neque illorum Cavitates confunduntur; Quod tamen requiri videtur, ut posito quod visio fiat in illis, geminata non videantur objecta. Caeterum Aguilonio teste, inventus est Homo, qui etsi cum viveret, numquam conquestus fuerit se duplicata videre objecta, tamen in ejusdem jam mortui dissecto capite, inventi sunt nervi optici non concurrere.


Visio igitur, quam ab Animâ in oculo fieri contendo, fit in Reticulari membrana; Haec etenim sola, est quaedam nervi optici propago, solaque immediatè conjungitur callosae substantiae cerebri, unde lucidis ad ipsam appulsis radiis, ita potest immutari, sicut opus est ut Anima objectum in oculi fundo depictum intueatur. At inquis, si res ita se habet, quemadmodum una est in unoquoque oculo Retina, adedque duplex in utroque simul accepto, necesse est, ut sicuti in duplici oculo depingitur unius & ejusdem objecti duplex imago, ita & per duplicem unius objecti imaginem, geminatum objectum videatur.

Paucis tamen respondeo, quod si non sufficit è duplici distincto loco objectum aliquod cernere, ut duplicatum videatur; Neque sufficit, vide-

re illud duobus oculis , ut geminatum aspiciatur ; Ratio est , quia , ut objectum duplicatum videatur , necesse est quod videatur quali si nūl in duobus positum locis ; Cum verò hoc non exhibeant species , sive ut mavis , radii luminosi , ab objecto reflexi , & in utramque retinam transmissi , non est car objectum unum , appareat duplex . Hoc autem , si patienter audire me sultines , sic ostendo : Possunt duo objecta similia ita disponi , ut factā levi oculi unius detorsione , unicum esse videantur ; ergo & potest unum objectum per duplicem licet imaginem , unicum apparere . Antecedens cuilibet innotescere potest ab experientia ; Consequentia , & paritas , probantur . Ideo primum , quia per oculi unius detorsionem , unum objectum videtur in loco alterius ; ergo ideo secundum , quia similia utriusque imaginis puncta in uno & eodem loco apparent ; Si enim unitas loci , unificat quae sunt distincta , quantò magis eadem unitas , quae singularia sunt , non plurificabit ? Quod verò similia utriusque imaginis puncta in uno , eodemve loco concurrant , ac videamur , declarabo , figuram hic in pulvere describendo .



En tibi objectum unum



Idem scilicet Flos, qua ratione cum sua unitate appareat ! Imagines A C B. F G H. objecti D N M in *retina* utriusque oculi O. P. depictae, duplicatum non repraesentant nobis objectum ; Quia videlicet, similia earundem puncta, A. quidem sinistri oculi, F. verò dextri, in uno & eodem loco M. videntur, & similiter puncta C. G. conspiciuntur in N puncta autem B. H. uniantur, & videntur in D. Hoc itaque modo, & ab objecto ad oculum transmissis radiis, ac in oculo receptis, qui sicuti ab eodem objecti puncto ad duplicem oculum derivantur, sic & à duplici oculo secundum eandem directionem conspiciendum exhibent objectum, palam est quod non habet mens nostra, unde punctum A. à puncto F., punctum C. à puncto G., & punctum B. à puncto H. discernere,

queat,

queat, aut distinguere, debeatque proinde totum objectum in uno, & eodem loco per duplicem licet oculum videns, tanquam unicum concipere; Sicuti tanquam unicum conspicitur ab utroque simul oculo. Porro, ponamus quod cum Flore hoc esset alius compenetratus, videreturne duplex? non certè; Nec alià de causâ, nisi quia uterque & esset, & videretur in uno eodemque loco; Cum ergo unum idemque objectum, duplici licet simul oculo inspectum, secundum omnes partes suas in eodem puncto, ab utroque oculo attingatur, attingitur ut in unico existens loco, nullumque fundamentum aut motivum præbet Animæ per duplicem oculum videnti, ut duplicatum videat, vel sentiat objectum; Immo quemadmodum licet imago objecti sit in oculo, visio tamen repræsentat objectum esse extrâ oculum (neque enim judicamus objectum esse in oculis nostris) ita licet imago objecti sit in duplici oculo, non debet propterea repræsentare objectum ut duplex, etiam si visio in utroque simul oculo fiat.

Ex quo constat etiam, debitâ tamen cum proportionem, quare una & eadem vox, duabus licet auribus excepta, minimè duplicata audiatur: Hincque tota evanescit difficultas, quam sicuti non satis ex D. Aug. promovebas, ut dictum est, ita neque tutatis vel Ciceronis auctoritate, vel Lucretii carminibus. Non quidem ex Cic., ait enim (f) loquens de quinque corporis sensibus, quos animi fenestras vocat. *Quibus tamen sentire nihil queat mens, nisi id agat, & adsit.* Si itaque mens in sensibus

(f) Cic. Tus. quest. lib. 1. c. 20.

bus non sentit , nisi adsit in illis ( videtur enim ab illis sejuncta , cum Animal Syncope vel Apoplexiâ correptum , integris etiam oculis & auribus , nec videt , nec audit ) Cum adsit ipsa in sensibus & sani , & vigilis Animalis , aut Hominis vehementi cogitatione non absorpti , sentiet mens sive Anima quaecumque ea sit in sensibus ipsis ; Unde quilibet cordatus vir de se fatetur , & summâ cum veritate pronunciat . Oculis video , auribus , audio , odores naribus , saporibus gustu percipio : Nec quidquam melius conficis ex Lucretio ajente ( 1 )

... Neque seorsum lingua , nec aures  
Absque Animâ per se possunt sentire , nec esse

Aliud enim est , in organis ipsis sensationes non fieri ab Animâ ; aliud longè diversum . Ab organis corporalibus fieri sensationes sine Animâ ; de primo mecum contendis , & adducis quod probat secundum ? Dicit Lucretius quod nec lingua , nec auris sentit sine Animâ , & quidem verissimè dicit , nec de hoc nisi stultus ambiget : Tu verò ut ostendas quod Anima non sentit in ipsis organis , ubi fiunt impressiones , allegas , quod organa non sentiunt nisi Anima sive in ipsis , aut quod sentire non possunt sine Animâ ? Fateor , nec rationem consequentiae , nec vim illius concipio ; Quin potiùs , ex iisdem à te citatis Lucretii versiculis , habeo unde confodiam sententiam tuam , meamque servem indemnem ; Si enim Lucretio teste , nec lingua nec auris , sine Animâ sentire potest , ergo sentire potest cum Animâ ; Nam effe-

( 1 ) Lucr. de rer. nat. lib. 3. ( 2 )

effectus eâ positâ causâ sequi potest, qua praeclisè sublatâ prodire ampliùs nequit; sed Augustinum iterum audire ne pigeat (u) *Verissimè quippe ac veracissimè scriptum est. Caro concupiscit adversus spiritum, & spiritus adversus carnem; sed tamen carnem sine Animâ concupiscere nihil posse puto, quod omnis doctus & indoctus non dubitet; ac per hoc ipsius concupiscentiâ carnalis causa, non est in Animâ solâ, sed multò minus est in carne solâ; Ex utroque enim fit, ex Animâ scilicet, quia sine illa delectatio nulla sentitur; ex carne autem, quia sine illa carnalis delectatio non sentitur; Carnem itaque concupiscentem adversus spiritum dicit Apostolus carnalem procul dubio delectationem, quam cum carne, & de carne spiritus habet, adversus delectationem, quam solus habet atque ibidem paulò inferius, ita adhuc prosequitur. Caro concupiscit, quemadmodum dictum est, Auris audit, & Oculus videt, quis enim nescit, quod Animâ potius & per aurem audiat, & per oculum videat? Copulat igitur, & planè constat, quod cû corporis organa nisi Animata non sentiant, Anima tamen in ipsis organis sentiat: Cumque (si de Tactu sermo sit) per totum corpus diffundatur, in toto Animato corpore ibi fieri sensationes, ubi ab exterioribus objectis factae sunt, aut fiunt, vel gratiae, vel molestiae impressiones.*

Unum addo Philadelphæ, & postea libenter audiam te: Cum negas, Animam ibi sentire ubi impressiones fiunt, vel idèò negas, quia ibi Anima non sit sensitiva, vel quia ibi Anima non est? Utrumque falsum est; ergo falsò negas ibi fieri sensationes.

---

(u) Lib. 10. de Gen. ad lit.

sationes, ubi fiunt impressiones. Probatur minor quod ad primam partem. Anima (de humanâ pro modo loquor) idem quidem sentit, quia est in corpore, sed non idem est sensitiva quia est in illo; Hoc ipso enim quod Anima est, Sensitiva pariter est, dans corpori sicut vitam; ita & sensitivitatem, seu constituens animal in esse animalis, & sensitivi. Si itaque per se ipsam est potens sentire, in quacumque corporis parte ipsa sit, factâ in eâ parte ab externis objectis sufficienti impressione, necesse est ut sentiat; Necesse est ut videat per oculum (nisi occludere libeat) objecta extrinsecus posita, & sufficienter ipsi oculo applicata; necesse est ut audiat vocem extrinsecus sonantem, necesse est ut sentiat puncturam e. g. vepris in pede, calorem ignis in manu; ea siquidem Anima sensitiva toti inexistens corpori, diversis in organis conformato, & sensu tactus undequaque praedito; Sicut à variis diversorum sensuum objectis, diversimodè pati potest, ita eadem & sentire potest, & debet vel invita; Unde celebre illud effatum produit: *Non nocet sensus, ubi non est consensus.*

*Phil.* Stat contrâ rationem hanc. (parce Christophile) experientia, nam teste Cartesio, Puella quaedam, cui brachium fuerat amputatum, audiret se conqueri, quod modò in his, modò in illis digitis dolorem pateretur, cum tamen digitos unâ cum brachio amisset; hoc autem quomodo evenire potuisset, si dolor in solâ mente non sentiretur? Non aliter cerè potest id explicari, quàm cum Clar. Le-Grand dicendo quod. *Nervi à cerebro descendentes, eodem modo in musculo afficebantur,*

**E**

quo

quo affici debuissent, si manus dolore torqueretur :  
*Crit.* Equidem miror quod singulari experientiae confusus, à communi omnium hominum refugias experientiâ, qua cuique certissimè constat, se se dolorem capitis, à pedis vel manus dolore, evidenter discernere; Sed vide insuper quantum clones te à saniori doctrinâ; ait D. Greg. (x) *Quinque enim sunt corporis sensus, visus, auditus, gustus, odoratus & tactus.* Quam D. Greg. Doctrinam Ecclesia recipit, & in orâ Fidelium ponit; Cum itaque sicut Organa ab organizatione, ita Sensus à sensatione nuncupentur, si Gregoriò docente, & Ecclesiâ approbante. *Quinque sunt corporis sensus, vel è corpus, (animatum tamen) in quinque organis sentit; Nec enim Corporis organa, possent cum proprietate nomen Sensuum recipere, si sensatione carerent. Possem in rem hanc, & luculenta D. Aug. testimonia producere, inquit enim (y) postquam Discipulus quinque corporis sensus enumeraverat. Partitio ista virtuosissima est, & ferè in concionibus celebrata & ibid. c. 29. Subdit. Non enim sentimus ratione, sed aut visu, aut auditu, aut olfactu, aut gustu, aut tactu, sed ne prolixior sim, ista omittò; Vellem tamen obiter observares, quod quilibet homo ibi dolorem e.g. sentire sibi videtur, ubi facta est impressio, quin hoc ipsum vel à Parentibus, vel à Magistris hauserit, sed naturâ ipsâ docente; Vel itaque natura, docens ibi sensationes verè fieri, ubi fiunt impressiones, verum docet, vel falsum? Si verum docet? Ergo doctrina tua de falsitate convincitur. Si falsum? Ergo natura*

(x) Homil. 9. in Evang. (y) Lib. de quantis. an. c. 23.

tura ipsa per se ipsam fallax est, & condita fallax ab ipso Deo; Quod quidem, cum impium & iniquum dictu sit, fateri compelleris, naturâ nos minime fallente, sed verum docente, ibi sensationes fieri, ubi, quaecumque eae sint, impressiones fiunt: Quod si puella illa de digitorum dolore querebatur, hoc per accidens decepta faciebat; Cum enim illi sopitae, & non sentienti, brachium amputatum fuisset, postea expergefacta, nec sciens se brachio carere, dolorem sentiens in eâ extremitate à qua brachium resectum fuerat, putabat ibi se sentire dolorem, ubi brachium cum manu desinit, scilicet in digitis, eò quia antea dolorem sentiebat in illis: Cacterum animadvertite quod contra communem hominum sententiam, singularem, ac penè dormientem adhibes testem.

Quamvis autem hæc, intentum tuum à veritate alienum probent; Ut tamen quod secundo loco fuerat propositum, à vero quàm maximè aberrare ostendatur, ne pigeat paulisper adhuc me sustinere: Si Anima ibi non est, ubi sit impressio, in qua ergo residet corporis parte? In Cerebro, inquis (z); At pto, cur in solo cerebro, & non in totò humano corpore? Reponis; Quia entitas Spiritualis, siue Res cogitans, qualis est Anima, extensa esse non potest; sicut enim in Ideâ corporis apparet extensio, ita in ideâ spiritus, qui corpori ex diametro opponitur, inextensio apparet ac indivisibilitas; Non posset autem Anima esse simul in toto corpore quin esset eidem coextensa: Gredis ne Phil. Deum, qui summus spiritus est, immensum

E 2 esse.

(2) *An. Brut. vindic. Dial. 2.* *an. Brut. vindic. Dial. 2.*

esse, esse ubique, ut Catholica docet fides, per Essentiam, Praesentiam, & Potentiam? Certè credis; Sed ex hoc agnoscis etiam, quod vel ratio tua Divinam immensitatem de medio tollit, vel Divina ipsa immensitas rationem tuam futilem ostendit, & omninò evertit: Noverat planè D. Aug. extensionem corpori convenire, nihilominus tamen, Animam Spiritualem toti inexistere corpori indubitanter asseruit (a) *Creatura quoque Spiritualis, sicut est Anima; est quidem in corporis comparatione simplicior, sine comparatione autem corporis, multiplex est etiam ipsa, non simplex; nam idè simplicior est corpore, quia non mole diffunditur per spatium loci, sed in unoquoque corpore, & in toto tota est, & in qualibet ejus parte tota est, patet igitur, Animam quidem non extendi, vel diffundi extensione vel diffusionem molis, & quantitativà, sed tamen adhuc in toto corpore totam esse.*

Dato tamen, & non concesso, non posse Animam toti inesse corpori, quin extendatur quantitativè, non salvabis fieri Sensationes omnes in Cerebro; Nam ob eandem rationem, Anima cerebro inesse non poterit: Porro Anima existens in Cerebro, vel coextenditur ipsi? Vel non? Non potest dici: quod ei coextendatur; Nam extensio est conveniens soli corpori, repugnans autem spiritui; Neque potest dici, quod illi non coextendatur; Sicut enim non posset ipsa toti inexistere corpori, quin coextenderetur eidem, ita nec poterit toti inexistere Cerebro, quin toti de facto coextendatur; atqui non potest Anima inesse Cerebro, quid vel

---

(a) Lib. 6. de Trinit. c. 8. §. 1. et 2. (r)



vel sit illi coextensa , vel non coextensa ; Ergo si nequit Anima ex unâ parte esse in Cerebro , & non esse illi coextensa ; Ex aliâ autem , Animae repugnat extendi , repugnat pariter Animam esse in Cerebro , nec proinde poterunt ab Animâ fieri sensationes in Cerebro : Sed age , nullum sit attentis praecedentibus inconueniens , quod Anima soli Cerebro inexistat ; Novo adhuc , nec sanè infirmo , Opinio tua haec momento , refellitur , & aleganda probatur . . Definit Ecclesia , in Concilio Viennensi Oecumenico XV. sub Clemente V. Animam rationalem esse veram humani corporis formam , his verbis . *Porro doctrinam omnem , seu positionem temerè asserentem , quod substantia Animae rationalis , aut intellectivae , verè & per se humani Corporis non sit forma , velut erroneam , ac veritatè Catholicæ Fidei inimicam , sacro approbante Concilio , reprobamus , definientes , ut si quisquam deinceps asserere , defendere , seu tenere pertinaciter praesumpserit , quod Anima rationalis , seu intellectiva , non sit forma corporis humani per se , & essentialiter , tanquam haereticus sit censendus : Atqui si Anima soli insit Cerebro , non verificatur cum proprietate sermonis , eam esse verè & propriè formam Corporis humani ; Ergo Anima non inest Cerebro soli . Probatur minor . Nomine Corporis humani , in proprio loquendi modo , non intelligitur unica pars illius , sed plures saltem , eaeque praecipuae veniunt Corporis partes ; Solum enim Cerebrum , solum Caput , solum Cor , propriè dici nequit humanum Corpus , sed ad summum figuratè ; Cum itaque Concilium non figuratè loquatur , sed verba in pro-*

proprio rigore, & sensu obvio accipiat, cum ait, Animam rationalem esse verè Formam Corporis humani; Si solum Cerebrum non est propriè Corpus humanum; Si nomine Corporis humani, unica ejus pars, cum proprietate intelligi nequit, manifestè consequitur quod Anima soli inexistens Cerebro, quod non est propriè Corpus humanum, non sit verè & propriè Forma Corporis humani, contrà expressam, & non detorquibilem Concilii Definitionem:

*Phil. Verè (b)*

*Ut cui compressa stringitur unda manu*

Quò magis te premere putaveram; minus me strinxisse animadverto; Attamen levioris ista negotii sunt; Demus quod Anima non informet solum Cerebrum; Demus quod verè ibi Anima sentiât, ubi sit impressio; Demus quod oppositam refellens doctrinam benè cucurreris, grandis adhuc & difficilior tibi restat via; Quomodo enim sensationes ipsas, imò & Perceptiones & Cognitiones salvere in Brutis poteris, quin immaterialem Animam agnoscas in illis? Hic cadas, hic procumbas necesse est.

*(c) ... Qual destrier passa le dubie strade,  
E presso al dolce albergo, incespa e cade*

Quod enim patrocinium sperare poteris: *(d)* à forma

*(b)* Greg. Nazian. Carm. de Silen. *(c)* Torqu. Tass. Cant. II: *(d)* Dial. 2. An. Brut. vindic.

mâ tuâ substantiali, quam *incredibilissimum esse ens* palmaribus argumentis demonstravit inter caeteros Pater tuus Saguenus ? Praeterea, quinam unquam materialis Substantia (cujusmodi certè est decantata adeo in Scholis Peripateticis, substantialis Forma) ex variis impressionibus corporis, dolorem aut gaudium poterit percipere ? Si id volueris, fateri compelleris contra S. Augustinum Corporis dolorem, ab ipso Corpore (quod sanè à corporali sive materiali substantiâ diversum non est) utique esse posse. Illud etiam non negligas, Cartesianum quoque Philosophum . . . . .

*Crit.* Umbram Asini ne timeas Philadelphæ : Admissâ semel materiali Brutorum Animâ in sensu Peripatetico ; quid tandem periclitatur ? Nisi quod eâ explicatâ (quam longè tamen à veritate ut tu illam explicas) posset censerî vera Cartesii Sententia, de merâ Brutorum mechanicâ constructione ; At semel adstructâ in Brutis Animâ Spirituali, eâque corruptibili, & mortali, quis non videat periclitari quàm maximè Catholicam fidem de Animæ humanæ immortalitate ? Cum itaque maximum quidem sit Fidei periculum assertâ Spiritualitate Animæ Brutorum ; ad summum autem suspicionem veritatis asserre queat Cartesiana de Automatis Sententia, admissâ semel in Brutis Animâ materiali, quid times ? Si Cartesio assentimur, periclitatur Philosophica Opinio ; Si tibi quoad hoc punctum, nunc Dogma Catholice Fidei ; tu autem de Cartesii quidem invehendâ Sententiâ vereris, nihil verò de periculo ablegandi Catholicum Dogma ? Vide, quaeso, sanioris id non esse Philosophiæ .

*Arist.*

*Arist.* O pacifici hostes, salvete; huc adsum & ego, è somno, longiori quàm expetebam, tandem excitatus. Continua nundum deambulatione fatigati estis? Qui sunt hi sermones, quos confertis ad invicem? Quid est Philadelphæ, quod solitam vultus tui hilaritatem non præsters?

*Phil.* De sensationum subiecto, huc usque egimus; At ni fortè proliza disceptationis applicatio aspectum oris in me immutaverit, nulla mihi adest tristitiæ causa; Et si qua foret, illa te viso evanesceret. Hercle, quàm bona tibi pomeridiana est quies! Vidèris in Senio, vigore reflorescere juventutis.

*Crit.* Utique Aristippe humanissime, tantus fuit nobis labor, quanta tibi quies, & pro certo habeo, tantum Philadelpho laborem meum, quantum video tuam tibi quietem profuisse, ipsi etenim asserenti Sensationes in solo Cerebro fieri, id falsum esse tum ratione, cum auctoritate puto satis clarè ostendisse.

*Arist.* Et ego tibi quoad hoc consentio Critophile; Etsi enim deridenda esset opinio, quæ organis inanimatis Sensationes ascriberet, semper tamen ea sanior Doctrina, mihi visa est, quæ (ipsa nostrum, quotquot sumus, experientiâ teste) asserit Animam videre in oculo, & per oculum, audire in aure, & per aurem, non autem in solo ipsam Cerebro, & residere, & sentire; Et ex hoc ipso in hac magis confirmor, quod non abnuente Philadelpho, te illi hanc ipsam, & ratione, & auctoritate veram ostendisse asserueris: Cæterum quoniam inclinata est jam dies, ab ulteriori pro-

nunc

nunc colluctatione quiescite , precor ; Tu potius Critophile furarum disceptationum ordinem feriemque statue , breviter tamen , ut sciamus quid singulis vicibus , quibus ad me adventare placebit , discutiendum sit .

*Crit.* Brevissimè , petitis facio satis . Eum ordinem statuo , qui inter disceptandum opportunior occurreret .

*Phil.* Et Aristippo , & mihi id utique placet ; Unum displicet non posse me diutiùs vestrà frui societate , conducta enim hora est , ut inveniar domi ; Bene ambo valete , cras revisam vos .

*Crit.* Audio sonitum quadrigae domum tuam ingredientis , solita est tuorum visitatio consanguineorum , qui se , & te recreaturi advenere , si permittis , recedam & ego ; Utinam quem hilarem relinquo vespere , vegetiorem inveniam manè .

*Arist.* Facite quod vobis lubet Domini mei ; Precor vos tamen , ut ad me jejuni veniatis , implere enim gestio , quod promisi ; Valete .

34  
SENSATIO, ET COGNITIO  
BRUTORUM,

Non evincit in ipsis verum *Spirituale*  
Principium

DIALOGUS SECUNDUS.

*Aristippus, Philadelphus, Critophilus.*

*Arist.*



Illicilem hodiernâ luce Provinciam suscipis Critophile, quae multum laboris quidem, nihil tamen fructus affert tibi, praesertim cum in Philadelpho, hostem habeas Modernos inter acutissimum, & ad omnia paratissimum.

*Crit.* Jam pridem illum noveram; Sed ut cum Cicerone loquar. *Nec tam valdè timendum, nec planè contemnendum puto.*

*Phil.* Valdè manè surrexisti Aristippe, Aristippum adiisti Critophile; gaudeo ambos optimè valentes reperire; Tardior quidem adveni tempore, sed promptior certamini.

*Arist.* Acceptus est nobis semper adventus tuus Philadelphie. Afferte Cocolatam; Et ne tempus inutiliter teramus, de ~~mea~~ discutiendâ controversiâ loquamur: Critophile mi degusta sapidè Cocolatam, sed patere ut sensa tibi mea aperiam, nec enim cuiquam mihi adulari mos est: Bruta  
cogno-

„ cognoscere (a), & subobscuro quodam modo  
„ circa res bene multas differere, animo ita ad-  
„ haeret meo, ut illos tantum id inficiari posse  
„ judicaverim, qui oculos habent, & non vident:  
Si autem hoc concedis, quomodo dissolves, ea  
quae Philadelphus attulit in rem hanc, quibus ego  
ipse, ex umbrâ in solem prodire, mihi visus sum?  
Monere vellem te cum illo D. Bernardi (b). Ne  
videlicet solidam Philadelphi doctrinam refellere  
suscipiens. *Laqueum nectas, quo tenearis*. Sed

(c) *Per or non conviene  
Toccar queste corde;  
E ver, che non mordo  
Chi parla per bene.*

*Phil.* Optimum est Aristippi monitum Cri-  
tophile. An nescis Deum O. M. duo tantum su-  
prema Substantiarum genera condidisse, quum in  
principio creavit Coelum & Terram, Substantiam  
scilicet Spiritalem, & Corporalem? (d) Jam verò  
proprius & formalis conceptus Substantiae, tam uni,  
quàm alteri communis esse debet, ac ea propter  
tam spiritualis, quàm materialis substantia erit *Ens  
per se subsistens*, seu ut aliis magis arridet. *Ens in  
se existens*. Quid igitur illud erit, quod unam ab  
alterâ substantiam secernet? Erunt sane peculiares  
illae affectiones, erunt proprietates illae, quae ita  
uni conveniunt, ut alteri minimè competant: Af-

F 2

fectio-

(a) *Dial. 3. An. Brut. vindic.* (b) *D. Bern. ep. 126.*

(c) *Secr. Mag. To. 1. Com.* (d) *Dial. 3. An. Brut.  
vindic.*

sectiones porro, siue proprietates istiusmodi unde comparabimus? Nisi ex seriâ accuratâque illorum effectuum consideratione, quos provenire videmus ab iis Substantiis, quas vel Spiritales, vel materiales cognovimus? *Operatio*, dicebat S. Thomas (e), *cujuslibet rei, est secundum modum Substantie ejus*; rerum siquidem quas non cernimus natura, aliunde quam ex operationibus colligi nequit. Hac de re ita argumentabatur etiam Tullius (f) sicuti ex operibus Deum cognoscimus, quem non videmus, sic ex operibus cognoscere debemus Animum nostrum, quamvis istum non videamus.

*Crit.* Ne quaeso incassum labores, in probando quod nemo negat, Essentiam, nempe ac differentiam Substantiarum, à nobis colligi ex dissimili, eoque constanti operandi modo; Unum opus est ut advertas; Quod licet duplex tantùm sit generalissimum Substantiarum cùm Spiritualium; tùm materialium genus, utrumque tamen in alia vel genera, vel quasi genera distinguitur, & quidem innegabiliter ex parte Substantiae Spiritualis; Dividitur enim in Substantiam completam quae omnes Angelos, aut Angelorum species sub se continet; Atque etiam in Substantiam aliquam incompletam, quae omnes rationales hominum complectitur Animas, siue eae aequalis sint perfectionis entitativae, siue inaequalis, quod pro modò non disputo; Satis autem probabiliter (ne quid amplius dicam ex hac ipsâ quam versamus controversiâ) Substantia pariter materialis, in Substantiam partitur, quae sit materia, & in Substantiam

---

(e) 1. p. q. 50. art. 2. (f) *Quaest. Tus. lib. 1.*



tiam materialelem, quae tamen materia non sit, sicut celeberrimi sultinent Peripatetici, quorum ego partes obiter perago, & quamvis mei non foret instituti, ago vindicias: Quam quidem & Spiritualium à se invicem, & à se invicem materialium Substantiarum differentiam, ac partitionem ex diversis earundem proprietatibus, nemo non concludet.

*Phil.* Non ista diceret, quò ad materialis saltem Substantiae divisionem, si me dicentem paululum adhuc sultinuisses; Audi itaque & vide, quanti ea sint quae attulisti. Quum itaque (g) maturo diligentique mei ipsius examine, quem Substantiam Spiritalem simul, & materialelem esse intelligo, clarè distinctèque cognoverim Substantiam illam, quae in me est Spiritalis, cogitandi, percipiendi, & cognoscendi facultate donatam esse, qua illa destituitur, quam in me Corporalem sentio; Et è contrario, Substantiam illam, quae in me est Corporalis, extensam esse cognoverim, divisibilem, solidam &c., non ita alteram, quam in me sentio Spiritalem; Meritò propterea concludendum esse existimo, materiales Substantias à Spiritualibus essentiali specie distingui; quod istae cogitare, percipere possunt, & cognoscere, non illae; Illae verò occupare locum possunt, in partes discindi &c., non istae. Quamobrem quum optimè viderim utrumque Substantiae genus perturbari necessariò, & confundi, semel ac astruamus, illas etiam quae adaequatè materiales sunt, cogitare posse, percipere, & cognoscere, animo

id

---

(g) *An. Brut. vindic. Dial. 3.*

idcirco suadere meo nunquam potui, Brutorum Animam, materialem esse substantiam, eandemque nihilominus percipiendi, cogitandi, & cognoscendi facultate gaudere.

*Crit.* Littus, crede mihi, littus aras Philadelphæ; Vera non est ea Spiritus à Corpore discretio, quæ nonnunquam unum confundit cum alio; Indivisibilitas, non soli convenit spiritui; Non soli Corpori extensio genericè saltem accepta; Punctum indivisibile est, nec tamen est Spiritus; Spiritus extendibilis est, nec tamen est Corpus; De puncto nulla est difficultas, neque enim punctum esset, si foret divisibile in partes; De Spiritu iudem res certa est. De Angelico quidem, qui pro libito (ut præcipui Ecclesiæ Doctores affirmant) potest se, intra tamen suæ sphaeræ activitatis, nunc ad majorem, nunc ad minorem extendere locum, absque omni quantitati-vâ ac divisibili extensione; atque de Animâ rationali humanâ, ut præcedenter dictum est, quæ utpote totum Corpus, quò ad præcipuas saltem partes informans, toti illi coextenditur, quin inde evadat Corpus; Si itaque extensio aliqua non repugnat substantiæ Spirituali, quæ verus est Spiritus, quantum minus, aut saltem aequè non repugnabit cognitio aliqua substantiæ materiali & Corporali, quæ non est materia, vel Corpus? Quæmadmodum ergo non quævis extensio, quæcumque ea sit, est proprietas Corporis, nec statim legitima est consecutio, *Hoc est ens extensum; ergo est Corpus*, quia videlicet potest aliqua reperiri extensio, in eo etiam, quod non est Corpus; Ita neque

que quaevis perceptio objecti, quaecumque ea sit, est proprietas Spiritus, nec illicd vera est illatio. Hoc ens est percipiens, sive cognoscens; Ergo est Spiritus; Vides jam, quod cum Extersio, ut sic, non verè secernat Corpus à Spiritu, nec istum ab illo, neque cognitio, ut sic, Substantiam Spiritualem à Substantiâ materiali distinguit.

Jam verò; in quo distinguetur Substantia Spiritualis ab omni & quacumque Substantiâ materiali? In eo utique praedicato, quod ita Substantiae Spiritualis conveniat, ut Substantiae materiali cuiusque neque competat, neque competere possit; Hoc autem quodnam aliud est, nisi naturalis independentia Spiritualis substantiae ab omni materiali substantiâ, tum in essendo, tum in operando, atque in intelligendo? Porro si Spiritus, ex ipsâ Spiritus notione, habet naturalem ab omni materiali Substantiâ independentiam in suo esse, & operari (sicut in clarâ & distinctâ Ideâ Spiritus, unicuique apparet) jam intelligitur Substantia Spiritualis extrâ, & suprà ordinem Substantiae cujuslibet materialis; Cumque nihil sub eâ ratione cum alio confundatur, sub qua est extrâ, & suprà ordinem illius; Ex hoc ipso quod dicit naturalem independentiam à Substantiâ materiali, clarissimè, ac verissimè intelligitur distingui ab illâ.

*Phil.* Non independentia substantiae Spirituales à materiâ, elucet in clarâ & distinctâ ideâ Spiritus; sed potius hoc: Nimirum quod sit *Res cogitans*. Quod quidem cum nullatenus appareat in Ideâ clarâ & distinctâ substantiae corporae & materialis, optimè distinguit Spiritum ab omni non ipso,

ipso, proinde inconcussus fiat quod aiebam, imperceptibile prorsus esse, quod Brutorum Anima sit cognoscitiva, Cogitandi nempe & Cognoscendi facultate praedita, & nihilominus sit Substantia materialis.

*Arist.* Egregie loqueris Philadelphæ; Quis enim (b) me contra sanioris Philosophiae Canones dissilere non pronunciaret, si proferrem Substantiam adaequatè Spiritualem re ipsâ extendi posse, in partes distrahi, & in varias figuras disponi? Non absumilli equidem ratione ineptè philosopharer, si dicerem Substantiam adaequatè materialem Percipere posse, Cogitare re ipsâ, & Cognoscere.

*Crit.* Si patienter me audire non dedignamini, utrique faciam satis. Et primò quidem definis Spiritum seu creatam Substantiam Spiritualem, per actualem cogitationem? *Res cogitans?* Definitio, quæ Spiritus in se inspecti exprimit essentiam, asserri debet per id, quod licet per intellectum, seu ex nostro concipiendi modo, non tamen ab ipsâ re definitâ realiter distinguatur: Qualis autem est Creatura, quæ sibi sit suus actus per realem identitatem? Annon Substantia quævis creata, quantumvis Spirituality, potentialis tamen est, transire potens de unâ cognitione in aliam, de nominatione ad volitionem, de amore ad odium? Cum ergo Substantia Spirituality creata, transire queat de actu ad actum, & nihil transire valeat de se ipso ad se ipsum, consequitur planè, quod Substantia Spirituality non sit suus actus, quodve proinde per facultatem quidem intelligendi, non autem per actua-

---

(g) *An. Brut. vindic. Dial. 3.*

actualem intellectiōnem veniat definienda; Quis verò nesciat facultatem intellectivam ( utpote in immaterialitate fundatam ) in positivā independentiā , tūm in essendo , tūm in operando à substantiā qualibet materiali , consequenter fundari ?

Sed propiùs accedamus ad difficultatem ab Aristippo propositam , in quā , & tu Philadelphæ totus confidis . Dicitis ergo : Substantia Spiritualis non potest dividi in partes , vel in varias disponi figuras ; ergo neque potest Substantia materialis habere vim cogitandi , seu cognoscendi : Contrā hunc arguendi modum , qui apud vos pro demonstrativo habetur , non unum habeo , quod respondeam : In primis etenim , materiale utique opponitur Spirituali , divisibile indivisibili , inextensum extenso ; Attamen vis cogitandi seu cognoscendi , formaliter & immediatè non opponitur divisibilitati , sicuti formaliter & immediatè ab indivisibilitate non procedit ; Unde non videtur ritè deduci ex negatione divisibilitatis , quam habet Substantia Spiritualis , negatio cognoscitivitatis in Substantiā materiali , si utraque Substantia accipitur , prout præcisè contrariatur una alteri , sub ratione divisibilis , & indivisibilis ; Quare paritas rectiùs potest institui , hoc modo . Spiritus est indivisibilis ; Ergo Corpus est divisibile ; Spiritus omnis est intellectivus ; Ergo nullum Corpus est intellectivum ; Quod quidem verissimum est , sed non ad intentum , nec enim Forma materialis , quam Peripatetici adstruunt , Corpus est , vel materia ; Sed de hoc , si permittitis , dicam postea .

Oportet secundo loco advertatis , quod perperam

G

peram confunditis Cogitationem cum quavis Cognitione, dum Substantiam quamlibet quomodolibet cognoscentem, cogitantem appellatis; Etto enim, si lato modo accipiatur *cogitare*, idem sit ac quomodolibet cognoscere, & juxta acceptionem hanc, Brutis quoque competere concedatur; Proprie tamen accipitur *cognatio*, non pro quacunque perceptione objecti, sed pro actu quo Intellectus indagat media, quae valeant fini consequendo detervire, seu quo eò usque veritatem quaerere pergit, quoadusque assequatur; Sed denique est actus, quo mens in se metipsa agit, independenter etiam ab actuali ullius objecti exterioris positi impressione, ut eum vel futura perpendimus, vel praeterita recolimus, & dicimur cogitabundi quo sensu aiebat Ezechias. (k) *Recogitabo tibi omnes annos meos in amaritudine Animae meae*; Atque hoc modo accepta Cogitatio, Brutis cerè non convenit; Quis enim ita delipiat, ut dicat Bestias quoque, animo secum suo revolvere quae sunt futura, an secum ipsis ea perpendere, quae sunt praeterita? Quare merito D. Thomas in Brutis *aestimativam* ponit pro nobiliori eorundem potentia; In hominibus autem, loco aestimativae ponit *Cogitativam*, quae est Facultas in confinio partis Sensitivae, & Spiritualis consistens; Et Cogitationem admittere recusat in Deo. (l) Inquiens. *Cogitatio enim proprie in Inquisitione veritatis consistit, quae in Deo locum non habet*; Quia videlicet illud inquiritur, quod nondum possidetur, Deus autem est ipsa increata aeterna Veritas, ipsique omnia ab aeterno nuda sunt, & aperta.

(k) *Isaiae 18.(1) In summâ i.p. Quaest. 34. art. 1. ad 2.*

aperta . Ex quibus animadvertere licet , quàm altioris sit ordinis Substantia *cogitans* à Substantiâ ut merè & præcisè *cognoscitivâ* , & quàm à veritate aberret , unam pro alterâ promiscuè usurpare .

Sed vos duobus , iisque propinquis propugnaculis consili , uno nempe : *Substantia materialis nequit esse cognoscitiva* ; Altero autem : *Cognitio nequit esse materialis* . Hilares me dicentem excipitis , de iacturâ impavidi , de victoriâ securi ; Vigilate jam in excubiis , utrumque enim successivè aggredior ; Eū ut primum eventam , à vobis peto . Materia potest ne prædita esse vi cognoscitivâ ? Minimè gentium , reponitis . ambo ; Progredior , Bruta cognoscunt ne ? Utiq̃ue , respondetis . *Cognovit enim hos possessorem suum* . Bene est , sed adhuc prosequor . Haec Anima cognoscitiva , quae est in Brutis , est ne potens subsistere sine Corpore ? Est ne potens cognoscere sine Corpore ? Haud equidem , uno ore clamatis ; Attendite jam & videte quàm facile propugnaculum primum evértatur . Bruta habent Animam cognoscitivam ; Anima cognoscitiva non est materia , hæc duo conceditis ; Ergo Bruta habent Animam , quae non est materia : Procedo . Haec Anima , quae non est materia , & est cognoscitiva , est nihilominus per se & necessariò dependens à materiâ , cum in essendo , tum in operando ; Ergo haec Anima non est Spiritus ; Impliat enim ( & probare superfluum est ) quod Substantia Ordinis Superioris , qualis est Spiritus , per se , & necessariò dependeat à Substantiâ Ordinis inferioris , qualis est materia , tum in esse , tum in operari ; Aliunde

haec Anima non est materia, ut dictum est; Ergo haec Anima, cognoscitiva licet, nec est materia, nec est Spiritus; Quid ergo erit Anima haec, nisi Substantia cognoscitiva materialis, nec ideo materialis, quia materiam constitutivè importet, sed quia talis entitas est, quae in suo & esse, & operari, essentialem dicit à materiâ dependentiam?

(m) *Di più direi, ma il ver, di Falso a faccia*

*Arist.* O Philadelphæ, quàm benè existentiam formae materialis in sensu Peripatetico, intulit Critophilus! Doctrinae tuae contrà hanc formam lux, quae mihi & magna, & stabilis videbatur, tam citò dissipata languescit!

(n) *Qual suol fendendo il liquido sereno  
Stella cader, della gran Madre in seno.*

*Phil.* Fatuo potius splendore nitet (non ut convicietur, dico; sed ut tuae Aristippe metaphoræ inhæream) Opinio Peripateticorum, dum eam admittunt formam, cujus entitatem explicare nesciunt, cujus ideam efformare non valent.

*Crit.* Aiebat Renatus Descartes, cui ni fallor, plurimum addictus es Philadelphæ, aiebat inquam (o) ut revinceret Adversarium opponentem, quod juxtà Cartesii doctrinam, non posset esse vera, idea Substantiae: Cum negas Substantiae esse veram ideam, id facis quia nempe Substantia non imagi-

(m) *Taf. Can. 9.* (n) *Taf. Can. 4* (o) *Medit. 3. n. 4. in resp. ad. 5.*



*imaginatione*, sed solo intellectu percipitur ; At nihil mihi negotii est cum illis, qui solâ suâ imaginatione, non autem intellectu uti volunt. Iisdem uitor contra te ; Cum ais Formam Substantialem materialem & inexplicabilis esse entitatis, & ideae inefformabilis, ideo id asseris, quia imaginationi nimium indulges, ratione relicta ; At nihil Peripateticis negotii est cum illis, qui solâ suâ imaginatione, non autem intellectu uti volunt : Formam materialem, quam admittimus, non imaginatione percipimus, sed admittendam, ratione convincimus. Sanè explicata, si vales, quid sit in se ipsâ constitutivè entitas illa, quam *Spiritum* nuncupamus ; Imaginare tibi, si potes, Substantiam Spiritualem, ut est in se ; Utrique agendo te imparem confiteris ; Imaginatio enim, ut optimè ait D. Thomas, non transcendit continuum ; At bene nè quispiam ex hoc inferret ; Ergo entitas Spiritualis est aliquid monstruosum ; Ergo nullus admittendus est Spiritus ? Cettè sequelam utramque negabis ; Sed ex hoc ipso intelligis, à te quoque immeritò, materiales formas ex eo respui, quia illas imaginatione percipere, vel percipiendas explicare minimè valeamus.

*Phil.* Quid Laterem lavas Critophile ? Disparitas in promptu est : Licet enim *Spiritus* nostrâ sub imaginatione cadere nequeat, ejus tamen admittendi necessitas, elucet nobis ex Fide, quâ docemur, Deum, Angelos, & Animas rationales veros Spiritus esse ; At ubinam, vel quando, docuit Fides, admittendas esse materiales Peripateticorum formas ? Eâdem itaque ratione, quâ male

arguit,

arguit, qui concluderet nullum dari verum *Spiri-  
tum*, benè eum rationari constât, qui formas  
materiales ablegandas esse deducit.

*Crit.* Utique quotquot Catholici sumus, ve-  
ros dari, & existere *Spiritus* confitemur, sed nihi-  
lominus disparitas hæc, materialis est ad inten-  
tum; An non enim Ethnici & Gentiles, lumine  
Fidei destituti, solâque naturali ratione ducti,  
agnovere, Deum, Animasque rationales, totum  
materiae, rerumque materialium ordinem quàm  
longè excedere, & esse proinde Spirituales Sub-  
stantias, quanvis Spiritum nequirent imaginatione  
complecti? Attende jam. Vel Gentiles isti ex ef-  
fectibus inferentes, quarundam existentiam causa-  
rum, quae imaginationi erant imperviae, soloque  
intellectu agnoscibiles, benè arguebant, vel non?  
Hoc postremum non admittes, illam etenim ea-  
rum rerum existentiam inferebant, quam ipsa in-  
fallibilis Catholica Fides docet nos, Primum ergo  
concedes; Sed si ita est, sicut bona est illatio, quâ  
infertur existentia Spirituum, quos imaginatio non  
pertingit percipiendo, neque sermo explicando;  
cur non recta similiter erit ea consecutio, quâ for-  
marum materialium, licet, sub imaginatione non  
venientium, existentia probatur?

*Arif.* Si tam feliciter secundi tibi cedat, sicut  
primi everfio repaguli, ex nunc, Critophile, me  
victum concedo.

*Phil.* Ne quaeso nestendum ex arenâ funicu-  
lum timeas Arillippe, jactes Critophile. Annon so-  
lucissimis cachinnis me è Scholis Philosophorum (p)

---

(p) *An. Brut. vindic. Dial. 3.*

exhibendum diceris, si pronunciarem Spirituali Substantiae Spiritualem competere figuram, extensionem, & divisibilitatem? Ne itaque mihi subrafcaris, quoties detidendas dixerim Peripateticas loquendi formulas, Substantiae nimirum materiali materialem competere posse perceptionem, & cognitionem: At verò dic quaeso, quam ob rationem Brutorum cognitionem, materialem vocitas? Si satis ego video, non alterâ certè de causâ, materialem dicere potes, nisi aut quia à materiali profuit principio; aut quia ad objecta persingit materialia dumtaxat; aut quia entitas ipsa materialis est. Si primum assumpseris, principium, ut in Scholis dicitur, appellabis, Substantiam videlicet materialem cogitare posse, & percipere, quod nullus, nisi planè desipiat, poterit admittere, aut nisi loqui velit contrâ ideâs illas claras & distinctas, quas possidet animus noster, in quibus dilucidè intelligimus, non minus corporali Substantiae cognitionem & perceptionem repugnare, ac repugnare intelligamus Substantiae Spirituali formalem extensionem, divisibilitatem, & figuram. Si secundum dixeris, jam si cognitio efficitur materialis ex materiali, ad quod dirigitur objecto (q), quotiescumque humana etiam cognitio materialem aliquam entitatem respiciat, materialis dicenda erit, sicque materialis dicenda erit cognitio illa, quâ cognoscimus arbores, herbas, lapides, & reliquas creatas substantias corporales, quomaehercule absurdius nihil, nihil ineptius cogitari potest. Age, verò, progrediamur. Si Brutorum cogni-

cognitio ex objectis, quae respicit materialibus, materialis efficitur; In se ipsa ergo....

*Crit.* Quid huic quisquiliis & Aristippum detines, & me? Cur hoitem fingis pro libito, quem pro libito, nullo reluctante, confodias? Quis unquam (non dicam Philosophus) sed rationali Animâ praeditus somniavit, cognitionem, posse materialem evadere entitativè, ex praecisâ ejus tendentiâ ad materiale objectum? Meliora affer, & desine, id, quod nemo dicit, refellere.

*Phil.* Tertium itaque fortassè tibi arridebit, nimirum Brutorum cognitionem esse materialem, quia entitas ipsa est suapte naturâ materialis; Ait. *Ante lupus sibi junget ovem* (r) quàm patiar actus quoslibet cognoscendi, totidem esse entitates, à cognoscente facultate sejunctas, quarum natura inanibus occultae qualitatis laebris abscondi debeat; Potissimum quum verisimilior mihi semper visa fuerit Sententia, nullum esse agentem intellectum, sed quemlibet esse patientem; Quare intellectus, quicumque sit, cognoscendo haud certè effectum profundit à se distinctum, sed novas tantum objectorum ideas recipit; Veruntamen ista negligamus.

Ut autem tibi magis persuadeatur (s), cognitionem, perceptionemque, quaecumque ea sit, à materiali principio dimanare non posse, scias affirmantem Sententiam, Catholicum Philosophum haud satis decere; Utpotè quae dat ansam Epicureis, & Spinosae affectis, affirmandi Animum etiam nostrum esse materialem. Fac me (quod Deus aver-

---

(r) *Ibid.* (s) *Ibid.*

avertat ) nefariae hujus sectae Philosophum ; aggregariis itaque naturalibus me rationibus convincere . Animum ego humanum profero , Substantiam esse ab humano Corpore , non dissimilem ; Tu contendis dissimilem . Quomodo id probas ? Ab effectibus , dicis , dissimilibus . Qui sunt , inquit effectus isti dissimiles ? Cognitionem reponis , & loci occupationem . Admitto : Quid inde tamen consequitur ? Hominis ne Animum Substantiam esse ab humano Corpore diversam , Spiritalem nempe ? Haud sanè ; Quia omnes enim effectus sint prorsus dissimiles , Cognitio , & loci Occupatio , esse nihilominus possunt unius & ejusdem Substantiae affectiones ; quum tam cognitio , quam loci occupatio , ab una eademque materiali Substantiâ , possit derivari ; eo pacto , quo licet esse Musicum , & esse Philosophum , proprietates sint inter se dissimiles , has nihilominus ab uno eodemque homine repetere possumus . An non sentis Critophile mei hujusce sermonis pondus ? Quo modo impium Epicureorum Dogma confutabimus , si concedamus Corporalem etiam Substantiam cogitare posse ?

*Arist.* Tuum jam est Critophile , cunctis suo ordine adhibere responsum : Sed puto facile dissolves omnia , quae praecipuum robur accipiunt , à Philadelphi continuâ allucinatione , quâ pertinaciter pro eodem sumit Formam materialem , ac Materiam ; Quarum tamen unam , cum alterâ ( ut probe novi ) Peripatetici non confundunt .

*Cris.* Digna Aristippo animadversio haec est ; Ast ut nullâ interpositâ morâ Philadelpho respondeam , à primo quod objecerat , exordior ; Simul

H

ever-

evertendo propugnaculum secundum : Ajebas itaque Philadelphie , Substantiam materialem non posse esse cognoscitivam , & cognitionem non posse esse materialem ; Recordare jam effati ex D. Th. deprompti (1) quod contra me urgebas , videlicet . *Operatio cujuslibet rei , est secundum modum Substantiae ejus* . Nam rerum essentias quas non cernimus , nonnisi ex operationibus colligere valemus ; Si itaque Brutorum operationes sint de necessè à materiâ dependentes , jam & principium earundem , esse ab hac essentialiter dependens , merito colligetur , proinde ipsum contabit , principium , Spirituale non esse ; Siquidem in ideâ clarâ & distinctâ Substantiae Spiritualis , non apparet , nec apparere potest essentialis dependentia in esse & operari , ab aliquo , quod inferioris longè sit generis ; Enim verò operationes Brutorum , quaecumque eae sint , ab Organo corporeo per se & essentialiter dependere , neque posse sine illo ululandis exerceri , certè inficiari non potes ; Cum etenim te ipso concedente , ad Spiritualia cognoscenda , neque assurgant Bruta , neque valeant assurgere ; Sequitur quod sola materialia individua prout talia , percipere possint ; Cumque materialia haec individua , nonnisi sensuum ministerio attingi queant , consequitur planè nullam Brutorum operationem à sensuum ministerio absolutam esse , omnemque proinde addictam esse materiae & dependentem ab illâ : Quo itaque jure , intra Substantiarum Spiritualium ordinem , illa collocatur Substantia , cujus omnis & quaecumque operatio orga-

---

(1) 1. p. Quæst. 50. art. 2.

organo materiali est de se essentialiter alligata ? Operatio cujuslibet res , est secundum modum Substantiae ejus . Quod si ea substantia à quâ Brutorum operationes profisciscuntur , neque ex unâ parte ad Spirituum ordinem attolli , neque ex aliâ ad materiae conditionem deprimi potest , quid superest , nisi ut materialis quidem dicatur & sit , non tamen materia ?

Sed audi D. Thomam , & nosce quem irrideas dum ais exhibendos è Philosophorum Scholis , Peripateticos materialem admittentes & Formam , & Formae operationem ; ait igitur S. Doctor ( u ) Super has formas , inveniuntur aliae formae similes superioribus Substantiis non solum in movendo , sed etiam in aliquo cognoscendo , & sic sunt potentes in operationes , ad quas nec praedictae organicae qualitates deservunt , cum operationes hujusmodi non complantur nisi mediante organo Corporali , sicut sunt Animae Brutorum animalium , sentire enim , & imaginari non complentur calefaciendo , & infrigidando , licet haec sint necessaria ad debitam organi dispositionem . Super autem has omnes formas quarum ordinem , & naturam , ex diverſo earundem operandi modo , supra immediatè exposuerat . Invenitur forma similis superioribus Substantiis etiam quantum ad genus Cognitionis quod est intelligere , & sic est potens in operationem quae completur absque organo Corporali omnino , & haec est Anima intellectiva .

Docet itaque , & nomine , & re Angelicus Catholicae Ecclesiae Doctor . , cujus proinde Doctrina , noviorum placitis , sanior abs dubio est , docet in-

quam, & adesse materiales formas à materiâ distinctas, & Brutorum Animas, etsi aliquid cognoscant, non tamen perungere ad genus cognitionis, quod est intelligere; Si autem Brutorum cognitio, est extrâ genus cognitionis intellectivæ est pariter extrâ genus principii intellectivi. *Operatio enim cujuslibet rei est secundum modum Substantiæ ejus.* Cumque principium intellectivum sit principium Spirituale, quod est extrâ genus principii intellectivi, est extrâ genus principii Spiritualis, quod autem est extrâ genus principii seu Substantiæ Spiritualis, quâ sanè ratione dici poterit Substantia Spiritualis? Quid contrâ tam expressam tanti Ecclesiæ Luminis doctrinam respondere valeas, planè non video, attamen, ut cum D. Hieron. loquar (x) *Puto quod nec ipse audeas adversum talem. & tantum virum tibi Veritatem, illi Mendacium deputare:* Sentis jam Philadelphæ, quod novos Philosophos non falsò accusant Aristotelici, cum ajunt, quod ex arbitrio soleant illi ut plurimum judicare de rebus, Vetustiorum atque Doctissimorum auctoritate neglectâ.

*Phil.* Falsò contrâ nos id objici, statim evinco, duos Sanctissimos Ecclesiæ Doctores in re propositâ differentes asserendo. Primus in medium veniat Sanctus Bernardus (y). *Sine omni intellectu nullatenus cogitari potest, & nulla omninò cogitatio sine intellectu.* Proferat se modo Sanctus Thomas (z) *Intelligere, non potest esse actus Corporis, nec aliojuz virtutis corporeæ. Impossibile est ergo, quod una sit materia.*

(x) *Ep. LXI. ad Pamach. (y) Epist. ad Frat. de mon. Dei. (z) 1. p. q. 50. art. 1.*



teria Corporalium , & Spiritualium ; sed adhuc ulterius impossibile est quod Substantia intellectualis habeat qualemcumque materiam ; Operatio enim cujuslibet rei est secundum modum Substantiae ejus , intelligere autem , operatio penitus immaterialis . . . . Sic enim intelligit unumquodque , in quantum à materiâ abstrahitur ; Unde relinquitur quod Substantia intellectus est omnino immaterialis . Ergo attentâ etiam vetustiorum auctoritate , cogitatio quaecumque ea sit , soli competit Substantiae immateriali .

*Cris.* Nulla porro falsa doctrina est , (a) merito reponere possum cum D. Augustino , quae non aliqua vera intermisceat . Siquidem verum dicis cum ais , sive cum D. Bernardo , quod nulla est Cogitatio sine intellectu , sive cum D. Thomâ , quod Intelligere est operatio penitus immaterialis , & quod omnino immaterialis sit quilibet intellectus : Sed dum isthaec adducis , ut ostendas , quod semel ac Brutis competat cognitio aliqua , debeat illis inesse immateriale , seu Spirituale principium cognitionis , verum asfers , ut falsum probes ; Et sanè non inquit D. Bernardus : Nulla cognitio sine intellectu ; Sed nulla Cogitatio ; Quia videlicet esto omnis Cogitatio , cognitio aliqua sit , non tamen viceversa omnis , & quaecumque cognitio , Cogitatio est . Cogitatio enim , ut antea dixeram cum D. Thoma . In Inquisitione veritatis consistit . Inquisitio autem veritatis , potest alicui repugnans esse , vel ob defectum , vel ob excessum perfectionis ; Ob defectum quidem , ut in Brutis , nemo etenim ita insaniet , ut dicat posse ab istis cognosci .

Ens

---

(a) Lib. 2. quæst. Evangelic. cap. 40.

Ens sub ratione abstractâ Entis, & veri; Et tu ipse cum Cicerone fatebere, (b) quod *Hominem inter, & Belluam*, hoc maximè interest, quod haec tantum, quantum sensu movetur ad id solum, quod adest, quodque praesens est, se accommodat. Ob excessum autem perfectionis, ut in Deo; Cum etenim ea tantum inquiratur veritas, quae nundum possidetur, Deus autem ex quo Deus, omniscius essentialiter sit, Inquisitione veritatis nec indiget, nec potest indigere, eâque propter, licet omnia cognoscat, ac sapientissimè provideat, propriè tamen loquendo, non cogitat; Exinde vides quàm consultò dixerit D. Bernardus, non quidem *Cognoscere*, sed *Cogitare* sine intellectu esse non posse; Sed simul etiam animadvertes, quàm immeritò ex cognitione qualicumque, Intellectuale seu Spirituale principium, arguatur.

Quod ut tibi clariùs innotescat, neque in D. Thomae doctrinâ non satis peritis, solum amplius facias, animadvertite quaeso quàm clarè S. Doctor distinguat à cognitione ut sic, Intellectionem, cum ait, cognitionem purè sensitivam, qualem unice Brutis concedit, esse extrà genus cognitionis intellectivae. Super autem omnes has formas invenitur forma similis Superioribus Substantiis, etiam quantum ad genus cognitionis, quod est intelligere, & sic est potens in operationem, quae complitur absque organo corporali omninò; & haec est Anima intellectiva. Anima ergo intellectiva, quam passim pro immateriali, seu Spirituali, accipit D. Thomas, habet operationem, quae est intrà genus cognitionis

---

(b) *Dial. 4. An. Brut. vindic.*

tionis intellectivae ; Sed de quo genere loquitur . An latissimè dicto ? Non sanè ; Nam Genus latissimè acceptum . Qualemcumque cognitionem , seu operationem , saltem sub ratione entis , complectitur . Loquitur ergo de genere ultimo , quod sub se sola immaterialia , seu Spiritualia continet ; Cumque ab hoc genere , cognitionis intellectivae cognitionem Brutorum excludat , nisi inter eos annumerari velis , qui oculos habent , & non vident , agnoscis planè , nec principium cognoscitivum Brutorum inter entia immaterialia , seu Spiritualia à D. Thoma reponi , sed inter materialia relinqui .

*Arist.* D. Thomam fateor Aristotelicis placitis addictissimum , quem propterea Philadelphus ? Nec interpretari aggreditur ; (c) Sed affer , si potes , aliquem alium Sanctum Patrem , cognitionem Brutorum ab intellectuione distinguentem .

*Crit.* Miror sanè Philadelphum , qui se Sanioris Philosophiae sectatorem profitetur , tam faciliè , ac tam apertè ab Angelici doctrinà recedere . Et si Aristotelicis placitis addictus sit D. Thomas , num caeco modo , num nullà ductus ratione Aristotelem sequitur . Cur itaque efatum illud ex D. Thomà Aristotelicis placitis addictissimo afferebat ? *Operatio cujuslibet rei , est secundum modum Substantiae ejus* ? Porro principium hoc vel approbat Philadelphus , vel reprobat ? Si reprobat tanquam ab Aristotelis doctrinà descendens ; Non ergo probat per illud , quod probandum assumpserat . Si autem approbat , non pigeat cursum audire legitimè deduc-

---

(c) *Dial. 6. An. Brut. vindic.*

deductam consecutionem . (d) *Sed omnis operatio sensitivae Animae est Conjuncti* ; Ergo cum Animae Brutorum animalium per se non operentur , non sunt subsistentes ; Essent autem subsistentes si forent Spirituales ; Ergo Animae Brutorum non sunt Spirituales .

Presto jam tibi sum Aristippe , audi S. Clementem Alexandrinum (e) cognitionem Brutorum , à rationalium cognitione & intellectu clarissimè fecernentem . *Dicitur duplex cognitio , ita scatur S. P. , una quidem communiter , quae est in omnibus hominibus , similiter intelligentia , & apprehensio , quae ex cognitione singulorum quae subiecta sunt , publice elucet , quam non solum , habent , potestates quae sunt ratione praeditae , sed etiam quae eà carent ; quam ego nunquam nominavim cognitionem . . . cum sit à naturâ ingeneratum , ut cognoscat per sensus . Quae est ipsissima ratio , quam saepissimè D. Thomas inculcat , non minus verè , quàm subtiliter ostendens , quod cum omnis Brutorum perceptio , semper accadat cum aliquâ organi immutatione , operari autem sequatur ad esse , Principium pariter operationum in Brutis , sit ex naturâ suâ dependens ab organo in esse , ac consequenter nec per se subsistens , nec Spirituale . Tum sic prosequitur S. Clemens . Quae autem excellenter , & praecipuè nominatur cognitio , ex mente & ratione formam accipit , & caracterem per quem solae potestates rationales participes fiunt cognitionis . Cum itaque audias ex S. Clemente cognitionem quae irrationalibus convenit , nec nomen Cognitionis mereri , intelligis*  
Ari-

---

(d) S. Tb. 1.p. q.75. art.3. (e) Clem. Alexan. lib. 6. Strom.

Aristippe quàm immeritò Philadelphus Cogniti-  
nem Quamcumque , & Quaecumque ea sit , cum  
Cogitatione , vel Intellectione confundat , & à  
principio Spirituali , eam proficisci concludat ...

*Phil.* Id à me jure deduci , quisque annuet , qui  
legerit D. Thomam , quem quidem iterum addu-  
co , ne amplius cavillandi occasionem captes . In-  
quit ergo S. Doctor ( f ) . *Patet quod immaterialitas*  
*alicujus rei , est ratio quod sit cognoscitiva , & secun-*  
*dum modum immaterialitatis est modus cognitionis : tum*  
*ita conclusit . Unde cum Deus sit in summo gradu im-*  
*maturalitatis , sequitur quod ipse sit in summo cogni-*  
*tionis . Porro si cognitio etiam materiali Substantiae*  
*competeret , quinam Angelici rationisium conclu-*  
*deret ? ( g )* Quamobrem Eruditissimus Comes  
Laurentius Magalotti , ingenuè confitetur , captu sibi  
ita arduum videri , Materiem cognoscere posse &  
Cogitare , ut facilius admitteret Bestias , puras esse  
machinas , quàm Substantias materiales cogitantes .

*Crit.* Ne graveris Philadelphie si tantisper tibi  
respondere sublideo , nec enim omnia compleve-  
ram , quae Aristippo dicturus eram .

Quin etiam ut tibi clarius pateat D. Clemen-  
tem , nec Brutorum operationes , nec eorundem  
Animas , sensisse Spirituales , audi quid Clâr. Ni-  
colaus Le Novry , post relatum quamdam S. Cle-  
mentis doctrinam , inquit ( h ) *Nulli profecto colligere*  
*licet Clementem existimasse omnes omnium ani-*  
*mantium Animas , minimè esse corporeas , sed Spiri-*  
*tualis naturae , & Substantiae ; Colligere itaque è*

I

contra-

( f ) 1. P. Q. 14. art. 1. ( g ) Dial. 3. An. Brut. vindic.

( h ) Dissert. 2. de omnibus Clemen. Alexandr. Oper.

contrario licebit Clementem existimasse irrationa-  
lium Brutorum Animas Corporeas esse, ac mate-  
riales.

Venio modo ad te Philadelphæ; Et ut à Sensu  
Comitis Magalotti exordiar, consentio utique,  
quod Mens rationalis, duo hæc inter extrema  
constituta, ut vel asserat materiam esse sensiti-  
vam, vel Bruta esse pura automata, minùs repugnantia  
inveniet in hoc postremo, quàm in primo; Qua-  
propter & ego, ingenio, atque doctrinâ præstan-  
tissimo Comiti incunctanter subscribo; Sed mirari  
non desinam te, qui ut confessus es (i) Aristoteli-  
cis primùm Doctoribus instituendum concessisti,  
Aristotelicis tam facilè imponere Formam mate-  
rialem ab ipsis assertam, esse materiam, cum ta-  
men, non dicam in Scholâ Aristotelis Doctor,  
sed nec discipulus inveniatur, qui nesciat For-  
mam hanc à totâ materiâ, ac quavis materiae  
combinatione distinctam doceri; Quod si hoc ip-  
sum Peripateticorum placitum tibi non arridet,  
non erat inde pro falso assumendum, sed pro tali  
demonstrandum, quod cum hucusque non præ-  
stiteris, fas mihi est illud pro vero reputare; In-  
terim non te pigeat à Tertulliano doceri, quod  
videlicet (k) *Summa est delicti, nolentium agnoscere,  
quæ ignorare non possunt.*

Opus modo est, ad ea quæ ex D. Thomâ  
attulisti, regrediar. In primis itaque fateor me  
tanti non esse, ut cognoscam hæc asserri à te po-  
tuisse, nec ampliùs cavillandi occasionem ex D.  
Thomâ captarem; Perinde ac si Angelici Docto-  
ris,

---

(i) *Praefat. An. Brut. vindic.* (k) *In Apolog. cap. 17.*

ris , quò ad hoc punctum auctoritates tam oblectrae essent , atque ambiguae , ut nonnisi divinando , ac cavillando , mihi militare ostendi , queant ; At quomodo tam citò oblivisci eorum potuisti , quae ex doctrinâ Angelici à me allata fuere praesertim Dialogo sexto per totum (1) ubi luculentissimis , atque expressissimis D. Thomae testimoniis , quaeque nullam in oppositum patiuntur explicationem , palmaribus argumentis probavi Spiritualem in Brutis Animam , nec cum levi veritatibus umbrâ adstrui posse ?

Num itaque haec ex Angelico protulisti , ut ipsum de doctrinae inchoerentiâ notares ? Id quidem de te , quem modestiâ simul ac eruditione mirificè ornatum agnosco , suspicari prohibeor ; Sed si hoc verè intenderis ; Quamvis D. Thomas nec notari timeat , nec indigeat defendi ; Ne tamen quispiam tale quid , de tanto Doctore vel levissime suspicetur , ostendo paucis , quàm concludens sit Angelici ratiocinium , etsi Anima Brutorum cognoscitiva quidem sit , & tamen materialis ; Et quantum ineptum sit junioribus , vel aliis quibuscumque venditare , vel quod D. Thomas senserit Animas in Brutis Spirituales esse , vel quod negato semel eas esse Spirituales , non concludat Angelici Doctoris allata ratio .

Igitur animadvertas oportet *Immaterialitatem* multimodè sumi posse , non quidem grossè usurpando , sed subtiliter inspiciendo illam , ut solemne est D. Thomae . Dicitur *immateriale* , quod omni caset Potentialitate ; Dicitur *immateriale* ali-

(1) *Dissert. contrà An. Spir. Brut.*

quid, quod licet non excludat potentialitatem, nullam sui receptibilitatem patitur in materiâ physicâ; Dicitur *immateriale*, quod à materiâ physicâ est per se independens, tunc quoad esse, tunc quoad operari, quamvis recipiatur in illâ; Denique dicitur *immateriale*, quod excedit materiam, & suprâ conditionem illius, aliququaliter elevatur: Prima immaterialitas soli Deo convenit; Secunda Angelis; Tertia animabus rationalibus; Immaterialitas autem potremo in sensu accepta, multifariam dividitur juxta diversos Formarum, suprâ materiam elevationis gradus.

Quos quidem egregiè, more suo, recenset Angelicus Doctor, (m) sed ne & tuâ, & Aristippi abutar patientiâ, ad tres tantum reuringam, loquens tamen juxta expressissimam Angelici doctrinam: Formae Plantarum tantisper emergunt è materiâ, nam habent aliquam operationem, cui materia secundum se impar est; operationem nimirum se nutriendi, & vegetandi: Animae Brutorum Animalium, adhuc magis emergunt è materiâ, quia sunt aliququaliter cognoscitivæ; Tandem Anima rationalis, omnino emergit è materiâ, cum habeat operationem intellectivam quae non sit per organum corporale: Cum ergo forma, cujus operatio excedit conditionem materiae, & apta secundum dignitatem sui esse, materiam ipsam superexcedat, (operari enim sequitur ad esse, & ex operatione Formarum, earum Naturas cognoscimus.) ritè cum D. Thomâ concluditur, quod cum Forma sive Plantae, sive Bruti, habeat quidem

(m) 2. Contrâ Gent. c. 68.



operationem suprà materiam aliquam elevatam , sed tamen utraque in operando per se , & essentialiter dependentiam habeat à materiâ , utraque sit entitativè materialis , sumptâ materialitate pro dependentiâ essentiali è materiâ , licet una , sit prae alterâ immaterialior , acceptâ immaterialitate pro majori , vel minori elevatione formae suprà materiam : E' contrà verò , cum Anima intellectiva habeat operationem , non aliquam , sed omnino , materiam omnem longè excedentem , & essentialiter independentem ab ipsâ , consequitur , hanc ita suprà materiam assurgere , ut omnino Spiritualis sit , proindeque immerito prorsus *Immateriale* quodcumque , vel quomodocumque illud fuerit , promiscuè pro *Spirituali* usurpari .

Concludit ergo D. Thomae ratiocinium , quo infert ex gradu Immaterialitatis , gradum Cognitionis ; Nam Anima Bruti , cum sit immaterialior Formâ Plantae , quae vix emergit è materiâ , est aliquam cognoscitiva ; Anima hominis , cum prorsus è materiâ emergat , atque suprà ordinem illius , omnino elevetur , est ita cognoscitiva , ut sit verè & propriè intellectiva ; Angelus , utpotè forma simplex , neque natus informare materiam , Animâ rationali immaterialior est , & perfectiori consequenter modo cognoscitivus , atque intellectivus ; Deus denique à toto materiae ordine , infinito distans intervallo , infinito immaterialior est quolibet Angelo , vel existente , vel possibili , Immaterialitate acceptâ pro elevatione suprà materiam , & rursus immaterialior est quolibet ente vel creato , vel creabili acceptâ immaterialitate pro exclu-

exclusionem potentialitatis cujuslibet ; Proinde cum Deus sit in summo immaterialitatis gradu , rectè sequitur , ipsum pariter esse in summo cognitionis gradu : Neque huic gradationi , quidquam officit , quod Anima Bruti , materialis dicatur ; Quamvis enim materialis sit entitativè , ipsa tamen entitas est aliquantulum immaterialis elevativè , in quantum videlicet non est penitus immersa materiae , & habet operationem à materiâ quidem essentialiter dependentem , sed suprâ materiâ aliquantulum elevatam ; hinc etiam inclusâ in praefatâ gradatione , Animâ Bruti ut ut materiali , verum adhuc est dicere . *Secundum modum immaterialitatis , est modus cognitionis .* Vel è contrâ . *Secundum modum cognitionis , est modus immaterialitatis .* Quare cum cognitio quaecumque Brutorum , sit per se dependens à Sensibus ( tantum enim Bruta cognoscunt , quantum sensu moventur ) rectè inferitur , & principium cognitionis in ipsis , dependere à materiâ in essendo , & esse materiale secundum entitatem , licet nonnihil dicat immaterialitatis secundum aliqualem è materiâ elevationem ; Atque ab infimo immaterialitatis modo , ascendendo ad summum , ad summum itidem cognoscitivitatis modum , seu ad ens summè cognoscitivum , gradatim , sed verè concludendum perveniri .

*Arist.* Doctrinae tuae tam clarè propositae , consentio & ego Critophile

Per-

. . . Percchè al ver si deve ,  
Non contrastar , ma dar perfetta fede ( n )

Nihilominus tamen duo adhuc enodanda supersunt ; Videlicet quâ ratione Cognitio Brutorum , dici queat materialis , & à facultate cognoscente distincta , id enim Philadelpho paradoxum videtur ; Insuper veretur Phil. ne si forma materialis , cognoscitiva dicatur , nullum amplius argumentum supersit impium Epicuri dogma de Animæ humanæ mortalitate , convellendi ; Siquidem ut probè nosli

*Contra 'l buon Sire , che l'umana speme  
Alzò , ponendo l'Anima immortale ,  
S'armò Epicuro , onde sua fama geme . ( o )*

Ab hoc itaque scrupulo , Philadelphum expedias necesse est ; Quoniam tamen meridiana jam imminet hora , ulterioribus parcite dissidiis ambo ; A' pomeridiana quiete , vos iterum ( si lubet ) auditurus excipiam .

# PERI-

---

( n ) Petrar. Trion. del Tem. ( o ) Petrar. Trion. della Fama .

64  
PERIPATETICORUM  
DOCTRINA

Quodam distinctionem Actuum ab eorundem  
Principio, sanior ostenditur, contra;  
Recentiorum placita.

DIALOGUS TERTIUS.

*Critophilus, Aristippus, & Philadelphus.*

*Crit.*



Uam benè valentem reviso te  
Aristippe! Ipsa Cordis dulcedo,  
ori tuo transfusa, insedisse vi-  
detur.

*Arist.* Videt in me humanitas  
tuâ, quod egomet in me ipso, cupere quidem va-  
leo, at non invenire; Ingenuè fatebor tamen, tan-  
tâ me vestris è concertationibus animo volupta-  
tem haurire, ut vel in ipsum Corpus redundet.  
Utinam citius adveniret Philadelphus, ut discip-  
tatione maturius inceptâ, fieret oblectatio mea  
productior! At videor mihi à longè quemdam  
intueri, festino gressu nobis occurrentem; Ipse ne  
est? Aspice Critophile, praestantiori enim polles  
obitu.

*Crit.* Utique ipse est; Subridens adventat,  
ipsumque ne dùm famulus, sed ni fallor, & Ba-  
julus magnâ onustus corbe subsequitur; Munus  
aliquod, tibi Aristippe compararit, oportet.

*Phil.*

*Phil.* Parcite quaeso si officiis meis desum ,  
sinite me tantis per risui indulgere , quem cohi-  
bere non possum .

*Arist.* Exhilaras nos quoque *Phil.* , sed quae  
tibi tantae noviter accidit letitiae causa ? Quid sibi  
vult Corbis ista , quam cerno ?

*Phil.* Ad nundinas perrexi ( vix loqui sinor ) ut  
munus aliquod , & tibi & Critophilo compararem ;  
reali tamen verâque pecuniâ domi relictâ , Cor-  
bem hanc peripateticis qualitatibus plenam , Ubi-  
cationibus videlicet , Relationibus , aliisque hujus-  
modi , jussi ad plateam deferri , ut cum illis com-  
mutarem Perdices , Lepores , volucres , ac pi-  
scis pretiosiores ; At mercatores licet rudes , nec  
illas recipere , nec quidquam cum illis commu-  
tare voluerunt ; immò , unus ex ipsis , prae re-  
liquis promptior , respondit ; Realia cum realibus  
commutantur ; Tuae istae qualitates quibus ple-  
nam ais esse Corbem , in solis imaginariis Regio-  
nibus cursum habent , ad illas perge , & imagina-  
rias res , cum mercibus quibuslibet itidem imagi-  
nariis , commutabis ; Ego pro realibus , Phantastica  
non recipio .

*Arist.* Dimitte quaeso Bajulum cum Corbe  
suâ : Lepidam utique fecisti rem *Phil.* , at nè inde  
putes ex eo amandandas Peripateticorum qualita-  
tes , quod nequiveris ipsas cum mercibus commu-  
tare ; Quid si Cistam implesses modificationibus  
tuis ? Numquid vel jota unum è mercatoribus re-  
tulisses ? Modificationes ne propterea ablegandas  
concedes ? Non omne quod reale est , vel debet ,  
vel potest à mercatore in pretium , recipi ; Neque

ex quo aliquid à mercatore respuatur, tanquàm non congruum sibi, inferri exinde potest, id quod respuitur, quid merè fictitium esse, non verò reale; Quis enim sive qualitatum, sive modificationum, Judices Mercatores constituit, & non potius Philosophos?

*Crit.* Respondum quod meditabar, ingenii tui acumine prævenisti Aristippe; At irrisoribus hisce neglectis, ad ea quæ discutienda superesse dixeras, abs morâ, si libet accedamus; Veretur itaque Philadelphus, ne nullus sit Epicureorum erroris confutandi, locus, admittâ semel in Brutis Animâ materiali, quia nimirum æquo jure Anima etiam humana, materialis, dici poterit, ad òque naturâ suâ corruptibilis, & mortalis; Attamen, ex eorum se esse numero ostendit, qui illic trepidaverunt timore, ubi non erat timor. Enim verò unde nam impiæ hujusce contumeliosis, vel solidum fundamentum, vel etiam levis umbra? Nunquid ex quo Bruta non, meras machinas, sed verè viventia dicamus, suspicari licebit saxa pariter & metalla animata ac viventia esse? Numquid admittâ in Brutis Animâ Spirituali, timebit Phil. nè quis inferat Spiritualem Animam etiam arboribus (quas sexcentis Scripturæ locis, vivere docemur) esse concedendam? Unde ergo importunus ille timor de humanæ Animæ materialitate, materiali Animâ semel Brutis attributâ? Cur pari modo non timet, nè cum Deus sit Spiritus, si etiam Anima hominis est verus Spiritus, dicenda pariter sit Deus. Repones, falsas esse illationes istas, eò quia per effectus cognoscimus causas cum-

cumque nullum in lapidibus aut metallis, vitae vegetativae, nullumque in arboribus vestigium, sensitivae reperiamus, hinc neque in illis Animam, neque in istis adesse Spiritum, meritò concludimus; Repones, quod Deus non praecisè quia Spiritus, Deus est, sed quia à se, quia illimitatus, quia infinitus undequaque, quorum attributorum, cum nullum conveniat alteri cuicumque Spiritui, non sequitur quod cum Anima humana sit Spiritus, sit ipsa etiam Deus. Sed responsio haec ipsa, affectati timoris tui nebulas, dissipare debet. Siquidem cui hominum ratione utentium notum non est, toto Coelo distare hominis intellectivitatem à cujusvis alterius animantis cognoscitivitate? Cognoscit Homo, cognoscit Brutum; Sed Homo ita rem exteriùs positam cognoscit, ut non in iis quae apparent, ejus cognitio sistatur, sed ad ea quae intimè latent, se extendat. Brutum verò, ita objecta percipit, ut in eorundem vel quantitate, vel figurâ, vel colore, aut sapore, aut odore, tota cognitio terminetur. Cognoscit Homo, & objecta ut sibi convenientia aut inconvenientia, formaliter judicat; Cognoscit Brutum, sed merè apprehensivè, non judicativè; quae bona sibi, amplectitur, quae mala, refugit, naturâ quidem duce, non ratione; Unde omnia quae ejusdem speciei sunt, eadem appetunt, eademve averfantur objecta, sic quaelibet Ovis, sali inhiat, Lupum fugit: Cognoscit homo, dependentèr à sensibus, praesuppositivè & per accidens, sed à singulari dependentèr à sensibus cognito, universales notiones abstrahit, & abstractas contempla-

tur, cum omnimodâ independentiâ à sensuum ministerio; Cognoscit Brutum, essentialiter tamen, & semper dependenter ab organo corporeo, neque suprâ sensibilia, ullatenus valet assurgere; Cognoscit Homo, & experimentaliter sentit se liberum esse, unde in iisdem circumstantiis positus, quae probaverat, improbat, & quae prius recularat, eligit. Cognoscit Brutum, sed ipsâ nos experienciâ docente, libertate non gaudet, quare in similibus circumstantiis, quantum est ex parte suâ, similia constanter appetit, atque uniformiter operatur.

Haec igitur cum ita sint, quis de convalidando Epicuri errore scrupulus, quae tanta formido? Ab effectibus cognoscimus causas, ab operationibus principia; *Operatio enim cujuslibet rei, est secundum modum Substantiae ejus*; Quare Anima utique Brutorum, cujus omnis operatio est Coniuncti, & dependens essentialiter à materiâ, materialis cum veritate concluditur; At cum viceversa nonnisi per accidens, & ratione Phantasmatis dependeat à Sensibus in intelligendo Anima hominis, immò & habeat operationem aliquam omnino à materiâ, & à sensibus independentem, omnino immaterialis & Spiritualis merito concedenda est, operari enim sequitur ad esse: Arguat jam Epicurus, cum eo, quod aded vereris, argumento. Bruta cognoscunt, & tamen habent Animam materialem, & corruptibilem; Ergo etiamsi Homo sit intellectivus, Anima tamen ejus esse poterit materialis, & naturaliter corruptibilis, atque mortalis; Annon tanquam araneae tela statim exsuffatur



inflatur assignatâ disparitate ex diverso utriusque Animae cognoscendi modo ? Bruta cognoscunt cognitione purè sensitivâ , per se & essentialiter dependente à sensibus , adedque non mirum si & talis cognitionis principium , Bruti videlicet Anima , à materiâ in essendo dependeat , sicut per se pendet ab illâ in operando , sitque materialis ; At verò homo ita intelligit , ut tantùm per accidens Anima ejus pendeat à sensuum adjutorio , quin etiam plura intelligere habeat & speculari , intellectione ab organo Corporeo penitus absolutâ ; Ex quo clarè sequitur quod , cum Anima hominis essentialem non dicat indigentiam materiae vel dependentiam ab illâ , suprâ totum materiae ordinem elevata sit , nec proinde materialis , sed verè Spiritualis , non corruptibilis , sed immortalis , & eâ quidem naturali immortalitate , quam etsi Epicurus neget , multiplex tamen , & efficax naturalis ratio , apud hominem non pervicacem , apertè suadeat , & satis evincat .

Unum tamen est quod advertas , Epicurum Animas omnes , ex atomis compactas censuisse , & ex quo atomi sint ab invicem dissolubiles , easdem Animas quascumque , morti seu corruptioni docuisse subjectas ; Cum itaque nullus unquam iradesipuerit Peripateticus , ut sentiat materiam secundùm se vel sentire , vel cognoscere posse ; Et dum Animam in Brutis materialem statuit , non illam in sensu Epicuri asserit materialem , quasi vera materia sit , sed alio in sensu longè diverso , & superius explicato ; Quomodo poterit , vel apparenti argumento ( datâ materiali Animâ in Brutis sensu

su peripatetico ) inferre compactam ex atomis Animam hominis , cum apud Peripateticos , neque talibus constituta sit Anima Bruti ? Ne timeas igitur Philadelphæ mi , neque sis impotterum de Peripateticorum Sententiâ scrupulosus .

*Arist.* Quoniam numquam mihi mos fuit adulari cuiquam , candidè fas est dicam quod sentio : Philadelphæ mi , hac etiam vice deceptus es , timuisti enim ne Sententia Critophili , seu Peripateticorum , ansam praeberet Epicureis fortius tutandi Animam hominis corruptibilem , atque mortalem ( à quo quidem timore , te satis superque expedit Critophilus ) attamen dum sollicitum te ostendis in domo alienâ , nescire videris , quid peragatur in tuâ , cum potiori jure non metuas ne se Epicurus cum suis , in suo magis ac magis , ex opinione tuâ , confirmetur errore : Demus semel Brutorum Animam Spiritualem esse , eamque mortalem ( ut concedere non vereris ) quod jam supererit argumentum , ab intrinseco saltem desumptum ad Epicureos revincendos , stultissimè licet , pertinaciter tamen asserentes Animam humanam esse mortalem ? Num ex Capite Spiritualitatis Animæ humanæ , depromes responsum ? At faciliè id eludent Epicurei ita arguendo . Anima Brutorum est Spiritualis , & tamen mortalis est , te ipso concedente ; Ergo mortalis est , Spiritualis licet , Anima hominis : Num ex Animæ sive Bruti , sive hominis specificâ diversitate ? Sed præterquamquod nulla est responsio hæc in semetipsâ , nam Anima hominis specie differt ab Angelo , & tamen tam illa , quàm iste immortalis est ; Infimus

Ange:

Angelus quàm maximè distat à specie Angeli supremi , & tamen tam infimus , quàm Supremus eàdem gaudent naturali immortalitate ; respondebit Epicurus corruptibilitatem vel incorruptibilitatem non esse praedicata specifica , seu ad ultimam rerum differentiam pertinentia , sed generica , nec quidem propria generis supremi , sed infimi , sub quo genere infimo Entis videlicet Spiritualis , si aequè clauditur Anima Bruti , ac illa hominis , cum utraque conveniat in ratione veri Spiritus , utraque debet vel corruptibilitati subesse , vel immortalitate gaudere ; Quare si Anima humana immortalis asseratur , immortalis esse debet & illa Bruti ; Vel si Anima Bruti , Spiritualis licet , mortalis tamen esse conceditur , mortalis asserenda pariter est Anima Hominis ; Hoc utique , hoc verearis oportet , Epicuro enim ex tuâ de Brutorum Animâ opinione arguenti , ad Animae humanae naturalem interitum inferendum , quod solidè respondeas , non habes , nec veram disparitatem adferre vales .

*Crit.* Aptius in rem hanc differere non poteras Aristippe , & hoc ipsum argumentum tuum , novum in progressu concertationum nostrarum , accipiet robur , quum scilicet de naturali, Substantiae Spiritualis immortalitate , fusiùs tractandi se se exhibebit occasio . Interea tamen opus est ad aliam difficultatem enodandam progrediar , superiùs à Philadelpho propositam , in eo videlicet sitam quod cognitio Brutorum in nullo sensu , materialis dici queat ; & quod actus quicumque , nequeat esse Entitas ab entitate principii sui realiter distincta ;

Quò

Quò ad primam paucis me expedio, intrepidè respondens cognitionem Brutorum, materiale[m] esse, eò quia è materiali principio proficiscitur; neque verò responsio hæc petitoria principii est, ut ajebat Phil. (a) tum quia Anima Brutorum materialis; satis probata est nuperrimâ disceptatione; tum insuper quia, ea Anima non Spiritualis, sed materialis ritè probatur, quæ ex naturâ suâ ad nihil Spirituale assurgere potest, solisque materialibus entibus cognoscendis est apta; atqui Philadelpho concedente (b) Animæ Brutorum nunquam, immutata earum essentia, seu naturâ, in altiore[m] assurgere cognitionem possunt, & D. Bernardo docente (c) nam pecus quidem, si se ratione non regat, excusationem habet à naturâ, à qua hoc ei penitus minus negatum est. Adeoque ad nihil Spirituale cognoscendum pertingere potest, impotentiâ fundatâ in ipsâ ejus naturâ; Ergo Anima Bruti materialis est non verò Spiritualis. Caetera patent, major ostenditur; Nam quod Spirituale est, magis ex naturâ suâ, proportionatum est objecto Spirituali cognoscendo, quàm purè materiali, quemadmodum enim minùs distant in naturâ, ita & magis sibi ex ipsâ naturâ, congruunt in ratione objecti. Cum itaque partus, ut dicitur, sequatur ventrem, si materialis est Anima à quâ prodit Bruti cognitio, quid mirum si & ipsa cognitio, materialis dicatur?

Phil. Quid tantâ cum pervaciâ Animam Brutorum, materiale[m] vocas? An nescis, tam repugnare Cognoscitivitatem materiae, quàm vero Spi-

(a) Dial. 3. An. Brut. vindic. pag. 35. (b) Dial. 4. An. Brut. vindic. (c) D. Bern. Serm. 36. in Cant. n. 8.

Spiritui divisibilitatem, aut in varias conformabilitatem figuras?

*Crit.* Sine causâ de me conquereris Philadelphæ; nunquid Brutorum Animam, *Materialem* unicè voco, & non potiùs ratione, multifariam evinco? Nunquid in hoc uno controversiæ puncto, ex modo operandi, deducere nefas est modum essendi? Quis nisi gratis id affirmet? Utique cognoscitivitas repugnans est materalie, verumtamen Anima quam in Brutis, *Materialem* assero, materia non est. Nè tamen materialibus hisce paritatibus, à Spirituum infigurabilitate desumptis, ultrâ Peripateticos impetas; Scito aliam esse rationem de figurabilitate, aliam de cognoscitivitate; Figurabilitas vis quaedam passiva est, fundata in partium divisibilitate, quæ quidem divisibilis ex earundem distinctione præsuppositâ, oritur; Hinc illud ens dicitur figurabile, cujus partes sunt ab invicem distinctæ, & proinde extrinsecâ in illud agente causâ, & sejungi vicissim possunt, & loco transmutari; Quare cum in ideâ clarâ, & distinctâ Substantiæ Spiritualis, omnimoda appareat indivisibilitas, sequitur in hac, nullas repperiri partes, vel reciproce separabiles, vel transmutabiles loco & exindè nullam in ipsâ passivam vel in partes extendibilitatem esse, vel figurabilitatem; è contrâ verò, Cognoscitivitas vis quaedam activa est, non in existentia, vel parentia partium fundata, nam & ligna & saxa partes habent, nec tamen cognoscitiva; Punctum partibus caret, & tamen cognoscitivitate non pollet; sed radicata in rei alicujus naturâ, quæ citrà dubium omne materia non

L

fit,

fit, sed vel sit Spiritus, vel entitas materiam inter & Spiritum medians, qualem, constanter docent Peripatetici formam materialem: Licet ergo non possit vel Spiritus passivè figurari, nec etiam activè configurare se ipsum; licet non possit materia cognoscere, cum ipsa secundum se nihil activitatis habeat; Poterit vi cognoscitivâ donata esse entitas aliqua, quae quamvis materialis sit, non sit tamen materia. Quod si adhuc instes; Quid est ista entitas? Respondeo, vel tuae vis imaginationi satisfaciam, vel rationi? Si primum? Me imparem fateor, imaginem quam tibi exhibeam, non habeo; Si secundum? Ab effectibus metire illam, ab operationibus eam cognosce.

Quoniam verò compertum mihi est, eas ipsas Operationes, ex quibus Principii operativi naturam, agnoscendam sentio, à te negari ut distinctas ab earundem principio; Quia nimirum hasce ut tales admittere, nihil aliud foret, quàm adstruere entitates, quarum natura inatibus occultae qualitatis latebris abcondi debeat; (d) necesse est ut Operationum quarumcumque à facultate sive cognoscitivâ, sive volitivâ, creatâ tamen, veram, realemque distinctionem evincam, ut hinc tantisper elucere incipiat, quis nostrum Saniosi sit ad dictus doctrinae.

Eam ego sententiam *Saniosam* voco, quae Ecclesiae sensui conformior, quaeque ab erroribus ab Ecclesiâ proscriptis, elongatior est, cum ea nequeat sana esse doctrina, quae vel distet ab illo, vel ad illos accedat; Jam verò cum tu ex odio in peri-

---

(d) *Dial. 3. An. Brut. vindic. pag. 36.*

peripateticas qualitates, omnem inficeris entitatem accidentalem verè ac realiter à Substantiâ distinctam, negabis ex doctrinae coherentiam tum *characterem* Animæ impressum, & distinctum ab illâ; Tum *Gratiam justificantem* Animæ rationali superadditam; Haec etenim, non minùs ac ceterae accidentales peripateticorum qualitates, apud te saltem, repugnantiam invenient.

*Phil.* Uique haec omnia tanquam purè fictitia, & occultae qualitatis vocabulo, dumtaxat explicabilia, denego prorsùs, ac inficio; Quid inde ex sanâ fide moliris periculi? Nec rectae Fidei contrarium est, quod recta ratio docet, nec verae Fidei consonum, quod clarae adversatur rationi.

*Crit.* Num ratio distinctis à Substantiâ accidentibus oblīt, perpendemus postea; Examini interim subjiciamus num illa promiscuè & absolute denegare ut realiter distincta, compatiatur cum sensu Ecclesiae, cum rectâ Fide; Fuit itaque Saeculo XVI. Oxiander quidam haereticus, socius daemonum, ipsum (ut multorum opinio est) visibiliter in Canum specie comitantium, qui asserere non erubuit. *Hominem justificari eâdem essentiali iustitiâ, quâ Deus justus est, quae est ipse Deus.* (e) Quem quidem errorem, gravissimis iis verbis refellit Concilium Tridentinum (f) *Deum unicus formalis Causa justificationis nostrae est iustitia Dei, non quâ ipse justus est, sed quâ nos iustos facit, quâ videlicet ab eo donati renovamur Spiritus mentis nostrae, & non modo reputamur, sed verè iusti*

L 2

nomi-

(e) Card. Hesius de heres. nos. Temp. lib. 1. (f) Concil. Triden. sess. 6. cap. 7.

nominamur , & sumus , *Justitiam* in nobis recipientes , & paulò post ita prolequitur . Id tamen in hac *impii justificatione* fit , dum ejusdem sanctissimae passionis merito per Spiritum Sanctum charitas Dei diffunditur in cordibus eorum qui justificantur , Atque ipsis lubaret , unde in ipsâ justificatione , cum remissione peccatorum , haec omnia simul infusa accipit homo per Jesum Christum , cui inseritur , *Fidem* , *spem* , & *Charitatem* .

Docere per summam impudentiam non dubitavit *Vicclephus* (g) referente Thomâ Vualdenſi (h) quod . *Sacramentalis* caractèr , nec in *Scripturâ Sacrà* , nec in *ratione* fundamentum habet , prorsusque inutilis est . Haeresim hanc conceptis terminis proſcripsit , & anathemate confixit Concilium Tridentinum (i) sic inquit . Si quis dixerit , in tribus *Sacramentis* , *Baptismo* scilicet , *Confirmatione* , & *Ordine* , non imprimi caractèrem in *Animâ* , hoc est signum quoddam Spirituale , & indelebile unde ea iterari non possint , anathema sit . Audirem propterea libenter à te , quem non minus Doctrinâ conspicuum , quàm rectae fidei tenacissimum agnosco , quâ ratione duo haec Catholicae Ecclesiae Dogmata , negatâ qualibet entitate accidentali , à substantiâ realiter distinctâ , verificentur , & inconcussa persistant .

*Phil.* Equidem mirabar , quod me ad differendum de rebus Fidei , non transferres ; Mos iste inolevit apud Peripateticos , ut naturalia supernaturalibus immisceant , & cum adversarios refellendi ,

---

(g) *Trial.* 4. c. 15. (h) *Th. Vuald.* Tom. 2. c. 109. (i) *Concil. Tridem. sess. 7. can. 9.*



di , ratio eis non suppetit , ad Ecclesiam confugiant , & in Sacrilliam se se recipiant . Sed nè putres haec ideo à me dici , quia ex Ecclesiae Definitionibus , aliquid praepudicii verear , opinioni Accidentia quaecumque profiganti ; Et itatim , & paucis respondeo , nullà etiam admittà accidentali entitate Peripateticà , quàm optimè Concilii Tridentini salvari definitiones , tum quò ad Impii justificationem ; tum quò ad characteris in Animà impressionem , per solam *Diversam Animae Modificationem* , seu per hoc quod *Animà* , quae priùs *una modo se habebat postea se habeat alio modo* , Deo nimirum in ipsà , & ad ipsam diversimodè ac priùs se habente ; Hoc semel responso , quid jam opus est , fictitiis qualitatibus tuis ?

*Crit.* Non Peripateticis ( lepidè dicam ) probro vertendum , quod facilè ingrediantur , nec infrequenter Ecclesiam ; Quod enim ingrediantur facilè , ex eo est , quia nullo ( Deo quidem dante ) sentiunt se vel Interdicti , vel Excommunicationis vinculo detentos ; Quod autem saepè , ex eorundem , in Ecclesiam amore descendit . Verumtamen , ut seridè loquar ; Rectae rationis , non defectu , sed usu , etiam cum de naturalibus agimus , quotquot Peripatetici sumus , Ecclesiae dogmata ob oculos jure merito retinemus , nè nimia opinandi libidine obcoecati , quae rectae Fidei vel contrariantur , vel non consentiant , doceamus ; Quis enim Philosophus , dummodò Catholicus nesciat , non intellectui nostro subjiciendam Fidem , sed in Obsequium Fidei , nostrum potius captivandum intellectum ? Non itaque mos iste Peripateticis

cis opponendus , sed potius à modernis foret imitandus , nè dum plus aequo , suo fidunt Captui , minùs quàm par est , deferant Fidei ; Praesertim cum verum , nec esse , nec dici queat juxta Philosophiam , quod falsum inveniatur juxta Fidem ; Neque falsum juxta illam , quod verum comprobetur ex istà .

Videor jam mihi , audità tuà Ecclesiasticarum Definitionum explicatione , exultantem cum familiaribus sibi Daemoniis Oxiandrum videre , Viclephumque denegato Sacramentali Caractere , Ecclesiae definitionem irridentem . Quid enim ipsorum interest de vocibus , dummodò nihil de Rebus admittatur ? Enim verò si homo de injusto , non putativè tantum , sed verè sit justus , nihil de novo sibi superaddito , nullàque entitate in ipso receptà , quid restat , nisi quod , si justificatur sine ullo dono creato ( nec quidem merè denominativè , sed verè & realiter ) justificetur à solo Deo , non ut causà Efficiente , sed Formali , adeoque per justitiam Dei , quà ipse justus est , quae est ipsissima haeresis Oxiandri ? Scio quidem consequentiam hanc , tibi numquam placituram , sed quomodo te expedias ab ipsà , planè non video , nam si homo formaliter justificatur , & non per aliquid creatum ; ergo per aliquid increatum ; ergo per ipsum formaliter Deum , contrà clarissimum Dogma concilii Tridentini .

Non absimili modò irridebit Viclephus Doctrinam Oecumenicam de Caractere Sacramentali ; Nam si non aliter explicetur , quàm per aliud sc , seu per diversum Animae modum , ita ut tam

men nihil importetur reale de novo superadditum ipsi , jam persistet in asserendâ Characteris inutilitate , cum character ita explicatus , nihil addat Animae , nihilve importet à merâ purâque Characteris voce distinctum ; cumque illud meriti asseratur inutile , quod aliquid quidem vocatenus importat , nil verò quoad rem , Viclephum in damnato pertinacem errore , ex Ecclesiae Sanctionibus , ( si tua Philadelphie vera sit doctrina ) nemo poterit revincere .

Sed persistet , vel non haeretici in erroribus suis , ( quantum mihi videre fas est ) indecentem Orthodoxo viro , opinionem quodam haec tuam iudicabitur , quisquam seriò animadvertere velit , Ecclesiae universalis Catholica Dogmata , non circa nudas voces versari , sed potissimum , & ferme unicè , ad res ipsas per vocabula designatas , vel negandas , vel asserendas statuendo , occupari ; Ferme unicè , dixi , etsi enim aliquando Ecclesia de voce aliquâ vel admittendâ , in iis quae ad fidem spectant , vel rejiciendâ , sollicitam se ostenderit , non quasi de vocibus , ut voces sunt , ageret , id praestitit , sed prudentissimè praecavens , nè mihi facilitate & libertate vocum introductâ in Mysteriorum explicatione , sensum sine sensu , aliquis in filiorum suorum animos , circa Fidem ipsam , error irreperet quoad rem .

Namquid enim non verba das Philadelphie , per solos diversos Animae modos vel impii justificationem , vel characteris in Animâ impressionem explicans , tempore ipsam , quam Concilium adstruit , verè ac fidenter inficiaris ? Quis Concilium  
legat ,

legat, quis Doctrinam hanc tuam audiat, & mihi non consentiat? Inquit citatis sessionibus Oecumenica Synodus Tridentina, Causam Formalem nostrae Justificationis, eam non esse *Justitiam, quâ Deus ipse justus est*; Docet; nos *Justitiam in nobis recipere*. Docet *Caritatem Dei diffundi in cordibus nostris*, atque ipsis *Inhaerere*. Docet in tribus Sacramentis, Baptismo videlicet, Confirmatione & Ordine, *imprimi Characterem in Animâ*. Haec igitur Ecclesiae universalis Doctrina, est ne de vocibus nudè sumptis, & seclusim à rebus per verba significatis, an potius de rebus ipsis, quae talibus verbis exprimuntur? Quis primum dicat, nisi planè coequeatur? Etsi velit Ecclesia, quod Fideles sui, externam loquutionem cum Fide internâ concordent, numquam tamen eos primitus intendit instruere, ut loquantur, sed ut credant; & ut rectâ imbuti Fide, quae ex ejus uberibus biberint ad propriam salutem, eruant postea ad aliorum aedificationem, atque instructionem, liquidem, ut ait Apostolus (k) *Cordâ creditur ad justitiam, ore autem confessio fit ad salutem*.

Secundum itaque fateri oportet; Quod videlicet, Res per verba praedicta proprio in sensu, quem praefecerunt; denotatas, asserere, & admittendas definire intellexerit Sancta Synodus: Sed si ita est, quomodo negatâ omni entitate reali, realiter superadditâ animae, stare poterit Concilii Doctrina? Dum ais hominem vel justificari, vel Animam per tria recensita Sacramenta, ut sic dicam, Characterizari, per hoc quod Anima, quae prius

---

(k) *Ad Rom. 10. v. 10.*

prius uno modo se habebat, postea se habeat alio, seu (quod idem est) per diversas modificationes in ipsâ receptas; Vel nomine modificationis, aliquid reale intelligis, de novo adveniens Animae, quodve intrinsecè recipiatur in illâ? Vel nihil tale adstruis, sed aliquid purè denominativum? Si primum dicas? Ergo cum realis modificatio de novo adveniens Animae, illique inhaerens, sit accidens reale & physicum, jam aliqua saltem, & quidem physica, concedes dari accidentia, cum tamen omnia prorsus abneges; Hoc autem, cum sine evidenti Doctrinae tuae inchoerentiâ, respondere non possis, restat ut secundum sincerè confitearis. Hoc tamen semel admissò, quis ita, hebes sit, ut statim non videat quantum Catholicae veritati detrahatur? Si *Justitia*, si *Caritas*, si *Character* nihil reale sunt distinctum realiter ab Animâ, nihilque realiter receptum in ipsâ; Cum qua sanè veritate, cum qua proprietate verborum dicere potuit Tridentinum Concilium; Quod *Iusti* nominamur, & sumus, *Justitiam* in nobis recipientes; quod *Caritas* Dei diffunditur in cordibus eorum qui iustificantur, atque ipsis inhaeret; Quod *Character* imprimitur in Animâ? Nunquid quod nihil reale est, potest in altero realiter recipi? Alteri realiter inhaerere; In altero realiter imprimi? Quod est realiter indistinctum ab alio, quomodo poterit cum proprietate sermonis dici, vel receptum, vel inhaerens, vel impressum, in illo, vel illi à quo realiter non distinguitur?

*Phil.* Verè Peripateticum agis Critophile, simili etenim, ut gallicè loquar, *Kiriél*, ii solent, quo-

M

quo-

quorum partes agis, modernorum aures obtundere, irritò tamen, nec enim Concilium Tridentinum, gravissimis rebus intentum, de peripateticis Accidentibus causam instituit, nec unquam vel illa obtrudere, vel admittere curavit; Quid enim accidentium vel rejectio, vel admissio, ad eos pertinet, qui non Philoſophiae, sed Fidei Causam pertractant?

*Crit.* Haec utique decantata à tuæ Doctrinae confociis responsio est; Quà tamen veritate polleat, viderint quorum interest. Satis autem ex eo confoditur, quod aliud est Accidentium physicorum existentiam statuere, Accidentium nomine expresso; Aliud est, rem ipsam nomine accidentium importatam, supresso licet accidentis nomine, definire. Accidentia siquidem licet proprio sub nomine non definierit admittenda, rem tamen admisit, quam Peripatetici accidentis nomine designant, non equidem de nomine, sed de re quaestionem tractantes; Rem inquam admisit, quis enim asserat vel Iustitiam in Animâ receptam, vel Caritatem in corde infusam, vel Characterem in Animâ impressum, totidem esse substantias? Cum itaque citrà dubium omne, haec omnia à Concilio asserta, atque de Fide credenda, sancita, ex unâ parte substantiae non sint, ex aliâ verò non sint Nihil (nec enim praestitis Definitionibus, *aliquid* nihil admittendum in Animâ ab Oecumenicâ Synodo statutum esse, somnari potest; Reliquum planè est, ut illud aliquid reale, quod sive in Iustificatione, sive in quorundam Sacramentorum susceptione recipitur in Animâ sit aliquid, reale uti-

utique , attamen alteri inhaerens atque non adventitiè tantùm , sed & entitative in se ipso accidentale , & consequenter reale & physicum accidens .

Verum est quod Tridentina Synodus , non Scholasticorum litibus dirimendis , sed iis quae stabilendae Fidei , propulsandis erroribus , confutandis haeresibus deservire poterant , & prodesse , tota incubuit , àst quid inde ? Si quaelilio Scholasticorum , affinitatem habebat cum iis quae Fidem respicere possunt , cur Concilium directè sanciens quae spectabant ad Fidem , indirectè non potuit ea resolvere quorum controversia erat in Scholis , etiamsi ad Scholasticas controversias non attenderet ? Atque ut hoc , quod assero , ritè percipias . Ponamus quod duo , de vineâ aliquâ , cujus eorum neuter est Dominus , probabilibus innixi fundamentis , disputent inter se , alter quidem mordicus sustinens vineam esse sub dominio Titii , alter è contrâ , eandem omni jure spectare , ad Cajum , & esse istius . Interim verò Lis Titium inter & Cajum excitetur circa ejusdem Vineae Dominium , utroque eorum , illam sibi vel ex haereditate , vel alio quovis modo pertinere , ac cessisse defensante ; Definiat autem Senatus vineam e. g. deberi Titio , nullatenus Cajo ; Nonnè hac positâ semel sententiâ , nè dum Lis dirempta manebit Titium inter , & Cajum , qui Vineae Dominium quaerebant sibi , sed etiam inter duos illos qui de Domino Vineae quis esset , disputabant , etiamsi ad hosce , Senatus consultus , nullimodè respexerit ? Id planè evenit in caso nostro ; Asserentibus siquidem Peripateticis ultrâ Substantias creatas , dari etiam enti-

tates quasdam five Spirituales, five materiales, five naturales, five supernaturales, quae reales quidem sint, non tamen per se subsistentes, sed Substantiae verè & realiter inhaerentes, quas proin accidentales, & Accidentia physica vocant; Aliis e contrà Entitates istas negantibus, tanquam eas quae aliquid chimericum sint, vanoque occultae qualitatis vocabulo explicabile; His inquam de physicorum Accidentium existentia asserenda, aut neganda, inter se pro virili colluctantibus, Tridentina Synodus, non ut Philosophorum tricas expediat, sed ut Haereticorum evellat errores, inque Sanâ Fidei Doctrinâ instruat Fideles, docet, atque definit Hominem justificari per *Justitiam* à Deo illi donatam, ac in ipso receptam; Docet atque definit *Caritatem* diffundi in cordibus eorum qui justificantur, atque ipsis *inhaerere*; Docet atque definit *Caracterem*, hoc est signum quoddam Spirituale & indelebile *imprimi* in Animâ; Cumque Justitia, Caritas, & Character, neque sint Substantiae, neque sint nihil, reliquum est quod sint entitates reales, realiter inhaerentes Substantiae, ac proinde sint illud ipsum, quod nomine physici accidentis à Peripateticis designatur. Si igitur concilium Haereticos confodiens, & Fideles instruens, rem illam admittendam decernit, de quâ admittenda vel non, apud Philosophos quaestio erat, quomodo quoad Spirituality ac supernaturalia saltem Accidentia, apud Philosophos Catholicos, lis dirempta non erit?

*Arist.* Ulterioribus parce verbis Critophile, quantum enim attinet ad accidentia supernaturalia, tibi



tibi libenter acquiesco , & Philadelphum ipsum ex oris immutatione , atque ex silentio , tibi consentientem agnosco ; Sed vellem modò audire quâ ratione probes operationes Animae , realiter ab ipsâ distingui ; Hic te casurum Philadelphus expectat .

*Crit.* De hoc ipso differere , jam antea proposueram , sed datâ occasione , tantisper ab instituto Dilapsus sum ; Nunc igitur & ut obsequar tibi , & ut adimpleam quod promisi , abs morâ exordior . Utrumque tamen precor ut mihi subirasci nolitis , si hac vice etiam , primitus ex sensu & Doctrinâ Ecclesiae , quàm ex naturalis Dictamine rationis , punctum hoc exagitabo : Memini itaque , ad Controversiam de actuum distinctione , vel indistinctione ab eorundem principio , spectantia me nonnulla legisse , quae ut memoriae occurrerint , congruum videtur referre . Et primò quidem , fuit olim haereticus quidam , *Gregorius Palamas* nomine , qui turpissimè blatherare non erubuit operationem Dei , ab ipsâ Dei substantiâ esse realiter aliam , atque omninò distinctam (1) . Improbis aequè ac insipientis , qui de Divinis humana praedicans , Deum ipsum , Creaturarum adinstar , vel potentialem asserere , vel physicè cum actu suo compositum , fingere non est veritus ; Quasi verò non sit Deus Actus purissimus , atque ens illud , quo nihil melius vel esse potest , vel cogitari .

Inter sexaginta octo propositiones Michaelis de Molinos ab Innocentio XI. proscriptas , vigesima prima erat illa . *In oratione opus est manere in fide obscurâ , & universali , cum quiete & obtusione*

*eujus-*

---

(1) *Apud Bernin. T. 3. pag. 536.*

*cujuscumque cogitationis particularis, ac distinctae attributorum Dei, & Trinitatis, & sic in Dei praesentia manere . . . . Sed absque productione actuum, quia Deus in his sibi non complacet.* Vigesima autem secunda immediate sequens ita habebat. *Cognitio haec per fidem non est actus à creatura productus, sed est cognitio à Deo creaturae tradita.* Quarum utraque, sicut & caeterae merito damnata est, cum in ordine ad actus sive naturales, sive supernaturales, non se habeat Anima velut Inanime quoddam, & merè patiens, sed ut principium illorum, & verè agens; nemoque nisi improbitatem stultitiâ cumulaverit, non videat, neque ad culpam, neque ad meritum, eos posse actus imputari, qui sint in Animâ, sed non ab Animâ, qui recepti, sed non elicit.

Nec piget hic iterum comminisci aliam propositionem damnatam, quam etsi aliàs Philadelphæ à me audieris, video tamen illam è memoriâ tibi excidisse, & fortè nondum cognita erit Aristippo. Igitur inter viginti duas propositiones damnatas (m) *cujusdam Joannis de Mercuriâ, in quo, ut ait Clarissimus Dominicus Bernini (n) anticipatâ nâtivitate visus est surrexisse Calvinus, vel qui in Calvino, visus est revixisse, haec erat decima quinta propositio. Probabile est, cognitionem, vel volitionem non esse distinctas ab Animâ.* Quam quidem propositionem utpotè ab Ecclesiâ proscriptam, tu quoque Philadelphæ, Ecclesiasticis sanctionibus, (ut viri Catholici est) addictissimus, damnare atque anathematizare teneris.

Hiscæ ut occurrerunt succinctè expositis, constat

---

(m) Anno 1347. sub Clem. VI. (n) Bernin. T. 3. cap. 5.

stat ni fallor, Philadelphi opinionem de actibus Animae indistinctis ab illâ, nec ab illâ productis, extremè oppositam esse recensito superius errori Gregorii Palamae; Gregorius etenim Intellectionem & Volitionem Dei, à Deo distinctas asserbat; Philadelphus, illas in creaturis docet esse indistinctas, ex quo consequi videtur, quod quemadmodum ille potentialem faciebat Deum, sic iste actualissimam constituat creaturam; Quorum tamen utrumque quantum à veritate aborrheat, nemo non videt. Et quamvis hoc ipsum ( si de Deo loquimur ) apertum sit, quia tamen opposita illatio in ordine ad creaturas, vel subobscura alicui, vel falsa videri potest, idè ipsam fas est tantisper comprobem. Quomodo Creatura in agendo finita erit, si cum ipsa vel intelligendo vel volendo, ad infinita extendi possit, omne intelligere suum ac omne velle, secum habet identificatum? Si omnia quae agere potest, Creatura, cum ipsâ unum & idem sunt ( sunt autem haec omnia unum & idem realiter cum ipsâ, si cum ipsâ identificantur, ut patet ex terminis ) jam sicut creatura est semper tota secum, ita semper est cum omni suâ actione possibili; Enim verò actio possibilis creaturae ( de Spirituali loquor ) cum tam quoad extensionem, quam quoad intensionem seu attractionis modum sit infinita, nullus siquidem est assignabilis terminus vel quoad objecta cognoscibilia, vel quantum ad modum illa cognoscendi, cum & plura & plura in infinitum, & perfectiori in infinitum modo cognosci possint, planè descendit, quod Creatura se cum identificans omne suum agere, semper sit & actu

actu agens, & actu agens infinita, nam quemadmodum nihil potest esse sine se ipso, sic nihil esse potest sine omni eo, quod à se ipso non distinguitur, sed est idem cum se ipso, & si infinitum aliquid sit idem cum se ipso, illud ipsum erit aliquod infinitum.

Investigare jam superest, num vera naturalis ratio, suadeat ac comprobet intellectionem, volitionemque non esse entitates ab Animâ Spirituali realiter entitativè distinctas; Sed si ingenuè quod in me sentio, patefacere debeam, eodem naturali lumine earundem realis entitativa distinctio, & à suo principio, & à se invicem videtur clarè evinci, quo cuique ratione utenti perspicuum experimentaliter est, se esse liberum: Quâ porro ratione, humana in operando libertas defensabitur, si quaecumque ejus determinatio, seu quævis objecti, sive boni moraliter, sive mali, volitio, cum ipsamet Animâ, identificata realiter, asseratur?

*Phil.* Quid luci tenebras offundis? Illic trepidas timore, ubi non est timor; Quis neget Deum, saltem quoad operationes ad extrâ liberrimum esse, quamvis nullum à se distinctum vel volitionis, vel intellectionis eliciat actum? Estne de ratione libertatis ferri in objecta per actus à liberâ Facultate distinctos; An potius ferri in ea quae libuerint, & quo libuerit modo? Sive actus ab Animâ distinguantur, sive non, perinde est; nec nisi irrationabiliter & gratis omnino evertenda libertas praedicatur, admissâ semel identitate operationum, cum earundem principio.

*Crit.*

*Crit.* Immerito, crede mihi, ad increatam libertatem confugis, teque in illius perfectionis abyſſo abſcondere pergis, ut creatam explices. Verum itaque eſt, quod Deus à nullâ omnino creaturâ neceſſitatem patiens, vel pati valens, liberri-  
mè omnia produxit & producit, regit atque conſervat, & omnia quaecumque voluit fecit in Coe-  
lo, & in terrâ; Sed verum inſuper eſt, quod cum Deus ens optimum ſit, quo nec eſſe, nec cogitari melius poteſt, omnia movet, & immutat, im-  
motus & immutatus, immobilis, ac immutabilis; cumque tranſitus vel de non actu ad actum, vel de uno in alium actum, non compatiatur cum actualitate infinitâ Dei, atque omnimodâ & effen-  
tiali immutabilitate, quâ ratione conſtat Deum eſſe immutabilem, ac omnis potentialitatis exper-  
tem, conſtat etiam Velle ſuum, ſuumque Intellige-  
re, nec eſſe, nec eſſe poſſe, ab ipſo diſtinctum.  
Quis autem non videat, contrario prorsus modo loquendum eſſe de creaturâ, utpote quae naturâ ſua & mutabilis, & potentialis eſt? An non  
quiſque hominum (ut in noſtro genere ſiſtamus) experitur in ſe met ipſo, ſe non eſſe vel fuiſſe, ex  
quo eſt, ſemper eadem vel volentem, vel reſ-  
puentem, vel odientem, vel amantem, vel ſpe-  
rantem, vel timentem objecta. Annon potiùs con-  
ſtat cuique, ſibi multa diſplicere modo, quae an-  
teà arridebant; plurave viceverſa placere quae  
priùs ſummo odio habebantur, & multa intelligi  
quae priùs prorsus erant ignota? Haec cum ita  
ſint, nonne ſponte ſua pateſcit tranſitus Animae  
rationalis, vel de uno actu in alium, vel de ne-

N

gatio;

gatione actus, ad actum? Quâ autem ratione hæc omnia quæ evidentissimè patent, salvari possunt, si vel amor, vel odium, vel cognitio, nihil reale sint ipsi animæ de novo adveniens? Certe quædammodum Anima non potest se ipsam immutare quodam substantiam, ita nec se per diversa sive intellectuum, sive volitionum genera mutare valabit, semel ac intellecto atque Volito, unum quid realiter & identicè sint, cum ipsâ. Audi jam D. Th. (o) ex Augustini (o); eos te addictissimum profiteris, doctrinâ concludentem Si aliquis intellectus est, qui per essentiam suam cognoscit omnia, oportet quod essentia ejus habeat in se materialiter omnia, sicut antiqui posuerunt essentiam Animæ actu componi ex principiis omnium materialium, ut cognoscerent omnia; Hæc autem est proprium Dei, ut sua essentia sit immaterialiter comprehensiva omnium... solus igitur Deus per essentiam suam omnia intelligit, non autem Anima humana, neque etiam Angelus. Quod si proprium solius Dei est, per ipsam formaliter essentiam intelligere, concedere tu quoque teneris, nec Angelum, nec Animam humanam per aliquid à se ipsis inditum potum intelligere & velle; Et si ad id asserendum, Autoritas tanti Doctoris te non movet, moveat saltem & impellat timor incidendi in propositionem Damnatam, cum enim (ut antea dixi) proscripta sit propositio asserens, quod Probabile est cognitionem vel volitionem non esse distinctas ab Animâ sive tu probabilem, sive quod pejus est, certam dixeris indistinctionem & identitatem actuum cum Animâ, invenieris porro damna-

(o) In Sum. 1. p. 2. q. 84. art. 2. (p) Lib. 9. de Trinit.

damnatam docuisse, & defendisse doctrinam, quod certe Sanioris Philosophiae Professore, omnino indignum est.

Sed insuper ex istâ actuum Animae rationalis identitate cum ipsâ maximum creatae libertati praepjudicium, ut aiebam, insertur. Planè nostri Philadelphæ, quod sicuti ad veram Creaturae rationalis libertatem, non sufficit libertas à coactione, sed ulterius libertas à necessitate (cui quidem posteriori libertatis conditioni, contraria Jansenii Iprensis Episcopi propositio, in ordine tertia, meritò proscripta est, quae sic aiebat. *Ad merendum & demerendum, in statu naturae lapsae non requiritur in homine libertas à necessitate, sed sufficit libertas à coactione*) ita non debet Anima rationalis se habere ut inanime quodam, quasi patiens, & non agens, sed cum indifferentiâ cum contradictionis, tum exercitii, unde Concilium Tridentinum (q) sub Anathemate damnat doctrinam asserentem liberum arbitrium. *ut inanime quodam nihil omnino agere, merèque passivè se habere & rursus (r) sub eadem anathematis poenâ asserere vetuit. Solâ fide impium justificari. . . . Et nullâ ex parte necesse esse eum, suae voluntatis Motu praeparari, atque disponi.* Constat igitur, esse de ratione liberi arbitrii posse agere, de ratione liberae voluntatis posse motu suo praeparare se (cum Gratiae tamen auxilio) ad Justificationem, nec enim necesse esset Impium suae voluntatis motu praeparari, si nullus possibilis foret motus voluntatis, ut per se notum est.

*Arist.* Frustrâ jacitur rete ante oculos pennato-

(q) Concil. Trid. sess. 6. can. 4. (r) *ibid.* can. 9.

torum ; An putas ex his laqueum quo capiatur , intexuisse Philadelpho ? Omnia haec sicut jamdudum noverat , sic ultro concedit , sed cum negativis etiam actibus ab Animâ distinctis , adhuc verum sit ipsam non merè passivè se habere , sed posse pro libito diversimodè ferri in objecta , eam adhuc verum est liberrimam manere .

*Crit.* Scio quidem sequelam hanc , utpotè erroneam nimis , non esse à Philadelpho spontè concedendam , sed ego quae spontè dare recusat , vi extorquere conabor . Ut itaque creata voluntas , cum veritate sit libera , debet ipsa se ipsam posse reducere pro libito de potentiâ ad actum , & ad eum qui libuerit actum ; atqui si nullum habet voluntas actum à se ipsâ distinctum , nec se potest de potentiâ reducere ad actum , nec unum actum ponere prae alio ; Ergo si nullum habet voluntas actum à se distinctum , creata voluntas libera non est : Major perspicua , est cuiusque conceptum noverit Creatae libertatis . Minor probatur . Ut possit voluntas se reducere de potentiâ ad actum , vel unum actum prae altero ponere , debet posse ponere , & in se recipere aliquid de novo , quod antea non haberet ; Sed si voluntas nullum habet actum à se ipsâ distinctum , nihil est , quod ipsa vel de novo ponere , vel in se ipsâ recipere possit ; Ergo si voluntas nullum habet actum à se ipsâ distinctum , nec se potest de potentiâ ad actum reducere , nec unum actum prae alio ponere , consequenter non est libera . Major evidens est , nec enim intelligi potest voluntas creata de potentiâ se reduxisse ad actum , quin aliter , ( & quidem alic-

tate



tate reali) se habeat postea, ac antea se haberet; Quomodo autem nullo reali, vel detracto, vel adveniente, mutari ipsa realiter potest; seu aliter se habere? Minor notior est quam probari indigeat, si etenim volitio à facultate volitiva non distinguitur, tandiu est volitio, quandiu est volitiva facultas; per consequens, numquam erit vel eliciens vel recipiens aliquid de novo; maxime cum nihil possit vel elicere, vel recipere se ipsum.

Phil. Quis sibi verum dicere ausus est (f)? Eane libertas quam sibi inesse, intimo experimento quisque hominum sentit, à mero Philosophorum placito, quò ad esse, vel non esse dependet, ita ut verè adesse dicenda sit, si Intellectio & Volitio sint actus ab Animâ distincti, abesse verò si isti non distinguantur ab illâ? Apage ineptam conclusionem!

Cyr. Si, ut ais, intimo quisque hominum experimento, sentit se liberum, sentit pariter de unâ contradictionis parte se posse movere ad aliam, de non volente videlicet, facere se volentem, cogitantem de non cogitante &c. Transitus autem iste de contradictorio in contradictorium realem Animæ mutationem importat, nam, ut nosti, damnata est (r) propositio Nicolai de Ultricuriâ, in ordine trigesima octava, quæ assererat sic. *A contradictorio in contradictorium, absque mutatione reali intrinsecâ cujuscumque, transitus esse potest* realis autem Animæ mutatio, aliquid exigit, realiter de novo ipsi adveniens, quod antea non inesset eidem Animæ, & quod insuper sit activè ab eadem Animâ,

nec

(f) Seneca l. 1. c. 2. de Tranquil. an. (r) Sub Clem. VI.

nec enim ad veram Creaturae rationalis libertatem, sufficiens est passivè mutari, seu unicè per modum recipientis, sed ulterius per modum agentis, ex suâmet electione ut omninò notum est. Nec est quod confugas Philadelphie ad novas Animae modificationes; quaero enim abs te, num novae modificationes istae, sint aliquid reale distinctum ab Animâ & superadditum ipsi, quodvè antea non inesset Animae, insit autem postea, activè proficiens ab Animâ, & receptum in ipsâ? An verò nihil reale sint, distinctum ab Animâ & proficiens ab ipsâ, & in ipsâ receptum? Si primum dicas; Jam incidis, mutato tantum nomine, in eas Peripateticorum Entitates, quarum natura, ut ajobas (u), inatibus occultae qualitatis latebris, abscondi debeat. Si verò postremum eligas; Libertas Creata, quantum videre valeo, penitus interit, & proscripta reviviscit doctrinæ cum Joannis de Mercuriâ. Probabile est cognitionem vel volitionem non esse distinctas ab Animâ. Tum Nicolai de Ukri-curiâ à Contradictorio in Contradictorium, absque mutatione reali intrinsecâ cujuscumque, transitus esse potest, ut nemo non videt.

*Arist.* Puto multos potuisse ad sapientiam pervenire diceret in praesentiarum Seneca (x) nisi putassent se pervenisse, nisi quaedam in se dissimulassent, quaedam apertis oculis transiissent, cum etenim loquereris Philadelphie de actibus Animae, maluit illi eorundem indistinctionem supponere potius, quàm probare, & quasi quaestio haec, nullius fo-

ret

(u) *Dial.* 3. *An. Brut. Vindic.* (x) *Lib.* 1. c. 1. de *Tranquil. an.*

ret momenti, concludebas: Veruntamen negligamus ista: At certe audito super hac controversiâ Critophilo, pace tuâ dixerim, nec controversiâ hanc levem judico, nec Opinionem de actuum indistinctione ab Animâ, tutam esse, vel sanâ cum doctrinâ cohaerentem existimo. At quoniam hucusque in vestibulo principalis controversiæ constititis, tempus jam est, ut ad ejusdem penitiora procedatis, ut si fieri potest, lis ista dirimatur. Crassinâ itaque die (satis enim pro nunc certatum est) ambos reduces expectabo, ac pacificis vestris dissidiis interesse gaudebo.



SUB-

96  
SUBSTANTIA SPIRITUALIS  
EST AD IMAGINEM DEI,

Ex hoc Capite Anima *Spiritualis*  
Brutorum Profligatur.

DIALOGUS QUARTUS.

*Aristippus, Philadelphus, Critophilus.*

*Arist.*



Uam prompti advenistis Domini, mei! Si hac ipsâ horâ concertatio vestra exordium sumat, vobis quidem prolixus labor, sed mihi productior fiet voluptas; Dicas itaque Critophile, quâ ex parte *Spiritualem* Brutorum Animam impetere moliaris; Dicas Philadelphæ unde hodiernam disceptationem inchoari peroptes.

*Phil.* Memini Critophilum vereri (a) ne Bruta dicenda sint ad Imaginem Dei Creatâ, semel ac Animâ Spirituali instructa afferantur; Libenter propterea absurdum hoc à Critophilo promoveri audirem, parâus suam ei allucinationem detegere, & absurdæ hujus falsitatem sequelæ, per quam clarè ostendere.

*Crit.* Nuibus tuis præsto sum Philadelphæ, dummodo tamen consentiat Aristippus.

*Arist.* Nè dum vobis lubentissimè consentio, sed

---

(a) *Dissert. con. An. Spir. Brut. Dial. 4.*

sed imò oro vos ut hoc manè de hac tantùm re à Philadelpho propositâ differere contenti sitis; Haec una etenim difficultas, abundam, ut video, dicendi materiem vobis ministrabit.

*Crit.* Ut itaque petitis faciam satis, incunctanter exordior non nulla praemittendo. Praemoneo itaque primò, quod Scripturâ dicente (b) *Faciamus hominem ad imaginem, & Similitudinem nostram*. Non immeritò distinguenda venit in ipsomet homine ratio Imaginis, à ratione similitudinis, seu ratio per quam homo est ad Imaginem Dei, à ratione per quam est ad Dei similitudinem; Neque gratuitam, & arbitrariam putetis distinctionem istam, Imaginis à similitudine, vel similitudinis ab Imagine; Siquidem si pro uno & eodem acciperentur Imago & similitudo in hoc Scripturae loco, jam non duplicasset Scriptura vocabulum, sed vel tantùm dixisset. *Ad Imaginem*; vel solùm dixisset *ad Similitudinem*; Neque mea est animadvertio haec, quamquam alioqui mea; Inveni siquidem D. Augustinum in hac eadem esse sententiâ, cum inquit (c) *Sunt qui non frustra intelligunt duo dicta esse, ad Imaginem, & Similitudinem, cum si una res esset, unum nomen sufficere potuisset.*

Praemoneo secundò, Imaginem Dei in homine, sitam esse in Mente, sive in eo, quod homo sit in summo rerum gradu, in quo est Deus, & Angelus, videlicet sit naturae intelligentis, si que Animal Rationale; Homo siquidem, potissimè per mentem & intellectum, refert Deum, cumque per rationalem naturam, quantum Creaturae

O fas

(b) *Gen. Cap. 1.* (c) *D. Aug. lib. 83. quest. Q. 51.*

fas est, imitatur; Ex quo consequitur Imaginem Dei naturaliter inesse homini, ita ut perdi in homine nequeat imago Dei, nisi ipsa natura hominis deperdatur; Consequitur itidem, ut impiam aequè ac Stolidam, ab Orthodoxis omnibus rejiciendam, ablegandamque sententiam Matthiae cujusdam Illicici Lutherani dicentis, Imaginem Dei in homine ita per peccatum fuisse corruptam, ut homo substantialiter sit transformatus in vivam, ac Substantialem Imaginem Diabolici; contrà verò Similitudo, si accipiat ut distincta ab Imagine, seu, ut ait D. Th. (d) secundum quod aliqua similitudo deficit à ratione Imaginis, vel etiam est Imaginis perfectiva, fundatur in aliquo accidentali & separabili ab ipsomet homine seu ab Animâ ejus licet Spirituali, & intellectivâ, proindè & ipsa separabilis ab ipso est.

Et quidem Imaginem Dei in homine, esse naturalem, ac indeperdibilem contrapositive ad Similitudinem Dei, ad quam pariter creatus est homo, Communissima est Sanctorum Patrum Doctrina. D. Basilii ait (e) *Per Imaginem Animae impressam mese obtinui rationis usum; Verùm Christianus effectus, utique similis efficio Deo*. Similia habent D. Chrysostomus (f) D. Augustinus (g) Fucherus (h) D. Damascenus (i) & aliis omisiss D. Bernardus (k) addens. *Imago siquidem in gehennâ uri poterit, non exuri, ardere, sed non de-*  
le-

(d) Q. 93. art. 9. in resp. ad 1. (e) Homil. 10. Hexam.

(f) Homil. 9. in Genes. (g) Lib. cont. Adimantum c. 5.

(h) Lib. 1. in Genes. (i) Lib. 2. de fide c. 12. (k) Serm. 1. de Annunt.

leri ; Similitudo non sic , sed aut manet in bono , aut si peccaverit Anima , mutatur miserabiliter jumentis insipientibus similata . Addam , si non piget audire , Philatrum Brixiae Episcopum , qui in rem hanc sic scribit . (1) . Sane quidam Haeretici , qui cum legunt Scripturam dicente Domino . Faciamus hominem ad imaginem & similitudinem nostram , non in parvam descendunt amentiam , ignorantes primum quid imago , quidve similitudo sit Dei ; cumque nesciunt quid sit imago Dei natura proprietatis , & quid portionis sit gratia , non parvam sibi praesumunt superbiam dignitatis , Imago enim Dei iustitiam omnis hominis facta ex nihilo , similitudo autem in fide & vita , nisi cognita fuerit à Deo , apparere non potest Dei imago similis . . . Ideoque imaginem &c. . . Similitudinem autem non omnium sed Sanctorum , & Christianorum esse &c. Addam rursus D. Augustinum dicentem (m) Deus ad imaginem suam hominem fecit , propter hoc quod dedit ei mentem intellectualem , qua praestat pecoribus ex qua D. Augustini auctoritate sic concludit Angelicus Doctor (n) ; cujus alia luculentissima non afferro loca , nè vestra abutar patientia ; ea ergo quae non habent intellectum , non sunt ad imaginem Dei per quae tamen ; licet succinctè adducta , palam innuitur , in omni & solâ intellectuali naturâ imaginem Dei reperiri .

Phil. Urum excipio ex iis quos in rem hanc adduxisti , Patribus , nimirum D. Augustinum , qui ut nosse debes (o) inquit . Hanc imaginem in Spiritu mentis impressam , perdidit Adam per peccatum , si itaque

(1) Lib. de Haer. haer. 86. (m) Lib. 6. de Gen. ad lit. c. 12. (n) Quaest. 93. art. 2. (o) Lib. 6. de Gen. ad lit.

itaque Adam perdidit illam, non est illa inamissibilis ab homine, nec fundatur in aliquo, quod ipsimet homini secundum Animæ naturam conveniat. *Crit.* Laudo promptitudinem responsionis, sed non hinc doctrinam approbo; mirum potius mihi est, quod non reflectas, ad libros retractationum illius D. Augustini, cui te addictissimum proferis; Scias ergo illum eundem D. Augustinum, qui à te modo relata scripserat, citato à te loco, postmodum ea retractasse dicendo (p), quod ut verum sit quod ibi dixerat, sic accipiendum est; Non quasi in Adamo peccante nulla remanserit Dei imago, sed quod illa per peccatum tam deformis effecta fuerit, ut reformatione indiguerit; Ex quibus constat plane, Imaginem Dei in Animâ Spirituali hominis, esse indeperdibilem: Quod si vellem ex Augustino luculentius ostendere, quod secundo loco praemonui, possem afferre ipsum dicentem (q) *Ubi factus est homo ad Imaginem Dei? In intellectu, in mente, in interiori homine & nè respondere posses D. Aug. loqui de interiori homine quantum ad moralia, non verò quoad naturalia, ejus, audi, dicerem, audi Augustinum se expressè (r) explicantem sic. Homo ad imaginem Dei factus esse dicitur secundum interiorem hominem, vide de quo interiori loquatur, num videlicet morali & libero, an potius naturali & necessario. Ubi est ratio & intellectus. Quare cum Ratio & Intellectus essentialiter conveniant homini secundum Animam, Imaginem Dei, quae est in homine* repo-

.(p) Lib. 2. retract. cap. 24. (q) Trac. 8. in e. 4. Ep. 1.

.(r) Lib. 1. de Gen. cont. Manich.



reponit evidenter Augullinus, ſicut alii Sancti Patres communiffimè, in prædicato aliquo effentiali Animæ Spirituali hominem informant; Sed nè tibi & Ariftippo moleſtus ſim, hæc ſub ſilentib pertranſeo.

Praemonco denique, quod licet imago Dei, ad quam creatus eſt homo; ſi in proprio, & naturali ſenſu accipiatur, fundata ſit in ipſâ Animæ humanæ naturâ; Poſſe nihilominùs in aliquo alio; partialiter tamen, & incompletè, aut in ſenſu morali collocari, & exponi, ſicut nonnunquam Sancti Patres, & Divini Verbi interpretes illam partialiter collocant, & moraliter exponunt; Sed multiplex Senſus, in quo res aliqua explicari poſſit, non officiit genuino & principali Senſui, in quo res illa accipi, & explicari debet. Hiſce præmonitis ſic. Et ſolæ, & omnes Creaturæ intellectuales ſunt ad imaginem Dei, ſolæ ſiquidem inter cæteras Creaturas, & ſuprà ipſas, in ipſâ intellectuall naturâ, ſpeciali modo imitantur Deum, nam ut ait S. Aug. (s) *Quæ ſapiunt vel intelligunt, ita ſunt Deo ſimilitudine proxima, ut in Creaturis nihil ſit propinquius. Ex quo deducit Angelicus Doctor. Ergo patet, quod ſolæ intellectuales Creaturæ propriè loquendo ſunt ad imaginem Dei.* Atqui ſolæ & omnes Subſtantiæ Spirituales ſunt Creaturæ intellectuales; Ergo ſolæ & omnes Subſtantiæ Spirituales ſunt ad imaginem Dei; Subſumo; Sed ſi Brutis ineſt Anima Spiritualiſ, ineſt pariter Anima intellectualliſ, adedque ſicut in numero entium Spiritualium, ita & in numero intellectuallium

(s) Lib. 83. quaest. quaest. 51.

lium sunt reponenda; Ergo Bruta forent propriè loquendo ad imaginem Dei; Quod quidem consequens, cum ex una parte legitimum, ex alià absurdissimum sit, planè constat Animam Spiritualem Brutis non inexistere, nec ipsis inexistentem, posse cum veritate doceri.

*Phil.* Duo itaque complexeris mox factò argumento Critophile. Primò videlicet, Animam Spiritualem Brutorum esse intellectualem; Secundò, Animam Spiritualem & intellectualem Brutorum esse ad imaginem Dei; Sed nullo negotio utrumque refello, & primò primum. Vel nomine Animæ intellectualis, intelligis Animam sufficienti præditam lumine, ad res Corporeas ac sensibiles cognoscendas, ac differendum de illis, ita ut ad altiora cognoscenda evehi nequeat; Et in hoc sensu, do tibi Animam etiam Spiritualem Brutorum, & esse & dici debere intellectivam. Vel nomine Animæ intellectualis, Animam accipis eo illustratam lumine, quod Deus super homines signavit, cujus beneficio adjuvatur homo ad Deum, divinæque res dignoscendas, sentiendæque probitatis regulas; & in hoc sensu quis hominum ambigat, Animam Brutorum, Spiritualem licet, non tamen esse intellectivam? Neque arbitraría est distinctio ista, sed fundata in D. Augustini, & D. Bernardi doctrinâ, quorum primus sic scribit, (1) si tamen verus est Augustini foetus liber ille. *Hominem ex Animâ & Corpore constare nulli est dubium ... Sed rursus in eâdem Animâ duo quædam videntur; unum quod amans divina intelligit, & participat rationi,*  
ac

---

(1) D. Aug. lib. 21. Sent. cap. 6.

ac dicatur rationale; Aliud quod sensibus, fruens belluis etiam communicat, ac sit irrationale. Posterior autem non ab simili modo differit : (u) Alius est intellectus ex vi naturalis rationis, alius ex virtute mentis rationalis ; Intellectus quidem idem ipse est, qui quocumque sive in bonum, sive in malum applicatus fuerit, naturaliter viget, sed alius invenitur sibi relictus, alius à gratiâ illuminatus ; Ille sæculi rebus se non negat ; Hic autem non nisi dignis se rebus, & similibus sibi, se ipsum accommodat. Duas ergo veluti naturales facultates in eodem hominis intellectu, duos quasi intellectus in humanâ mente concipere debemus, alium qui sibi relictus, ex vi rationis naturalis corporalibus duntaxat, ac sensibilibus rebus occupatur ; Alterum qui gratiâ illuminatus, ex virtute mentis rationalis divîna intelligit, & diligit.

Ex his autem, quod secundo loco proposueras, similiter evertō ; Siquidem quando dicitur homo esse ad imaginem Dei secundum mentem, seu Rationem, non accipitur ratio secundum ampliorem hujus vocabuli significationem, prout scilicet rationis nomen, se extendit ad illam etiam facultatem, quâ res corporales, & sensibiles attingimus, & de his differimus, sed consideratâ Ratione pro lumine illo vultus Divini super nos divinitus signato, per quod & Deum cognoscimus, & ad piè honestèque vivendum adjuvamus, ut frequens est SS. Patrum doctrina. *In quo factus est homo ad imaginem Dei ?* Inquit. S. Aug. (x) *In intellectu, in mente, in interiori homine, in eo quod intelli-*

---

(u) D. Bern. Epif. ad Frat. de Mon. Dei. (x) S. Aug. trac. 8. in Epif. 1. Joa.

solligit veritatem, dijudicat justitiam, & injustitiam; novit à quo factus est, potest intelligere Creatorem suum, laudare Creatorem suum; Ideo multi, quum per cupiditates malas deleverunt in se imaginem Dei, & ipsam quodammodo flammam intelligentiae perversitate morum exstinguerent, clamat illis Scriptura: Nolite fieri sicut equus & mulus &c. Clemens Alexandrinus haec scribit: (2) Hominem ad imaginem Dei esse factum... Quoniam uti Deus ratione molitur omnia, sic homo qui perfectâ cognitione praeditus est, ex rationis facultate, bonas & honestas actiones exequitur.

Hos inter Sanctos Patres, quorum ut dixi frequens est haec doctrina, audi Firmianum Lactantium qui perpulchrè sic loquitur (a) Quis tam indoctus ut nesciat? Quis tam imprudens ut non sentiat, aliquis inesse in homine divini? Nundum venio ad virtutes animi, & ingenii, quibus cum Deo manifesta cognatio est. Numne ipsius corporis status, & oris figura declarat, non esse nos cum mutis pecudibus aequales? Illarum natura in humum, pabulumque prostrata est, nec habet quidquam commune cum Coelo, quod non intuetur. Homo autem recto statu, ore sublimi ad contemplationem mundi excitatus, confert cum Deo vultum, & rationem ratio cognoscit. Propterea nullum est animal (ut ait Cicero) praeter hominem, quod habeat aliquam notitiam Dei. Solus enim sapientia instructus est, ut Religionem solus intelligat; & haec est hominis, atque Brutorum vel praecipua, vel sola distantia.

Aliis denique sexcentis omissis audi quid inquit

---

(2) Clem. Alexand. lib. 6. Strom. (a) Lib. 7. de ira Dei.

quiat clarissimus vir Augustinus Tornicius (b) :  
*Post illa verba , faciamus hominem ad imaginem &  
 similitudinem nostram , continuo subiungitur , & prae-*  
*fit piscibus , & volatilibus Coeli , & Bestiis , univer-*  
*saeque terrae . Ex quibus videtur indicari , in hoc po-*  
*tissimum esse accipiendam hanc imaginem , & similitu-*  
*dinem Dei , quod quemadmodum ipse Deus verè est*  
*finis omnium , ita homo est quodammodo finis cunctarum*  
*rerum saltem sensibilium . Cum ergo Bruta , non eà*  
*polleant intellectivitate , in quâ juxta SS. Patres sita*  
*est Imago Dei in homine ; Cumque ipsemet homo ,*  
*sit potissimum ad Imaginem Dei , ut modo retuli ,*  
*in quantum ipse est finis rerum omnium sensibili-*  
*um , Bruta nihil habent , per quod cum veritate*  
*dici possint , esse ad Imaginem Dei .*

*Arist.* Egregiè more tuo locutus es Philadel-  
 phe ; Sed patere ut Critophilum respondentem  
 audiamus .

*Crit.* Magnam , & speciosae frontis , erexisti  
 Philadelphae Machinam , sed vereor nè crexeris  
 super arenam . Incipiamus à posteriori , utpotè re-  
 centiori responso , & postea regrediemur ad pri-  
 mum : Ratio , inquis , secundum quam homo , fa-  
 ctus dicitur ad Dei imaginem , non est accipienda  
 nisi in hoc sensu , quatenus nimirum importat lu-  
 men signatum à Deo super nos , quo mediante , &  
 honestae vitae normam , & Deum Creatorem edo-  
 cemur , juxta SS. Patrum mentem ; Attamen in  
 primis , fateor me non videre , quo polleat funda-  
 mento , responsio ista . Nam D. Augustinus , loco à  
 te mox citato , non loquitur de Imagine propriè  
 tali ,

P

(b) Tornicius, *Annal. soc. s. Mun. aetate die 6. n. 7.*

tali, saltem in subsequens ubi ait. *In eo quod intelligit veritatem &c.*, cum enim loquatur ibi de Imagine Dei, quae potest per malam hominis voluntatem aboleri, consequens manifestè est, quod licet loqui cœperit de imagine strictè sumptâ, eandem postea promiscuè acceperit, in quantum confunditur cum merâ similitudine: Quae quidem utpotè in ornamento Gratiae, & virtutum moralium exercitio consistens, per malum liberi arbitrii usum, potest deperdi. Cæterum D. Augustinus, ubi loquitur de Imagine Dei in homine strictè acceptâ, illam constanter reponit in ipsâ intellectuâli hominis naturâ; Quod si alicubi vitus est docuisse, Imaginem Dei in homine, sitam esse in aliquo accidentali, esseque proinde amissibilem, id postea expressè retractavit, ut antea dixi, & debes meminisse.

Quod attinet ad Clarissimum virum Angustinum Tornielli, quem omni eruditionis & doctrinae ornamento fulgentem conspicio, venerorque, admitto equidem, Hominem, in hoc etiam sensu dici posse ad Imaginem Dei, prout nimirum sicut Deus est finis orationum, sic homo est finis non quidem omnium, sed sensibilibus saltem Creaturarum; Sed tamen intrepidè inficior, hunc esse vel unicum, vel præcipuum sensum, in quo dicendus sit Homo, ad Imaginem Dei Creatus. Praecipuus siquidem sensus, quo dicitur homo ad Imaginem Dei; iste est, ex Sanctis Patribus quos supra retuli; Scilicet quod Homo sit in ordine rerum, & substantiarum Spiritualium quoad Animam; Quod adeo certum, fixumque est D. Augustino, ut in uno eodemque sermone (a) loquens de imagine Dei

(c) S. Aug. lib. 7. de Gen. ad lit.

17. 18. 19.

( )

Dei, ad quam conditus est homo, repetat quater, quod imago Dei in homine, nisi secundum Animam rectè intelligi non potest. Cum itaque, ordinatio Creaturarum sensibilibus ad hominem, sit gratis à Deo facta, non homini qua homo est, naturaliter debita, si juxta apertissimam præcipuorum SS. Patrum doctrinam, potissima ratio imaginis Dei in homine, in Animâ consistit, jam non in hoc, potissimum saltem, est accipienda. Quod quemadmodum ipse Deus &c. ita homo sit quodammodo finis &c. in hoc etenim sensu, nec unice nec principaliter consistit, Dei in, homine imago.

*Arist.* Verè non oportet esse judicem unâ tantum parte auditâ; Videbaris enim mihi, rem magnam præstasse Philadelphe, sed audito Critophili responso, quæ à te dicta sunt, evanescunt prorsus; Et si, paulisper me quoque audire non piget, addo unum verbulum Critophili dictis. Imago Dei, ad quam homo est creatus, ut ex Scripturis, & Sanctorum Patrum auctoritate docemur, tam aliè insidet homini, ut semper in illo vivente remaneat, nec mortuo deleatur; Atqui si in imperio, homini concessio super res sensibiles, seu in ordinatione rerum sensibilibus, ad hominem tanquam ad finem, si non ultimum, saltem proximum, talis imaginis ratio consisteret, quamvis remaneret in homine vivo, deleteretur tamen in mortuo; Nec enim ad hominis mortui bonum, ordinata sunt entia sensibilia, nec homo mortuus, est finis propter quem res sensibiles vigent; Ergo non in eo, propriè loquendo, sita est imago Dei in homine, quod homo sit finis, propter quem res sensibiles

createae sunt ; In eo proinde, est homo ad Imaginem Dei, quod habet Animam Spiritualem intellectivam .

*Crit.* Gratias tibi Aristippe, quod ingenii tui acumine, detexisti quod me latebat, & si permit- tis, prosequor caeteris respondere . Nihil ergo, nihil omnino me movent verba Lactantii Firmiani dicentis (d) *Solus enim homo sapientiâ instructus est, ut Religionem solus intelligat, & haec est hominis at- que Brutorum, vel praecipua, vel sola distantia* . Nisi enim intelligantur de distantia morali, non habent veritatem ; Quia homo, per naturam suam, seclusâ etiam Religionis intellectuione, à brutis quàm maxi- mē distat ; Alioqui Atreus, qui nullam intelligit Religionem, ( si tamen verē possibilis est ) nē dūm moribus, sed etiam naturā minimē distare, dicendus foret à belluis .

*Phil.* Scias tamen Stanislaum Hosium S. R. Ecclesiae Cardinalem, postquam retulit quaedam à Lactantio conscripta, (e) quae hominem inter & bestias, analogiam & discrimen ostendunt, sic pos- tea de suo concludere (f) *Quid igitur esse dicemus, quo maximē discerni possunt homines à pecoribus ? Non ratio, non oratio, non prudentia, non aliis quaecum- que ; Sed sola est Religio, quae nos ab illis secernit* .

*Crit.* Jam pridem id noveram ; At quid inde ? Quis vel leviter suspicetur clarissimum virum, pie- tate & doctrinā, non minū quàm dignitate, emi- nentissimum, isthaec tuo in sensu scripsisse ? Nescit fortē, talis ac tantus vir, hominem solum, Ani- mal

(d) *Lactan. Firm. cap. 7. de ira Dei.* (e) *De ira Dei c. 7*

(f) *Stanisf. Hof. in Proem. ad Confess. Cathol.*



mal esse rationale , & per hoc ex ipsâ ejus naturâ , maximè discerni à pecoribus ? Quid ergo sibi volunt ea verba ? *Sola est Religio , quae nos ab illis fecernit* . Nisi hoc unum , quod secernimur à Brutis per Religionem , quoad meritum boni operis , quoad fructum verae gloriae ? Quid enim prodest homini , ad altissimum finem divinitus ordinato , esse hominem , si homini non insit Religio ? Quare piè doctèque ait Cornelius à lapide (g) *Coelo nati , Coelo creati sumus , hic finis , hic scopus nostræ , ab hoc si aberremus , frustra homines sumus , frustra coelum solemque suspeximus , satius foret , bruta aut saxa fuisse* . Secernimur itaque , secernimur quotquot homines sumus , à Brutis per rationem , secernimur oratione , secernimur prudentiâ , & super ea , in aliis etiam excellimus ; sed non juvat consequendo fini , ad quem conditus est homo , secerni à Brutis per Rationem , nisi ratio sit subjecta Deo ; Vel per Orationem seu discursum , nisi ita sit conformis , & naturae legibus , & mandatis Dei ; Vel per prudentiam , si sit prudentia Carnis , & non potius secundum Deum : Hoc in sensu , & non alio , verum est , quod sola Religio , nos à Brutis secernit , nec enim , nisi temerè negari potest , quod verissimè agebat D. Augustinus (h) : *Sensu nos bestiae multae superant , mente autem , ratione , & scientiâ nos illis Deus praeposuit* .

Attamen admiror vehementer , te in perscrutandis SS. Patribus , virum alio qui diligentissimum , tantum Lactantio Firmiano deferre , ut ex ejus doctri-

---

(g) Cernit. à Lap. comment. in Genes. c. 2. (h) S. Aug. lib. de quant. an. cap. 28.

doctrinâ controversiam hanc dirimere, non ambigas; quamvis enim in ipso, & ingenii pernitentem, & Tullianam dicendi facundiam commendem, novi tamen, sicut & tu nosse debueras, pluribus ejus doctrinam scaterere erroribus, ita ut Gelasius primus, in Concilio Romano, non immerito pronunciaverit. *Opuscula Lactantii, apocrypha*. Et inclitum illud lumen Societatis Jesu, Cardinalis Bellarminus, in libro de Scriptoris Ecclesiasticis, de Lactantii Firmiani operibus differens, scriptum reliquerit. *Quomodo ad eloquentiam Tullianam accedunt, ita erroribus variis sic deformata sunt, ut non sine causâ Gelasius Papa in Concilio Romano, apocrypha censeri voluerit*. Unum tamen est, quo excuseris, quia videlicet malam, quam defendere suscepisti causam, meliori non vales auctoritate munire.

*Arist.* Opus est Critophile, ut Auctoritatem D. Clementis Alexandrini, cujus oblitus esse videris, tibi non officere ostendas.

*Crit.* Opportunè monuisti me, verè enim è memoriâ exciderat. Sed incunctanter respondeo, S. Clementem eo loci, non de imagine strictè acceptâ, verba facere, sed de imagine, quæ confunditur cum similitudine, ex malo arbitrii usu ammissibili, si etenim Imaginem Dei strictè & propriè sumptam, in actuali bonarum ac honestarum actionum executione, reposuisse diceretur, consequens fieret, quod cum non omnis homo, cum non semper homo, bonas & honestas actiones actu ponat; non omnis homo, non semper homo esset ad imaginem Dei; Quod quis asserere audeat?

Quis

Quis de tanto Patre, sentire? Quisque verò ex his intelliget, juxta SS. Patrum, sacrorumque Verbi Dei Interpretum genuinam mentem, Imaginem Dei, ad quam factus est homo, consistere in ipsâmet Animâ hominis, quatenus Spirituali & intellectivâ; Quod si quis eorum inveniat, Imaginem Dei in homine, per aliquod morale, vel per quidpiam aliud, homini liberum, & non in ejus naturâ fundatum, explicasse; cum necesse exponi debere, sine præjudicio Imaginis Dei, inamissibilis, ad quam est omnis homo, ad quam est semper homo, sive Deum agnoscat, sive non, sive bene moraliter vivat, sive malè. Sentis hinc Philadelphæ quàm falsò, quàm! gratis! asserueris Imaginem Dei in homine, aut unicè, aut principaliter consistere in aliquo, quod ab hominis voluntate dependeat, & non potius in ipsâ Animæ humanæ naturâ; Et nè amplius errandi tibi causa remaneat, lege precor Angelicæ universalis Ecclesiæ Doctorem (i) reperiens enim, & discas, quod cum homo secundum intellectualem naturam ad Imaginem Dei esse dicatur, secundum hoc est maximè ad Imaginem Dei secundum, quod intellectualis natura Deum maximè imitari potest; Imitatur autem intellectualis natura maximè Deum, quantum ad hoc, quod Deus se ipsum intelligit & amat; Unde Imago Dei tripliciter potest considerari in homine; Uno quidem modo, secundum quod homo, habet aptitudinem naturalem ad, intelligendum & amandum Deum, & hæc aptitudo consistit in ipsâ naturâ mentis, quæ est communis

(i) D. Th. Q. 93. art. 4.

*omnibus hominibus*. Alio modo secundum quod homo, actu vel habitu, Deum cognoscit & amat, sed tamen imperfectè; & haec est Imago per conformitatem gratiae. Tertio modo, secundum quod homo Deum actu cognoscit, & amat perfectè; & sic attenditur Imago secundum similitudinem Glorïae: Unde super illud Plal. IV. *Signatum est super nos lumen vultus tui Domine*, Glossa distinguit triplicem Imaginem, scilicet Creationis, & Recreationis, & Similitudinis; Prima ergo Imago, invenitur in omnibus hominibus, & est Naturae; Secunda in iustis tantum, & est gratiae. Tertia solum in Beatis, & est Glorïae; Stat ergo inconcussum, Imaginem Dei, ad quam, non solus est iustus per gratiam, non solus est Beatus per Gloriam, sed omnis homo Creatus est, sitam esse in ejus Animâ, quatenus Spirituali, & intellectivâ.

Opus modo est tantisper scrutari, quod primitus respondebas; Nimirum Brutorum Animam ut ut Spiritualem, non tamen esse intellectivam, eo sensu, quo valeat vel morum regulas discernere, vel Deum etiam ut purè Authorem naturae intelligere; Esse verò intellectivam, si nomine intellectus, accipiatur facultas illa, qua res corporales & sensibiles percipiuntur, & de illis differitur. (k): In primis itaque fateor, me non videre quâ cum veritate, Anima Brutorum, intellectiva rerum sâkém materialium, esse dicatur; Notum enim est quod *Intelligere* idem sonat ac *intus legere*, ex quo Angelicus Doctor colligit differentiam Intellectus & Sensus, non minùs verè quàm subtiliter

---

(k) *Dial. 4. An. Brut. vindic.*

liter inquires : (1) Quod cognitio sensitiva, occupatur circa qualitates sensibiles exteriores, cognitio autem intellectiva, penetrat usque ad essentiam rei, objectum enim intellectus est *Quod quid est* ; Sunc autem multa genera eorum, quae interiorius latent ; Ad quae oportet cognitionem hominis quasi intrinsecus penetrare ; Nam sub accidentibus latet natura rei substantialis ; Sub verbis latent significationes verborum ; Sub similitudinibus & figuris latet veritas figurata, res enim intelligibiles, sunt quodammodo interiores, respectu rerum sensibilium, quae exteriorius sentiuntur ; Et in causis latent effectus, & è converso, unde respectu horum omnium, potest dici intellectus ; Cum autem tu ipse, Philadelphie concedas, quod Bruta Animalia sensibilibus rebus tantum fruantur (m) concedis iidem non ea se extendere, ad id quod latet, sub sensibilibus ; Fruitio siquidem coarctata ad sola sensibilia ; Non se extendit ad insensibilia & intelligibilia, consequenter vel invitus concedis, Bruta in nullo sensu esse intellectiva, licet sint sensibilia, quae merè talium, cognoscitiva .

His positis arguo : Omnis Substantia Spiritualis est vivens ; triplex autem tantum, vel ad summum, invenitur vitae genus, nempe vegetativae, sensitivae, & Intellectivae ; Sed nulla Substantia Spiritualis est per se in genere vitae vegetativae, vel sensitivae ; Ergo omnis Substantia Spiritualis est in genere Vitae intellectivae . Sub

Q

sumo .

(1) *Secunda secundae Q. 8. art. 1. in corp. (m) Dial. 4. An. Brut. Vindic.*

sumo ; Atqui Anima Brutorum non est intellectiva , nec enim Bruta ex accidentibus dignoscunt rerum naturas & essentias , neque ex verbis significationem , neque ex effectibus Causas , vel ex Causis effectus , in quâ cognitione , consultit ipsum *Intelligere* Animae Corpori alligatae ; ergo Anima Brutorum , non est Substantia Spiritualis .

Sed gratis concedamus , Bruta esse verè & propriè intellectiva rerum materialium ; Peto nihilominus , an illorum vis intellectiva versari tantummodò possit circa materialia objecta , an se etiam extendere ad objecta immaterialia , & ad Deum ipsum saltem Authorem naturae ?

*Phil.* Placuit illi , qui omnia in sapientia fecit , (n) immateriales quidem aliquas Substantias , ordinare ad immaterialia etiam objecta attingenda , alias verò aptas facere solis materialibus cognoscendis ; Et cum hujusmodi sint Brutorum Animae , quid mirum , si ad immaterialium objectorum , vel ad Dei cognitionem nequeant pervenire , vel regulas morum attingere ? Nè autem arbitrariam putes responsionem hanc , audi quid inquit D. Bernardus (o) de Spiritu Brutorum loquens . *Irrationalis nempe Spiritus , nisi corporalia per corpus & ipse hauriat , corpore tamen suo non adjuvatur , ob innatam stoliditatem ad Spiritualia & intelligibilia capeffenda .*

*Crit.* Quoniam responsionem hanc tuam , arbitrariam appellari non vis , non illi hanc notam inuram ; Verùm tamen vel auctoritate inniteris , vel

---

(n) *Dial.* 4. *An. Brut Vindia.* (o) *S. Bern. Serm.* 5. *in Cant.*

vel ratione ? Si auctoritate ; Qualis sanè est ex D. Bernardo Spiritus, seu Substantia Spirituális, cui Stoliditas, tanquam aliquid naturae proprium, innata est ? Sed multa non moror pro modo, quoniam de mente D. Bernardi, quò ad hoc punctum scrutandà, se te nobis expressior occasio offeret : Si autem rationi ; Quam quaeso adfers ? Cum unicè pro re hactenus inaudità adstruendà, recurras ad placitum Dei ? Scimus utique, quotquot homines sumus, & ea inter quae versamur, inspicimus, scimus inquam, Deum omnia in Sapientià, omnia in numero, pondere, & mensurà fecisse ; Sed ex hoc ipso, quod omnia summà cum sapientià, rectissimoque cum ordine fecit Deus, novimus planè nec ipsum, quae genere nobiliora sunt, propter ignobiliora creasse, nec ad ignobiliora, tanquam ad proprium finem, devinxisse ; Etsi enim creaverit Deus corpora coelestia, quae in haec inferiora, & ut in haec inferiora influant, corpora tamen sunt, & intrà corporeae Substantiae genus contenta ; In hoc autem, quod corpora corporibus serviant, nulla certè apparet inordinatio, imò rectissimus ordo . At verò quò ad hoc, quod Substantia Spirituális, in gratiam solius corporis creata sit ; Ut non aliter sibi ipsi valeat deservire, quàm serviendo corpori ; Ut non alia possit intelligere, velle, & amare, nisi corporalia ; Quicumque planè Spirituali animatur Substantià, foedam deordinationem animadvertet . Quale enim est hoc, quod id quod est genere nobilius, propter aliquid longè inferius, creetur, tanquam propter finem sibi proprium ? Quodve id, quod utpote Spirituale ad

Spiritualia ; quantum est ex naturâ suâ potest asurgere , solis terrenis , solis corporalibus occupatum , cognitione non minus quàm affectu , detineatur ? Si Doctrina quae ista venditat sanior est , quae nam sit falsa , ignoro .

*Phil.* Quam quæso hinc inordinationem arguis (p) ? Bene nè loqui illum admitteres , qui Aurigam famulari equis asseveraret , quum istis ille cibum praebet , & potum , lectum parat , eosdem peccit & lavat ? Haud sanè ; Omnibus enim comperturn est sanæ mentis hominibus , Aurigam equis ea omnia impendere ut Domino suo exactè famuletur , ad cuius usum , & commodum equi deserviunt ; At verò , quem hominum unquam latuit bestias omnes ita à naturâ esse comparatas , ut nobiliori Spiritui , humano nimirum , inserviant , cujus subveniendis necessitatibus , tam diversas Brutorum Animalium species D. O. M. conformavit , ut uno ore clamant SS. Patres ? In quo sanè tantum abest , ut aliqua appareat inordinatio , quin potius & nos Deum laudare compellimur , utpote qui non substantias tantum materiales , sed immateriales etiam condiderit , alias aliis ignobiliores , ut una alteri deserviat , & sit proficua .

*Crit.* Miror quod hoc totum , ex jis quae refert Panyasis (q) , roborare non studueris ; Scribebat siquidem Deos hominibus servivisse subactos .

*Paf-*

---

(p) *Dial. 4. An. Brut. vindic.* (q) *Apud Clem. Alexan. in Almon. ad gent.*



*Passa Ceres , passusque insignis Mulciber , estque  
Passus Neptunus , passusque est Phaebus , Apollo  
Mortali ipse suas operas mercede locavit  
Passus Marsque ferox , irato à patre coactus &c.*

Si enim absurdum non est , vel Deos , & quidem  
coactos , subjici hominibus , quid in hoc erit absur-  
ditatis , aut deordinationis , quod Substantia Spiri-  
tualis subdatur corpori , & ad hunc ipsum finem  
creata sit , ut serviat illi ? Mirificè enim alienâ fa-  
bulâ , confirmasses & tuam . Sed tua jam perpen-  
damus responsa : Auriga , ajebas , sine ullâ rerum  
deordinatione , pectit equos &c. ut domino suo  
deserviat ; Ergo nulla in hoc est deordinatio , quod  
Substantia Spiritualis deserviat corpori , ut ita deter-  
viat homini . Ineptitudinem argumenti hujus , ut  
clare percipias , dicas mihi : Auriga ille qui pectit  
equos , lavat &c. , praestat nè haec munia quatenus  
homo , an quatenus , ex accidentali conditione est  
addictus alterius hominis mancipio ? Haec quidem  
non praestaret , nisi esset homo , sed tamen non ea  
praestat in quantum homo , quasi proprium homi-  
nis sit ista praestare ; Peragit itaque haec omnia in  
quantum praecisè famulus est . Peto rursus . Auri-  
ga ille , est nè propter hunc finem creatus , ut  
pectendo & lavando equos &c. hero suo famule-  
tur ? An propter aliquem excellentiorem finem ,  
ejus naturae consentaneum ? Hoc postremum con-  
cedes , inficiabere primum ; Hoc inquam postre-  
mum concedes , nam prescindendo pro nunc ab  
eo Altissimo , ac supernaturali fine , ad quem ex in-  
finitâ

finità Dei munificentia, ac bonitate, gratis & gratiose elevatus est homo; Homo ipse quatenus Animal est rationale, seu quatenus Spirituali Animâ praeditus, etiam in statu naturae purae relictus (cujus quidem status possibilitatem contra Janse-  
nium suosque, non audebis respuere) habuisset pro ultimo fine suo, non extrinsecus & gratiose assignato, sed intrinsecus, & naturaliter à naturâ rationali praecisè quâ tali, postulato, visionem Dei, non quidem claram & intuitivam, quâ verè fruuntur Beati in Patriâ, sed abstractivam; Talem tamen quae quietativa fuisset, omnis ejus rationalis appetitus, utpotè insciis de eâ possibilitate intuitivae visionis Dei, quae non per naturale lumen dignosci potest, sed unice credi per lumen fidei.

Optimus hinc apparet, rerum omnium à Deo creatarum ordo, per quem videlicet, ita omnes propter Deum, seu Gloriam Dei creatae sunt, ut quamvis, aliae aliis deserviant, finem tamen habeant singulae, earum naturae consentaneum & proportionatum, vel cui deserviant, vel quo fruuntur; Atque ut in veris Spiritualibus substantiis sermonem contineamus, quae citra omnem dubitationem existunt: Creavit Deus Spirituales substantias, ab omni materiae informatione solutas, atque omnimodè independentes, quas formas simplices dicimus, & Angelos nominamus; Quamvis autem millia millium Angelorum creaverit, quorum unus alteri praestet in naturâ, alter alterius, inferior nempe superioris, illustratione indigeat, & obsequatur imperiis, quorumque infiniti propemodum, in Ministerium missi sunt, & mis-

tuo-

tentur, propter homines qui hæreditatem capiunt salutis, seu reparandis rebellium Angelorum ruinis, coelestibusque occupandis sedibus creati sunt, & creantur; Nunquid tamen, vel supremum, vel medium, vel infimum Angelum ita destinavit Deus alicui Ministerio, ut non etiam ordinaverit ad finem Substantiâ Spirituali dignum, quo ve Substantia ipsa Spiritualis frui posset, nè dum sine ullo nobilissimæ Creaturae præjudicio, sed potius cum summo ac proprio, nativoque Spiritualis naturae, honore pariter & gaudio? Haud sanè; Immo omnes propter se ipsum, tanquam propter finem ad quem tenderent per gratiam, quo fruerentur per gloriam, creavit.

Creavit Deus hominem & ad imaginem & similitudinem suam fecit illum; subjicit illi volucres Coeli, pisces maris, & omnes bestias terrae, terraeque universae donavit imperium; At ad hunc nè tanquam ad præcipuum aut ultimum finem, condidit Deus hominem, ut corporeis rebus frueretur, dominareturque? Quis hoc dicat, nisi plane desipiat? Habet, habet homo alium excellentiorem finem, ad quem conditus est, nimirum, ut bene utens terrenis, obtineat coelestia, ut ritè utens temporalibus, bona consequatur aeterna; Pectat jam homo, lavet, pascat equos, tondcat oves, scindat vomere terram, & alia hujusmodi praelet, humano victui vel necessaria, vel commoda saltem, & utilia; nulla hinc recti ordinis naturalis perturbatio, cum non aliud id sit, quam parare & assumere media ad finem conducentia, media videlicet corporalia, quae corporales infirmitates  
& la-

& labores, vel praeceveant, vel minuant, vel sanitati, vitaeque corporali servandae deferviant; Ita ut tamen, nec ipsa corporis humani vel salus, vel vita, sit ultimus hominis finis, nec enim ideo vivit homo, ut vivat, sed ut bene moraliter vivendo in tempore, vivat felix in aeternitate, felicitate quidem supernaturali, in praesenti Providentiâ, vixisset enim felix felicitate eternâ, sed naturali in aliâ Providentiâ, in quâ quidem, homo non fuit, potuit tamen esse, cum nihil supernaturale homini, etiam quâ Animal rationale est, debitum sit.

Positis autem his, quae sicut apud omnes verè Catholicos, sic apud omnes Sanioris Doctrinae sectatores certissima sunt, & pro talibus sunt habenda; Quâ porro ratione, vel pauculis vendiderit Philadelphus, inveniri in rerum naturâ Spiritualem Substantiam, rationalem & intellectuam, quae creata sit, in gratiam solius corporis; Cui alius non sit praestitutus finis, nisi Informatio, dominatio, & fructio corporis? Rectusne naturae ordo postulat, aut compatitur, quod Natura inter omnes Creaturas nobilissima, qualis est quaelibet Spiritnalis Substantia, naturae quàm longè inferiori (qualis est Substantia corporea & materialis) subdita sit & famuletur? Hocque non ex pravâ liberae voluntatis deordinatione, sed ex ipsâ ordinatione naturae? Quis sanè, nisi anticipatae sententiae praepudicio obcaecatus, dicat, Placuisse Deo, quasdam Spirituales Substantias ad sola materialia ordinare? Quis enim consiliarius ejus fuit? Ubi nam revelavit hoc Deus? Quo fundamento, res tam inconcinna pronuntiatur?

Non

Non sic , non sic de Spirituali naturâ , divino affatus Spiritum loquitur Apostolus ; Non sic de eâdem Sancti Ecclesiæ Doctores unquam sensere . Hortatur Apostolus Galatiæ Populos (r) ut non carnis desideriiis obediant ; ut non sinant se abduci passionibus suis , sed recto virtutis tramiti fideliter insistant ; Sed quo putatis hortetur argumento ? Utique isto . *Si Spiritu vivimus , Spiritu & ambulemus* brevis sermo , sed efficax , dignaque Doctore gentium sententia , quâ videlicet ex ipsâ Animæ Spirituales nobilitate , homines excitat , nè se corporeis voluptatibus dedant , sed amplectentur honesta ; *Si Spiritu vivimus , Spiritu & ambulemus* . Ac si dicat . Anima qua vivitis excellentissimæ naturæ est , est enim Spiritualis Substantia , oportet autem Spiritualem Substantiam corporeis voluptatibus obfistere , cum indignum sit ancillam , Carnem nimirum dominari , & dominam , idest Animam Spiritualem Carni ancillari , æquum enim est & rationale , ut ea quæ generis suapte naturâ nobilioris sunt , iis impereant , quæ sunt genere inferiora ; Turpe autem & irrationale , ut quæ viliora sunt in se ipsis , quasi sibi subactam , detineant Spiritualem Substantiam . *Si Spiritu vivimus , Spiritu & ambulemus* : Ajebat hinc non minus pulchrè , quàm verè D. Bernardus (s) *Perversa res est & foeda ... Spiritualem & coelestem Creaturam suos oculos ; Idest internos affectus trahere in terram deorsum .*

*Phil.* Quid ex Apostoli dicto , tanta moliris ? Adi Sacros Verbi Dei interpretes , & statim intelliges , non cum loqui eò loci de Substantiâ quate-

R

nus

---

(r) *Epist. ad Gal. c. 5. (s) D. Bern. Ser. 24. in Cant.*

nus-entitativè Spirituali, sed nomine Spiritus significare Gratiā, Spiritumque Justitiæ quem à Deo per Christum accepimus, huicque hortatur, ut corresponsdeamus, sequendo impulsū Gratiæ, veracque dictāmen justitiæ.

*Crit.* Novi utique præfata Apostoli verba, etiam in sensu à te mox allato explicari. Veruntamen hoc non officit, quominus etiam ad litteram exponantur de ipsā naturā Spirituali. Audi quomodo hunc Apostoli locum si *Spiritu vivimus, Spiritu & ambulamus*, exponat Lyranus (1) *Sequendo instinctum Spiritus Sancti, in operibus nostris, attende Philadelphæ quæ sequuntur, vel dictāmen rectæ rationis, quæ etiam dicitur Spiritus &c.* Quasi dicat Apostolus; Si Animam habemus Spiritualem, & ratione pollentem, conformiter opus est operemur ad Animæ Spiritualis dignitatem, & ad dictāmen rationis: Sed prodeat Mellissimus Doctor, & genuinam Apostoli mentem nobis indiget. *Magister gentium, ait Sanctus Doctor.* (u) *Magister gentium Paulus, ex occasione ipsius Spiritualis naturæ quā vivimus, ad Spiritualem conversationem excitans discipulos, ait. Si Spiritu vivimus, Spiritu & ambulamus.* Puto quod audito tanto Ecclesiæ Doctore acquiesces Philadelphæ; Sed quod nam robur haberet hortatio Apostoli quā ex ipsā naturā Spirituali quā vivimus, excitat nos ad vivendum Spiritually, si ullo absque absurdo, inveniretur Substantialis naturā Spirituallis tota dedita corpori & voluptatibus ejus, quæve

non

(1) *Lyran. cap. 6. in Epist. ad Gal. (u) D. Bern. T. 1. ser. 23. pag. mibi 2030.*

non obstante excellentiâ naturæ suæ , rebus tantum corporeis fruendis destinata esset, & mancipata, ex ipsâ ejus naturâ? Nullum planè; Immo verò quivis homo reponere Apostolo posset. Non bene, ex quo Spiritualem habeamus Animam, mone nos, ut Spiritualiter vivamus; Nulla siquidem est naturæ deordinatio, in eo quod Anima, ut ut Spiritualis, vivat tamen carnaliter, nihil Spirituale sapiens, solis corporalibus inhians. Quod si ex ipsâ humanæ Animæ Spirituali naturâ rectè monet Apostolus homines ut Spiritualiter vivant, sicut de facto rectissimè monet; Videtis porro Domini mei, quàm temerè, quàm falsò asseratur existere Substantias verè proprièque Spirituales, quæ sine aliâ recti ordinis perturbatione, corporalibus vivant immerse voluptatibus, nec ad alium finem sint à Deo creatæ, quàm ut vivificando Corpus, serviendo, Corpori, eoque fruendo, usibus deserviant humanis, & succurrant necessitatibus, nullimode verò vivant vitâ quæ naturâ digna sit Spirituali.

*Arist.* Se puto, Philadelphus facilè expediet, repetendo quod primùm dixerat, quod nempe Bruta, solarum rerum materialium sunt intellectiva; Unde non mirum, si careant sine præstantiori & super materialia elevato. Quare & bene arguit laudato loco Apostolus, quia argumentum sumit à Spiritu humano, qui ad intelligibilia assurgere valet, & assurgit; & injustè opponeret quis Spiritualem Brutorum Animam, quæ utpotè in infimo Spiritualitatis gradu constituta, nec regulas morum percipere, nec incorporalia cognoscere nata est.

*Crit.* Facile quidem id dictu est, sed non quod dicitur probare: Apostolus, ex quo vero Spiritu animamur, & vivimus, ad honestè vivendum hortatur nos, *Si Spiritu vivimus, Spiritu & ambulemus*. Non ait si vivimus Spiritu nobiliori; si Spiritu in hoc aut illo Spiritualitatis gradu constituto, sed unicè & praevisè. Si Spiritu vivimus, Spiritu & ambulemus, tacitè nimirum supponens Vitam moraliter rectam, omni convenire Substantiae Spirituali; indignumque & deordinatum, quod Substantia Spiritualis, quaecumque ea sit, actus suos, affectusque omnes, in solis corporalibus, rebusque se ipsa longè inferioribus occupatos detineat. Facile dicitur Animam Brutorum, Spiritualem licet, solis cognoscendis diligendisque materialibus rebus, aptam esse, sed....

*Arist.* Parce Critophile si ceptum abrupto sermonem: Fervet meridies hora prandendi est, satis pro modo concertatum sit, non tamen satis sit, humanissimae huc usque praestitae mihi societati vestrae; volo ut hanc mihi prandenti quoque praestetis: Placent nè tibi Critophile pisces sive marini sive fluviales, & lacuum? Integrum paravi optimis de piscibus prandium, quos selecto Lucensi oleo, diversimodè condiri mandavi.

*Crit.* Piscibus ego summopere delector; Crèdas mihi Aristippe; multis jam ab hinc annis de piscibus oleo, & non aliter conditis, mihi semper mentia paratur, eisque lubentissimè vescor; putò autem quod non displicebunt & Philadelpho.

*Phil.* Utique placet & mihi piscibus identidem uti, ad varietatem tamen.

*Arist.*




*Arist.* Omnia jam parata sunt, venite Domini mei, assidete hilares, exhaustoque diuturnâ concertatione Spiritus, restaurate tantisper.

SUBSTANTIA SPIRITUALIS  
EST INTELLECTIVA  
IMMATERIALIUM,

Ex hoc Capite Anima *Spiritualis*  
Brutorum Profigatur.

DIALOGUS QUINTUS.

*Philadelphus, Aristippus, Critophilus.*

*Phil.*  Ratiis de optimo prandio, primitus peractis Deo, inde tibi de tuo in nos munificentissimo corde Aristippe; Quoniam una jam cum dimidiâ hora est à prandio, optarem, si placet, ut posthabitis innocuis licet lepiditatibus, quibus nos invicem hucusque detinuimus, rediremus ad Seria; videor enim mihi Critophilum de sibi à se promissâ victoriâ (quae tamen incertam vertenda est cladem) videre exultantem.

*Crit.* De nullâ unquam praesumpsi victoriâ, nisi quam recta ratio concedit.

*Arist.* Utique humanissimi viri, non animi pra-

praesumptione, non elatione vocis, non inflatione superbiae, non auctoritate dignitatis, non praecupatione Sententiae, quaslibet oportet defendere opiniones, sed recta tantum ratione, quae tamen verè sit recta.

*Phil.* Rectissimam putarem me procedere methodo, si ostendam Critophilo sui nullitatem argumenti, quod quondam afferebat (x) consimili utens ratiocinio. Substantiae materiali generatim consideratae, (y) quaelibet extensionis, soliditatis, gravitatis &c. modificatio potest competere; Ergo cuilibet Substantiae materiali etiam secundum specificum discrimen acceptae, convenire potest modus quilibet extensionis, figurae, motus, gravitatis &c. atque ea propter modi qui aquae competent, ex. gr., lapidi non repugnant, ii qui proprii sunt ignis, proprii etiam esse possunt nivis &c., nec enim diversimodè arguebat cum, concluderet. Substantiae immateriali generatim consideratae, quaelibet competit cognitionis facultas, quae non corporeas duntaxat, sed res etiam incorporeas attingat; Ergo Substantiae cuilibet immateriali, etiam secundum specificum discrimen acceptae, quaelibet competit cognitionis facultas, quae non corporeas duntaxat, sed res etiam incorporeas percipiat.

Dominus Bayle pari modo argumentabatur iniquens. Quod capax est cogitationis generatim consideratae, capax est cujuslibet; sed bestiae cogitationis generatim consideratae sunt capaces; Ergo

---

(x) *Dissert. cont. An. Spir. Brut. Dial. 3.* (y) *Anim. Brut. Vindic. Dial. 4.*

Ergo capaces sunt cujuslibet. Sophisticum tamen discursum hunc demonstravit vir acutissimus Boulterius (a) hoc modo. Si recta esset argumentatio Bayle, recta etiam deberet esse haec altera. Nos generatim acceptum, capax est extensionis, vitae, sensus, motus, voluntatis, quoniam haec omnia quaedam sunt entis modificationes; Sed arbor e.g. aut lapis, conveniunt in communi entis ratione; Ergo arbor, aut lapis capax erit motus, vitae, sensus, & voluntatis. Quid hoc confectario absurdum cogitari poterit? Quis unquam Philosophus dixerit, ut id quod generis est particeps, cujuscumque etiam modificationis particeps esse debeat, per quam generis conceptus, in varias species distribuitur?

Tum subdit clarissimus Scriptor: Si hoc ipso, quod immaterialis Substantia, capax est cogitationis, & perceptionis, consequitur cogitationis & perceptionis cujuslibet, esse capacem; nulla amplius esse poterit Substantia immaterialis finita, & creata. Enim verò Substantia immaterialis finita, & creata, in communi Substantiae cogitantis & percipientis conceptu, debet convenire cum Substantia immateriali infinita & increata. Quotiescumque igitur verum sit, immaterialem Substantiam, hoc ipso, quod cogitationis alicujus capax est, cujuslibet probari capacem; Nulla erit Cognitio Dei propria, quae propria non sit immaterialis cujuscumque Substantiae finitae, & creatae; atque ideo cum Deo competat Cognitio, & perceptio infinita, haec conveniet etiam immateriali cuili.

(a) *Boull. Ess. Phil. sur l'am. des det. par. 2. cap. 4.*

cuiuslibet Substantiae; Quo fiet Substantiam quamlibet immaterialem, infinitam esse debere; neque enim finita esse poterit Substantia illa, cui competit infinita perceptio.

*Arist.* Multa es locutus, quae singularem mentis tuae aciem haud obscure nobis aperiunt; Sed quid hisce respondere valeat Critophilus, audiamus.

*Crit.* Magna certè mentis acie opus est, ad colorandam veritatis specie falsitatem; Patienter audite me, & quàm vana sint quae modo Philadelphus attulit, ordinatè, & clarissimè demonstrabo. Primitus ergo vehementer miror, quod tanquam meum protuleris argumentum illud. Substantiae materiali consideratae &c. Revoca quæso in memoriam, quae à me dicta sunt, (b) & nosces tuum illud esse, non meum; Ego siquidem, ut probarem Brutorum Animam, semel ac sit Spiritualis; debere esse simpliciter & absolutè intellectivam; assumebam paritatem ex praedicato *Sensitivum*; Aiebamque, quod quemadmodum praedicatum *Sensitivum* ne dùm convenit Animalì genericè dicto, sed cuiuslibet etiam specificè accepto; Ita pariformiter praedicatum *Intellectivum*, cum conveniat Substantiae Spirituali ut sic, & genericè sumptae, convenire itidem debeat, Substantiae cuiuslibet Spirituali, in quavis specie constitutae; Sed in rem hanc, plura nolo supervacaneè adducere, quia

Scili-

(b) *Differs. contra An. Spir. Brut. Dial. 3.*

*Scilicet odi (c)*

*Res clarè dictas verbosâ iterare loquela*

Si huic arguendi modo, habes quod opponas, libentissimè audiam te, sed contrà manifestam veritatem, quid sanè poterit acuta licet, mens, præjudicata, tamen?

Inquis verò. Spiritualis licet Brutorum Anima, est quidem aliquorum intellectiva, sed materialium tantùm, unde egregiè Boullierius, rationem à Domino Bayle adductam, confutavit. Utiliùs certè rem egisses, si à Boullerio, non quidem præfatam contrà Dominum Bayle responsum; Sed optimum potiùs monitum didicisses (d) videret. Il faut soigneusement distinguer les usages accessoires, & pour ainsi dire entrangers des choses, d'avec leur fin naturelle & principale. Ex hoc enim, jam pridem intellexisses, quàm irrationabile sit, dicere, ut dicebas hoc manè, Dari in rerum naturâ Substantiam Spiritualem, quæ non aliud habeat pro fine suo naturali, principalique, quàm frui corpore, & deservire materiae; Utiliùs inquam egisses, nam & benè concludit Domini Bayle discursus, nec nisi sophisticè urget discursus Boullerii à te mox relatus; Singillatim discutiamus utrumque.

Primò igitur. Substantia Spiritualis intelligens, in quocumque sit Spiritualitatis gradu, potest intelligere nè dum Corporalia, sed & immaterialia,

(c) *Plutar. de Garrulit.* (d) *Boullier. Essi Philosoph. Sur l'ame des Bet. Part. 1. Chap. 8.*

terialia , & Spiritualia ; Capax est dignoscendi naturales regulas morum , immo & ipsum Deum , saltem ut Authorem naturae : Enim verò , puto ita certum , ut à nemine , qui ratione utatur , revocari possit in dubium , quod sicut Sensibilia Sensui , materialia materiali potentiae , sic Spiritualia Spirituali , intelligibilia intelligibili principio , sicut per se naturaliter proportionata ; Quodve omnis & quaecumque potentia , cognoscitiva , nata apta sit percipere objecta , quae sibi proportionantur ; Quae autem major proportio , quam objecti intelligibilis cum potentia intellectiva ; Objecti Spiritualis , cum principio Spirituali ? Sane si ridiculum dictu esset , quod detur Auditus per se incapax percipiendi audibilia , Olfactus per se impotens olfacere odora ; Non agnosco quā cum verisimilitudine saltem , dicatur , dari Spiritualem Substantiam , incapacem de se , ineptamque attingere Spiritualia objecta , Animamque verè & omnino immaterialem , quae ad immaterialia vim suam cognoscitivam non valeat extendere : Porro si repugnans ab omnibus verè Theologis judicatur , posse oculum Corporeum nè dum vi nativā , sed etiam Superiori vi adjutum , videre Spiritualia , & omnino immaterialia , quia videlicet ; Nulla est proportio illius ad ista , acque repugnans est , posse intellectualem Substantiam , verè & secundum se incapacem esse , attingendi Spiritualia & intelligibilia ; De contrariis enim , opposito modo loquendum est . Si itaque nulla Corporalis Substantia percipere & cognoscere potest Spiritualia ; Ergo omnis Substantia Spiritualis , quantum

ex

ex se est, potens erit intellectuè videre intelligibilia, & Spiritualia; Et ut rem hanc, Sensibili declararem exemplo; Notum est, quamdam inveniri Analogiam, Intellectum inter & Speculum; Nam quemadmodum Speculum, forinsecus apposita repræsentat objecta, sitque repræsentativè objecta ipsa; Ita intellectus, vitali & perfectiori modo, in sua objecta cognoscitivè, quodammodo transformatur; Quare & verissimè dictum est. Intellectus intelligendo fit omnia: Jam verò, est nè invenire in Universo, Speculum ritè elaboratum, sive aeneum, sive cristallinum, sive vitreum, quod unius tantùm speciei objecta repræsentare valeat, non autem Corpora alierius speciei, etiamsi in debitâ distantia sint ei apposita, referre sit capax? An non me, fabulas venditare judicaretis, si vobis enarrarem, alicubi reperiri Speculum ita elaboratum, ut objectorum quorumcumque sibi juxtâpositorum, Imagines exhibere valeat, alia tamen specula debitis licet servatis legibus ei opposita, repræsentare non possit?

Quid mehercle, quid aliud dicit Philadelphus, cum ait, inveniri Spiritualem Substantiam Corporeis quidem rebus dignoscendis aptam, omnino tamen incapacem Spiritualibus objectis percipiendis? Spiritualis Substantia, Spirituale Speculum, Spiritualis entitas, Spirituale objectum est; Si ergo implicans, & fabulosum meritò reputatur materiale Speculum, quod solùmmodo quædam materialia objecta, non verò quæcumque fuerint ei apposita, valeat repræsentare; Quid ni implicans parit, & fabulosum censeatur Spirituale

Speculum, solis materialibus objectis percipiendis aptum, ineptumque Spiritualibus referendis, vel ad sola materialia cognoscenda ordinatum? Nec est quod reponas, Animam nostram, Spiritualem licet Substantiam, pro statu tamen alligationis ejus ad Corpus, non posse intuitivè cognoscere entia Spiritualia, & hoc absque ullo absurdo, immò potius conformiter ad ejus naturam; Consequenter nec esse inconveniens admittere Substantiam Spiritualem, materialibus tantùm rebus agnoscendis idoneam, nec quicquam proinde, paritate à Speculis depromptâ concludi.

Non, inquam, id reponas; Responsio enim in promptu est; Anima humana utpotè naturalis humani Corporis forma, intelligit, dum est conjuncta Corpori, convertendo se ad phantasmata, seu hauriendo species à rebus, (quidquid demum sint eae species, de quibus non disputo, cum ad praesens institutum non pertineant) quare cum Phantasmata Corporum, eorumve species, nihil Spirituale exhibeant, nil mirum, si Anima hisce utens ad cognoscendum, nihil Spirituale queat videre intuitivè, ut sic alligata Corpori ipsam aggravanti. Attamen etsi Anima videre intuitivè Spiritum nequeat, ita nè hebes est, ut eum nullmodè potens sit intelligere? Nonne eos Spiritus, quos fide docente, novit exillere, nempe Angelos; Quosve vel fide, vel ratione, agnovit existentes, Deum videlicet, & se ipsam, quævis imaginatione concipiat Corporeos, reflexione tamen intellectuâ, ab omni eos physicâ materialitate seu corporalitate denudat; Nulloque ducen-

te



re sensu, sed solo ducta discursu, ipsa in se ipsam rediens, tota nque super materiam elevans, agnoscit; eisdem non esse Substantias materiâ quovis modo compactas? Non ergo, ita materiae immersa est Spiritualis Anima, atque ita dependens à Sensibus, ut ipsa sibi non vindicet operationem aliquam sibi propriam, cui nullatenus materia communicat, seu non valeat Spiritualia objecta nullatenus attingere; Cum itaque natura, ( ut habet commune proloquium ) sit maximè una, si Spiritus omnes quos novimus, tales sunt, ut nè dum Corporalia intelligant, sed & Spiritualia, nonnisi temerè invehitur Spiritualis Substantia ad sola Corporea, suapte naturâ coarctata.

Omnis ergo & quaevis Substantia Spiritualis, dummodo vera sit Spiritualis Substantia, est potens ex naturâ suâ, incorporea & purè intelligibilia percipere; Et non solum haec aut illa, sed quaecumque, naturalia tamen, & pro suo, quaeque, modulo, intelligere; Quae enim potior ratio sit, de uno naturali intelligibili objecto, potius quàm de alio. Urget mox adducta speculi paritas, urget argumentatio Domini Bayle, & non concludentem demonstro Domini Boullerii alias doctissimi, argumentationem: Primitus itaque, observares velim Philadelphæ, non eandem esse rationem de Ente generatim accepto, ac de Substantiâ Spirituali universaliter sumptâ; Ens etenim ut sic, est genus universalissimum, omnia saltem creata sub se continens, vel creabilia; Nec proin tantum rerum omnium species amplectens quaslibet, sed etiam quaecumque alia inferiora genera, in

in varias species partibilia ; Quod autem est generalissimè contrahibile , ab omnibus & quibuscumque differentiis , nullas determinatè differentias quâ tales in se includit , sed aequaliter indifferens est ad omnes ; Quod verò indifferens est ad omnes sive differentias , sive modos entis , assumi legitimè nequit pro antecedente , ex quo ens aliquod peculiare , vel peculiaris entis differentia inferatur : Notum siquidem est , Metaphysicam vel primo è limine saluantibus , non posse à Genere ritè concludi speciem , vel differentiam speciei ; Cum non possit ex antecedente determinatè deduci , quod in antecedente , non determinatè , sed vagè & disjunctivè continetur . Caeterum eâ ipsâ ratione , quâ constât , nullam concludi posse determinatam & peculiarem , speciei alicujus differentiam ex praecisâ ratione Entis ; Evincitur abs dubio , praedicata quae propria sunt generis inferioris , propria itidem esse cujuslibet speciei contentae sub illo ; Genus enim inferius universalissimo , habet rationem speciei subalternae relatè ad genus supremum , quamvis habeat rationem generis respectu ad infimas species , de quibus praedicatur ; Unde & est aliquid potentiale & genericum , si comparatur ad species infimas ; & est aliquid actuale & specificum , si inspiciatur per ordinem ad genus supremum ; eo ex inde modo , quo species infima , continet praedicata quae communia sunt , iis omnibus individuis , quae illi subsunt ; Etiam species subalterna , seu infimum genus , praedicatum saltem aliquod importat , quod proprium sit cuicumque infimae speciei contentae sub illo . Et quemadmodum ,

dum , de quolibet individuo ea affirmantur praedicata , quae sunt convenientia suae speciei , infimae ; Ita & de qualibet infimâ specie ea verificantur attributa , quae suo generi ultimo convenientia , sunt ; Unde non minùs rectè arguitur : Omnis leo est animal rugibile ; Hoc animal est leo ; Ergo hoc animal est rugibile . Quàm si dicatur exempli saltem gratiâ : Omnis arbor est vivens ; Omne animal est sensitivum . Sed cedrus est arbor ; Sed equus est animal ; Ergo cedrus est vivens ; Ergo equus est sensitivus ; Nam in primo Sylogismo , praedicatum speciei , appropriatur individuo ; In posterioribus , autem , praedicatum toti competens generi , applicatur suis respectivè speciebus , subalterno generi subalternantibus .

Non porro diversimodè quispiam arguet hoc modo : Omnis Substantia Spiritualis est intellectiva ; Sed Anima Brutorum est Substantia Spiritualis ergo Brutorum Anima est intellectiva ; Quod si praecedens argumentatio concludens est , cur non & ista ? At inquires . Distinguo consequens . Est intellectiva rerum materialium , concedo . Materialium , & etiam immaterialium nego . Sed facile est , gratuitam distinctionem , radicitus evertere . Sic . Omnis Substantia intellectiva , quae citra controversiam admittitur , nè dum est intellectiva rerum materialium , sed & immaterialium , ut nemo negat , & inductione patet : Substantiae siquidem intellectivae creatae , quarum existentiam , nemo Catholicorum Philosophorum , in dubium revocabit , sunt vel Angeli Supremae , Mediae , & infimae Hierarchyae , vel rationales hominum Ani-

mac ;

mae ; Atqui esto Angelus Supremæ hyetarchiæ perfectiùs intelligat quàm Angelus mediæ ; Mediæ , perfectiùs quàm infimæ , infimæ perfectiùs quàm Anima hominis ; Angeli tamen omnes , & ipsæ etiam rationales hominum Animæ ne dùm corporea , sed & immaterialia intelligere valent , & intelligunt , nè dum hæc aut illa , sed quaecumque , naturalia saltem , secluso supernaturali lumine ; Ergo omnis Substantia intellectiva quæ nobis est nota , non solum materialia potens est intelligere , sed etiam immaterialia , non solum hæc aut illa , sed quaecumque , quæ supernaturalia non sint ; Ergo si Anima Brutorum sit intellectiva Substantia , nè dum rerum corporearum , sed etiam incorporearum & purè intelligibilium erit intellectiva .

Ad pleniorẽ autem hujusce rei elucidationem , cuique Philadelphæ argumenti confutationem , non erit abs re tantisper animadvertere , quod res quaecumque , in qualibet specie constituta , duo præsertim importat prædicata , per quæ in tali specie primò & per se constituitur , quorum unum habet locum generis , aliud verò differentia . Prædicatum , quod rationem differentia habet , ita proprium est peculiaris unius speciei , ut non competat alteri ; Illud verò quod stat pro genere ultimo , tam competit uni , quàm alteri , & cuicumque speciei , quæ claudatur sub illo : Exinde non licet arguere . Leo animal est rugibile ; Sed equus est animal ; Ergo equus est rugibilis ; Quia scilicet , tò rugibilis , est prædicatum conveniens alicui certæ speciei animali , non tamen animali cuili-

cuiilibet , & prout praecise animal est ; Unde ex puro praedicato Animalis, nequit legitime , & cum veritate deduci , differentia speciei . Attamen rite concluditur : Animal habet vim sentiendi ; Sed equus est animal ; ergo &c. Unde jam , oritur fallacia primi ; Unde veritas secundi Sylogismi ? Non sane ex alio , quam ex hoc ; Quod nimirum in primo , inferitur differentia ultima à praedicato generico , quod licet contrahi possit per hanc vel illam , nullam tamen de se determinatè dicit , sed aequaliter ad omnem indifferens est ; In secundo autem , deducitur praedicatum , sine quo sicut nullum animal in specie potest inveniri , ita nec animal in genere potest intelligi ; Quare cum sit praedicatum animalis etiam genericè accepti constitutivum , verum est dicere , de quocumque verificatur esse Animal , quod itidem verificetur esse Sensitivum . Pariformiter ergo , cum intellectivitas sit praedicatum Substantiae Spiritualis , non quidem specificum , sed genericum , sine quo Spiritualis Substantia , nec esse , nec intelligi potest ; Optimè inferitur , quamcumque Entis speciem , quae sub genere Substantiae Spiritualis claudatur , Intellectivitate gaudere ; Quod si omne , quod participat de vi sentiendi , dummodo rite disposita organa corporis informet , non haec tantummodo aut illa , sed quaevis corporea sentire potest objecta ; Cur non , & omne , quod vi pollet intellectivâ , ad omnia & quaevis ( intrâ tamen naturae confinia , comprehensa intelligibilia ) possit se extendere ? Num Sensus potentior Intellectu ? Num vis sensitiva , vi intellectivâ perfectior ? Vel vim sensitivam cum in-

T

telle-

tellectivâ confondis ? Vel ab istâ distinguis illam ,  
 tanquam inferiorem à superiori ? Si primùm dicas ,  
 missâ pro nunc responsi fallitate , quae ex eo con-  
 stat , quod Sentire , est actio non solius Animae ,  
 sed Coniuncti totius ; Intelligere autem , Animae  
 solius est ; Unde vis sensitiva patitur à sensibili , &  
 excellentia sensibilibum corrumpit sensum , quod  
 sanè non contingit in intellectu ; Ille enim , ma-  
 xima intelligibilium intelligens , potentior fit ad  
 percipienda minora ; Missâ inquam hac fallitate :  
 Sicut vis sensitiva , ad omnia sensibilia , sic vis in-  
 tellectiva , ad omnia intelligibilia se poterit exten-  
 dere ; Si verò secundum ? Quod inferiori concedi-  
 tur , quâ ratione virtuti superiori denegatur ?

Ex his autem sua sponte patet , nihil ad inten-  
 tum concludere argumentum illud : Substantiae  
 materiali generatim consideratae &c. Cum enim  
 arguatur à modificabilitate in genere , ad conclu-  
 dendam determinatam modificationem in specie ,  
 in aliquâ particulari Substantiâ , fatuè sanè concludi-  
 tur ; non sic autem cum dicitur . Substantia Spi-  
 ritualis generatim accepta , est intellectiva objecto-  
 rum , non corporalium duntaxat , sed etiam purè  
 intelligibilium ; Anima Brutorum est Substantia  
 Spiritualis ; Ergo &c. Hic siquidem non inferitur  
 ex genere , aliquid proprium peculiaris speciei ,  
 sed potiùs aliquid , toti generi Substantiarum Spi-  
 ritualium conveniens & commune ; Substantiae  
 siquidem Spirituales , non intelliguntur diversifica-  
 ri specie , ex earundem objecto extensivo ; Quasi  
 quod , una earum diversae & nobilioris sit speciei ,  
 quia possit intelligere plura ; Alia verò inferioris  
 speciei

speciei sit , quia valeat aliqua tantum , & pauciora percipere ; Quemadmodum enim objectum cujuslibet intellectus , est Ens in totâ suâ latitudine ; Ita omnis intellectus , eandem habet objecti extensionem ; Id ergo per quod Substantiae Spirituales , à posteriori saltem intelliguntur distingui specie , ita ut , una earum sit perfectior aliâ ; Est perfectior intelligendi modus sive ipsa major perfectio intellectus : Sic Deus utpotè primum ac perfectissimum intelligens , omnia omnino unico simplicissimo intuitu à se indistincto , semper intelligit , & comprehendit , & super-comprehendit ; Angeli inferioris Hierarchiae , omnia intelligunt , quae ab Angelis mediae cognoscuntur ; Et isti omnia percipiunt , quae ab Angelis Supremae Hierarchiae intelliguntur ; Dispari tamen modo , & perfectione intelligendi ; Angeli scilicet , quamvis omnes eadem intelligant objecta , qui tamen Superioris sunt Ordinis , per pauciores ubi inditas & universales Species , omnia intuentur ; Qui verò vel medii , vel infimi ordinis sunt , per plures proportionaliter species , minusque proin universales , eadem objecta attingunt . Animae verò rationales , eadem quae ab Angelis intelliguntur , intelligunt , modo tamen imperfectiori , hauriendo nimirum species ab objectis ; Ex quo fit , quod Cognitione tantum abstractivâ in merè Spiritualia ferantur ; Et ea insuper quae sub unâ specie non conveniunt , singulis singula , speciebus cogantur intelligere ; Unde licet eadem quae Angeli , imperfectiori tamen longè modo , quàm ipsi , intelligunt , ut acutè , ac verissimè docet Angelicus

Doct̃or. (e) Parce jam Ariitippe si te diutius, quàm par esset, hisce tricus metaphysicalibus detinui; Id enim & ego egi coactus, nè videlicet, minùs in metaphyicis peritis, fucum aliquando facerent paralogismi, quos Philadelphus superius afferebat; Facile enim est, eos in errorem labi, qui rem non intrinsecè & penitiùs, sed cortice tenùs aspicere contenti sunt.

Breviùs me expediam, in alio egregio sophismate Boullerii viri caeteroqui ingeniosissimi, dissolvendo, quo utebatur Philadelphus cum eodem Boullerio concludens; Quod si Substantia Spiritualis quaecumque, ex hoc quod intelligat aliqua, debeat etiam potens esse intelligere quaecumque, jam nulla erit Substantia intellectiva, quae infinita non sit, & par Deo ipsi, in intelligendo: Ante omnia praemitto, quod si de aliquali tantùm infinitate virtutis intellectivae ageretur, illam concedere non ambigerem; Non quidem ex vi praefati discursus, sed ex alià ratione, quam etsi non agnovit Boullerus, vidit tamen Clarissimum Ecclesiae lumen, Angelicus Doct̃or in Summâ (f) unde de Substantiâ Spirituali, in quantùm intellectivâ differens, inquit: *Dicendum quod ratio quodammodo est virtutis infinitae, in quantùm potest in infinitum aliquid considerare, ut apparet in additione numerorum, & linearum, unde infinitum aliquo modo sumptum, est proportionatum rationi.* Et præsiùs loquendo de peculiari Substantiâ Spirituali, videlicet Animâ humanâ, concludit (g) *Dicendum quod*

*Anima*

(e) D. Th. in Sum. q. 86. art. 2. (f) Quaest. 30. art. 4. ad 2. (g) D. Th. Quaest. 76. art. 6. ad 4.



*Anima intellectiva, quia est universalium Comprehensiva, habet virtutem ad infinita.*

*Phil.* Ex hoc ipso confirmas quod postremò asserueram, Spiritualem videlicet Substantiam, creatam licet, debere esse infinitam cum habeat virtutem ad infinita; Neque enim finita esse poterit Substantia illa, cui competit infinita perceptio.

*Crit.* Attende Aristippe, & Boullerii & Philadelphi solemnem allucinationem, & fatebere opinor de utroque, quod olim agebat D. Gregorius (b) *In caecitate quam tolerant, quasi in claritate luminis exultant*; Duo itaque valde diversa sunt, Habere virtutem ad infinita; & habere virtutem infinitam: Aliud est posse objecta in infinitum percipere; Aliud habere infinitam perceptionem: Ad primum sufficit, quod virtus activa & perceptiva, quantum in se est, queat finita in infinitum percipere, licet modo finito percipiendi; Posterior autem exigit, quod hìc & nunc infinita simul objectorum collectio, infinito pariter modo percipiendi, attingatur: Quis autem ex primo, hoc posterius deducat? Nunquid infinitè perfectà est entitas illa, quae utpotè activa, si semper durat, semper agit; Adeoque agit in infinitum; Et, si potest durare semper, potest itidem agere semper? Minimè gentium; Materia, utpotè naturaliter incorruptibilis, potest durare semper, & quascumque finitas in infinitum modificationes suscipere; Nec tamen habet modificabilitatem categorematicè infinitam, nec unquam est, vel erit infinitè.

(b) *D. Greg. lib. 1. moral. c. 10.*

finitè modificata ; Angeli & Animae rationales ; semper intelligent , & in infinitum , quia semper erunt ; Quis dicat proinde , vel hæc , vel illos infinitam habere , vel saltem habituros intellectivitatem ? Clarissimo equivocationem detegamus exemplo : Sol , qui modo nos illuminat , finitæ virtutis est in illuminando , & finita est illuminatio ejus ; Si itaque in æternum , conservaretur Sol à Deo , & novi successivè in infinitum mundi , eidem Soli sic conservato supponerentur , eos omnes successivè mundos , Sol suâ luce illuminaret ; Nec tamen ullus mundus infinitè illuminaretur ; Nec tamen unquam Sol ipse , illuminationem exerceret actu infinitam ; Quia videlicet , etsi prosequeretur in infinitum illuminando , quaelibet tamen illuminationes suae forent finitæ .

Porro non diversimodè res se habet in eâ quam versamus materiâ . Quævis Spiritualis Substantia , cum sit intellectiva , quantum de se est , objecta quaecumque , naturaliter cognoscibilia , cognoscere potest ; At quemadmodum unicus Sol , neque duo unius mundi emisphæria potest eodem instanti simul illustrare , sed dum unum illuminat , aliud caecâ relinquit in nocte ; Ita creatus quilibet intellectus , non potest unico actu , omnia cognoscibilia attingere , sed dùm vel unum vel plura cognoscit , ad alia non advertit ; Cum igitur , ea virtus non sit in se ipsâ entitativè infinita , quæ licet semper operari queat , si semper conservetur , semper tamen circa objecta numero finita versari potest solummodo , mediâ actuali cognitione suâ ; Et etiamsi Deum ipsum cognoscat  
( qui

( qui utique infinitus est & immensus ) eum tamen nec comprehendit , nec potens est ullimodè comprehendere , sed modo finito , finitæque intellectiōne cognoscit , non minùs quàm alia objecta quaecumque ; Evidens est Substantiam Spiritualem creatam , ex quo par sit intelligendis objectis naturaliter cognoscibilibus , nullam importare , entitativæ virtutis infinitatem .

Deo utique infinita Intellectivitas competit , sed non idè infinita , per hoc præcisè quod cognoscere possit , quidquid est cognoscibile ; Sed quia omne cognoscibile , actu semper cognoscit ; Quia omnia omninò cognoscit unico simplicissimo intuitu ; Quia omnia intuetur & intelligit , intellectiōne Substantiali , quæ est ipse Deus ; Quia denique omnia , & etiam se ipsum ita intelligit , ut omninò & perfectissimè comprehendat ; Num autem quid tale conveniens est Spirituali Substantiæ creatæ ? Quis audeat dicere ? Num saltem quoddam tale , per legitimam consequentiam , ostenditur convenire debere Substantiæ coivis Spirituali , semel dato , quod ipsa possit in cujusvis Objecti naturaliter perceptibilis , cognitionem devenire ? Quis hoc novit ostendere ? Planè in propatulo est & Boullerii & Philadelphi allucinatio , & sophistica utriusque argumentatio eversa est ; Ex eodem siquidem momento , quo divinæ intellectiōis Infinitas evincitur , omnis create Spirituales Substantiæ Intellectivitas , comprobatur finita .

*Arist.* Verè hac vice potes Philadelphæ ingenuè contrà te repetere , quod olim quasi de Critophilo triumphans canebas (i)

*Vin-*

---

(i) *An. Brut. vind. Dial. 6.*

*Vinca il ver dunque , e si rimanga in sella ,  
E vinta à terra caggia la bugia .*

*Crit.* Cum ostensum huc usque sit , ut puto , nullam Spiritualem Substantiam , ita ad unum naturalium objectorum genus cognoscendum , coarctatam esse , ut non etiam ad aliud quodlibet , dummodo naturaliter cognoscibile , suam valeat vim intellectivam extendere ; Restat modo , ut naturales regulas morum , immò Deum ut Authorem naturae , à Brutis cognosci posse , evincam , semel ac insit ipsis Anima verè Spiritualis ; Et sanè si utrumque summâ cum veritate de Animâ humanâ affirmavit D. Gaudentius (k) scribens . *Rationabilis Animae humanae natura , ut creatorem suum sentiat , ut proximum non laedat , ut non faciat quod pati non vult , naturali quâdam lege intelligit .* Quare utrumque concedendum non erit Animae Brutorum , si sit & ipsa , ut jam impavidè asseritur , Substantia Spiritualis intellectiva ? Porro , nonnisi gratis negatur de uno , id quod de omnibus conceditur sub eodem genere ultimo contentis , sub quo illud unum continetur .

*Phil.* Placuit Deo , bestiis ad altiore finem non ordinatis , denegare lumen illud , quo mediante naturales morum Regulae dignoscuntur ; Quid in hoc absurdi ? Quis dicat Brutorum actiones , vel bonas moraliter esse , vel malas ?

*Crit.* Venena erroris , circumlineabant melle verborum , diceret opportunè D. Hieronymus . (l)

Quo-

---

(k) D. Gauden. ser. 10. (l) D. Hieron. Epist. 61. ad Pammach.

Quoniam tam saepe nominas *Lumen*, sive quo regulae morum innotescunt, sive quo cognoscitur Deus ipse; Digredi tantisper placet ab instituto, ut tandem advertas quàm inchoerenter loquaris, ea ipsa assumens, quando tibi expedit, quae quando tibi placet, tanquam irridenda admittere recusas: *Lumen* itaque hoc, de quo loqueris; Vel est aliquid superadditum Spirituali Substantiae, & realiter distinctum ab ipsâ; Vel est cum Substantiâ Spirituali identificatum? Si primum respondeas; Peto; Hoc superadditum vel aliquid reale est, vel nihil? Non dices, illud nihil esse; Concedes ergo esse reale aliquid; Sed in isto; Hoc reale superadditum, vel est aliqua alia Substantia, vel non? Non potest dici quod sit Substantia; Una enim Spirituality Substantia, non potest superaddi alteri, neque tanquam virtus potentiae, neque tanquam forma subjecto, ut patet. Quid ergo erit hoc lumen superadditum; Ni velis ludere vocibus, cogeris fateri, illud Accidens quoddam esse, in Spirituali Substantiâ divinitus impressum; Adeoque concedis tandem, licet nesciens, & nolens, aliquas admittendas esse entitates, quae aliquid verè reale sint, nec tamen sint Substantiae; Si verò secundum dixeris; Cum subtrahi non possit ullimodò à Substantiâ, quod est idem realiter cum illâ ut notum est ex terminis; Si lumen illud, quo Spirituality Substantia vel morum regulas, vel Deum ipsum valet percipere, identificatur cum Spirituali Substantiâ qua tali; Substantia quaecumque, dummodò Spirituality, tali gaudebit lumine, utpotè ab ipsâ realiter indistincto;

V

Cum

Cum igitur primum concedere, nec velis, nec possis ut coherenter loquaris; Nè videlicet Entitatem aliquam admittas, cujus natura, ut olim ajebas (m), inanibus occultae qualitatis latebris, abscondi debeat, opus est fateare secundum; Hoc tamen dato, elucelcit satis; Te non aliud dare quam verba, cum inquis placuisse Deo, denegare praefatum lumen Brutorum Animae, licet Substantia sit verè, proprièque Spiritualis.

Attamen siue distinctum sit, siue indistinctum à Spirituali intellectivàque Substantiâ lumen illud; Gratis certè asseritur, ipsum, Animae Spirituali Brutorum, non inesse. Si etenim hoc lumen inspiciatur quoad entitatem, est aliquid merè naturale, non elevans ad ordinem aliquem excellentiorem eam Substantiam, in quâ reperitur. Si consideretur in ordine ad effectum; Non excedit similiter naturam; Nam cognoscere faciendum alteri, quod sibi fieri placeret; Alteri non faciendum, quod sibi fieri nollet; Est aliquid ipsi intellectuali innatum naturae, seu saltem, est aliquid naturae confinia non transiliens, & ab ipsâ intellectuali Substantiâ, sponte sua erumpens. Audire non pigeat quid de Brutis scribat, te non impar eorundem Advocatus Plutarcus (n) *Quae nam sit ea virtus, cujus bestiae sint participes? Immo nulla est virtus, quâ non magis praeditae sint, quàm hominum aliquis sapientissimus. Et declina iis incognitas asserere moralis vitae Regulas, quae in quâvis, praexcellunt hominibus virtute.*

Sed

---

(m) *An. Brut. Vindic. Dial. j.* (n) *Plutar. Trac. Brut. animal. rat. uti.*

Sed tu, perspicacissimi utpote ingenii vir, non ita, ut probè novi, desipis ut tanta cum Plutarco de Brutis affirmes; Quin potiùs ita veras virtutes iisdem inesse, negas, ut neque primas naturalis moralitatis regulas, ipsis noras esse contentas. Ego tamen, id ipsum, quod cum veritate Brutis denegas, ostendam à te concedendum veritate sequelae. Si principium operationum in Brutis, est Substantia Spiritualis & intellectiva, jam non agunt Bruta caeco ductu ex parte suâ, vel ex naturae instinctu, sed operantur cum cognitione causae, eae quae operantur; Agunt non materialiter tantùm, sed formaliter propter finem, sic e. g. Hirundo nidificans, ideo multis rejectis paleis, alias colligit, quia nescit, istarum prae aliis utilitatem, & aptitudinem ad nidi constructionem; Sic formica, madidata tritici granula foras exportans, calidoque soli exponens, id efficit, sciens humiditatem granulis officere, eaque corrumpere; Solem verò vim habere exsiccandi, siccitatemque tritico conservando prodesse: Dicitur de Corvis, (sit apud relatores fides) quod cum siti explendae quaerunt aquam, si eis parvula occurrat fovea, in quâ paululùm n reperitur aquae, & tam parvâ cum profunditate expansae, ut rostrum in illâ nequeant ita mergere, ut eam hauriant, & bibant; Plures aquae injiciunt lapillos, ut aqua è loco per lapillos occupato, recedens magis tollatur circa ipsos, & eam sic elatam potare possint. Hoc autem, nisi naturae instinctu fiat, sed potiùs agatur, cum cognitione conducentiae mediorum ad finem, quid aliud importat, quàm universalis Physices Princi-

pri cognitionem . *Duo corpora non possunt simul esse in eodem loco, & etiam Hydroliticae. Solidum grave, fluido minus gravi immersum, tantum de fluido tollit sursum, quantum de se ipso, seu mole sua ponit deorsum, quâ cognitione posita subsument;* Atqui lapilli sunt corpora & quidem solida, aqua corpus fluidum est, & minus grave in specie, quam lapilli; Ergo injectis lapillis, aqua recedet, & in se ipsam magis collecta tolletur, ita ut ebibi possit? Narratur à viris fide dignis, quod Vulpes, super glacie concretas aquas transitura, consistit in ripâ glaciati fluvii, & aure propè glaciem demissa explorat subterlabentes aquas; Et si quidem vel nullum, vel modicum labentium aquarum murmur audierit, impavida transit; Si verò clarum decurrentis fluminis audiat sonum, aliam regrediens arripit viam, quasi sic argueret. Corpus meum grave est; Ergo indiget sustineri à superficie quam premit. Sed glacies quae non impedit ab aure meâ sonitum percipi subitus fluentis aquae, non est ita crassae superficiei, ut corpus meum valeat sustinere; Ergo non debeo me committere glaciei, sub quâ decurrentium audio rumorem aquarum; Nam si tantae foret crassitiei, ut par esset corpori meo ferendo, tantae pariter esset, ut impediret obstreperas aure dignoscere aquas; Praetereo quorundam sive Quadrupedum, sive Volatilium mirabilem propemodum in pullos suos amorem; Taceo notissimam omnibus, inter ejusdem speciei Animalia, mutuam societatem, & pluribus comprobata argumentis dilectionem, quam nec divina silent oracula, nos Sancto docente Spiritu



ritu (o) *Omne Animal diligit simile sibi* .

Sed his omnibus , non dicendo , sed dicere fugiendo , unice attactis , neminem sanè fugiet , immeritò ea Bruta quae tam benè argumentari norunt , & tanta cognoscunt , caeca & inscia praedicari , in ordine ad naturales regulas morum . Enim verò si principium operandi in Brutis est verè Spirituale & intellectivum , ipsamet eorum opera manifestè declarant , naturalis moralitatis regulas , Brutis esse perspectas . Lupus lupo parcat , Equus equum non mordet , Tigris in tigridem non deservit , eaque mala , quae sibi inferri metuunt , & pro posse impediunt Animalia ; Aliis sibi in specie similibus , non inferunt , vel saltem inferre non solent : Immo & ea bona , quibus ipsa delectantur , norunt sibi similibus praestare : Agunt invicem excubias nocturno tempore Grues , ita ut quae prima vigilavit , stato tempore transacto , vocem emittat , se seque componat ad somnum ; Et aliae aliis pari modo sibi succedant , reddantque invicem , quam primitus ab aliis vigilantibus acceperant , dormiendi securitatem : Cervi spatium aliquod maris transvolataturi , turmatim colliguntur , & se ita mari committunt , ut gravatum ramosis cornibus caput , unus vicissim alterius dorso sustinendum imponat ; Quia verò primus sive anterior , alium non habet , cui capitis sui pondus committat , postquam aliquo tempore sequentis onus detulit , nullo sibi opitulante , recedit loco , & de primo fit ultimus , recipitque quam prius praestiterat vicem : Cum igitur haec omnia secundum se inspecta con-

for-

---

(o) *Ecclesiastici 13. v. 19.*

formia sint rectae rationis dictaminis, suadenti alteri faciendum vel non faciendum, quod quispiam sibi fieri vellet, vel nollit; Si à principio Spirituali, ac intellectivo proficiuntur, quomodo à praefato dictamine regulari negantur? Sanè si bene à Brutorum operibus, sagacitatem & prudentiam redolentibus, putat Philadelphus intulisse, admittendam in Brutis Spiritualem Animam, & sagacem & prudentem, à quâ talia opera deriventur. Cur aequè verum non sit deducere, ex eorundem Brutorum operationibus, naturali conformibus moralitati, Spirituali Brutorum Animae notas esse, & cognitae moralitatis regulas, & ex istarum cognito dictamine, tales operationes dirigi, & directas derivari?

Oh si Bruta, Spirituali Animâ praedita loqui possent, & internas cognitiones suas patefacere, audiremus utique, ipsis non incognitas naturalis regulas aequitatis! Verumtamen, ut quid optare ut fiat, quod jam pridem legimus factum? Incebat Balaam super Asinam (p) à Balac moabitarum Rege vocatus ad maledicendum Israel; Cumque Asinam, viso Angelo minaci, territam & amplius procedere nolentem, ipse Balaam bis & ter iratus percuteret, aperuit Dominus os Asinae & locuta est, dixitque. *Quid feci tibi. Cur percussis me? Nonne Animal tuum sum, cui semper sedere consuevisse, usque in praesentem diem?*

*Phil.* Optimè utique didicisti ab Asinâ, in morem jumenti ratiocinari, dum assumis miraculum, ut ostendas naturam.

*Cris.*

---

(p) *Lib. Numer. 22.*

*Crit.* Patienter age Philadelphæ: Fateor (quis ambigat) rem istam miraculosè evenisse, sed in quo, hujus ratio miraculi stetit? Planè in eo quod, cum os Asinae, sicut & aliorum Brutorum, (ut alia mittam) sit oblongum & lateraliter apertum, non possit aerem ab intimis progredientem colligere, & ita ad palatum, labia, & dentes colligere & frangere, ut ritè articulata vox audiat, aer enim potius per laterales rictus diffuit; Deus per Angelum ex aere vicino supplevit, quod organis Asinae deerat ad loquendum; in eo etiam quod nè dum effecit, ut humanis similes ederet voces, sed ut insuper ea proferret vocabula, quae interno suo conceptui explicando deservirent; Sed tamen fecit, ut exteriori miraculosâ locutione, patefaceret ad extrâ, quod secum ipsa discurrebat ad intrâ, si verè Substantiâ animabatur Spirituali; Vel hoc potestremum concedis; Vel negas? Puto non negabis; Cum etenim Brutis internos conceptus, atque etiam discursus attribuas circa res bene multas, nonnisi voluntariè negares Asinae praefatae interiorem conceptum, quo secum ipsâ jam conquereretur, de percussionibus receptis; Concedes itaque, quod licet nesciens quid diceret per exteriorem illam locutionem, verba tamen protulerit, interno suo, concordia discursui. Jam verò quid important haec verba. *Quid. feci tibi? Cur. percussis me?* Nisi Asinae quaerimoniam contrâ Bilaam, eam immeritò percutientem? Quid tanquam praesuppositivè cognitum involvunt? Nisi hoc morale principium. Non debet innocens plecti, nec nisi injustè percutitur; Ego sum innocens, nam si de

si de viâ recessi, & si etiam sub te concidi, & coacta id egi, & terrore perculsa; Cur ergo percutis me? Quid similiter sequentia inuunt verba. *Nonne Animal tuum sum &c.*? Nisi notum jam Asinae jus morale dominii, Balaam super ipsam, & morale debitum servitutis suae erga Balaam? Fateor quidem illatum hoc falsum esse, cum nullo Bruto insit, vel inesse possit, semel ac Brutum quodvis careat intellectu; praefatorum moralium principiorum cognitio; At supposita in Brutis Spirituali Animâ, hoc ipsum quod certe falsum est, constat verum esse debere, veritate illationis; Et innotescit exinde quàm longè à veritate distet illud antecedens, ex quo legitime sequitur tam absolum consequens.

Absonum inquam consequens; Nam si Bruta, naturalis sentiunt moralitatis dictamen; Vel illi conformantur in operando? Vel actionibus suis contrariantur? Si primum; Et laudem merebuntur & praemium (naturalis tamen ordinis) post mortem; Si secundum; Vituperationem reportabunt, & poenam post fata; Et ita novus Providentiae ordo, pro Brutis erit instituendus: Et ita pariter, extumescit error Orientalis Aethiopiae populorum, afferentium, peculiaribus male agentia Bruta, Inferis detrudi; Cui quidem errori, nonnulli etiam, ut probè nosti, subscribere Rabbini. Immo nec amplius erronea erit, excogitatio haec tam insulsa; Siquidem omnis, moralis Virtus, licet naturalis, praemium; Defectus poenam, intrâ naturalem tamen ordinem, meretur; Moritur autem simplex Columba, moritur

ritur innocens Ovis ; Neutra tamen prae noxiis fontibusque Animalibus , majorem vivens felicitatem nacta ; Sed potius illa quidem semper timens Accipitrem , illa verò metuens Lupum ; Cumque servatae Simplicitatis , ac Innocentiae praemium , non obtinuerint in hac vitâ ; Aequum est , ut illud , ipsis post vitam hanc conferatur ; Truculentus Leo , nemorum grassator ; Sanguinolentus Lupus , Ovium depopulator , Pastorum terror simul & Ovium , alienâ visitant caede , inque antris suis benè pasti , & senio confecti moriuntur ; Cum igitur , contra naturalis lumen rationis , tot se gravaverint rapinis , & foedaverint caedibus , nullam pro tot Criminibus , peculiarem poenam passi ; Aequum est ut finis vitae , ipsis sit principium poenae . Quemadmodum enim de Animali rationali , videlicet Homine , in Statu Naturae purae ( qui utique possibilis fuit ) constituto , omni cum veritate arguitur ; Ita & de Brutis , in hoc moralis vitae principio constitutis , infertur ; Sicut pro illo fuisse extitutam , ita pro istis de necessitate paratam existere , sub Justissimo Authore naturae Deo , moralibus & defectibus poenam , & Virtutibus mercedem , post hanc vitam .

*Phil.* Ut quid incassum tanta congeris ? Cui nunquam suadebis ea Bruta meriti demeritque esse capacia , quae nec libertate gaudent , nec Deum adhuc ut Authorem naturae cognoscunt , vel cognoscere valent ? Recordare eorum quae olim ex Augustino à me allata sunt (q) & nosces nullam Brutis libertatem verè talem , esse concedendam ;

X

*Causae*

(q) *An. Brut. vindic. Dial. 4.*

*Causae voluntariae*, aiebat S. Aug. (r) *aut Dei sunt, aut Angelorum, aut hominum, aut quorumcumque Animalium: Si tamen appellandae sunt voluntates, Animalium rationis expertum motus illi, quibus aliqua faciunt secundum naturam suam, cum quid boni malique, vel appetunt, vel evitant. Recole quam promovebam Philosophorum eorum doctrinam, qui rationibus invictissimis, tam è naturalibus principiis derivatis, quam ex SS. PP. comparatis, Optimi Entis notitiam, nobis à naturâ insitam esse, ut loquitur etiam S. Joan. Damascenus, (s) pro virili tuerentur, hoc est, non aliunde obtineri posse, propugnant, quam ex Ideâ illâ quam liberali munificentia ingenitam humanis mentibus, Deus ipse elargitur; Haec inquam recole, & senties quàm merito Brutis, Spirituali quamvis Animâ praeditis, quaecumque denegetur cognitio Dei.*

*Crit.* Duplex Philadelphe contorsisti telum; Sed utrumque imbellè sine ictu concidit: Et primò; Cur non admittit S. Augustinus voluntatem vel libertatem propriè talem, in Animalibus Brutis? Porro, quia sunt expertia rationis, ut liquet ex ipso textu; Optimè videlicet sciens, quod cum Ratio sit radix Libertatis, ubi Ratio non est, vera non potest reperiri libertas, seu libera voluntas; Quod si S. Aug. sentiret, ( ut tu asserere non vereris ) Bruta Spiritualem habere Animam, ipsaque ratione uti, in ordine ad Corporalia, & Sensibilia. Utique in ordine ad haec saltem objecta, veram

---

(r) *Lib. 5. de Civit. Dei cap. 9.* (s) *Lib. 1. de Fid. Orthod. cap. 1.*

veram Brutis tribueret voluntatem, veramque proinde Libertatem, nam ut ait D. Bernardus (1) *Ubi voluntas, ibi libertas*. Cacterum fas sit mihi de te Philadelphie amicè conqueri; Ludis enim, & mihi illudere satagis joco praecupationis: Quid hasce, vel similes SS. Patrum auctoritates adducis, ut ostendas, hocce vel illud praedicatum Brutis non posse concedi? Oporteret priùs evincere, quod iidem SS. Patres admittant Spiritualem in Brutis Animam, & nihilominus talia attributa, tanquam ex Animae Spiritualitate non descendente, denegent Brutis; Tunc enim, quod tibi agendum incumbit, ageres; At afferre eorum SS. Patrum textus (qui cum neque per somnium admisserint Brutorum Animas esse Spirituales) bestias detineri exprimunt intrà confinia, quae nihil redolent Spiritualitatis; Nihil est aliud, quàm usurpare quod dictum est cum veritate, ad comprobandum quod fingitur cum falsitate.

Perpende igitur paulisper, quid dicant Sancti Patres de Substantiâ Spirituali, quae aliquâ utatur ratione, seu, quod idem est, de Substantiâ Intellectuali creatâ: *Id omne, quod ratione utitur*; Sic effatur D. Joa. Damascenus (u) *Arbitrii quoque libertate praeditum est*. S. Thomas fidelissimus D. Augustini discipulus & affecla, sub titulo quod Substantiae Intellectuales sint volentes (x) sic incipit. *Has autem Substantias Intellectuales, necesse est esse volentes*. Et prosequitur, hoc ipsum probando fusè quatuor rationibus. Sequenti simi-

X 2 liter

(1) D. Bern. Trac. de Grat. & lib. arbit. (u) Lib. 2. de Fide Orthod. cap. 3. (x) D. Th. cap. 47. cont. Gent.

liter Capite ponit in titulo . *Quod Substantiae Intellectuales sunt liberi arbitrii* , remque hanc in titulo positam , quinque rationibus probatam relinquit , ita sub finem Capitis scribens . *Judicii libertate carent aliqua , vel propter hoc , quod nullum habent judicium , sicut quae cognitione carent , ut lapides & plantae ; Vel quia habent judicium à naturâ determinatum ad unum , sicut irrationalia Animalia ; Naturali enim aestimatione judicat Ovis Lupum sibi nocivum , & ex hoc judicio fugit ipsum , similiter autem in aliis ; Quaecumque igitur habent judicium de agendis non determinatum ad unum à naturâ , necesse est liberi arbitrii esse ; Attende Philadelphie , audi Aristippe , quae lequuntur . Hujusmodi autem sunt omnia intellectualia , intellectus enim apprehendit , non solum hoc vel illud bonum , sed ipsum bonum commune &c. Denique sic concludit . Omnia igitur intellectualia liberam habent voluntatem ex judicio intellectus venientem , quod est liberum arbitrium habere , quod definitur . Liberum de ratione judicium .*

*Arist.* Mirificè in rem tuam Critophile concludit D. Thomas ; Cum enim non loquatur , de hoc Intellectuali vel illo ; In hoc aut illo intelligendi gradu , constituto , sed de omni & quocumque Intellectuali ; jam conformiter ad ejus doctrinam , etiam Spiritualis Anima Brutorum , libera dicenda est , cum sit & ipsa , Philadelpho non abnuente , Intellectiva ; Inmò quantum ex hoc capite est , fateri oportet , quod si insit Bruiis Spiritualis Anima , intellectiva & libera , Bruta ipsa , meriti demeritique sunt capacia ; Aut ex alio id inficiabitur momento Philadelphus ; Quia videlicet ,



tet, quomodo possunt Bruta mereri, vel demereri apud Deum, cum nec agnoscant, nec agnoscere valeant Deum?

*Crit.* Superest itaque, ut & istius effugii vanitatem ostendam. Et certè si tantùm ego deferrem Plutarco, quantum Philadelphus, me paucis expedirem, scribit enim (y) *Elephantos Diis vota facere, cum se nemine docente mari lustrent, solemque orientem adorent, proboscide manus loco sursum ereclâ: Itaque etiam hoc Animal Diis est carissimum, ut Ptolemeus Philopator testatum fecit. Quomodo autem, hæc agere possent Bruta, nisi eis Divinitas aliqua, cognita foret? Sed monumento hoc, uti nolo; Relinquo potius illud tibi Philadelphæ, ut ex eo evincas Spiritualem Brutis Animam inexistere; Ea enim abs dubio Spiritualis est Anima, quæ Deum venerari novit, eique porrigere vota:*

Aliâ igitur viâ proposito occurram efugio, tùm scilicet ex fine, ad quem est omnis Intellectualis Substantia; Tùm ex summâ facilitate cognoscendi ex creatis effectibus Causam primam, & increatam: Non opus est autem, multa congregare ex primo capite, cum satis hoc mane tùm ex Apostolo, tùm ex SS. Patribus ostensum, ut reor, sit, ad aliquem sublimem finem à Substantiâ ipsâ Spirituali fruendum, omnem Spiritualem Substantiam, esse suapte naturâ ordinatam. Verùm, ut hoc ipsum, de quo disceptamus, expressius innotescat, litis Arbitrum (si placet Aristippo) D. Thomam constituamus.

*Arist.* Non poteras excellentiorem seligere judicem,

---

(y) *Plutar. de Soler. Animal.*

dicem, Angelicâ etenim opus est mente, ad ritè differendum de Spiritualibus Creatoris.

*Orâ.* Audite ergo ab acceptato, optimoque iudice quam ferat super hac controversiâ sententiam. Tractat. S. Doctor (2) de fine quem habent, Intellectuales Creaturae, positoque hoc titulo. *Quod intelligere Deum est finis omnis Intellectualis Substantiae*, sic disertè incipit, & prosequitur. *Cum omnes Creaturae etiam intellectu carentes, ordinentur in Deum sicut in finem ultimum, ad hunc autem finem pertingant omnia, in quantum de similitudine ejus aliquid participant: Intellectuales Creaturae, aliquo speciali modo ad ipsum pertingunt, scilicet per suam propriam operationem intelligendo ipsum; Unde oportet quod, hic sit finis intellectualis Creaturae, scilicet Intelligere Deum.* At nunquid hoc ipsum asserere contentus fuit, & non potiùs luculentissimè probare perrexit? Percurrite ambo D. Thomam, & assertum hoc, decem sibi invicem subsequenter rationibus, firmissimè demonstratum reperietis; Adeo ut si quis sit, qui D. Thomae auctoritate non moveatur, tot rationum vi, de necessè vincatur; Et si post Aquilam fas sit, noctuae volare, addam, id praeclarissimè à D. Thomâ dictum, utpotè summè conformiter ad Sapientissimam Dei Bonitatem, quae quamvis potuerit Intellectualem Creaturam, ad supernaturalem sui ut Authoris Gratiae, intuitivam non elevare Visionem; Nullam tamen voluit, eo naturali sibi proprio fine privare, ad quem ex naturali innata capacitate, naturalis oritur Inclinator in ipsâ. Neque

---

(2) *S. Th. cap. 25. cont. Gent.*

Neque capacitatem hanc in qualibet, quacumque ea sit, vel esse dicatur, Substantiâ Spirituali, temerè admitti, dicat quispiam; Quid enim repugnantiae, aut saltem incongruentiae est in hoc invenire? Nil sanè incongruum; Cum potius maximè rationabile sit, Spiritum Intellectivum, qui omne aliud rerum Creatarum longè praetergreditur Genus, ad Spiritum Creatorem cognoscendum assurgere posse; Ut quemadmodum nè dum exercitè sentit, sed etiam reflexè cognoscit, se esse, ita etiam, à quo sit, cum à se non sit, cognoscat: Potest, ut proximè perpensum est, Substantia Spiritualis animans Bruta, physicalia perspecta habere principia; Potest morale dictamen attingere, & juxtà illud operari; & non poterit à creatis effectibus in cognitionem Entis increati devenire? Aut incongruum erit quod cognoscat Deum, ens illud, quod utpotè Spirituale, maximè imitatur Deum? *Notitia Dei*, aiebat S. Joa. Damascenus (a) *omnibus à naturâ est insita, Neque id aliquis ratione utens, ignorare potest*. Tertull. (b) *Primo Animae dos, Animae videlicet Spiritualis & intellectivae, Dei notitia est*. D. Greg. Magnus in illud Job. 36. *Omnes homines vident eum*, Sic effatur. *Omnis homo, eo ipso quod Rationalis est conditus, debet ex ratione colligere eum, qui se condidit, Deum esse nonnè autem ipsa etiam Bruta, Spirituali insignita principio, Ratione aliquâ utuntur? Nonnè habent Animam Intellectivam, nonnè sunt condita rationalia? Quare ergo eis denegatur*

(a) S. Joa. Damasc. lib. 7. de Fid. Orthod. cap. 1. (b) Tertull. lib. 1. cont. Marc.

gatur, quod omni Spirituali Animae, Intellectivaeque conceditur naturae.

In medium prodeant eae invictissimae rationes, quibus Philosophi nonnulli tuentur, Deum, non aliter cognosci posse, quam ex Id.â, Spirituali Animae liberaliter à Deo inditâ: Potissima inter istas est. Quod Deus, est infinitus, immensus, aeternus, &c., omnis autem Creatura, finita est, limitata, & temporalis; Unde sicut ex calido frigidum, & unum contrarium cognosci nequit ex alio, ita neque potest ex Creaturis, dignosci Deus: Prodeant itidem eae Sanctorum Patrum auctoritates, quae tale quid comprobent, vel confirmet: Praecipuae illae erunt, in quibus cognitio Dei asseritur nobis, seu cuilibet Substantiae intellectivae insita, anticipata, & omne studium praeveniens; Vel ex Sacra Scripturâ illud regii Psaltis (c) *Signatum est super nos lumen vultus tui, Domine*; Prodeant, inquam, & quasi pulvis ante faciem venti, exsufflabuntur: Evertamus itaque eam rationem, quae inter invictissimas, primum obtinet locum: Verum est, quis ambigat; Creaturas & quaslibet divisivè, & omnes collectivè, infinito distare intervallo à Deo; At quid inde? Vestigium pedis humani in pulvere relictum, quàm longè distat, ab hominis naturâ, & tamen aptum medium est, ad inferendum illinc hominem transiisse; Non ergo requiritur aequalitas perfectionis, vel similitudo naturae, in eo quod est Medium ad aliquod cognoscendum, cum perfectione vel naturâ illius gentis, cujus cognoscendi Medium est. Sed satis est

unum

---

(c) *Psalm. 4.*

unum attingi ut dependens ab alio , vel ut effectus alterius , ut saltem confusè cognoscatur , debere adesse aliquid , à quo dependens , dependentiam dicat ; A quo effectus , fuerit causatus . Cum proinde , cuilibet ratione utenti notum sit , existere Creaturas , quae non sibi dederunt existentiam , sed illam acceperunt ab alio ; Easque quae existunt Creaturas , non semper extitisse , & non sit progredi in infinitum ; Nè dum potest ex Creaturis , finitis licet , & temporaneis , devenire in cognitionem Entis Infiniti & aeterni ; Sed cogitur evidenter admittere Causam aliquam , quae sit omnium causa , & causetur à nullo , quae omnium Principium sit , & careat principio , quae proinde sit Deus ; Quare docet nos Spiritus Sanctus (d) à magnitudine speciei & Creaturae , cognoscibiliter poterit Creator horum videri . Quibus tanquam eodem S. Spiritu affatus , fidelissimè consonat Apostolus inquiring . *Quia quod notum est Dei , manifestum est illis , Deus enim illis manifestavit .* Sed quomodo manifestavit ! Forſan per ſpecialem aliquam revelationem ? Nùm per ſupernaturale Lumen aliquod eis inſuſum , aut ſaltem per aliquod ſpeciale donum naturae rationali ſuperadditum ? Non ſanè ita loquitur Apoſtolus , quin potiùs assignans quomodo manifeſtus ſit gentibus Deus , ſic immediatè proſequitur . *Inviſibilia enim ipſius , per ea quae facta ſunt , intellecta conſpiciuntur &c.*

Quae quidem priora Apoſtoli verba , ad mentem Ss. Patrum ita exponit doctiſſimus Cornelius

Y

à la

(d) *Ad Rom. cap. 1.*

à lapide (c) Apostolus asserit planè eos Deum , Dei-  
que veritatem agnoscere potuisse , & debuisse , quin &  
re ipsa cognovisse , quia hæc veritas , naturaliter est  
aperta , & manifesta , eamque docet , & dicat ipsa  
natura . Audis Philadelphæ ? Non Idea distincta à  
potentiâ naturali Animæ , exire potentis in actus  
suos ; Non Lumen additum ipsi rationali naturæ ,  
docet nos Deum esse , sed ipsa docet , & dicat  
natura ; Sed grave non sit ediscere quæ paulò in-  
feriùs scribat celeberrimus idem Interpres . Solus  
ferè Anselmus , cum aliquot recentioribus , addit  
Deum hanc veritatem , sive seipsum Gentibus mani-  
festasse , per lumen non tantum naturale , sed etiam  
supernaturale , quasi sine lumine supernaturali , &  
sine , fide non potuerint gentiles per solum lumen natu-  
ræ , agnoscere unum esse Deum verum ; Sed hoc est  
præter mentem Apostoli , & Patrum , qui asserunt  
Deum Gentilibus se manifestasse per Creationem , &  
res creatas ; Ex illis enim Gentiles per lumen natu-  
ræ , Deum creatorem agnoscere potuerunt , & debue-  
runt . Quod si Gentiles , & potuerunt , & debue-  
runt , juxta & Apostoli , & Sanctorum Patrum  
mentem , inferre per discursum ex Creaturis , seu  
Creaturarum universitate , existentiam Dei ; Jam  
non illa innotescit , vel aliter potest Creaturæ ali-  
quâ licet , verâ tamen , ratione utenti innotescere ,  
quàm per Ideam liberaliter ipsi à Deo donatam ;  
sed nullo intellectu tam naturali , quàm superna-  
turali dono superaddito , spontè sua erumpit talis  
cognitio , ex ipsâ rationali naturâ in quantum tali ;  
Planè nec video , quâ fide dicant Philosophi non-  
nulli

---

(c) Cornel. à lap. Comment. in Epist. ad Rom. cap. 1.

nulli, non posse rationalem Creaturam, juxta SS. Patrum Doctrinam, à Creaturis asurgere ad primæ causæ, seu Creatoris cognitionem absque Ideâ Dei inditâ Animæ, & superadditâ naturali rationis lumini.

Nec est, quod hosce Philosophos defendas Philadelphæ, ex quo plures ex Patribus docuerint notitiam Dei in Creaturâ rationali, seu intellectivâ esse inditam, & omne studium praevenientem; Quo enim in sensu id dixerint, facile patet ex D. Thomâ, qui sicut in assiduâ Patrum lectione versatissimus, ita omnium mentem est asscutus; Scribit autem S. Doctor (f) quod Dei notitia *Dicitur nobis inserta, quia omnibus insertum est aliquid, unde possit perveniri ad cognoscendum, Deum esse.* Quia videlicet data est nobis Natura rationalis, quæ se ipsâ facillimè potest, ex observantibus sibi undequaque Creatis rebus, & ad semetipsam attendens, Dei existentiam colligere. Aliud ergo est naturam quamlibet intellectivam Creatam non posse per se cognoscere perfectè divinam essentiam, seu quid Deus sit; Aliud longè diversum, ab eâdem non posse cognosci solo suo naturali lumine existentiam Dei, seu an Deus sit; Primum quidem verum est; Qui enim quid sit in se ipso Deus, putat attigisse, non quaesita reperit, sed in inquisitione deficit; Secundum autem à veritate alienum esse, constat ex ratione, constat ex Apostolo, constat ex comuni sensu SS. Patrum; Quare eleganter non minus quàm verè ait D. Bernardus (g) *Tanta hæc*

Y 2 for-

(f) D. Tb. Quæst. 10. de veris. art. 12. ad. 1. (g) D. Bern. serm. 31. in Cant.

formarum varietas, atque numerositas specierum in rebus conditis, quid nisi radii sunt Deitatis? Monstrantes quidem quia verè sit à quo sunt, non tamen definientes prorsus quid sit; Itaque de ipso vides, sed non ipsum; Cum autem de eo quem non vides, caetera vides, scis indubitanter, existere quem oportet inquirere. Hinc & Angelicus Doctor absolute pronunciat (b) ex effectibus Dei, potest demonstrari Deum esse, licet per eos non perfectè possimus eum cognoscere secundum suam essentiam, & aequè piè ac verissimè exclamarat D. Augustinus: *Caeli & terra clamant Domine, ut amemus te*. Sed mirum sane quod Creatae res, in quantum pulchrae, ac bonae nobis, invitent nos ut amemus Deum, naturalium horum bonorum largitorem; Et tamen in quantum Creatae, non manuducant nos ad cognoscendum eundem Deum, ut illarum Creatorem! Tot jam momentis ita patet Animam, seu Substantiam Intellectivam, innatam habere vim, atque potentiam, cognoscendi ex Creaturis existentiam Dei, Deumque ut authorem naturae, ut constet etiam, Lumen illud, quod teste regio Psalter super nos signatum est, aliud non esse, quam ipsum Lumen rationis, ab Intellectivâ Substantiâ minimè distinctum, ac omni proinde principio intellectivo commune; Ut hunc locum exponunt Dionysius Carthusianus, Titelmanus, alique.

Quod si tecum duriorculè agere vellem Philadelphie; Ex ore tuo convincerem te, ab immateriali & Spirituali Substantiâ cognosci Deum ut authorem naturae, absque ullâ Idæa, ei divinitus libera-

---

(b) 1. p. Quæst. 2. art. 2.



beraliter superadditâ ; Sic enim , ut memini , quondam loquebaris ( i ) Illud inter parvulorum mentes , & Brutorum Animas discrimen intercedit , quod illae suapte naturâ , Deum , & caetera objecta immaterialia cognoscere possunt , impedimento semoto , hae verò nunquam & paulò post , ajebas . Optimi entis notitiam , nobis à naturâ insitam esse : Quomodo autem potest , humana Mens suapte naturâ cognoscere Deum ? Si verum est requiri ad hanc cognitionem Ideam liberaliter donatam , ab ipsâ naturâ non progredientem , & ab ipsâ naturâ distinctam ? Quomodo à naturâ insita est nobis notitia Dei ; Si nobis inest , per aliquid indebitum , & gratis concessum naturae in suo esse constitute ? Haec porrò non sibi cohaerere videntur .

Idea insuper ista Dei , naturae intellectivae impressa ex liberali , ut ais , ipsius Dei munificentia ; Vel talis asseritur , ut Deum exprimat & intellectui repraesentet , prout est in se clarè , & intuitivè videndum ? Vel talis dicitur , ut solummodo Deum exhibeat in aenigmate , & quodam an est , non verò quodam ejus positivam quidditatem ? Quis primum dicat , nisi Beguardorum vel Beguinanarum sectae dederit nomen ? Restat ergo secundum . Sed talem Ideam vanè assertam , & inutiliter fictam , pronuntiabit quicumque , qui seriò animadvertat , quod quemadmodum nulla requiritur , praevè impressa in rationali Creaturâ Idea causae creatae , ut possit ab effectu argui existentia & virtus , alicujus causae , quae tali effectui dederit esse ; Ita nullâ opus est Ideâ praecedenter inditâ ,

( i ) *An. Brut. Vindic. Dial. 4.*

inditâ , Caussae increatae , ut à cognitione Creaturarum quatenus talium , inferri possit existentia Creatoris , sive Deus quodan an est ; Sicut enim singuli creati effectus indigitant & arguunt aliquam singularem sui Caussam , ita & effectus & Caussae , creato intellectui innotescentes , ad increatam omnium Caussam cognoscendam , manuducunt .

*Arist.* Huc usque dictis , quid detraham non habeo Critophile ; Unum potius est quod suggeram , quoniam utrumquae aequaliter diligens , solam prae oculis Veritatem habeo , solamque quâ militat parte , praeponderare sino . Unum inquam est , quod suggeram ; Ei videlicet argumento simile , quo nuperrimè utebaris ad explodendum ab intellectuali Substantiâ Lumen illud distinctum ab ipsâ , in quo plurimum fidebat Philadelphus . Haec idea Dei , vel est ipsa essentia Dei , intimè unita cuilibet intellectui creato agnoscanti Deum , & gerens in ipso munus speciei ; Vel est aliqua Substantia , & quidem Spiritualis , à Deo , ut ita dicam , insculpta praesuppositae Spirituali Substantiae ? Vel est aliquid inditum intellectivae Substantiae , quod neque est Deus , neque est Substantia quaevis alia ? Primum dicere de omni intellectivâ Substantiâ , cognoscente Deum ut naturae & Authorem , & Dominum , manifestus est error . Secundum dicere , absurdum pariter est ; Nam nec una Spiritualis creata Substantia , in aliam itidem Spiritualem illabi potest , neque una in aliâ recipi tanquam in subiecto ; Et etiamsi id posset ; Inquirendum adhuc veniret , num haec Sub-

Sub-

Substantia Spiritualis superaddita alteri , quâ mediante cognoscitur Deus , ut præcisè Author , & Dominus naturæ ; sit supernaturalis , an potius naturalis ? Non quidem supernaturalis ; Nec enim supernaturali principio opus est , ad cognitionem naturalem , seu ad cognoscendum Deum sub solâ ratione Creatoris , & Domini proinde omnium Creaturarum ; Atque insuper cum Dona supernaturalia non conferat , vel conferre teneatur Deus , omnibus omnino Creaturis , ratione licet utentibus , consequens fieret , quod in aliquoratione utente , cui nimirum collatum non fuisset tale supernaturale auxilium , non esset reprehensibilis , sed integrè excusabilis Ignorantia Dei ut Authoris naturæ ; Quare nec amplius foret insipiens qui diceret in corde suo . *Non est Deus* . Quod sanè quis ita improbus , ut sentiat ? Quis ita efrons , ut dicat ? Erit ergo naturalis ; Sed præterquàm quod , contrà hanc superadditam alteri Spirituali Substantiæ , Spiritualem , naturalemque Substantiam , militant quæ mox dicebam ; Inquirere pergo ; Haec naturalis Substantia indita alteri , vel est ex se ipsâ potens cognoscere Deum ut Authorem naturæ ? Vel indiget & ipsa , Ideâ Dei sibi superadditâ ? Si primum ? Sicut ergo unâ Spiritualis Substantia , & quidem naturalis , potest absque ope distinctæ , & sibi impressæ Ideæ Dei , cognoscere Deum ; Cur non & quævis alia intellectiva Substantia idem se ipsâ poterit , sine tali superadditâ Ideâ ? Si secundum ? Inquirō sicut modò , quid illa Idea sit , & ita pergitur in infinitum .

Restat ergo respondere talem Ideam , nec esse

esse Deum ipsum intimè unitum creato intellectui; Neque Substantiam aliquam sive supernaturalem, sive naturalem, sed entitatem quandam accidentalem, Spirituali Substantiae inhaerentem, quam certè Philadelphus non admittet, nè aliquid adstruat, quod inani occultae Qualitatis vocabulo, debeat occultari; Nisi fortè iis velit annumerari & ipse, qui quod in aliis irridet, mutato tantum nomine admittunt; Quorum multos est invenire.

*Crit.* Libentissimè amplector opportunum quod suggestisti argumentum contrà Philadelphum egregiè, & ad hominem concludens: Sed notum ex his cuilibet erit, immeritò confugi posse ad Ideam Dei, à Spirituali Animâ distinctam, ut ostendatur Brutorum Animam, etsi Spiritualem, ad Dei cognitionem ut naturae saltem Authoris, asurgere minimè posse; Probaturum siquidem manet, Cognitionem hanc, ex ipsâ Spirituali Substantiâ, qua tali proficisci, & concedendam proin & Brutis, si Brutis conceditur Spiritualis Anima: Cum itaque, ut dicta recolligamus, notae sint belluis moralis vitae Regulae; Cum insuper notus ipsis sit Deus, tanquam naturae nè dum Author, sed & Supremus Dominus, Capaces sunt belluae, & merendi, & demerendi in ordine suo naturali, seu in suo statu Naturae purae; Debita ipsis est post hanc vitam, vel merces boni, vel mali poena; Quo tamen quid absurdius cogitari, quid à sanâ Doctrinâ remotius dici poterit unquam?

*Phil.* Miror, quod tantam in eo vim facias, quod spontè sua evanescit; Quae mehercle vel merces, vel poena potest rependi Brutis post mortem;

rem ; Cum Brutis morientibus , eorum Anima  
esse desinat in rerum naturâ ? Nunquid quod nihil  
est , vel praemium recipere potest ; Vel poenam  
subire ?

*Arist.* Aliam tangis Lyrae chordam , quae  
modo non est pulsanda ; Jam inclinata est dies :  
Satis sit hodierno certamini ; Valet ambo , redi-  
tumque , quem praestolor vestrum , longiori morâ  
differre nolite .

*Phil.* Nutibus tuis libenter obsequimur Ari-  
lippe , sed tu interim

*Vive , vale laetus , tibi Dii dent prospera multa . (k)*



Z

SUB-

---

(k) *P luter, de Profic. viro. flos.*

# SUBSTANTIA SPIRITUALIS EST IMMORTALIS

Ex hoc Capite Anima *Spiritualis*  
Brutorum Profligatur.

## DIALOGUS SEXTUS.

*Aristippus, Philadelphus, Critophilus.*

*Arist.*



Uam opportunè simul ambo venistis! Mandaveram mihi Cocolatam parari, accipietis vos quoque mecum; Et quamvis mihi mos non sit, laudare mea, certos vos reddo, quod optimam ac saluberrimam experiemini.

*Phil.* Gratias tibi Aristippe; Placet utique mihi cocolata, sed tamen sumere nolo, quoniam nimium, bonae obest valetudini; Siquidem à Medicis audiavi quod nimium calorem Cocolata immittit in sanguinem, ipsumque expissat, & torpidum ex crassitudine reddit, nè aptam tempore suo circulationem peragere valeat.

*Arist.* Oh quid audio! Quamvis jam senuerim, quotidianae Cocolatae sumptioni adsuetus, nihil tale audiavi, nihil tale in me expertus sum, nec fortè sine Cocolatâ senuissem.

*Crit.* Nè metuas Aristippe; Noli credulus esse Philadelphus; Utrique potius meminisse juvat, quod

quod *qui medicè vivit , miserrimè vivit* . Quamvis non à Medicis , non à doctis , sed ab imperitis talis timor ingeritur ; Et nisi quod ad graviora , nobis est festinandum , palpabili ratione evincerem , ex Cocolatâ nec nimium imitti Calorem , neque Sanguinis , humorumve crassitudinem , torporemque caussari .

*Arst.* Non est jactura temporis , de rebus licet gravioribus , tractatum diserre tantisper , ut alia removeantur praejudicia , & discantur utilia ; Age , si vales Critophile , Cocolatae vindicias , & rem tam , mihi quam Philadelpho facies acceptissimam ,

*Crit.* Utriusque votis libentissimè annuo : Componitur itaque Cocolata tum ex glande quâdam , quam vulgò appellamus *Cacao* , tum ex saccharo aliisque aromatibus , quorum unum italicè *Cannella* nuncupatur , aliud verò *Vainiglia* ; Portio autem major , ut nostis , non ex saccharo est , vel aromatibus , sed ex *Cacao* ; Jam verò Glandem hanc , quam dicimus *Cacao* , frigidae esse naturae , non uno evincitur argumento : America parit nobis fructum hunc , sed nonnisi ex humido aquosoque Solo , ut referunt Franciscus Carletti (a) & Gulielmus Pisoni . (b) Arbor autem , quae glandem hanc nobis fructificat , mediocris est altitudinis , & frondosis arboribus circum ipsam dispositis , à solaribus subtrahitur , diligentissimè radiis .

Cum itaque calidus esse nequeat suapte naturâ fructus ille , qui & in humidis tantum locis nasci novit , & Solis calorem refugit , & umbrae frigidityate fovetur ; Ex ipsâ hujusce glandis gene-

Z z

ncli

---

(a) *Discur.* 5. pag. 92. (b) *Mantif. aromat.* cap. 18.

nessi notum planè sit, eam calidae non esse naturae. Dicet fortasse imperitus aliquis; Nonnè in calidâ arbor haec nascitur Regione? Verum est, respondeo; Sed quid tùm? Sicut in nostrâ temperatâ licet, aliisque sub climatibus non calidis, calidissimae tamen herbae nascuntur, ita & Frigida in calidissimis etiam Regionibus, oriri nihil vetat: Addite insuper, quod quidquid vel arborum, vel fructuum calidum est, suae Calorem naturae exterius manifestat, vel gravi aromatico odore, aut amaro, mordacique sapore, nihil autem tale experimur in hac glande, etiam vi ignis assatâ, ut quisque testari potest; Quod si veritatem hanc, novo probatam cupitis momento, praeclaudatum legite precor Gulielmum Pitoni; Inventetisque (c) quàm salubri experimento, Glans ista in potum soluta, apud sive Americanos, sive Europæos, in acutis febribus profit, ad sitis extinguendum ardorem, nimiumque calorem jecoris temperandum.

Atque hinc est, quod qui rerum naturas sagaciùs norunt inquirere, & intimiùs perscrutari, ad attemperandam nimiam glandis istius frigiditatem, usi sunt Aromatibus praecalidis, vulgò *Cannella*, & *Vainiglia*, ut ita ex maximi copiae Frigidi, maximique parvâ Calidi quantitate, Tertium quoddam exurgeret, quod temperie suâ, ita languidum recrearet Stomachum, ut neque immoderato frigore, nativi caloris vim retunderet, neque nimio calore, vehementiùs accenderet; Sed potius innocenter fervaret, atque blandissimè foret.

---

(c) *Ibid.* pag. 198.



veret: Quare doctè non minùs, quàm veraciter scripsit Celeberrimus Nicolaus Lemery (d) quod Cocolata quovis modo sumatur, restaurat, reficitque languentes vires, vigorem Cauſſat, humorum malignitati reſiſtit, ſtomachum denique & cerebrum, omneſque corporis partes mirificè adjuvat atque corroborat.

Et certè ſi calidæ, noxiæque Cocolata eſſet naturæ; De Caraceniſibus populis, (qui tamen immortalis memoriâ digno referente Columbo, plùs centum annis vivere non rarò inveniébantur) actum foret; Ipi enim, non alio veſcebantur pane, quàm ex glande iſtâ eformato, varjiſque aromatibus mixto, qui proinde cum Cocolatâ noſtrâ, non immeritò veniat comparandus: Sed ad reſellendum Vulgi inſani craſſiſſimum errorem, jam nimis taulta; Canite ambo potiùs cum quodam doctiſſimo viro, rerumque uſu peritiſſimo (e)

*O dolce Ambroſia cagion di Salute  
Della caduca viſa almo ſoſtegno,  
E ne' convitti degli immortali Dei  
Laſſiù nel Cielo tanto deſiata!*

Phil. Guſtu potiùs, quàm cantu ſaluberri-  
mam laudabo potionem; Afferte, afferte mihi Co-  
colatam; Non ero ampliùs in me metipſum crude-  
lis, ſapiditate & ſalubritate excellentiſſimo, me à  
Pharmaco alienans. Gratias tibi plurimas Crito-  
phile, quod brevi, ſolidoque diſcurſu, à noxi-  
me

---

(d) Lemery Trac. univer. de Simpl. aromas. (e) Petrus  
Andr. Forzani Eleg. in laud. Cocol.

me praejudicio expeditiſti : Par pari tamen & ego reddam , gravius à te praejudicium removendo , quo ſentis nimirum Brutorum Animam , ſemel ac Spiritualis aſſeratur , Immortalem itidem debere concedi .

*Ariſt.* Quoniam diſceptare parati eſtis , & cupidi , propositam Incipite Controverſiam ventilare , & tam mihi , quàm vobis ſapidiorem Cocolatam reddetis .

*Phil.* Quo glutine connexam putes cum Spiritualitate Immortalitatem , equidem videre non poſſum ; Nam nec omne quod Spirituale eſt , eſt itidem cum veritate Immortale ; Nec omne quod expers Corruptionis eſt , pariter eſt Spirituale : Habitus infuſi Fidei , Spei , & Charitatis , Spirituales ſunt , neque tamen indeſectibiles : Nam per infidelitatem Fides ; Spes per deſperationem ; Charitas per quodvis laethale peccatum deperditur : Materia ſive coeleſtis , ſive ſublunaris , apud omnes Philoſophos eſt incorruptibilis , & tamen materia eſt , quàm longè diſtans à Subſtantia Spirituali , nec cum ipſa ullatenùs comparanda ; Relinquitur ergo non aliam inveniri cum Spiritualitate ut ſic , & naturali Immortalitate connexionem , quàm quae ex praecoccupatae Imaginationis vi , ac glutine ideali fingi poteſt .

*Criſt.* Ne quaefo jam alias (f) ſatis ſolutum repetas argumentum ; Affer nova ſi habes , & vel me victum dabo , vel tibi veriora ſuadere conabor : De Subſtantia Spirituali , non autem de entitate Spirituali , quae Subſtantia non ſit , eſt nobis quae-

---

(f) *Diſſert. cont. An. Spir. Brut. Dial. 7.*

quaestio ; Illam ego, immortalem esse, ex naturâ suâ sustineo intrepidè ; eo modo quo naturaliter immortalem , Animam hominis assero .

*Phil.* Sermonem , ut placet , ad solas Spirituales Substantias contrahamus : Quomodo placitum erit , aliquam Spiritualem Substantiam asserere , non esse naturaliter Immortalem , cum falsò de ipsâ etiam hominis Animâ supponas , ipsam immortalem esse suapte naturâ ? Nè precor , scandalizeris hoc audito , me enim explico statim . Recogitandum itaque est (g) , Mortem bestiarum bifariam explicari à nobis posse ; Aut nempe per dissolutionem partium , ita ut tamen partes ab invicem segregatae conserventur ; Aut per interitum , sive ut rigidioribus loquar scholarum vocabulis , per annihilationem rei , quâ fiat ut Substantia quae priùs extabat , existere penitus desinat : Si mortem , priori modo explicatam consideremus ; Fateri mihi quæ compellor , immaterialem Brutorum Animam , aequo modo dicendam esse naturâ suâ immortalem , ac est naturâ suâ immortalis Anima hominis ; Neque id mirum ; Quandoquidem hoc immortalitatis genere , gaudet etiam prima rerum corporearum materies , quae suapte naturâ incorruptibilis praedicatur ; Si autem , secundo eam modo accipiamus , quo nempe fiat , ut Brutorum Anima , neque per destructionem , sive annihilationem mori possit , seu desinere ; Quis hoc sensu vel ipsam hominis Animam naturâ immortalem , auferit desinire ? Nisi ad Dei voluntatem confugiamus , à quo cujuslibet Creaturarum Conservatio pen-

---

(g) *Anim. Brut. Vindic. Dial. 7.*

pendet, humanam mentem, seu Animam, immortalem esse, nunquam obtinebimus.

*Arist.* Optimus videtur mihi discursus iste, nec aptum puto ei responsum reperiri.

*Cris.* Sed cui unquam in mentem venit, Creaturam aliquam, hoc sensu immortalem dicere, quasi quod à Deo non possit annihilari? Novi quidem, egregio viro Thomâ Vualdenli referente (*h*) ausum fuisse Vicclephum insanissimè effutire quod *Deus aliquam Creaturam, in nihilum redigere non potest*. Quasi verò vel paris potentiae non sint vis Creativa, & vis annihilativa; Vel Deus qui liberè potuit Creaturas quaslibet è nihilo educere, aliquà, absolutàque necessitate teneatur quascunque ita conservare, ut nullas earum, ad nihilum possit reducere; Sed suas insano isti relinquamus insanias. Fatemur quotquot Catholici sumus, Creaturam quamlibet, à Deo posse in nihilum redigi, & nihilominus communior Theologorum Sententia est, Substantias quaslibet Spirituales, naturâ suâ immortales esse; Sed quâ immortalitate? Nùm excludente annihilationis possibilitatem? Absit hoc à doctis; Absit à verae Fidei sectatoribus vel suspicari; Et si enim Spirituales Substantiae, non sint à Deo annihilandae; Non tamen hoc ideo erit, quia Deus non possit, sed quia non vult eas annihilare; Quâ igitur immortalitate naturaliter dotatae asseruntur Spirituales Substantiae? Itâ utique, quâ videlicet nec per partium, quas non habent, sejunctionem mori, nec per contraria, quibus carent, corrumpi possunt; Cumque per solam anni-

hila-

---

(h) *Th. Vualden. lib. 1. cap. 17.*

hilationem queant desinere, aeternum ipsae durabunt, ac vivent, si Deus eas positivâ annihilatione non destruat; Sive (si phrasis ista non placet) immortaliter vivere pergent, absque speciali Dono, per hoc solum quod eâ generali conservatione, quâ Deus res caeteras conservat in tempore, hasce conservet Substantias per totam aeternitatem: Quo in sensu aiebat Sanctus Bernardus (i) *Immortalis Anima est, quoniam cum ipsa sibi vita sit, sicut non est quo cadat à se, ita non est quo cadat à vitâ.*

Luculentissimam veritatem hanc tradiderat etiam D. Dionysius inquiens. (k) *Intellectuales Substantiae vitam habent indefficientem, ab universâ corruptione, Mortē, & materiâ, & generatione, mundaē existentes ita ut mirum sit, eam in dubium revocari: Sed paucula addam, per quae de veritate istâ non amplius ambigas Philadelphē: Cum dicemus Substantiam Spiritualem, naturâ suâ immortalem esse; Non intelligimus, eandem secluse libero Dei conservantis auxilio, esse duraturam; Aliud nimirum est, esse ex naturâ suâ immortalem; Aliud, esse ex naturâ suâ nunquam defecturam: Postrimum hoc postulat, vel quod Deus necessitate compellatur aliquâ ad talem Substantiam perpetuò conservandam; Vel quod talis Substantia possit se ipsam manutenere in esse, Deo etiam ab ejus conservatione cessante; Horum autem utrumque falsissimum est; Horum neutrum nec somnando quidem affirmamus. Primum verò*

A a

fo-

(i) D. Bern. Ser. 81. in Cant. (k) D. Dionys. lib. de Divin. nomin. cap. 3.

solummodo exigit quod ea Substantia talis naturae sit, ut si Deus non desinat ab eâ conservandâ, generali conservatione suâ qua res etiam corruptibiles conservat; Ipsa nullum in se corruptionis principium habens, nec ab agente exteriori pati valens, nunquam se subtrahet, seu nunquam subtrahetur à divinâ Conservatione, adeoque semper vivet; Hoc autem primo modo immortalem suaptè naturâ pronunciamus Spiritualem Substantiam, nullatenus verò secundo.

Cacterum ut pateat, in primâ hac acceptione, Spiritualem Substantiam propriè dici ex naturâ suâ Immortalem: Ponamus sub eâ Conservatione, quâ Deus ut author naturae conservat omnia, ponamus inquam, hinc Leonem, hinc unam aliquam Substantiam Spiritualem; Jugiter perseverat quantum est ex parte Dei tam conservatio Leonis, quàm Spiritualis Conservatio Substantiae; Sed nunquid utraque Substantia haec tandiu durabit, quandiu duret ex parte Dei Conservatio? Haud sane; Substantia utique Spiritualis nunquam esse desinet, si Deus ex parte sui, eam Conservare non cesset; Leo autem utpotè & internam Elementorum quibus componitur, luctam patiens, & externorum Agentium corruptivae contrarietati subiectus, non obstante Conservationis duratione quantum est ex parte Dei, sinentis corruptibilia corrumpi, corrumpetur, & interibit. Hunc igitur, naturaliter corruptibilem dicimus, quia ad ipsum à corruptione & morte servandum, non sufficit ea praecisè Conservatio, quâ Deus res conservat ut naturae Author; Sed illam naturaliter immor-

mor-

mortalem meritiò asserimus , quia cum solo Dei ut Authoris naturæ Conservationis auxilio, nescia corruptionis , & nescia mortis , sicut temper durabit in esse , ita semper durabit in virâ ; Et ut verum dicam , quâ cum coherentiâ doctrinæ loquamur , non video , Philosophi quidam , qui naturalem tribuentes incorruptibilitatem materiae , nihilominus timent & nolunt , naturalem concedere Spirituali Substantiæ immortalitatem ; Porro , si materia vivens foret , cum concedatur incorruptibilis , nonnè foret Immortalis ? Quis ambigit ? Cum itaque Substantia Spiritualis sit , de facto vivens ; Cum sit Philosophis omnibus ( de orthodoxis loquor ) concedentibus , incorruptibilis ex ipsâ ejus naturâ ; Quomodo negari potest ipsam esse naturaliter Immortalem , semel ac concedatur , esse naturaliter incorruptibilem , cum in iis quæ se ipsis vivunt , idem sit & esse , & vivere ? At dicis , Nonnè potest quaelibet Spiritualis Substantia annihilari à Deo ? Utique , respondeo , sed insto & ego : Nonnè potest materia ex quâ componuntur res corporeæ à Deo annihilari ? Affirmativè & tu respondebis , sed accepto responso tuo , sic urgeo . Quamvis materia corporum sit incorruptibilis , potest tamen annihilari à Deo ; Et vice versâ , quamvis materia possit diviniùs in nihilum redigi , tamen est ex naturâ suâ incorruptibilis ; Ergo licet Spiritualis Substantia à Deo annihilari possit , erit tamen naturaliter Immortalis ; Nam quod incorruptibilitas est materiae , hoc Immortalitas est Spirituali Substantiæ ; Et quemadmodum possibilitas annihilationis non detrahât materiae incorrup-

pitabilitatem, ita nec tollit à Spirituali Substantiâ naturalem Immortalitatem.

*Phil.* Nonne audis D. Paulum apertè docentem. (1) *Dominus Dominantium, qui solus habet Immortalitatem.* Nimirum ab intrinseco, ut communiter explicatur? Nonnè sextam Constantinopolitanam Synodum legisti, in quâ Mentēs hominū dicuntur, non Naturā, sed Gratiā Dei Immortales, quia non à se ipsis, sed à divinā voluntate & Gratiā Immortalitatem consequuntur? Quid ergo incassum tanta congeris. Adi Dionysium Petavium (m) & ab ipso, ex mente Sanctorum Patrum loquente, audies. *Quod enim Divinū vi, saltem potest in nihilum redigi; Tūm quod alieno beneficio sempiternum est, hoc per se caducum & mortale censetur.* Quod si pressius Animae Brutorum Spiritualis licet, Mortalitatem nosse desideras, consule Sacras Scripturas, & ex Davidis testimonio, illam non obscurè intelliges, inquit enim (n). *Auferes Spiritum eorum, & deficient, en Spiritus interitum, & in pulverem suum revertentur, en corporis dissolutionem (o).*

*Crit.* Stupro te, in Sanctorum Patrum Lēctione versatissimum, tam faciliē asserere laudatum Apostoli locum, communiter explicari de Immortalitate ab intrinseco, cum & Sanctus Augustinus (p) & D. Gregorius (q) & D. Bernardus (r) nomine

---

(1) *Apost. Paul. Epist. 1. ad Timot. cap. 1. v. 16.* (m) *Dionys. Petav. Theol. Dogm. lib. 1. cap. 5.* (n) *Psal. 103. vers. 29.* (o) *An. Brut. vindic. dial. 7.* (p) *D. Aug. lib. 1. de Trinit. cap. 1.* (q) *D. Greg. lib. 12. moral. cap. 17.* (r) *D. Bern. Ser. 81. in Cant.*



mine Immortalitatis, ibidem intelligant *Immutabilitatem*, eò nempe quia, Immutabilitas est ratio, & quasi Causa incorruptionis, & Immortalitatis, & rursus omnis Immutabilitas, est quaedam immortalitas, sicut omnis Mutabilitas est quaedam mors; Quia quod mutatur, transit ab eo quod erat, ad aliud quod non erat, quod est quaedam mors, & interitus prioris esse, quod per Mutationem perit: In hoc igitur sensu juxta Sanctos Patres, solus Deus, dicitur Immortalis, quia solus est omnino immutabilis in se ipso; Seu quia, tali à se, & in se gaudet Immortalitate, quae nè dum mortem excludit; Sed omnem mortis possibilitatem, omnemque mortis umbram, quamcumque nimirum Mutationem atque mutabilitatem; Solus est enim, qui verè dicere potest. Ego Dominus, & non mutor: Cum hoc autem stat, etiam Substantias Spirituales Creatas, esse ab intrinseco Immortales, Immortalitate tamen modicâ, si cum divinâ comparetur, & tali, ut neque omnem Mutabilitatem excludat, neque Mutationem: Audire non graveris, quid in hunc locum inquit D. Bernardus. *Qui solus habet Immortalitatem: Quod ego reor pro eo dictum, quod solus sit naturâ immutabilis Deus, qui ait: Ego Dominus, & non mutor; vera namque, & integra immortalitas, tam non recipit mutationem, quàm nec finem, quod omnis mutatio, quaedam mortis imitatio sit. Omne etenim quod mutatur, dum de uno ad aliud transit esse, quodam modo necesse est moriatur quod est, ut esse incipiat quod non est; Quod si tot mortes quot mutationes, ubi immortalitas? Attamen immortalis Anima est; Quoniam*

niam cum sibi ipsa vita sit ; Sicut non est quo cadat à se , sic non est quo cadat à vitâ . Verùm cum constet suis affectibus mutari eam , agnoscat ita se Deo in Immortalitate similem , ut sciat sibi deesse non modicam Immortalitatis partem , soli cedens absolutam perfectamque Immortalitatem , apud quem non est transmutatio , nec vicissitudinis obumbratio &c. Constat igitur laudata Apostoli verba communiter explicari , non de præcisâ & quacumque intrinsecâ Immortalitate quasi nihil extrâ Deum sit ab intrinseco Immortale ; Sed de Immortalitate absolutâ ac perfectissimâ , omnem vel umbram mutabilitatis , vel mutationis excludente . Quare nihil ex ipsis , ad præsens intentum concludere Philadelphæ potes .

Quod si Constantinopolitana Synodus , ipsas etiam hominum Animas , non Naturâ , sed Gratiâ immortales asserit ; Non ideo negat easdem esse Immortales ex naturâ , quia verè censet naturalem repugnare Immortalitatem Creaturae ; Sed quia , cum hoc ipsum , quod Natura ex se Immortalis , jugiter conservetur à Deo , ut suam in actu secundo exercent Immortalitatem , sit aliquid gratis tali naturæ concessum à Deo , qui potest creaturam quamlibet quam extraxit è nihilo , ad nihilum reducere ; Ipsa gratuita Immortalis Creaturae Conservatio , utpote non debita creaturae , sed libera Deo , & beneficium Dei est , & Gratia ejus vocatur : Sic Angeli dici possunt ex naturâ suâ Intelligentes , & etiam asseri queunt non Naturâ intelligentes , sed Gratiâ ; Dicitur primum cum veritate , quia Intelligere , connaturale est Angelis ; Unde posito quod sint , non possunt intelligentes  
non

non esse ; Meritò tamen asseritur & secundum , quia cum Intelligentes esse nequeant nisi sint ; Sint autem non à se , sed ex liberâ Dei voluntate quâ & produxit illos , & eosdem conservat ; consequitur quod si ex solo beneficio Dei , acceperunt , & retinent naturam Intelligentem , ex solo pariter Dei munere , sint Intelligentes : Hoc in sensu accipienda venit Doctrina Sophronii in hac Synode recepta & commendata , sicut & alii Patres exponendi , cum ajunt Angelos aut Animas Spirituales esse immortales ex Gratiâ , intelligendo nimirum nomine Gratiæ , gratuitam & illorum , & istarum productionem , atque Conservationem ; Nulla enim creatura est , quantumlibet perfecto in gradu constituta , quæ vel sibi ipsi dederit esse , vel se ipsam independentem à Deo , conservare valeat in esse semel accepto ; Nullaque est , quæ mortalis non sit , si nomine Mortalitatis annihilabilitatem accipiamus .

Verùm putas nè melius aliquid concludere ex illo Regii Psaltis ? Mehercle omittere illud potes , si nihil potius habes . Quid sanè , ad probandum naturalem Animæ belluinæ interitum conferunt , ea verba *Auferes Spiritum eorum , & deficient* ? Dixit Propheta *Spiritum* in singulari , apposuit verbum *Deficient* in plurali ; Et tu , quæ vel apud grammaticos concordare non possunt , conjungere niteris ? Non de tò *Spiritum* dictum est ly *Deficient* , neque ut palam est , dici potuit , sed de Animalibus ipsis , quæ utique ablato Spiritu ( quicumque tandem sit ) morientur & deficient , & corpora eorum sicut è terrâ compacta , ita & in pul-

pulverem suum revertentur ; Per hoc autem quod Scriptura , dicat Defectura Animalia per amissionem Animae , quis inferre novit , ipsam ablatam Animam esse interituram , vel interituram doceri ? Etiam homines , ablato ab eis Spiritu , deficient , & eorum corpora in pulverem suum revertentur ; Nunquid tamen ex hoc , interibit eorum Spiritus ?

*Phil.* Si etiam assererem , nullo naturali argumento satis probari posse Substantiae Spiritualis Immortalitatem , sed solum ex fide constare , Animam rationalem , non esse interituram cum corpore , sed perpetuò duraturam ; Non dicerem inauditum aliquid , aut aliquid falsum ; Ita sensit Scotus cum pluribus ex suis ; Et Petrus Pomponatius in libro de Immortalitate Animae , ex instituto probat , nullum proferri posse argumentum è naturalibus principiis comparatum , quod satis firmum sit & efficax , ad probandam naturalem Animae humanae Immortalitatem : Quamvis autem multi contrà Petrum Pomponatium insurrexerint , in Catalogo tamen librorum interd ètorum , legimus , quidem opus Pomponatii *de Incantationibus* , non illud etiam *de Animae immortalitate* . Quia immò eruditissimus P. Joannes Petrus Niceron Barnabita , Pomponatii integritatem sanamque fidem luculentissimè vindicat . (s)

*Crit.* Quod attinet ad Scotum , aliquosque ex suis , meminisse deberes eorum quae olim tibi eadem respondentem , reponebam (r) videlicet Scotum .

(s) *Memoires des hom. illus. To. 25. pag. 329. (t) Dissert. contr. An. Spir. Brus. Dial. 5.*

tum negare non quidem naturalem Immortalitatem Substantiae Spiritualis, sed solummodo inanibilitatem, quam nemo Catholicorum negat, vel unquam negabit: Pomponatius utique totus in eo fuit, ut rationalis Animae Immortalitatem indemonstrabilem ostenderet, & quamvis non ea circa punctum hoc negaret, quae fidei sunt, unde potuit sicut ab eruditissimo Patre Nicerone, sic etiam ab aliis, ab Haeresis, vel saltem erroris incurfu vindicari; Vellem nihilominus obiter animadverteres quàm malè sentiat, & periculosè scribat, qui naturali docet ratione indemonstrabilem Spiritualis Immortalitatem Substantiae; Quoniam & impugnatur à multis, & à multis indiget patrocinari, & paucos invenit patronos.

Nolo ego Pomponatii mentem, in deteriorem partem interpretari; Tùm quia ad hoc semper ductus fui, ut nullum condemnarem nisi evidenter condemnatione dignus probetur; Tùm etiam quia ejus Catholicam mentem praedicat R. P. Joannes Chrysostomus ex Ordine Praedicatorum Regens in Bononiensi Sancti Dominici Conventu inquit in quâdam epistolâ (u) *Hortor igitur, & obsecro omnes Christi Fideles, ne temerè de te judicent, qui posthabitis omnium Philosophorum deceptionibus, veram & inviolabilem fidem profiteris.* Tùm insuper quia in Epistolâ ejusdem Petri Pomponatii datâ ad praefatum Patrem Joannem Chrysostomum, haec leguntur. *R. Paternitas tua animadvertens pro sua prudentiâ, ex his quae scripsimus in libro de Immortalitate*

B b

talitate

(u) In Epist. monit. ad Tract. de solut. raison. Pet. Pompon.

talitate Animae, non solum multos in posterum in errorem, induci posse, sed etiam nonnullos à veritatis viâ aberrasse, quippe qui me mortalem esse animum, tenere, arbitrati fuerint .... Cum fidei firmandae gratiâ, tum ut faciliè omnibus liqueret (Deo teste) non eam de animo Sententiam meam esse, admisi (x).

Scio tamen cum intemperanti contrà Animae Immortalitatem naturalem, calamo, inhonoras sibi tragaedias excitasse; Non quod multi faciam Censuram Morerii (z) qui Pomponatio, & Catholici, & Philolphi penè denegat nomen; Immeritò tamen, nam & fidei suae contestatione constat, ex animo fuisse Catholicum; Et ex eruditissimis operibus suis, liquet fuisse Philosophum; Quin etiam oportet opera Pomponatii, non legerit Morerius, sed ex alio censuram suam transcripserit; Nam scribit in primâ Dictionarii sui Editione Pomponatium extremum clausisse Diem anno 1513. in octavâ autem Editione, scribit eundem obiisse anno 1512. Cum tamen Pomponatius ipse, in fine libri sui de Incantationum occultâ potestate, reliquerit scriptum. *Perfecta est haec nostra laboratio, quae de incantationibus nominari potest, per me Petrum, filium Joannis Nicolai Pomponatii Mantuani, in felicissimo Gymnasio Bononiensi, in Capellâ Sancti Barbatiani die 16. Augusti 1520. anno 8. Pontificatus Leonis X.* Quomodo igitur obiisse dicitur live duodecimo, live decimotercio anno, qui scribebat in vigesimo?

Sed quia praetermissâ Morerii Censurâ, audio

(x) Apud P. Chrysof. Jacetti Ord. Praed. To. 2. (z) Morerius in suo Diction. ver. Pompon.

dio unum ex praecipuis Pomponatii discipulis , non temeritatis ductu , sed ex fidei ac probitatis zelo exclamantem contra doctuinam Magistri sui in libro de Immortalitate Animae traditam (a) *Quid nubit pestilentiùs induci poterat ad corrumpendam juventutem , dissolvendamque Christianae vitae disciplinam . Et quamvis Eminentissimi Herculis Gonzagae in Magistrum suum Pietas , ac nobilissimi magnitudo animi , elatum e Bononià . Pomponatii cadaver , Mantuam deferri curavit , eidemque nobile parari sepulchrum jussit ; Vitare tamen non potuit ( quin deturpatâ apud multos Petri Pomponatii famâ ) eò quod visus sit naturalem denegasse Immortalitatem rationali Animae ; Janus Vitalis demortui Pomponatii sepulchro , ad aeternam rei memoriam inscriptum relinqucret Epitaphium sequens (b)*

*En Animarum ingens globus , en legio unde vagantur  
Quas tu perpetuâ luce carere putas ;  
Mortuus ut credas , aeternam has vivere vitam ,  
Ad cineres ululans Pomponiate tuos .*

Adeo verum est , eum pias aures offendere , nec notam temeritatis effugere , qui Spirituali Substantiae , Animaeque rationali , denegare ausus fuit , non dico annihilabilitatem , omnis enim Creatura , ex quo Creatura sit , annihilari potest , à Deo ; Sed naturalem Immortalitatem in sensu saltem mox explicato .

B b 2

Tc.

(a) *Paulus Jovius in Elog. doct. vir. n. 61. (b) Paulus Jovius Ibid.*

Temeritatis, inquam, non effugit notam qui talia sentit; Nam Concilium Lateranense quintum, Sessione octavâ, cui quidem Sessioni, occasionem dedit, (ut opinoantur, Spondanus, & Coppinus (c) nimia Pomponatii de Animae humanae naturâ, dicendi licentia) inquit. *Cum itaque diebus nostris... antiquus humani generis hostis, nonnullos perniciosissimos errores, à fidelibus semper explosos, in agro Domini superseminare, & augere sit ausus, de naturâ praesertim Animae rationalis, quod videlicet mortalis sit, aut unica in cunctis hominibus; Et nonnulli Temerè philosophantes secundum saltem Philosophiam, verum id esse assererent; Contrâ hujusmodi pestem opportuna remedia adhibere cupientes, hoc sacro approbante Concilio, damnamus, & reprobamus omnes asserentes, Animam intellectivam mortalem esse &c.* Ex quibus duo habemus, & eos nempe Temerè philosophari, qui asserunt evinci naturalis Philosophiae rationibus, Animam intellectivam esse ex naturâ suâ mortalem; & hanc ipsam Thesim de naturali Animae intellectivae mortalitate, tanquam damnatam à Concilio, & reprobata, ab omnibus Catholicae fidei professoribus esse omnino ablegandam.

*Phil.* Religiosè credidissimè, hanc esse Lateranensium Antititulum mentem, quod scilicet Anima intellectiva pereunte corpore, necessariò non debet interire, quia potest ex divinâ ordinatione, & potentiâ post corporis occasum, superesse & vivere perpetuò; Non autem quod ipsa suapte naturâ nunquam defectura sit; Si etenim adessent positivi

---

(c) *Ad an. 1513. n. 20.*



fitivae rationes ab ipsâ humanae Animae naturâ derivatae, quibus probari posset, ipsam nulli obnoxiam esse interitui, non utique eas, Lateranenses Antistites praeterjissent; Unde potius ex eorundem, quantum ad has rationes, silentio, arguere licet, nullam ipsis ad hoc probandum, satis opportunam, & efficacem viam fuisse.

*Crit.* Nullus est Catholicus qui doceat vel Animam humanam, vel Angelos, vel aliam quamcumque Spiritualem Substantiam, ex naturâ suâ nunquam esse defecturam, quasi sit ipsa sibi sufficiens ad se conservandam in esse, etiam Deo eam amplius non conservante: Neque hoc asseritur, neque ex consequentiâ doctrinae asseri ab iis debet, qui naturalem Spirituales Substantiae Immortalitatem sustinent juxta Concilii mentem; Jam unius ab alio asserti discrimen, superius attuli; Sed aliud ad rei hujusce ampliorem elucidationem adducere placet, ne amplius similiter cavillandi, tibi occasio relinquatur.

Efformemus itaque duas propositiones: Sit prima. *Substantia Spirituális, ex naturâ suâ est Immortalis.* Sit verò secunda. *Substantia Spirituális ex naturâ suâ est nunquam defectura.* Tu quidem unam confundis cum aliâ, & quia secunda falsa est, denegas primam; Ut igitur vera secernas à falsis, enucleemus tantisper utramque. Quid sibi volunt haec verba *naturâ suâ est immortalis*? Non aliud porro, nisi quod subjectum hujus praedicati, etiamsi annihilationis (quae à solo Deo esse potest) sit capax, incapax tamen est in se, vel corruptionis vel mortis, nec corruptionem vel mortem

tem ab ullo agente creato, pati potest ; Hoc enim ipso quod aliquod vivens talis naturae est , ut per nullius Creati agentis virtutem , ei mors inferri queat , meritò pronuntiatur ex naturâ suâ Immortale ; Immortalitate tamen subiectâ Deo ; qui sicut entitatem illam suapte naturâ Immortalem , Eduxit è nihilo , ita eandem in nihilum reducere potest ; Posterioris autem propositionis sensus , longè diversus ab isto est ; Ea siquidem verba : *Ex naturâ suâ , non est deficienda* . Aliud quid important : Enim vero ly *non est deficienda* non significat præcisè capacitatem , seu potentiam non deficiendi , sicut ly *immortalis* , sed cum sit verbum de futuro , cui praeposita est particula negativa , hunc sensum facit . Nunquam futura est desitio Substantiae Spiritualis , quia hanc desitionis futurationem ipsa Spirituális Substantia , ex naturâ suâ excludit . Cumque propositio absolute negativa de futuro , & absoluta à tempore , qualis est ea de quâ agimus , ad sui veritatem requirat quod per nullam potentiam falsificari possit , sequitur ejus sensum esse ; Quod neque per divinam potentiam , Substantia Spiritualis , possit unquam deficere , quod quidem dicere , & erroneum est , & insanum ; Licet enim , ut ex Fide novimus , nolit Deus vel Angelos , vel rationales Animas annihilare , sed velit potius aeternas esse , quis tamen ita , non dicam Fide , sed mente carens inveniat , qui asserere audeat , vel Creaturam aliquam posse resistere Deo , ipsam annihilare volenti , vel in esse perdurare posse , Deo illam amplius non conservante ? Vel Deum teneri , ad eas quas nullâ necessitate ,

te , sed liberrimè produxit Creaturas , semel productas conservare ? Cum itaque remotissimus , secundae propositionis sensus sit , à sensu primae , clarescit , perperam unam confundi cum alterâ , gratis primam negari , vel in dubium revocari , quia secunda est falsa , & Concilium velle quidem Animam intellectivam ex suâ esse naturâ immortalem , non verò ex suâ met naturâ nunquam defecturam .

Lateranensis etenim Synodus praefatâ Sessione octavâ ( ut ex Spondano habemus ) contrâ Pomponatii doctrinam circa naturalem Animae Immortalitatem congregata , id reprobare intendit , quod à Pomponatio dicebatur ; Pomponatius autem , nullum quidem assererat extare momentum à naturali ratione derrivatum , quo Animae rationalis naturalis Immortalitas probaretur ; Unde & eandem Animam , naturâ suâ mortalem dictitabat ; At nunquam ita desipuit , ut eam fore à D: o annihilandam , & aliquândo defecturam praedicaret ; Quod si Lateranenses Patres Scripturarum ibi monumenta asserunt , quibus Catholicum Fidei dogma comprobatur , de Animae aeternâ duratione futurâ , non ideo id praestitere , quasi error quem damnant , circa non futuram aeternam rationalis Animae permanentiam in esse , versaretur ; Sed quia cum ex uno absurdo , persacile sit colligere aliud ; Nè quis ( Scripturas , vel ignorans , vel non intelligens ) ex assertâ naturali rationalis Animae mortalitate , colligeret ipsam de facto interituram , subnectit loca Scripturae , quibus ceritè quisque ex infallibili verbo Dei agnoscat , rationalem

lem Animam, sive ex naturâ suâ, sive ex Gratiâ Dei immortalis sit, semper esse victuram, vel aeternum miseram, vel aeternum omni modo felicem, quia Deus vult illam conservare in aeternum.

Cæterum ita hanc veritatem firmat, ut sententiam de naturali rationalis Animæ mortalitate, proscribat penitus, damnet, reprobetque; Alii enim eos temerè philosophari qui Animam rationalem ex naturâ suâ (non quidem aliquando morituram hoc enim hæreticum foret) sed mortalem docent: Hanc doctrinam, tanquam terribissimam Catholicæ fidei luem, à fidelium cordibus omnino explosam cupit, & toto conatu explodere satagit: Sed inquis, si adesset ratio naturalis ostendens rationalem Animam suapte naturâ immortalem esse, hanc Lateranenses Antistites non præterjissent silentio. Veruntamen vide Philadelphie, nè injuriam, non quidem ex animo, sed ex subreptitiâ responsione irroges Lateranensis concilii Patribus. Nunquid enim, cum dixerint Philosophorum argumenta, quibus in specie, naturalis Animæ intellectivæ Mortalitas probata præsumitur, esse omnia solubilia, nesciebant Patres illa solvere? Vel cum solubilia esse dignoscerent, quâ ratione solverentur, ignorabant? Præterierunt ergo rationes hæc, non quidem quod eis non abundè suppeterent, sed quia, ut moris Conciliorum est, eorumque Patrum auctoritati ac dignitati conveniens erat; Sufficiebat eam assertionem damnare, ut apud Catholicos haberetur pro falsâ; Nec opus erat, ut vel naturalium rationum (quæ  
in

In promptu se habere , implicite affirmant , opposita argumenta solubilia asserendo ) eam pondere , confutarent , vel Scholasticè , Argumenta argumentis refellendo retunderent ; Manet igitur certum hoc , à Concilio nempe positivè damnatam hanc esse Thesim seu propositionem . *Anima intellectiva ex natura sua mortalis est .*

*Arist.* Ne plura addere pergas ; Allucinatio-  
nem suam jam noscit Philadelphus , jamque tibi  
consentit ; Ast quid quaeso ex hoc , contra Spiritua-  
lem moliris Brutorum Animam ?

*Phil.* Antequam Critophilus progrediatur ,  
quidquid sibi velit inferendo , Oportet errorem  
suum , me docente agnoscat , qui vel caeco obvi-  
us esse debebat . Quomodo octava Lateranensis Con-  
cilii sessio contra Petri Pomponatii coacta dicitur  
doctrinam de *Immortalitate Animae* , cum haec habi-  
ta sit decimo quarto kalendas Januarii anno 1513.  
opus verò Pomponatii de Immortalitate Animae  
solummodo prodierit 24. Septembris anno 1516.  
tribus proin annis cum dimidio à Sessione praefata  
Concilii ? Nunquid Concilium damnare in Pompo-  
natio potuit , quod nondum Pomponatius dixerat ?

*Crit.* Vera loqueris Philadelphie ; Et ex hac  
opportuna animadversione tua planè vincor ,  
& errasse quoad hoc Spondanum , atque Coppi-  
num ; Et concilium , praetacta sessione , nequa-  
quam egisse contra Pomponatii Doctrinam ; Ve-  
runtamen contra quemcumque egerit ; Id cer-  
tum est , damnasse nimirum assertionem ponen-  
tem , Animam intellectivam , ex natura sua esse  
mortalem ; Quà stante damnatione jam ad con-

C c

trover.

troverſiam de quâ agimus, incunſtanter deſcendendo: Spiritualis Brutorum Anima, intellectiva eſt & ipſa; Vel ergo ex naturâ ſuâ mortalis dicitur, vel Immortalis? Primum nullimodè aſſeri poteſt, tùm quia Concilium, ut mox dictum eſt, damnat omnes, aſſerentes Animam intellectivam Mortalem eſſe; Et licet præſè loquatur de Animâ Hominis, eadem tamen ratio eſt, quantum ad Naturam attinet, de quâcumque Spirituali intellectivâque Subſtantiâ. Tùm quia, non juvat recurrere ad gradum, ſeu fundum, ut itâ dicam, inferioris Spiritualitatis Animæ Brutorum, ſemel ac talis Anima ſit verè & propriè Spiritualis; Nam & materia Coeleſtis, apud multos, nobilioris præſublimari eſt naturæ (quidquid pro modò ſit de hac opinione) & tamen non obitante Naturæ, & perfectionis inæqualitate, utraque apud omnes Philoſophos, eſt incorruptibilis ex naturâ ſuâ: Pariſormiter itaque, non oberit aſſerta inferioritas Spiritualitatis Animæ Brutorum ad Animam hominis, quominus ſit & illa ex naturâ ſuâ immortalis, ſicut illa.

Verùm tamen intrâ Spiritualium Subſtantiarum confinia, ut nos contineamus. Angelus infimæ ſpeciei (ſi ſequamur doctrinam Angelici Doctōris aſſerentis ſingulos Angelos diſerre ab invicem non quidem ſolo numero, ſed etiam ſpecie) longiſſimo diſtat intervallo ab Angèlo primæ ſpeciei, ac nobiliſſimæ; Innumerabilis ſiquidem eſt penè Angelorum numerus, & tamen quamvis ſinguli à ſingulis ſpecie diſerant, atque à primo deſcendendo ad ultimum, ſemper decreſcat eorum Spiritualita-

tis

tis & perfectionis gradus, omnes tamen de Primo ad Ultimū, ex eorum naturā sicut incorruptibiles sunt, ita & Immortales; Animae hominum (sive aequalis naturalis perfectionis sint, sive (ut alii sentiunt) Inaequalis; Et longissimè distantes ab Angelorum perfectione sunt, & sicut nullo Catholico negante Philosopho sunt naturaliter incorruptibiles, sic pariter Immortales: Quā igitur cum veritate dici posset Animās Brutorum Spirituales licet, suapte naturā esse mortales?

Naturā itaque suā immortales debent concedi tales Animae, deducto à cujuslibet alterius Spiritualis Substantiae, naturali immortalitate exemplo; Deducto à Substantiae intellectivae operatione argumento; Cum enim intellectivae Substantiae, objectum intelligibile, sit suprā tempus, utpote abstrahens à motu, & mutatione, est immutabile & necessarium, & saltem negativè perpetuum; Ex objecto autem, species & ratio operationis comprehenditur, & ex Operatione, principii operantis Natura dignoscitur; Si igitur Operatio intellectivae Substantiae circa ea versatur, quae sunt supra tempus, ipsa etiam, per se loquendo, est de ordine sempiternorum, & elevata supra tempus & motum; Dixi per se loquendo; Nam per accidens contingit quod Intellectio quae est per Phantasmata, sit cum continuo & tempore; Quod si Operatio intellectivae Substantiae, est de se supra tempus elevata, & de ordine sempiternorum; Ergo & ipsa Intellectiva Substantia, de ordine sempiternorum est, & incorruptibiliter subsistens, & Immortalis. Denique ad hominem contrā te Phila-

delphæ arguo. Anima Spiritualis Brutorum, te concedente (d) est naturâ suâ incorruptibilis non minùs ac Anima rationalis humana; Ergo est naturâ suâ immortalis non secùs ac ista; Consequentia probatur. Substantia Spiritualis vivens, non vivit per aliquod à se distinctum, sed se ipsâ, unde sicut vivere non potest, quin sit; Ita esse non potest, quin vivat: Sed ex quo naturâ suâ sit incorruptibilis, non potest amittere esse; Ergo ex quo naturâ suâ sit incorruptibilis, non potest amittere vitam; Ergo sicuti naturaliter incorruptibilis, ita & naturaliter Immortalis; Nisi palmariter fallor, hæc se invicem complectuntur, hæc sibi invicem subsequuntur.

Hæc igitur Spiritualis Brutorum Anima, quæ ex naturâ suâ Immortalis, evincitur quid, peto agit, post sui separationem à corpore Animalis? Nunquid ad alia transit informanda vel ejusdem, vel diversæ speciei Animalium corpora, quæ de novo in dies procreantur? Nunquid semel soluta à corpore, caeca relinquitur nullâ ei superinditâ specie per quam ad modum separatarum Substantiarum intelligat, sed nihil patiens, & nullò gaudens, discurrit per auras? Nunquid prout vel benè se, vel malè moraliter gessi unita corpori, vel præmium recipit, vel poenam? Horum sanè aliquid debet cum veritate posse affirmari; Sed tamen quodcumque eligatur absurdum est, & indignum quod eligatur. Si primum admittas, jam incidis in Bengalorum errorem, asserentium Brutorum Animas Immortales esse, &  
de

---

(d) *An. Brut. vindic. Dial. 7.*



de uno in aliud corpus, transmigrare; Si postremum adstruas; Convinceris subscripsisse titulissimo Castrorum Orientalis Aethiopiae Populorum, commento, somniantium Bèstiarum Animas, quae male se in hac gesserint vità, peculiaribus in inferis, torquendas esse, post earum à Corpore separationem: Secundum verò spontè sua corrui, nam ut summà cum veritate dicitur, *Deus, & natura nihil faciunt frustra*. Anima autem Bruti à Corpore soluta, atque repentinà in Caecitate relicta, frustra esset in rerum naturà; Nec enim foret bona sibi, cum nullo gaudeat; Non bona Corpori, cum non informet; Nec bona Universo, cum utpotè invisibilis, perspicuae ejus varietati, ac pulchritudini non deserviret, nec ei ullum afferret bonum, utpotè otiosa, & inepta vel sibi.

*Arist.* Expectabam Critophile, è tanto Apparatu, quod tandem parturirent montes, sed ridiculus natus est Mus: Distingue contrà te ipsum, ut mox contrà Philadelphum distinguebas; Aliud nempe esse quod Spiritualis Substantia sit naturà suà immortalis; Aliud verò quod ex naturà suà sit numquam defectura; Concedit Philadelphus Animae Brutorum primum, negat verò secundum; Quid querere pergis quid faciet Bruti Anima soluta à Corpore, cum soluta à Corpore, non amplius existat in rerum naturà? Nonne vides te falso laborare supposito? Ast dices? Nonne conceditur tali Animae naturalis immortalitas? Qui ergo statim ac solvitur à Corpore, desinit existere? Scis quomodo? Per annihilationem; Quia cum

cum Deus Animas Brutorum ad usum tantum temporalium, corporaliumque necessitatum destinaverit, non vult eas post Animalis mortem, amplius conservare.

*Crit.* Pacificè; pacificè Aristippe mi, nam fortè videbis suppositum Murem, in fortem statim excrevisse Leonem; Inquis ergo, ut ostendas Spiritualem Brutorum Animam è Corpore solutam, non esse superfluum Corpori, quod Deus eam annihilat; Probas autem, quod eam annihilaret Deus, quia scilicet, ad solos ipsam Corporales usus destinavit. Sed quia postremum hoc satis, ut arbitror, confutatum est (e) nolo iterum circa illud immorari, sed potius neglecto hoc tanquam gratis assumpto, primum refellere pergo. Primitus itaque scire vellem à te, num Deus annihilans talem Animam, agat conformiter ad talis Animæ naturam, quasi ea petat ex se destrui, ita ut sit ipsi violentum, aut saltem præter naturam perseverare in esse, absque Corpore? Uterius ad quem nam finem D. O. M. Brutorum Animas è Corpore solutas, in nihilum redigat? Denique ubi nam, vel cui, revelaverit Deus se de facto Brutorum Animas, licet Spirituales annihilare, statim ac à Corpore separantur? Aliud siquidem est, aliquid gratis respondere ad fugiendam difficultatem; Aliud asserere aliquid cum fundamento, ad comprobandam veritatem. Scio utique ad vitanda quæ ex Thesi tuâ, ex hac parte consequuntur absurda, unicum hoc tibi effugium superesse, ut scilicet dicas, tales Animas, Deo ipsas annihilante, esse

---

(e) *Spirit. An. Brut. proflig. Dial. 4.*

esse definire ; Sed ut liqueat effugii hujusce vanitas , & absurdorum ex tuâ opinione legitimè consequentium veritas .

Ostendo , dici non posse tales Animas à Deo annihilari , annihilationem exigente earundem Animarum naturâ . Tales Animæ , cum sint veræ Spirituales Substantiæ , sunt Substantiæ per se subsistentes ; Sunt per se potentes subsistere sine corpore , tanquam per se non dependentes ab illo vel in essendo , vel in operando ; Ergo ex naturâ suâ , & corruptionem non admittunt , & annihilationem non exigunt . Antecedens cuilibet uotum est , cui non incognita sit natura Spiritualis Substantiæ ; Consequentia probatur . Nulla Creatura naturaliter petit bonum illud amittere , quod naturaliter ( idest sine miraculo ) potest retinere ; Sed quaelibet Substantia Spiritualis , potest sine miraculo , retinere suum esse , separata à corpore ; Ergo nulla naturaliter petit deperdere suum esse , post ejus separationem à corpore ; Ergo nulla petit ex naturâ suâ annihilari ; Ergo quemadmodum nulli creatæ Spirituali Substantiæ , solutæ à corpore violenta est perseverantia in esse , ita nulli creatæ Spirituali Substantiæ , naturalis est annihilatio , seu naturaliter debita . Hinc egregiè , more semper tuo agebat Divus Thomas (f) *Creaturarum naturæ hoc demonstrant , ut nulla earum in nihilum redigatur* .

Quod si nulli Creaturæ , annihilatio est naturalis , jam Deus Brutorum Animas è corpore solutas annihilans , si non contrâ , saltem præter earum Naturam facit , auferendo ab ipsis esse , quod pote-

---

(f) *Pr. par. quæst. 104. art. 4.*

poterant sine miraculo, & cum solâ generali Dei conservatione retinere, & impediendo ne Perpetuitatem assequantur tales Animae, quae utpotè Spirituales Substantiae, naturaliter intendunt perseverare illi esse quantum possunt; Et quia naturaliter incorruptibiles, perpetuae perseverantiae in esse capaces sunt, & perpetuò possunt perseverare. Congruum nè verò est dicere, Deum qui omnia in numero, pondere fecit, & mensurâ; Deum cui regius Propheta Canit *Omnia in Sapientiâ fecisti*. Ita Brutorum condidisse naturam, ut citè erga illam se habere, citèque eidem Providere non possit, nisi agendo praeter eorum naturam, & praeter naturalem talis naturae inclinationem atque capacitatem? Quis sanè vel de Brutorum naturâ talia fingat? vel de omnipotenti Sapientiâ Dei, talia somniatur?

Verùm tamen progrediamur; Ad quem quae-so finem Deus Optimus Maximus qui sapientissimè omnia gubernat, & providet omnibus, Spirituales Animas Brutorum, in Animalium morte annihilat? Fateor quidem (& millies repetam) fateor posse Deum absolute loquendo, omnia in nihilum redigere; Attamen quia scimus Deum omnia operari secundum Consiliū Voluntatis suae; Quia novimus ex Apostolo (g) quod *Unicuique datur manifestatio Spiritus ad utilitatem*. Quia intelligimus, quod omnia propter semetipsum sive propter Gloriam suam operatus est Dominus, & operatur; Meritò quaerimus in assertâ annihilatione praefatarum Animarum, Finem qui nobis (propter

---

(g) *Apost. 1. ad Cor. 12.*

ter quos tales Animae, & Bruta ipsa existentiam receperant) in utilitatem, cedit, Deo autem in Gloriam. Enim verò, actualis Naturae cujusvis annihilatio, non spectat ad Gratiae manifestationem, quae manifestatio redeat in Gloriam Dei; Nam ut optimè docuit Divus Thomas (b) Manifestatio Gratiae, vel fit per divinae ostensionem Potentiae, vel Bonitatis; Magis autem divina ostenditur Bonitas in rerum creaturarum Conservatione, quàm in earum Annihilatione, ut de se patet. Divina itidem Potentia, quae in rerum creatione elucet, non magis patescit per rerum semel creaturarum annihilationem; Virtus enim annihilativa, majorem non praefert, prae Virtute creativâ activitatem vel excellentiam activitatis; Nullus ergo cum sit assignabilis finis, ob quem Deus hanc Animas in nihilum redigat, dicendum est eas Animas verè à Deo non annihilari; Illud enim meritò negatur, quod gratis & absque ullo fundamento asseritur.

Cum insuper agatur de Annihilatione rei invisibilis, ac penitus insensibilis, non potest fundatè asseri hujusce Animae desitio per Annihilationem, nisi revelaverit hoc ipsum Deus, vel saltem nisi communis Sanctorum Patrum consensus, id nobis probabile reddat; Quis verò in totâ Sacrà Scripturâ reperitur locus, in quo talis annihilatio revelata inveniatur? Nullus planè. Imò è contrâ legitur (i) *Didici quod omnia opera quae fecit Deus, perseverant in perpetuum*. Ex quo textu colligit Angelicus Doctor, nullam Creaturam verè in nihilum

D d

lum

(h) *D. Th. 1. par. Quaest. 104. art. 4. (i) Eccles. 3.*

Jum redigi. Legitur etiam (k) *Nihil odisti eorum quae fecisti*. Ex quo merito concluditur, nihil eorum quae fecit Deus, ab ipso Deo annihilari: Quomodo vero annihilatio ista Spiritualis Animae Brutorum, ex Patrum consensu probabilitatem accipiat, cum nullum sit invenire qui talis Animae annihilationem vere asseruerit?

*Phil.* Non id tam facile pronunciare si Sanctum Bernardum attentè legisses, vel sincerè intelligere valuisses; Sermone siquidem quinto in Cantica (in quo Brutorum Animam verum, esse Spiritum docet) expressissimè affirmat Brutorum Spiritum, & vivificare, & vivere desinere moriente pecude, siquidem contrarium non est naturali Substantiae immaterialis conditioni, per Annihilationem deficere. Appositè hac de causâ (l) clarissimus Doctor usus est verbo *Deficere*, nec dixit, ideoque ille Spiritus, & cum tempore transit, & cum Corpore moritur, aut corrumpitur, aut *Dissolvitur*, sed dixit. Cum Corpore *Deficit*, ut nimirum clarioribus vocabulis, Brutalis Spiritus annihilationem nobis indicaret.

*Crit.* Num Brutalis Animae Spiritualitatem citato loco adstruat Divus Bernardus, an secus, queremus aliàs; Interim in proposita difficultate sistamus. Quia itaque Sanctus Doctor ait pecudis Animam cum è Corpore solvitur, *Deficere* non autem dixit, eam *Corrumpi*, aut *Dissolvi*. Concludis per id Deficere, assertam à D. Bernardo Animae pecudis desitionem mediâ annihilatione; Video equidem te optimi Advocati agere partes, qui

---

(k) Sap. 11. v. 25. (l) An. Brut. vindic. Dial. 8.

qui nec favorable verbum praetermittis quin  
opportuna in illo vim facias, & si meliorem sus-  
cepisses defendere Causam, me victum darem;  
Attamen dicas mihi, si D. Bernardus dixisset Spi-  
ritum, sive Animam pecudis dissolvi, quando à  
Corpore solvitur, sentiret nè talem Animam de-  
finere per annihilationem? Haud sanè, repones,  
quod enim dissolvitur, solvitur in partes; Quod  
in partes solvitur, corrumpitur; Quod corrumpi-  
tur non amittit esse per annihilationem: Optimè  
quidem; Sed monere jam displicet, quod si tu  
deberis cum animadvertione, aut sine animi prae-  
occupatione Divi Bernardi legisses Opera, utique  
invenisses, quo in sensu accipienda sint ejus verba  
Sermone quinto in cantica circa Spiritum pecoris  
exscripta; Quae etenim non satis expressa sunt,  
per expressiora, si apud eundem reperiantur, ver-  
ba, sunt explicanda: Læge ergo Epistolam Divi  
Bernardi (m) ad Magistrum Gualterum scriptam,  
& intelliges, quo in sensu inquit Sanctus Doctor  
Spiritum belluinum à Corpore separatum *Descen-  
de*; Scribit enim. *Et tu cum homo esses, honorem  
tuum non intelligens, comparatus jumentis insipienti-  
bus, & similis factus es illis? Dum vel Spirituale  
videlicet, aut aeternum elaboraveris; Sed instar bel-  
luini Spiritus; qui ut à Corpore ita cum Corpore Dis-  
solvitur, solis fueris contentus Corporalibus, ac tem-  
poralibus bonis &c.* Sed miror quod haec eadem  
modò prae oculis, Divi Bernardi verba non ha-  
beas, cum illa tu mihi nudiùs tertius opposueris

D d 2

& re-

---

(m) *D. Bern. Epist. 104. ad Magist. Gualt. de Calvom.*

& recitaveris integrè (n); Sed juvat esse immemorem, & eorum recordari tantùmmodo, quae in rem tuam quadrent; Quamvis ut video, tanta est vis Veritatis, ut erumpat vel ab invito.

Memini utique, quod cum ista proferres, veritus fortè nè te ex ore tuo convincerem Brutorum Animam minimè esse Spiritualem teste eodem Divo Bernardo (quod enim dissolvitur in partes, tanquam in id ex quo componebatur, abs dubio Spirituale non est) exponebas citatum textum hoc modo. *Hoc est à Corporis consortio pendens, ut existat, ob liberam divini conditoris voluntatem*. Perperam tamen exponebas; nam si Spiritus belluinus, ut à Corpore, ita cum Corpore Dissolvitur; sicut solvitur à Corpore quia per priùs distinguebatur ab illo; Ita dissolvitur in partes, quia per priùs componebatur ex partibus; Quod si ut mox dicebam, componitur ex partibus, non est vera entitas & Substantia Spiritualis; Et si in partes dissolvitur, non desinit per annihilationem ergo &c. Ex his autem omnibus, abundè patet, quod cum nulla vera ratio, nulla Scripturarum assertio, nulla Sanctorum Patrum auctoritas ostendat Brutorum Animas è Corpore solutas, à Deo annihilari, talium Animarum annihilatio commentitia est, & ullo absque fundamento, praecisè ad vitandas indeclinabiles difficultates excogitata; Quae tamen omnes (cum per vanum effugium minimè solvantur) in suo robore manent, ac belluinae Spiritualitatem Animae, eliminant prorsus, atque profligant.

*Phil.*

---

(n) *An. Brut. vindic. Dial. 6.*



*Phil.* Etsi Scriptura Sacra , expressam de belluini Spiritus Annihilatione , mentionem non faciat , apertè tamen Brutorum Animam Spiritua-lem docet , hoc satis est mihi ; Ex hoc enim sta-tim constat aerea prorsùs ea esse absurda , quae ex belluinae Animae Spiritualitate deducere conaris ; & si Aristippo lubet , quod Scripturae monumenta asseram . . . .

*Arist.* Satis hoc manè concertatum sit ; Benè ambo valete , & si post prandium utrique ad me redire placeret , ex novâ Concertatione vestrà novam , atque utilissimam voluptatem recipiam .

*Cris.* Multos hodie expecto Domi meae Convi-vas ; Utinam mererer & ab Aristippo , tantum re-cipere honoris ; Sed quoniam scio te apud alios numquam convivari solitum , sat mihi sit deside-rium tibi meum per quàm sincerè exposuisse ; Ea-mus Philadelphe , camus , te enim manent Con-vivae mei .

# SACRAE SCRIPTURAE AUCTORITATE

*Spiritualis Anima Brutorum  
Profligatur.*

## DIALOGUS SEPTIMUS.

*Philadelphus, Critophilus, Aristippus.*

*Phil.*



Oce adsumus Aristippe humanissime & nutibus tuis, & Concertationibus nostris parati ambo; Bene nē quievisti à prandio?

*Crit.*

Ipsa frontis hilaritas, ipsa vultus in colore vividitas, tranquillo te somno indulisse testantur, nisi fortè, quod nollem, nec puto, evenerit in te quod olim ajebat Cicero. *Frons oculi vultus, persaepe mentiuntur.*

*Arist.* Optimè quievi utique; Somnum tamen, ad quem me solito tardius componere distuli, ad mediam vix vix horam protraxi, ne à vobis huc accedentibus, adhuc quiescens invenirem; Quidquid itaque temporis quieti subtractum est, vestrarum disceptationum superaddatur labori; Vester enim eruditus labor, in utiliore mihi quietem redundat.

*Crit.* Quoniam ex Sacrarum Litterarum fonte, se argumenta educturum jactabat hoc manè Philadelphus, quibus certam faceret, atque ab omni

omni eximeret notâ belluinæ animæ Spiritualitatem , sollicitè & ego cupio promissa è Scripturis audire momenta .

*Phil.* Tu ea audire sollicitus , & ego afferre paratus ; unum tamen est quod ob oculos tuos ponam , ex Sancti Augustini opportunâ animadversione , nè scripturas quas afferam , ad tua præsumas sensa detorquere , quod videlicet (o) Scriptura Sacra , Sic loquitur , ut altitudine superbos irrideat , profunditate attentos terreat , veritate magnos pascat , affabilitate parvulos nutriet . Hoc enim si retineas , certissimum mihi parant Scripturæ Triumphum . Audi itaque quàm irrefragabili testimonio Spiritualitas belluinæ Animæ comprobetur . Legimus (p) *Cognovit bos Possessorem suum* . Potest ne luculentius aliquid expeti ad causæ victoriam meæ ? Si Brutis cognitio , inest , Bruta non ex solâ constant materiâ , quæ apud omnes Philosophos cognoscitiva nec est , nec esse potest ; Ergo aliâ comparte constant quæ Spiritus sit sive Spiritualis Anima , nam quod materia non est , Spiritus est , cum nullum detur medium , Materiam inter , & Spiritum . Dicitur in libro Genesis (q) *Interficiam omnem carnem , in quâ est Spiritus vitæ* . Est igitur & in Bestiis Spiritus vitæ , ut est in hominibus . Et sequenti capite *Universæ aves , omnesque volucres ingressæ sunt ad Noe in arcam bina & bina ex omni carne , in quâ erat Spiritus vitæ* . Quemadmodum itaque vox illa Spiritus cum de homine dicitur , verum significat Spiritum , ita & cum de Brutis asseritur ,

(o) S. Augus. lib. 5. de Gen. ad lit. cap. 3. (p) Isaiæ . 1.

(q) Genes. cap. 6. v. 17.

tur, immateriale in ipsis affirmat Substantiam :  
 Luculentissimum habemus in Ecclesiaste testimonium (r) videlicet. *Quis novit si Spiritus filiorum Adam ascendat sursum, & Spiritus jumentorum descendat deorsum?* Quod quidem aliàs etiam afferebam, & tu te satis ab illo expedisse opinatus es per mysticam D. Hieronymi expositionem, Incasum tamen, nam mystica SS. Patrum interpretatio, viam occludere non debet genuino, ac proprio divinarum Litterarum sensui; Praemiserautem citato loco Ecclesiastes. *Similiter spirant omnia, & nihil habet homo jumento amplius* quae verba in Hebraicâ, Syriacâ, & Arabicâ versione sic leguntur. *Onnibus unus Spiritus*. Neque verò est, quod adhuc reponas, sicut olim ineffaciter arguebas (s) quod Tò unus Spiritus, aut de unitate numericâ intelligi debet, aut de unitate specificâ, aut de unitate similitudinis; Nullo ex his modis; Superest ergo ut intelligatur juxta Symmachi aut Vatabli expositionem nimirum, omnibus esse unum Halitum, unam Respirationem, aut unum Flatum; Onnibus enim, & fortè ex indutria, Unitatem genericam, quâ fit ut in communi Substantiae immaterialis notione, Bruta Animalia cum Homini- bus conveniant, absque ullo tamen confusionis periculo. Denique agebat psalmographus (r) de Brutis loquens & Providentiâ Dei erga ipsa. *Dante te illis, colligent, aperiente te manum tuam, omnia implebuntur bonitate; Avertente autem te faciem, turbabuntur, auferes Spiritum eorum; & deficient, &*  
*in*

(r) *Eccles. cap. 3.* (s) *Dissert. cont. An. Spirit. Brut. dial. 4* (t) *Psalm. 103.*

in pulverem suam revertentur. Super quae verba scribit S. Joannes Chrysostomus. *Te enim volente, Animae quoque, & corporis separatio fit: Quod quum contingit, corpus corruptioni adjicitur, atque in primum pulverem relabatur.* Per Spiritum autem hoc loco, Animam intelligit (u) Anima igitur Brutorum, Spiritus est. Quia tamen conaboris illa forsitan Scripturae loca, de non vero Spiritu interpretari, grave tibi non sit alia audire, quae cum Gaudium, Cognitionem ac Memoriam, Sapientiam, atque Prudentiam Brutis attribuant, Spiritualem certissime ac ineluctabiliter Animam, supponunt ac evincunt in illis. Tunc praecucurrit canis sic legitur in libro Tobiae (x) *qui simul fuerat in via, & quasi nuncius adveniens, Blandimento suae caudae gauderet.* Scriptum reperimus apud Jeremiam (z) *Milvus in caelo cognovit tempus suum. Turtur, & hirundo, & Cyconia custodierunt tempus adventus sui.* Proponitur homini in exemplum Sapientia formicae in Proverbiis (a). *Vade ad formicam, & pinger, & considera vias ejus, & disce Sapientiam, quae cum non habeat ducem, nec praeceptorem, nec principem, parat in aestate cibum, & congregat in messe quod comedat.* Consulit nos Christus Dominus (b) ut discamus à Serpentibus prudentiam, dicens. *Estote ergo prudentes, sicut Serpentes.* Haec igitur cum adeo clara sint, quis potè rudis adeo erit Minervae, aut pervicacis adeo Ingenii, ut affirmare non vereatur, Gaudii, & Doloris sensum, Cognitionem, Memoriam, Sapientiam, prudentiam

E c

tiam

(u) S. Jo. Chrys. in psal. 103. (x) Job. cap. 11. (z) Jerem. cap. 8. (a) Prov. 6. (b) Matt. 10.

tiam & huiusmodi, corporalibus etiam Substantiis convenire posse, aut solius Spiritualis Substantiae (saltem ut novimus) non esse proprias?

*Arist. (c) Arresta alquanto alle vittorie il corso.*

Et locum da Critophilo, ut si quid respondere valeat, abs morâ depromat.

*Crit. Melius Aristippe dixisses:*

*Arresta alquanto a tuoi Sofismi il corso*

Si enim ex quo in Scripturis, Brutorum Anima; nomine Spiritus exprimitur, inferre licet eam verum esse Spiritum, aequo jure poterit deduci Animam hominis esse corpoream, cum illam nonnunquam asserant Scripturae, interfici, marcescere, & mori. Quid ni & Deum ipsum corporeum esse ex Scripturis constet, cum in illis saepe mentionem fieri audiamus de Vultu Dei, de Oculis, de Corde, de Manu de Digitis, de Brachio &c, tanquam Deus verè habeat in se corporea membra? Sed praestat antequam ad objecta ex Scripturis Sacris respondeam loca, de duobus in quibus accusor, me vindicare.

Ajebas nimirum, me illud Ecclesiasticis unice exposuisse per Mysticam interpretationem Divi Hieronymi; Hoc autem facile refello, te confidenter admonens, ut iterum animo revolvas attentioni, quae olim respondi (d) sic enim fiet ut in-

ve-

---

(c) *Rol. lib. 6. canz. 15.* (d) *Dissert. cons. An. Spir. Brus. Dial. 4.*

venias, & aliam D. Hieronymi expositionem à me allatam, & aliam ex Angelico Doctore in eundem Ecclesiasticis locum recitatam; & his inventis animadvertas, te falsò mihi ista impingere. Ajebas ulterius ad eum locum *Similiter spirant omnia* & ad alias hujus loci versiones *Omnibus unus Spiritus*, me ex industria omisisse unitatem genericam cum alios afferrem sensus, in quibus id *Unus* accipi posset: Sed quamvis omissem talem Unitatem, puto adhuc me ex Scopo Ecclesiasticis, clarè admodum ostendisse; Ea verba *Omnibus unus Spiritus*, non de vero intelligenda esse Spiritu, sed in hoc tantummodo sensu, quod omnibus Animalibus, idem est habitus, eadem respiratio, idemque omnibus status; Quo semel ostenso, non debui loqui de unitate genericà belluini Spiritus cum Humano, cum ibi Scriptura de respiratione quidem omnibus Animalibus communi loqueretur, non autem de Spirituali Substantià quae omnibus promiscuè Animalibus insit: Verùntamen genericam ipsam Unitatem, implicite saltem expressi, cum de unitate similitudinis univocae mentionem feci, nam & quae habent unitatem Univocae Similitudinis in aliquà non ultimà differentià, vel in aliquà ratione genericà, habent pariter, genericam Unitatem; & quae genericam Unitatem habent, habent itidem univocae Similitudinis unitatem. Sic Cedrus, sic Populus, sic Quercus habent unitatem univocae Similitudinis in ratione Viventium, & habent unitatem genericam in ratione eadem; Non ergo ex industria eam omisi genericam Unitatem; cujus equivalenter & implicite, quantum satis erat, mentionem feci.

Levioris tamen ista momenti sunt; nec digna ut prolixiori discursu refellantur; Fas modo est primitus ostendere, nullum tibi ex Scripturis verum comparari praesidium; Et postea Scripturas ipsas tibi clarè adversantes, Placitumque tuum prorsus convellentes demonstrare. Primò itaque opus est advertas, ex illo Isaiae *Cognovit bos possessorem suum*; in quo plurimum confidis, nihil te in rem tuam concludere posse, si ea recolas quae jam discussa sunt (\*) ubi fusè ostendi discrimen Cognitionis Intellectivae, à Cognitione merè Sensitivâ; & discrimen Substantiae verè proprièque Spiritualis, à Substantiâ merè; & materialiter tantum, nec nisi dependenter ab organo corporeo, Cognoscitivâ; Sed quia de hac cognitione quam Brutis Scriptura attribuit, erit nobis inferiùs sermo, festinemus ad alia. Rem magnam praestasse putas multâ congerendo loca; in quibus Brutis inesse dicitur *Spiritus*; Sed si ex quo Scriptura delignet sub nomine *Spiritus* Brutorum Animam, motiò ex hoc praecisè inferre licet, talem Animam veram, esse Spiritualem Substantiam, planè non video, cur venti ac procellae, sive aeris aquarumve commotiones, Substantiae Spirituales non sint dicendae, cum quantum in praesentiarum recorder, novies saltem in Scripturâ Sacrà, nomine *Spiritus* expressae inveniantur; Aliunde itaque quàm ex merâ *Spiritus* voce, Brutorum Animae à Scripturis attributâ, argumentum desumendum est, quo probetur nomen illud *Spiritus* belluinæ Animae à Scripturis, appositum, de ipsarum Scripturarum mente, non aliter.

(\*) *An. Spir. Brut. profig. Dial. 2.*



aliter posse & debere intelligi. quàm de verâ Spirituali Substantiâ.

Quia verò cum multiplicem Scripturae patiantur sensum , te sub istarum umbrâ securum video , etsi non vincere certum , vinci tamen impavidum ; Ad alia Scripturae loca confugiamus oportet , per quae nobis certò innotescat , nùm veram Spiritualem Substantiam inesse Brutis , doceant Scripturae , an non , cum Brutis inesse Spiritum dicunt . *Recordare praeterita ; dicebas olim mihi , nunc ego tibi ex Origene (f) audi praesentia , quae sequuntur adverte . Confer priora posterioribus , & divinarum virtutum magnificentiam contem- plare .* Si enim textus cum textibus conferamus , & aliquos reperiamus , quorum Rite intellectio non compatiatur cum litterali acceptione vocabuli Spiritus cum praedicatur de brutis , sive Animâ eorum ; Constabit planè nomen illud Spiritus cum de Brutis dicitur , non pro verâ Spirituali Substantiâ significandâ , à Scripturis ipsis usurpari , proindeque ex Scripturarum auctoritate Substantiam Spiritualem in Brutis , nè dum non evipci , sed imò potius profligari . *Afferendo enim temerè quod ille non sensit , quem legit ( Sic monet nos , & opportune Sanctus Augustinus (g) ) plerumque incurrit in alia quae illi Sententiae contexere nequeant , quae si vera & certa esse consensit , illud non possit esse verum , quod senserat .* Ut itaque quantum fieri potest , clarâ methodo procedamus , inquiri abs te nùm Spiritualis Substantia possit aliter fieri , quam

(f) Orig. hom. 25. in cap. 13. Num. (g) S. Aug. lib. 1. de Doctr. Christ. cap. 37.

per creationem ? Peto insuper nùm Substantia Spiritualis sit verè , ac propriè intellectiva ?

*Phil.* Paucis respondeo , Animam Spiritua-  
lem , sicuti per solam annihilationem desinere , ita  
per solam Creationem fieri posse ; Concedo etiam  
omnem & quancumque Spiritualem Substantiam  
verè esse intellectivam , diverso quamvis Intelle-  
ctivitatis gradu , ex diverso gradu Spiritualitatis  
proveniente ; Unde nihil vetat Spiritualem ali-  
quam Substantiam , cum sit in infimo Spiritualitatis  
gradu constituta , restrictam & limitatam habere  
ad sola corporalia objecta intellectivitatem , imò  
hujusmodi esse Animam Brutorum , constanter as-  
firmo .

*Crit.* Hanc intellectivitatis ad sola materialia  
Limitationem , nè repetas quaeso , quia & in aliâ  
Concertatione insubsistens , & fictitia ostensa est , &  
ad praesens institutum , impertinens est ; Quaero  
enim in praesentiarum , nùm Substantiae omnes  
Spirituales intellectivae sint , non verò in quo Gra-  
du , vel quorum objectorum , sint intellectivae :  
Sentis ergo , & concedis Animam Spiritualem  
nonnisi per Creationem posse produci ; Itidemque  
Animam quancumque verè Spiritualem , esse In-  
tellectivam ; Quare si ex Scriptoris ostendero ,  
Animam Brutorum non fieri per Creationem ; Si  
probaverò ex eorundem monumentis , Animam  
Brutorum non esse intellectivam , meritò fateri  
cogèris Brutorum Animam , ex mente Scriptura-  
rum , non esse Spiritualem .

Quid autem de primo dubites ? Lege librum

Gene-

Geneseos (b) & invenies quod . Dixit etiam Deus ,  
*producant aquae reptile vivens , & volatile super*  
*terram* , & postea pro ejus loci interpretatione ;  
 adi , non quidem Benedictum Pererium tantum-  
 modo , sed D. Hieronymum , Augustinum , Cy-  
 rillum , aliosque Sanctos Patres ( praeter Ruper-  
 tum ) ab ipso citatos Pererio , & nosces eorum in  
 hunc locum Sententiam esse (i) tam aves , quam  
 pisces , ex aqua quasi materia esse productos , hoc  
 enim clare docet tam nostra Versio , quam Septua-  
 ginta , & Chaldaeus , qui omnes in Hebraeo in-  
 telligunt relativum *Ascer* idest quod ( hoc enim  
 hebraeis est familiare ) quasi dicatur . *Producant*  
*aquae reptile , & volatile , quod volet super terram* ;  
 Non ergo pro Reptili , & Volatili , solum reptilis ,  
 & volatilis Corpus , debet hoc loco intelligi de  
 mente Sanctorum Patrum , sed integrum & adae-  
 quatum Reptile , integrumque & adaequatum Vo-  
 latile venit intelligendum , juxta genuinam textus  
 expositionem ; Cumque reptile & volatile vivens  
 adaequate acceptum , Corpus simul Animamque  
 constitutive importet ; Si ex aquis productum est  
 Reptile , si ex eisdem productum est Volatile ;  
 Reptilium , Volatiliumque & Corpora , & Animae ,  
 generum verè suam ab aquis , seu aquarum mate-  
 ria sortita sunt . Hinc est , quod egregius Scriptu-  
 rarum Interpres Cornelius à lapide , locum illum :  
*Reptile Animae viventis* , juxta Sanctorum Patrum  
 mentem sic exponere non dubitaverit . (k) *Idest*  
*reptile habens Animam viventis , sive Animalis sen-*  
*tientis ;*

(h) Lib. Gen. Cap. 1. v. 20. (i) Apud Cornel. à Lap. in  
 Genes. Caput. 1. (k) Cornel. à lapide ibid.

*tientis* ; *Reptilia* vocat *pisces* , quia *pisces* non habent pedes , sed ventre incubant aquis , quasi repentes , & remigantes . Reptile porro habens Animam viventem , non est nudum Corpus , sed Corpus animatum ; Sicut ergo ex quo dicant Scripturae . *Producant aquae reptile* merito intelligitur reptilium Corpus formatum ex aquâ , & Piscium quidem ex aquâ densiori , Avium verò ex aquâ subtiliori quacumque ad aerem accedit , ut docent S. Augustinus (1) & Divus Thomas ; (m) Ita ex quo dicant eadem Scripturae : *Reptile Animae vivens* , ipsas reptilium Animas , jure intelligimus eandem cum Corpore nativitatem habuisse ( quovis tandem modo ) ex materiâ . Sed quid opus est , unum ex alio inferre , cum explicitè , utrumque à Scripturis doceatur ? Nonne eodem citato Geneseos Capite , postquam dictum est . *Producant aquae reptile* , legimus pariter dictum . *Producat terra Animam viventem* ? Quis ergo dubitandi relinquitur locus , Animalium & Corpora & Animas ( quantum saltem ex Scripturis novimus ) ex aquis terraque in primâ rerum productione exiisse ?

Nè tamen aliquando inculcare me possis , quod Sacrarum Litterarum sensum , ad mea sensa pro libi o detorqueam ; Non te pigeat audire quae sit Sancti Thomae genuina mens ; in rem illam ; Puto siquidem , quod non audebis tantum Ecclesiae Sanctae Doctorem de falsâ , vel arbitrariâ Scripturarum interpretatione , insimulare . Inquit ergo Sanctus Doctor , cujus Doctrina ab Ecclesiâ Dei non

(1) S. Aug. lib. 3. de Gen. ad litt. (m) D. Th. 1. p. 971. art. 2.

non quidem ut multorum est , tantum permiffa ,  
 fed pofitivè approbata & acceptata , ac Fidelibus  
 propofita , ut illam fine ullo erroris periculo fequan-  
 tur ; Inquit , ajebam , ( n ) *Anima Brutorum produ-  
 citur ex virtute aliquâ corporeâ , Anima verò humana ,  
 à Deo .* Tum loca Sacrae Scripturae fubdit , quibus  
 utrumque probat assertum , inquit . *Anima Bru-  
 torum produciitur ex virtute aliquâ corporeâ ; Anima  
 verò humana , produciitur à Deo , & ad hoc significan-  
 dum dicitur Gen. 1. Quantum ad alia Animalia . Pro-  
 ducat terra Animam viventem . Quantum verò ad ho-  
 minem dicitur , quod . Inspiravit in faciem ejus Spira-  
 culum vitae . Et immediatè poftquam , hujus exposi-  
 tionis , fivè explicationis concordantiam , mutuatque  
 cum aliis Scripturae locis relationem , ostendit ,  
 rationem praemiffae interpretationis fubnectit di-  
 cens . *Et idè concluditur Eccl. ultimo . Revertatur  
 pulvis in terram fuam , unde erat , & Spiritus redeat  
 ad Deum , qui dedit illum .* Patere autem Philadel-  
 phe quod ex his , quae tantus Doctor immediatè  
 fubjungit , ejus etiam textus expositionem afferam ,  
 quem praecedenter ex Ecclefiaſte recitabas ; Alibi  
 enim . *Similiter processus vitae eſt ſimilis quantum ad  
 Corpus , ad quod pertinet quod dicitur in Ecclefiaſte .  
 Similiter ſpirans omnia , & Sap. 2. Fumus , & Flatus  
 eſt in naribus noſtris &c. ſed non eſt ſimilis processus  
 quantum ad Animam , quia homo intelligit , non autem  
 Animalia Bruta , unde falſum eſt quod dicitur . Ni-  
 bil habet homo jumento amplius , & idè ſimilis eſt  
 interitus quantum ad Corpus , ſed non quantum ad  
 Animam ,**

Vides porro Aristippe, quàm immeritò sibi de victoriâ blandiatur Philadelphus, ex iis quae adduxerat Divini Verbi monumentis; Cum potius ea ad Angelici Doctoris mentem intellecta, nè dum belloinae Creationem Animae non evincant, sed radicitus evellant potius, ac falsam ostendant. Neque verò est quod objiciat Philadelphus ex Benedicto Pererio (o) *Nonnulli hebraicè scientes, existimant illud producat; Postum esse parafsi hebraicè; pro eo quod producantur ex terrâ, vel producantur in terrâ*; Retentâ siquidem magnâ Pererii aestimatione, respondere non vereor, quod si scire cum Divo Thomâ, hebraicè scire est, malo hebraicè scire cum Angelico, quàm aliter cum Pererio; Nec etiam aliquid melius molietur repetendo ex Scripturis. *Creavitque Deus Cete grandia, Et omnem Animam viventem, atque motabilem* (p) Nunquid enim non ea legerat D. Thomas? Si itaque non obstante verbo illo *Creavit*, productionem tamen Brutorum, etiam quantum ad Animam, expressit D. Thomas, ex aliquâ virtute corporeâ factam fuisse; Satis constare debet ly *Creavit* non debere eò loci rigidiori in sensu accipi, nec quidquam officere belloinae Animae éductioni ex materiâ; Et sanè si Brutorum Animae à solo Deo creatae sunt, nullo concurrente subjecto *ex quo*, sive absque materialis saltem causae concursu; Ut quid dicit nobis Scriptura, *Deum imperasse terrae, ut produceret illas. Producat terra Animam viventem*? Porro, nonnisi otiose id dictum esset, si terra, ad hujus Animae viventis productionem

DE-

---

(o) *Bened. Perer. Com. in Gen. lib. i. (p) Gen. cap. i. v. 29*

neque in ratione Causae materialis ex qua, concurrere debebat . Hinc supra laudatus Cornelius à lapide in hunc locum *Producat terra &c.* sic ait . *Non quasi Causa efficiens , haec enim fuit solus Deus , sed tanquam Causa materialis , quasi dicat . Exoriantur , emanent , exurgant , prodeant Animalia ex terra .*

*Phil.* Memini tamen me ex Benedicto Pererio quondam (q) attulisse, quod illud *producat &c.* non denotat vim activam & effatricem animalium . . . Denotat igitur tantum materiam è qua postea per omnipotentem Dei vim facta sunt Animalia . Non dixit Animalium Animae ; Propterea istae dicendae non sunt ex Terrâ productae ; Audirem itaque libenter quid hisce respondere noveris ; Immo , si conjicere licet ; Ex ipsismet divinarum Litterarum vocibus , suffragium postulari posset ; Neque enim dixit Deus . *Producant aquae Animam viventem reptilium ; sed reptile Animae viventis* , hoc est Corpus , quod Animae viventi conjunctum repat ; Secundum quem Sentum , ea pariter accipienda sunt quae versu 24. leguntur . *Producat terra Animam viventem .*

*Crit.* Verè miram in te dexteritatem agnosco ; Subtili enim artificio Curas , ut omnia eo colore imbuta appareant aliis , quo praecoccupato Ingenii tui oculo , illita vides : Si Scriptura ait . *Producant aquae reptile Animae viventis* , vis quod id reptile de solo & inanimi Corpore intelligatur ; Si paulò post eadem Scriptura eodem libro , eodemque contextu dicit . *Producat terra Animam viventem* , id Animam contendis non debere accipi pro

F f 2 Ani-

(q) An. Brut. vindic. Dial. 6.

Anima, sed pro Corpore solo: Denique si Pererius scribit in illa Scripturae verba *Producat &c.* Denotat tantum materiam, è quā . . . facta sunt Animalia Sufines id Animalia non significare Corpora animata, sed sola Corpora Animalium, quia non dixit. *Animalium Animae*; Quasi verò, Animal sit sine Animā, vel dici possit verum Animal sine illā; Porro quid hoc est aliud, quàm Scripturas Sacrosque Interpretes, non interpretari, & exponere, sed arbitrariā explicatione ad inauditos, incongruosque Sensus diſtrahere? Sed, inquis, non dixit Scriptura v. 20. producant aquae Animam viventem reptilium, sed potiùs *reptile Animae viventis*; Ergo quando postea dixit ver. 24. *Producat terra Animam viventem*, oportet illam interpretari, non de productione Animae, sed de solius Corporis formatione: Verumtamen in te redit rotorta Sagitta; Si ergo diceret Scriptura. Producant aquae Animam viventem, non posset te concedente, intelligi de solo Corpore, sed etiam de productione Animae, foret exponenda; Ast quod expresse non dixit ver. 20. nonnè clarissimè expliciteque affirmat ver. 24. inquis: *Producat terra*, non quidem *Reptile*, quod intelligas pro solo Corpore; Non quidem *Animalia*, quem terminum exponas, ut mox exponens Pererius, de Corpore sine Animā. Sed *Animam viventem*? Cur ergo manifeste explicita implicare per implicita, quàm implicita ritè intelligere, per ea quae explicita sunt? Confer priora posterioribus repetam cum Origene, & divinarum virtutum magnificentiam contemplare. Legis productum ex aquis, reptile Animae viventis;



tis ; Legis paulò infrà dum de primâ rerum agitur Genesi , productam ex terrâ Animam viventem ; Et non tibi satis est , interpretari de solo dictum Corpore ly *Reptile* , sed ipsam expressissimam *Animae* vocem , intelligere vis pro solo Corpore ? Animadverte quæso quod sive ver. 20. sive 24. per Synecdochē Scriptura loquitur, totum intelligi volens unâ licet tantum designatâ parte : Cum ait Scriptura . *Producat terra Animam viventem* , non significat solius Animæ productionem , Corpore adhuc improducto , sed Animalium Viventium productionem ; Ita ut idem sit dicere , producat terra Animam viventem ; Ac producantur ex terrâ Animalia viventia ; Similiter cum dictum est . *Producant aquae reptile &c.* Non est sermo de solius formatione Corporis , quasi Corpus reptilium , ante eorundem Animarum productionem, extiterit ( hoc enim nonnisi somniando dici potest ) cum nec umbratile in Scripturis fundamentum habeat ; Sed de integri repulis Animalis formatione ; Hinc est quod consultò tanquam in Scripturis Sacris apertè versatus , Benedictus Peterius , ad illa verba . *Producant aquae &c. Producat terra &c.* soluit dicere . *E' quæ facta sunt Animalium Corpora* ) sic enim nullimodè Animalium expressisset Animam , sed verissimè dixit . *E' quæ facta sunt Animalia* , optimè nimirum sciens , quod ad ritè explicandos praelaudatos Sacrae Scripturae textus , non satis erat dicere , vel ex aquis , vel ex terrâ producta fuisse Animalium Corpora. divisivè ab Animis , vel Animas eorundem divisivè à Corpore , sed dici debere producta *Animalia* ; Quae cum constitutivè

& Ani-

& Animam importent, & Corpus, significaretur, Animalium Brutorum Corpus, Animamque, à Deo è materiâ fuisse producta, ut pariter docent. SS. Ambr. Aug. Th. alique primæ notæ Patres.

*Phil.* Nè Sanctos Patres in rem hanc afferas Critophile: nam quemadmodum sensu non rigidiore Philolophorum, sed ad indoctæ plebis caput accomodato, Sacri Eloquii sententias accipientes esse judico; Eodem SS. etiam Patrum Auctoritates reor esse intelligendas, quos sanè animo divinis Libris non contrario, locutos fuisse credere debemus; Potissi nùm quum nos admoneat Religiosus vir genere quolibet eruditionis ornatissimus Melchior Canus (r) *Sancti Auctores non erant adeo solliciti in Philosophiæ dogmatis perscrutandis, quin Philosophorum libros, ut totos sese Divinae Sapientiae dederent, aut valere sinebant, aut etiam interdum à limine salutabant.*

*Crit.* Egregiè sanè. Debemus itaque credere, Sanctos Patres locutos animo, divinis Libris non contrario; Sed quis porro est genuinus Sacrorum Librorum sensus? Nùm quem tu fingis? An potius quem illi docent? Si Sancti Patres divinae potius quàm humanæ, se dedidere sapientiæ; Cum hic non de Opinione Philosophicâ, sed ejus occasione, de Scripturarum sensu agamus, standum potius Sanctis Patribus Divinae Sapientiæ deditis, quàm Philosophis, de suâ nimium ratione praelumentibus; Nam ipso Sancto. testante Spiritu (s) *Anima viri Sancti enuntiat aliquando vera, quàm septem circum-*

(r) Melchior Canus loc. Theol. lib. 7. cap. 3. (s) Ecclesi 37. v. 18.

*circumſpectores ſedentes in excelſo ad ſpeculandum .*  
Verũtamen res mira eſt ; nimiamque opinandi  
ac dicendi Licentiam de facili arguens ! Si enim  
quempiam reperiſſas Sanctum Patrem , ſacrumque  
Interpretem , qui in tua videatur poſſe diſtrahi  
ſenſa , ejus cumulare verba non dubitas , cumque  
in Philoſophiæ dogmatis , pro eruditiffimo habes ;  
Si verò à me citentur Sancti Eccleſiæ Doctores ,  
omni abs dubio , exceptione majores , qui placito  
adverſentur tuo , eos pro Philoſophis non habes ;  
Sed pro talibus habeas eos , vel non , ut placuerit ;  
Sat mihi , eos ſicut in divini Verbi lectione verſatiſ-  
ſimos , ita in ejusdem Intellectione peritiſſimos ne-  
gari non poſſe ; Quorumve auctoritati , potiùs  
quàm noviorum Philoſophorum ſenſui , Catholicus  
quiſque , quiſque Sanioris Sèctator Doctrinæ , &  
ſe credat in Theologicis , & tuo fidat in Philo-  
ſophicis .

Et nè uni Sanctorum Patrum auctoritati litem  
committere videar , vellem equidem detegere  
Ariſtippo , tuam in citandis ex Scripturæ textibus  
non integram fidelitatem ; Siquidem ut oſtend-  
as ( 1 ) quod Animalia ſive aquatilia , ſive æria ,  
producta non fuerint ex Materiâ præſuppoſitâ ,  
quantùm etiam ad Animam , citas ex Scripturâ  
*Creavitque Deus Cete grandia , & omnem Animam*  
*viventem , atque motabilem* , mutilum tamen citas  
textum , contextu dexterrimè relicto ; quia nulli  
modè cum poteras , in tuas partes interpretari , in-  
quit enim Scripturæ loco à te laudato : *Creavitque*  
*Deus Cete grandia , & omnem Animam viventem , at-*  
*que*

(1) *An. Brut. vindic. Dial. 6.* 214. 215. 216. (1)

que motabilem . Audi Philadelphæ , quæ nullo interposito sequuntur , & datâ operâ , apertis licet oculis , transilire voluisti . Quam produxerant aquae in species suas ; & omne volatile secundum genus suum ; Si itaque teste Scripturâ creavit Deus omnem Animam viventem , quam produxerant aquae , Aliquos saltem modo concurrerunt aquae , ad productionem Animae viventis , Reptilium atque Volatilium ; Sed si ad talis Animæ productionem materia concurrere potuit , jam talis Anima facta est ex aliquo subjecti , nec proin verè strictèque creata ( cum Creatio importet productionem rei ex nihilo nedùm sui , verùm & subjecti ) ergo &c. Immo quod ly *Creavit* eo loci non significet creationem propriè talem , non obscurè innuit eadem Scriptura sequenti Capite (u) inquit , non quidem *Creatas* , sed . *Formatis* igitur ; Dominus Deus , de humo cunctis animantibus terrae , & universis volatilibus Coeli , adduxit ea ad Adam &c.

Enimverò cum inquit Scriptura . *Formatis* &c. de humo , non animantium solis Corporibus ; sed *Animantibus* , quis porro ambigat Animantia Bruta & quoddam Corpus , & quoddam Animam , suam ab humo , sive materiâ generis esse sortita ? Neque verò reponas quod per id *Animantibus* non significatur , nisi unice Animalium Corpus , quemadmodum eodem citato Capite , esto legamus . *Formavit igitur Dominus Deus hominem de limo terrae* , nemo tamen nisi falsè atque stultissimè dicet , ipsam etiam hominis Animam ( quæ importari videtur in illo termino *hominem* ) homo enim adequatè

---

(u) *Genes. lib. 2. v. 19.*      2140      101 v. 1. 1. 1.

quatè acceptus ex Animâ constat & Corpore simul unitis ) formatam fuisse de limo terrae. Pari itaque jure , non animantium Anima in posteriori loco , intelligi potest de limo terrae formata , sed Animantium tantummodo Corpus . Nè inquam id respondeas , siquidem dum dicitur , Deum formasse *Hominem* de limo terrae , per tò *Hominem* solum significari hominis Corpus , patet manifestè in immediatè subsequentiis , prosequitur enim Scriptura dicens . *Et inspiravit in faciem ejus spiritum vitae , & factus est Homo in Animam viventem* . Homo proinde de limo formatus nundum vivebat , nundum Animam , de quâ statim mentio fit , fuisse ei à Deo inspiratam , receperat ; Erat ergo non integer homo , sed homo tantum inadæquatè acceptus , & secundum ignobiliorem partem ejus , videlicet præcisè secundum Corpus . At verò cum de Animalium formatione sermo est ; Ubi nam Scriptura , postquam ait Deum formasse de humo Animantia , distinctè loquitur de eorum Animâ , quasi de entitate , nobiliorem habente originem , & quasi Animantium inibi de humo formatorum nomine , solum eorundem Corpus denotetur ?

Quia verò Sacrarum Scripturarum sensus tutior veriorque , potiùs apud Sanctos Patres divino illustratos lumine , quàm apud Philosophos perspicaci quantumvis ingenio præditos , querendus est , audiat Aristippus , quæ sit quoad hoc momentum SS. Patrum Doctrina : Sanctus Ambrosius , discrimen assignans inter Animalium productionem , &

G g

pro-

productionem hominis, inquit (x). *Bestias non fecerunt manus tuae, sed dixisti. Producant aquae reptilia Animarum viventium, & produxit terra secundum genus quadrupedia & reptilia, & Bestias terrae, me autem, inquit, fecisti, hoc est, non figurasti Bestias manibus tuis, non reptilia, non volatilia, me autem fecerunt manus tuae.* Respondebas Philadelphie (z), memini equidem, Divum Ambrosium ibidem tantum loqui de Bestiarum Corporibus, idque satis indicari verbis illis ex eo relatis. *Producant aquae reptilia Animarum viventium*, sed oportet indubiè, aut responsionem revoces, aut delectas immediatè sequentia, quae à D. Ambrosio excerpta sunt, nimirum. *Et produxit terra secundum genus quadrupedia, & reptilia, & bestias terrae*, nam nomine quadrupedum, reptilium, bestiarumve, non sola illorum Corpora veniunt, sed integra Animalia; Quare si terra produxit integra Deo mandante Animalia, non excessit Dei mandatum, plùs nimirum producendo, quàm jussum fuerat à Deo, imò nec excedere poterat; Tota enim virtus sua, à Verbo Dei processit in ipsam; Imperium igitur Dei *Producant &c.*, ex mente Divi Ambrosii, non circà sola Animalium Corpora versabatur, sed potiùs circa eorundem, & Corpus & Animam, cum, sublato alterutro, Animal non ampliùs Animal sit.

Maximum Ecclesiae Lumen Divus Augustinus, praecellentem Animalium genesi, Hominis nativitatem ita exprimit. (a) *Intelligimus spiritum vitae,*

---

(x) S. Ambr. expos. in Psal. 118. (z) An. Brut. vindicial. 6. (a) D. Aug. l. 13. de Civit. Dei cap. 24.

vitalis, & Animam viventem, Scripturam suo more dixisse, cum Animalia, idest Corpora animata vellet intelligi, quibus inesset per Animam perspicuus iste etiam Corporis Sensus; In hominis autem conditione, obliviscimur quemadmodum loqui Scriptura consueverit, cum suo prorsus more locuta sit, quo insinueret hominem, etiam rationali Animâ acceptâ, quam non sicut aliarum carnium, Animam intellige Animalium aquis, & terrâ producentibus, audis Philadelphie? Non hic Augustinus de solis Bethiarum Corporibus sermonem instituit, ut respondere non dubitabas (b) sed expressè de Animalium Animâ tractat, hancque docet existentiam primâ in Mundi Creatione recepiſſe. *aquis, & terrâ producentibus* ipsam. Audis Philadelphie D. Augustinum? Non habet ipse Corporales Causas pro puris occasionalibus Causis, ut olim sentiebas, sed aliquam & illis efficientiam concedit. Ait enim: *Aquis, & terrâ producentibus*; Audis Philadelphie? Non sentit S. Augustinus Brutorum Animam esse Substantiam Spiritualem, sed potius talis naturae, ut ponerit iubente Deo, ab aquis terrâque produci. *Aquis, & terrâ producentibus*. Tum opponens aliarum Animarum productioni ex aquis factae, & terrâ, Animae productionem, humanae, statim sequitur. *Sed Deo stante creatam voluit intelligi*. Mirum sanè quod tantus Ecclesiae Doctor, opponat in hoc Animam hominis Animae Brutorum, quod illa fuerit à Deo creata, non autem ista, si & illa, & ista ab ipso doceretur fuisse creata.

Quod spectat ad Sanctum Thomam id ip-

G g 2

sum

(b) *An. Brut. vindic. Dial. 6.*

sum docentem, quod contendo; Jam audisti Aristippe paulò ante cum haec ex iplo recitarem. *Anima Brutorum producit ex virtute aliquà Corporis*, subnectit postmodum ullo absque intervallo, tanquam omninò diversam à productione Animae belluinae, humanae productionem Animae, dicens, *Anima verò humana producit à Deo*. Et haec quidem jam aliàs ex D. Thomà retuleram. Sed quoniam veritus non es respondere Philadelpho (c) nolle te interpretari verba D. Thomae, utpote qui Aristotelicis placitis addictissimus est; Iterum afferre non piguit, ut occasione hac animadvertendum proponerem tibi, quod S. Thomàs non Scripturas Sacras, ad Philosophorum placita traxit, sed potius absque Philosophorum placitis, ad verum divini Verbi sensum correxit; Quare oppositum de tanto Doctore vel suspicari, & ipsi, injuriosum videtur, nec satis obsequii deferens Ecclesiae Sanctae Dei, quae D. Thomae doctrinam pressis ulnis complexa semper est, complectitur, & complectetur.

Sed finite ut unum adhuc recensitis Sanctis Patribus, addam videlicet Divum Hieronymum, qui ad Pammachium scribens, inquit (d) *Omne dominiceps humanum genus, quibus Animarum censetur exordis? Utrum ex traduce juxta Bruta Animalia, ut quomodo Corpus ex corpore, sic Anima generetur ex Animà? Ex traduce itaque est de mente Sancti Doctoris Anima Brutorum; Non ergo ipsa per Creationem incipit, vel per annihilationem desinit esse. Quia etiam eorum confutans errorem*  
qui

(c) Ibid. (d) D. Hieron. epist. 61. ad Pammach.



qui docere audebant, Animam humanam esse ex traduce, sic scribit (e) Si coepit ex traduce? Humanarum igitur Animarum, quas aeternas aeternitate nimirum à parte post, fatemur, & Brutorum Animantium, quae cum Corpore dissolvuntur, una conditio est; Arguens nempe Animam Brutorum, quae cum Corpore dissolvitur, esse ex traduce; Et idèd cum Corpore dissolvi, quia ex traduce, est; Animam verò humanam, quam scimus, & fatemur non dissolvi cum Corpore, non esse, vel dici posse ex traduce esse, sed à solo Deo, & per actionem Creativam: Constat igitur & Scripturarum Auctoritate, & ex Sanctorum Patrum Doctrinâ, Animam quidem humanam à Deo fuisse Creatam, & in singulis Hominibus Creari, Brutorum verò Animam ex virtute Corporeâ productam fuisse à Deo, ac modò ex materiâ prodire; Constat ex Divo Hieronymo, ipsam ut à Corpore solvitur, in partes pariter suas dissolvi, adeoque corrumpi: Quae est autem Substantia Spiritualis, quae vel ex aliquâ Corporeâ virtute produci possit, vel in partes dissilire, & corrumpi? Sola certè Divina virtus Spiritualem potest Substantiam ponere in esse. Sola certè materialis Substantia partibus constat, in quas dividi queat; Omnis etenim Substantia Spiritualis upotè omnem materialium rerum ordinem superexcedens, sicut à Materiâ non dependet in esse, ita nec ab ejus causalitate dependet, vel dependere potest in fieri; Et sicut est entitas simplex, & realiter indivisibilis, ita est in partes omnino indissolubilis. Ex quibus  
omni-

---

(e) *Apolog. ad ver. Ruffin.* l. (2) c. 11 §. 1 (1)

omnibus rite consequitur, Brutorum Animam, nec esse, nec dici posse Substantiam, verè proprièque Spiritualem.

Ex alio jam Scripturarum momento, Thesim hanc de Brutalis Animæ Spiritualitate, refellere pergamus. Concedere non ambigis Philadelphæ, sicut & concedere teneris, semel assertâ prædictæ Animæ Spiritualitate, Brutorum Animam, limitatâ quidem, sed verâ propriâque tamen Intellectivitate pollere; Neque aliquid Verbo Dei contrarium id affirmando, te putas committisci, quia legimus in Scripturis *Cognovit bos possessorem suum*; Et sæpè novimus attribui bestiis Sensum, Cognitionem, Memoriam, Sapientiam, atque Prudentiam. Verùm enim verò congere quantâ vis Scripturæ loca, ad id credulis suadendum; Ego omnibus unum oppono, quod ex Regio Psalte deprompti (f) videlicet. *Nolite fieri sicut equus & mulus, quibus non est intellectus*, nam si testis Scripturâ

*Phil.* Oh arbitratiam Divini Verbi expositionem, quam vel Caecus agnoscat! Si Scriptura dicat in Brutis inesse *Spiritum*; contendis vocem illam *Spiritus*, non esse accipiendam in sensu proprio & litterali; Si postea denegat Bruiis Intellectum, Vocabulum illud *Intellectus* vis non aliter debere intelligi, quam in stricto ac litterali sensu, & prout significat quamcumque Intelligendi potentiam; Autâmen id gratis intendi, vocemque *Intellectus* eò loci non stare pro ipsâ potentiâ Intelligendi, sed pro uberiori illo lumine (g) quo humanac

(f) *Psal.* 31. v. 9. (g) *An Brut. Pndio. Dial.* 6.

manae mentes ita illustantur , ut ea , quae divina sunt , intelligant , ex aliis Scripturae locis non leviter ostenditur . Regium Prophetam ita alloquitur Deus (b) *Intellectum tibi dabo , & instruem te in via hac , quâ gradieris* : Et Regius ipse Pfates sic Deum precatur (i) *Da mihi intellectum & scrutabor legem tuam* ; in quorum Primo textu , certè non ipsam Intelligendi facultatem promittit Deus , vel in secundo postulat David ; Sed in priori , uberio-rem Intellectui lucem Deus spondet se daturum ; In posteriori David precatur , sperans se illam im- petraturum : Quin etiam Petro dicenti *Ediffere nobis parabolam istam* , Christus Dominus respondit. *Adhuc & vos sine intellectu estis* (k) Hoc itaque in sensu , in oppositâ Auctoritate vocem *Intellectus* acci- piendam esse , rationes admodum verisimiles per- suadent ; verbis enim ex versu 9. recitatis *Nolite fieri sicut equus & mulus , quibus non est intellectus* , haec alia versu 8. praemittuntur : *Intellectum tibi dabo , & instruem te in via hac , quâ gradieris* . Quamobrem ratio multum probabilis nos movet , ut credamus , eodem sensu Vocem *Intellectus* posi- tam esse versu 9. , quem obtinebat versu 8. ; Si igitur versu 8. verbum *Intellectus* , pro majori co- gnitionis Lumine accipiendum est ; sensu non ab- simili excipiendum est versu 9. , ut videlicet non ex- cludatur ab Equo & Mulo facultas verè Intellecti- va , sed tantummodò Intellectio , seu Lumen in- tellectivum mandatorum Dei .

*Arist.* Audis Critophile quàm clarâ methodo procedat Philadelphus , è Scripturis ipsis , tutissi- mum

(b) *Psal.* 31. (i) *Psal.* 118. (k) *Matth.* 15. v. 16.

num sibi nactus Patrocinium ? Audis quo in sensu dictum sit . *Nolite fieri &c.* ? Si non alia è Scripturis habes , quae proferas , nullum tibi suppetant Scripturae praesidium .

*Crit.* Num mihi Sacrae Paginae patrocinentur , an non , incunctanter patebit ; Fas est nunc , obiter Philadelpho respondeam , Quod si arbitrariè Scripturas expono , quia vocem *Spiritus* nego intelligendam in rigore litterali , litteraliter autem explicandum sustineo vocabulum *Intellectus* : Cum ipse vice versà nomen quidem *Spiritus* , non item *Intellectus* , in sensu rigidiori intelligi velit , in arbitrarià Scripturarum expositione , jam sumus ergo pates : Caeterùm Vocem ego *Spiritus* quum Brutis attribuitur , non esse in proprio , quem litteraliter praefert sensu , accipiendam , ex aliis Scripturae locis evinco ! Sanctorumve Patrum auctoritate ostendo ; Nec proin arbitrariè sustineo , sed fundatè ; Videamus nunc nùm ex mero placito , an potius invictis ductus momentis asseram , Vocem *Intellectus* , in Psalmo à me praelaudato , de verà intellectivâ facultate intelligi debere ; Sic enim duplex contra me erecta apparenter Moles evertetur , quia nempe , neque verus esse *Spiritus* potest , cui vis deest Intellectiva ; Neque Intellectivus inesse potest jis *Spiritus* , quibus à Scripturâ , intelligendi Potentia denegatur .

Nimis itaque in Sacrarum Scripturarum lectione ignarus esset , qui nesciret sicut alias Voces , sic & Vocabulum *Spiritus* , sicut & nomen *Intellectus* diversimodè accipi posse , & à Scripturis ipsis usurpari ; Hinc verum est in locis à Phila-

Iadelphe adductis , in quibus nomen *Intellectus* invenitur , id *Intellectus* nec posse , nec debere sumi pro intellectivâ ipsâ Facultate ; Non quidem in primo ; Deus enim Davidi *Intellectum* promittens , Intellectum promittebat Homini , subiecto proinde jam ex ipsâ hominis naturâ Intellectum habenti , accepto Intellectu pro potentiâ ipsâ intellectivâ ; Cumque promissio sit de aliquo dando in futurum , ei , qui hic & nunc rem promissam non habet ; Si quando fiebat Davidi sponsio de dando ei *Intellectum* , jam David Intellectum habebat , non potest , promissi Intellectus nomine , intellectiva venire Facultas , sed vel nova aliqua Intellectio , ad ea scrutanda , quae nondum intelligere valebat , vel ipsi Intellectui novum Lumen , quo mediante res jam aliâs cognitae , clariùs , & nitidiùs valeret percipere .

Non pariter in reliquis ; David enim cum peteret à Domino *Intellectum* dicens *da mihi Intellectum* , & *scrutabor legem tuam* , non olfactu , non visu , non gustu , non auditu , non tactu noverat sibi bonum esse , & expedire , quod petebat ; Noverat ergo non sensu , sed Intellectu , sibi bonum esse eum , quem postulabat , Intellectum ; Habebat ergo Intellectum , qui petebat Intellectum , nec obtinere petebat , quod se jam habere sentiebat ; Si ergo sciebat intimo experimento se Intellectivâ facultate pollere , cum petebat Intellectum , Intellectivam non petebat facultatem ; Nemo enim de eo consequendo precatur , in cuius possessione jam laetatur ; Non aliud ergo petebat nomine *Intellectus* , nisi uberius Lumen ad scrutanda mandata

H h

Dei,

Dei, & cuilibet cordato viro evidenter exindè patet, non alium hoc loco genuinum esse sentum, praefatorum verborum.

Quid verò quod Christus Dominus dixerit Petro, & suo, & aliorum Apostolorum nomine, poscenti Parabolae explicationem. *Adhuc & vos sine intellectu estis?* Nunquid Apostoli carebant Intelligendi facultate? Nunquid Christus Dominus nesciebat Apostolos ab ipso electos, sive etiam Homines quoscumque, nativâ Intelligendi vi praeditos esse? Quis ergo erit talis increpationis Sensus, nisi ille? Adhuc & vos non Intelligitis? quod, Non quod intrat in os, coinquinat hominem, sed quod procedit ex ore, hoc coinquinat hominem? Non Intelligitis, quia omne, quod in os intrat, in ventrem vadit, & in secessum emittitur? Quae autem procedunt de Ore, de Corde exeunt, & ea coinquant hominem? De corde enim, exeunt cogitationes malae &c. Quae quidem cum ipsissima sint Christi Domini verba, liquidò constat, quid sibi velint ea, quae fuerant praemissa, videlicet. *Adhuc & vos sine intellectu estis?* Nec enim Carentia potentiae Intellectivae innuitur, sed Intellectionis defectus redarguitur; Hinc versu 10. legitur. *Et convocatis ad se turbis, dixit eis: Audite, & intelligite &c.* Praesuppositâ nimirum in ipsis, audiendi ac intelligendi Potentiâ, auditionem exigebat, & Intellectionem: Denique cum nullus Hominum ignoret, Hominem esse Intellectivum, seu praeditum Intellectu, evidenter constat, quotiescumque in Scripturis dictum reperitur, vel quod Deus promittit homini Intellectum, vel quod

quod Homo petit à Deo Intellectum , vel quod Homo est sine Intellectu , non posse nomen *Intellectus* accipi pro ipsâ Intelligendi facultate , sed unicè pro bono ejusdem facultatis exercitio , sive pro ipsâmet Intellectione .

At ubi nam vel in Scripturis legimus , vel apud Sanctos Patres invenimus Bruta esse verè & propriè Intellectiva , ut Scripturam dicentem *no- lite fieri sicut equus , & mulus , quibus non est intelle- ctus* interpretari adigamur , non de negatione po- tentiae Intellectivae , sed de exclusione alicujus tantùmmodo Intellectionis ? Excurrere quantumli- bet Verbum Dei scriptum , & nullibi reperietis vel Bruta appellari *Intellectiva* , vel moneri ut Intelli- gant , vel reprehendi quia non Intellexerint ; quin potiùs invenietis ea , nunc *muta Animalia* vocari , (1) nunc indiscriminatim nuncupari *irrationabilia Pe- cora* (m) *Animalia* nempe ratione carentia , pro- prioque discursu ; Nunc *Insipientia* nominari , & Hominem , comparatione cum ipsis factâ , redar- gui , eò quia voluntariè desipiendo , moribus suis imitatus fuerit Bruta , ex naturâ suâ , insipientia . *Homo cum in bonore esset , non intellexit ; Comparatus est jumentis insipientibus , & similis factus est illis* (n) .

Conferamus jam Textus cum textibus , ut ge- nuinus eorum Senlus innotescat . *Cognovit bos pos- sessorem suum* inquit *Isaias . Nolite fieri sicut equus & mulus , quibus non est intellectus* , hortatur regius Propheta : In primo , attribuitur Brutis *Cognitio* ; In

H h 2

secun-

(1) *Epif. Judae v. 10. (m) Epif. D. Petri 2. cap. 2.*

(n) *Psal. 48. v. 13. & 21.*

secundo negatur Brutis *Intellectus* ; In priori supponitur in Brutis principium *Cognoscitivum* ; In posteriori excluditur à Brutis principium *Intellectivum* ; Prima propositio , cum sit affirmativa , requirit ad sui veritatem , quod Bruta quovis tandem modo , aliquo saltem , cognoscant ; Secunda , cum denegat Brutis *Intellectum* , exigit , ut sit vera , quod Bruta nullo modo *intelligant* ; Sive enim nomine *Intellectus* veniat ipsa intelligendi potentia ; Sive innuatur *Intellectio* , cum ei *Intellectus* vocabulo praemittatur Particula negans totum id , quod reperit post se , vel erit Sensus . *Quibus non inest facultas Intelligendi* ; Vel significabit . *Quibus nulla inest Intellectio* , quo posteriori Sensu admissio , verificabitur ex consequenti , Bruta carere potentia intellectivâ , quia ibi non potest omnis abesse Intellectio , ubi principium Intellectivum verè invenitur . Pugnant ergo secum ipsis Scripturae ; Quomodo poterunt invicem conciliari ? Nisi palmari-ter fallor , unicum eas conciliandi ac uniendi medium , Distinctio est .

Distinguiamus necesse est Cognitionem Sensitivam , à Cognitione Intellectivâ , dicamusque , quod omnis quidem Intellectio , cognitio quaedam est , sed non viceversâ omnis & quaecumque Cognitionis , Intellectio est : Hoc si demus , verum erit , quod Bruta cognoscant ; Falsum erit quod Intelligant , & sic apparens Scripturarum dissonantia , ablata remanebit ; Quod si ita distinguere renuamus , velimusve quod omnis qualicumque Cognitionis , vera sit Intellectio , quomodo Bruta negantur intelligere , cum affirmantur cognoscere ?



re ? Quomodo asseritur Bruta cognoscere , cum dicantur non intelligere ?

Fateor equidem , quod distinctionem promovens Cognitionis purè Sensitivæ , à Cognitione verè proprièque Intellectivâ , si de eâ agerem coram grossioris ingenii Hominibus , qui Intellectum subdentes Sensibus , id omne tantum in re philosophicâ pro vero habent , quod Sensibus subest , & omnia ( ut dicitur ) volunt Palmo uloaque metiri , irrideri timerem , atque exhibitari ; Verum ; quoniam res mihi est cum Philadelpho , & coram ac Judice Aristippo , Viris , & ingenii acie , & Doctrinæ excellentiâ apprimè conspicuis , nil quorumvis dicteria faceffo ; Quin potiùs assertæ Distinctionis fundamenta jacere pergo , quæ neque à pervicaci queant evelli .

Nemo certè ibit inficias , Hominem quemcumque , sive rectâ sit fide imbutus , sive non , sive Deum agnoscat , sive ignoret , Dummodò sit Homo , nativâ Intelligendi vi , super cuncta excellere Bruta ; Ille enim multum distat in naturâ suâ à Brutorum naturâ , qui , ut ait regius Propheta , Paulò minùs ab Angelis minutus est : Atqui si Cognitio Sensitiva Brutorum , foret iidem Intellectiva , jam Bruta praeexcellerent Homini in Intelligendo ; Jam Bruta plùsqvam Homines ad naturam accederent Angelorum ; Ergo Cognitione Sensitiva Brutorum , purè Sensitiva est , non autem Intellectiva . prob. minor . Si omnis Sensatio , Intellectio est , ubi invenitur perfectior Sensus , inveniri pariter debet perfectior Intellectus ( à posteriori enim ex perfectione actuum , Principii corundem

rundem elicitivi perfectionem , jure metimur ) ;  
Sed in Brutis perfectior saepè Sensus est , quàm in  
Hominibus ; ergo in Brutis perfectior Intellectus  
est , quàm in Hominibus ; proinde Bruta magis  
quàm Homines appropinquant Angelorum natu-  
rae ; Probatur minor iùm vulgato proloquio

*Nos Aper auditu , Lynx visu , Simia gustu ,  
Vultus odoratu praecedat , Aranea tactu .*

Tùm auctoritate Divi Augustini qui Experientiâ  
ipsâ edoctus , scriptum reliquit (o) *Sensu enim nos  
Bestiae multae superant* . Nè autem opinaretur quis ,  
utcumque sentire , idem esse ac Intelligere , seu Co-  
gnitionem quaecumque Sensitivam , simul esse  
debere Intellectivam , praemisit eam , de quâ dis-  
putamus distinctionem , ibidem dicens . *Quid au-  
tem hoc putas esse , nisi vim quamdam sentiendi ,  
non sciendi ? Sensus enim &c.* Vis ergo , quae Brutis  
inest , est quidem sentiens , non tamen sciens ;  
Foret autem sciens , si foret Intellectiva ; Ergo est  
sentiens , sed non Intelligens ; Ergo Cognitio Bru-  
torum propria , Sensitiva dumtaxat est , non verò  
Intellectiva ; Ergo licet Bruta cognoscant , in illis  
ta men non est Intellectus .

Inmoremur tantisper , si placet , in hac di-  
stinctione confirmandâ , hùc enim vertitur praeci-  
pius cardo praelentis Controversiae . Certum igitur  
est , praeter Viventia Sensitiva simul , & In-  
tellectiva , dari in rerum naturâ , Viventia aliqua  
quae purè viventia sunt , nec ullimodè Sensitiva ,  
Plan-

---

(o) *D. Aug. lib. de quant. An. cap. 28.*

Plantae enim ex unâ parte non sentiunt, ut contrâ Manichaeos optimè disputat Augustinus ; Ex aliâ, verè vivunt vitâ vegetativâ, ut docet idem Augustinus (p) scribens de plantis . Hoc genus rerum, quamvis Sensum non habeat, potest mori, & occidi, assertumque suum probat ex illo Psalmodographi (q) occidit in grandine vineas eorum : patetque ex iis, quae leguntur tum in Evangelio (r) nisi granum frumenti cadens in terram mortuum fuerit, ipsum solum manet ; Tum ex Apostolo scribente (s) Quod seminas non vivificatur, nisi prius moriatur . Et si quis fallibilibus neque certò probatis vel rationibus, vel experimentis, veritatem hanc negare audeat, merebitur utique de eo dici, quod olim Lactantius contrâ perditae Causâe advocatos (t) Quid ego de iis dicam nescio, qui cum aberraverint, constanter in erroribus durant, vanisque vana defendunt ; Nisi quod eos interdum credo joci causâ philosophari, aut prudentes & scios mendacia sumere defendenda, quasi ingenia sua in malis rebus exercent, & ostentent &c.

Quemadmodum verò dantur Viventia sine Sensu, quae Plantas nominamus, ita admittenda sunt Viventia Sensitiva sine Intellectu, quae Bruta, & irrationalia Animalia vocamus ; Si enim stare potest Vita sine Sensu ; Cur non stet pariter Sensus sine Intellectu, cum Intellectus sit magis separabilis à Sensu, quàm Sensus à Vita ? Sanè sine Vitâ nullus Sensus ; sed etiam sine Sensu, Intellectus

(p) D. Aug. lib. 1. de Civit. Dei cap. 2. (q) Psal. 71.

(r) Isa. 12. (s) 1. ad Cor. 15. (t) Lactan. in 3. cap.

tellektus reperitur, ut in Angelis, & in Deo. Vivunt ergo Plantae, sed non sentiunt; Sentiunt Bruta, sed non intelligunt; Vivit, sentit, & Intelligit solus Homo, in se uno continens tria genera vitae juxta notissimum D. Gregorii effatum; (u) *Homo habet commune esse cum lapidibus. Vivere cum arboribus, sentire cum Brutis, & Intelligere cum Angelis.* Communicat ergo Homo cum Arboribus ut Vivens, sed super illas elevatur, ut Sentiens. Communicat cum Brutis ut sentiens, sed super ea extollitur, ut Intelligens, & sub ratione illâ tantum à Brutis elongatur, ut ad naturam accedat Angelorum; Quare merito dictum est. (x) *Minuisti eum paulò minus ab Angelis.*

Verumtamen poterit nè cum veritate praedicari de Brutis quod Intelligant, si Homo à Brutis secernitur, quia Intelligit? Quod unum distinguit ab altero, potest nè & uni, & alteri esse commune? Quis nisi stultus affirmet? Est itaque in Homine Intellectus, per quem à Brutis distinguitur, & super ipsa excellit; Non est Intellectus in Brutis, & maximè distant ab Hominis naturâ: Dices fortasse Philadelphæ: Est etiam in Brutis Intellectus, sed imperfectus tamen, & Intellectu humano longè minor: Sed in primis, si, ut praecedenter aiebam, Principium Sentiendi in Brutis, est Principium Intelligendi, sicut Bruta multa, Homini praexcellent in Sentiendo, sic & praeferenda forent in Intelligendo; Deindè si infimus Intellectus est in Vulpe, in Simiâ, in Elephantò, e. g. & in Ape, qualis erit in culicibus, muscis, ac vermibus? Quallis

---

(u) D. Greg. Homil. 29. in Evang. (x) Psal. 8.

lis erit in Ostreis & Conchyliis? Certè nullus; Et tamen Animalia hæc etiam, & vivunt, & sentiunt; Stant exinde & vita, & Sensus absque Intellectu, nec ex quo præcisè natura aliqua sit sensitiva, est itidem Intellectiva: Denique ponamus quod cognitio e. g. Vulpis, sit non sensitiva tantum & materialis, sed Spiritualis, ac Intellectiva, Comparemus jam intellectionem, & Intellectum Vulpis, cum Intellectione & Intellectu Hominis fatui: Intellectus Vulpis, Intellectu talis Hominis; Intellectio Vulpis, intellectione ejusdem erit perfectior, cum major sit Dexteritas in operationibus Vulpis, quàm in actionibus fatui Hominis. Non erunt proin Bruta comparatè ad Hominem simpliciter & absolute inferiora Homine in intelligendo; quo sanè quid dici potest absurdius?

*Pbil.* Falsò dicis Intellectum Vulpis, Intellectu fatui Hominis fore perfectiorem; Tùm quia fatuitas non contingit in Homine ex defectu Animæ, sed ex defectu Corporis; Tùm maxime quia, Homini cuicumque inditum est à Deo Lumen ad cognoscendum Deum, & ad percipienda Spiritualia, & coelestia, quale nullum est in Animâ Brutorum.

*Crit.* Esto verum sit, fatuitatem contingere ex aliquo Corporis defectu; Attamen si vera sit sententia, quam sustinent Toletus, Conimbricenses, Soto, alique, non omnes videlicet Rationales Animas esse æqualis entitativæ Perfectionis, sed alias aliis Substantialiter perfectiores & imperfectiores, jam in Homine fatuo, poterit fatuitas

ex ipsâ Animæ imperfectione derivari; Quo in casu, Anima Spiritualis hominis fatui, comparatè ad Animam Spiritualem Vulpis, erit imperfectior, adeoque &c. Quid autem medio lumine, quo Deum, & Spiritualia percipit Homo, tenebras of- fundere pergis? Lumen istud, ut satis à me, ostensum puto (z), indistinctum est à Substantiâ ipsâ Spirituali, & Intellectivâ; Illucet consequen- ter etiam Brutis, si Bruta informantur Animâ Spirituali, atque Intellectivâ, nullumque ex hoc Capite, verum discrimen Bruta inter & Homines erit invenire: Demus nihilominus hoc lumen, ab ipsâ Animâ esse distinctum, eique à Deo liberali munificentia donatum; Nihil adhuc conficis, & objectum absurdum non declinas. Quotquot us- quam verè Sapientes florere Homines, unanimi- ter sensere, Animam rationalem humanam, ex ipsâ ejus Naturâ, ab Animâ Brutorum quàm lon- go distare intervallo: Sed si distantia hæc in prae- fato lumine ab Animâ distincto reponitur, jam Anima humana, non ex Naturâ ipsâ suâ, praeponi- tur Animæ Brutorum; Ergo &c. prob. minor. Cum hoc lumen sit liberaliter superinditum Ani- mæ humanæ, potest absolute saltem loquendo, Anima esse sine ipso, cum possit absolute loquen- do, ipsi non infundi à Deo: Atqui Anima huma- na, in factâ hypothesi, haberet quidem Naturam suam, sed non haberet in quo excelleret super Spiritualem Brutorum Animam; Ergo ex naturâ suâ non foret praeponenda Animæ Brutorum. Major est manifesta, minor verò suadetur, quia juxta

---

(z) *An. Brut. profig. Dial. 3.*

juxtà tuam Philadelphæ responfionem , id quo Homo fecernitur à Brutis , eſt Lumen divinum Animæ humanæ , jam in ſuo Eſſe naturali conſtitutæ , ſuperadditum , proindeque ad ipſam Naturam Animæ integrandam minimè ſpectans ; Ergo Anima rationalis humana , prædicto lumine non illuſtrata , cum Animâ Brutorum , quantum ad naturam ſuam confunditur , nec in veritate habet , per quid præ illâ nobilior conſtituatur . Immo etiamſi non conſideremus Animam rationalem humanam , ut prædicto lumine deſtitutam , ſed potius admittamus eam cum illo ſemper eſſe conjunctam ; Cum lumen hoc ipſum indi queat ipſi etiam Brutorum Animæ , quatenus Spiritualis ac Intelligenti , jam ſaltem poſſibilis eſt æqualitas perfectionis , & excellentiæ Animæ belluinæ cum rationali Hominis Animâ , quo tanè quid indignius aſſeri poteſt ? Sed ſi tam palmaria legitime ſequuntur abſurda , ſemel poſito quod Bruta , Animâ gaudeant Intelleſtivâ , quis negare præſumer Scripturam Sacram litteraliter intelligi debere , quoties vel Brutis negat inefſe Intellectum , vel Bruta Irrationalia , atque Inſipientia vocat ? Cognoscunt ergo Bruta ( ut ad id , unde diſceſſi , redeam ) Cognoscunt , ſed non Intelligunt ; Et verum eſt quod *Cognovit bos poſſeſſorem ſuum* ; Sed veritati ineluctabiliter conſonum eſt . *Nolite fieri ſicut equus & mulus , quibus non eſt Intellectus* , intelligere autem Bruta , ſi Animâ Spiritualis inſtructa forent , nam ubicumque Spiritualis Subſtantia eſt , ibi pariter neceſſe eſt inveniri Intellectum , cum Spiritualis Subſtantia , utpotè nonniſi

Spirituali modo percipiens, sit essentialiter Intellectiva; Ergo Bruta Spirituali Animâ non informantur. Ergo Spiritualis Brutorum Anima, ex Scripturis rite intellectis confixa manet, atque perempta.

*Arist.* In optatum tandem veritatis lumen, te mihi facem praeferente Critophile, assurgo, tibi-que coactus quidem, sed gaudens consentio; Optarem nihilominus, ut assertam Cognitionis purè Sensitivæ, à Cognitione verè Intellectivâ, Distinctionem tantisper adhuc evinceret, vel explicaret.

*Crit.* Obtempero statim, & quamvis aliâ plura dixerim (a) quæ in rem præsentem optimè quadrant, paucula repetam. Cum itaque *Intelligere* ex ipsâ nominis Ethymologiâ idem sonet, ac *intus legere*, à Sensibilibus nimirum, In Insensibilium Cognitionem devenire, ab effectibus arguere Causas, à Causis effectus, ex proprietatibus essentias rerum colligere; Ibi solum Cognitionem Intellectivam admittendam pronuncio, ubi adest, (vel si per accidens non adest, ut in Infantibus, Dormientibus, aut amentibus, adesse tamen potest impedimento remoto) interna lectio ista, seu vera & formalis illatio prædictorum; Quare cum ex ipsis Brutorum operationibus, liquidò constet ea interius non loqui, neque à Cognitis incognita inferre, cum Sancto nos docente Spiritu, Bruta sint Irrationalia, Insipientia, Muta, atque Intellectu destituta, hinc ipsis cognitionem intellectivam prorsus denego; Ex aliâ verò parte, quia  
expe-

---

(a) *An. Brut. præfig. Dial. 2. & Dial. 3. & Dial. 4.*



experientiâ teste Bruta sentiunt; In objectum prae-sens feruntur, si eorum naturae sit congruum; Ab illo fugiunt, si fuerit noxium, Naturâ quidem duce, non Ratione, quod ex eo patet, quod Animalia recens nata, non secus ac vetustiora suae speciei Animalia, eadem vel appetunt, vel aver-santur objecta, etsi Intellectionem eis denegem, non tamen omnem adimo Cognitionem; Sed cum in omni perceptione suâ pendeant à sensibus, omnem illorum Cognitionem, merè sensitivam esse affirmo.

Gratuitam porro non esse affirmationem hanc patebit, si vel ex modo agendi, vel ex Objecto, Distinctionem *Sensus* ab *Intellectu* deducere valeamus. Attamen in re difficili quis erit ductor, quis arbiter, quis iudex? Nullus nostrum, sed Divus Thomas: Distinguit S. Doctor triplicem in Creaturis cognoscitivae virtutis gradum (*b*) sumpto distinctionis fundamento, & à diversitate modi cognoscendi, & à cogniti discrimine Objecti. Quaedam enim cognoscitiva virtus, est actus organi Corporalis, per se videlicet pendens in cognoscendo ab organi Corporalis immutatione, ita quod independentè à Corpore, nihil valeat percipere, vel operari; Quaedam verò est alia virtus cognoscitiva, quae cum nulli sit conjuncta materiae, ab organo Corporali nullatenus pendet in Cognitionibus suis; Quaedam denique invenitur alia cognoscitiva virtus, quae quamvis non sit actus alicujus organi Corporalis, in organo tamen Corporali subiectatur. Prima virtus Cognoscitiva,

voca-

---

(b) *D. Th. in Sum. 1. par. Quaest. 85. art. 1.*

vocatur Sensus ; Secunda est intellectus Angelicus ; Tertia est intellectus humanus ; Objectum prioris Cognoscitivae virtutis , est forma prout existens in materiâ Corporali ; Objectum intellectus Angelici , est forma subsistens sine materiâ , eò quia, licet cognoscat entia materialia , ea tamen non cognoscit nisi in immaterialibus , scilicet , vel in se ipso , vel in Deo ; intellectus autem humanus , medio inter has Cognoscitivas virtutes modo procedens , cognoscit quidem formam in materiâ individualiter existentem , sed non prout est in tali materiâ . Illae igitur cognoscitivae virtutes , quae vel nullimodè , vel solùm ratione phantasmatis , pendunt à Materiâ in cognoscendo , Spirituales sunt , atque propriè Intellectivae ; Ea autem virtus , quae per se & essentialiter pendet à Corpore in cognoscendo , & materialia objecta percipere tantùm novit, prout sunt in hac individuâ materiâ , quâ sane ratione vel Spiritualis , vel Intellectiva poterit nuncupari ? *Operari* , verissimum effectum est , *sequitur ad esse* ; Illud ergo esse erit pendens à materiâ , cujus operari , dependentiam & quidem essentialem , importat ab illâ ; Quod si Spiritualis entitas essentialem sui à materiâ dependentiam admittere nequit , Substantia quae in suo esse à materiâ dependet , esto materia non sit , intra materialium rerum ordinem detinetur , nec ad Spiritualitatem assurgit , & Operatio quae per se & essentialiter , & non tantùm per accidens , ab organo Corporeo pendet , neque Spiritualis est , neque proin intellectiva , sed ad summum erit Sensitiva Cognitio .

*Phil.*

*Phil.* Dicas quidquid velis, numquam dabo Intellectiva non esse Animalia Bruta, quae tam miras & ordinatas Operationes exercent, & ab ipsis sacris paginis, nunc prudentia vocantur, nunc sagacia; Nec enim vel Prudentia vel Sagacitas esse potest, ubi non est Intellectus.

*Crit.* Quod mihi concedere detrectas, Angelico Doctore annuere non ambiges. Novit D. Thomas à quibusdam praesertim Animalibus opera quaedam praestari, quae Sagacitatem in ipsis, Prudentiamque inferre videntur; Attamen observans in Animalibus, quae ejusdem speciei sunt, eadem constanter & uniformiter Opera, meritò concludit ea in ipsis, non ex Ratione, non ex-Electione proficisci, sed ex directione Dei, & Instinctu naturae; Jam aliàs attuli (c) Divi Thomae verba, nolo hic ea repetere. Quod si tanti Doctore te satis ratio & auctoritas non convincit, acquiesce saltem eruditissimi viri Domini Boullerii doctrinae tibi summo-perè acceptae: Scribit itaque Boullerius (d) *On verra que la plupart de ces actions pretendues raisonnables, & raisonnees, sont quelque branche particuliere de l'instinct, ou de l'habitude, que elles se rapportent par conséquent à la raison universelle qui guide les Brutes dans leurs mouvemens, non à une raison particuliere que les Brutes possèdent en propre. On verra que ces diverses apparences qui dans la même action sembloient naître d'une suite de pensées réfléchies, ne naissent en effet que de la combinaison du sentiment, & du mécanisme.* En florentissimum

---

(c) *D'ssert. cont. An. Spir. Brut. Dial. 8.* (d) *Boullier. Essai Phil. s. sur l'ame des Bet. part. 2. c. 11.*

tissimi num Auctorem non infinae inter Moder nos  
notae, qui licet mira Brutorum viderit opera, ne-  
gat tamen ea à rationali principio esse derivanda,  
immo unicè sensitivae vi, organo corporali con-  
iunctae, attribuenda, vi inquam sensitivae particu-  
lari instinctu directae, nullatenus verò discursivo  
Principio coniunctae. Vides porro Philadelphie  
mi, & prolixiori fortè quàm par esset, discursu,  
ex Scripturis rationabiliter intellectis, Animae Bru-  
torum Spiritualitatem, de medio tolli, ac penitus  
profligari. Quod si haec minimè sufficiunt . . . .

*Arist.* Satis hodiernâ luce concertatum sit: In-  
clinata enim jam dies, & ostensa quantum satis  
veritas est; Si quid adhuc vel opponendum, vel  
promovendum habetis, crastino manè, enixè  
enim cupio, audiam vos.

*Phil.* Mirum sanè quod Scripturae eam im-  
probent Brutorum Animae Spiritualitatem, quam  
nusquam reprobavere concilia!

*Oris.* Num eam concilia reprobaverint, an  
non, crastinâ luce discutiemus, si tamen aridet  
tibi, & placet Aristippo. Benè sit nobis hac no-  
cte, & cras ad vos redibo.

CON-

CONCILIORUM<sup>249</sup>  
AUCTORITATE

Spiritualis Anima Brutorum  
Profigatur

DIALOGUS OCTAVUS.

*Critophilus, Aristippus, Philadelphus.*

*Crit.*



Alve Aristippe ; quàm vividus  
tibi color ! Salve Philadelphæ ;  
quàm hilarem te intueor !

*Arist.* Tua mihi optimam, au-  
guria obtinueris, clapsâ nocte

quietem .

*Phil.* Solemnem promittit mihi de te, dies ista  
triumphum .

*Arist.* Concertationibus, precor, vestris ini-  
tium date ; Summoperè etenim nosse expeto, quae  
fuerit quoad hoc controversiae punctum, Conci-  
liorum mens & doctrina . Vellem tamen nè ni-  
mùm hoc manè prolixi essetis, quoniam duabus  
ab hinc hõris, mihi est domo exeundum .

*Crit.* Quantum ex me est, me paucis expe-  
diam, sed tamen ita efficaciter, ut omnis victo-  
riae spes, Philadelpho praecedatur . Attende Ari-  
stippe, & quis nostrum allucinetur, judicabis . Pa-  
tres itaque in Lateranensi IV. Concilio adunati sub

K k

hac

hac formulâ Catholicam Fidem contrâ tunc temporis grassantes hæreses, profitentur. *Firmiter credimus, & simpliciter confitemur, quod unus solus est verus Deus, & unum universorum principium, Creator omnium invisibilem, & visibilem Spiritualem, & corporalem, qui suâ omnipotenti virtute, simul ab initio temporis, utramque de nihilo condidit creaturam, Spiritualem & Corporalem, Angelicam videlicet, & mundanam, ac deinde Humanam quasi communem ex Spiritu, & corpore constitutam.* His sanè quid aliud confiteretur, & confitendo docet Sancta Synodus, quàm Deum unicum esse, eumque omnium Creaturarum unicum esse Creatorem; Cum itaque Creaturarum Universitatem partiat, in Spirituales creaturas, & in Corporales, solumque innuat hominem, qui simul ex Spirituali & Corporali componatur, docet saltem indirectè, & indirectè supponit, Bruta naturam ex Spirituali & corporeo mixtam, minimè habere.

*Arist.* Legitima utique videtur mihi illatio ista, neque veram patiens solutionem; Ut vera dicam, solum fecisti mihi Philadelphie, sed lucem mihi Critophilus affert.

*Phil.* Non tamen veram, sed apparentem, & quæ resolvatur in tenebras. Nunquid omnia Conciliorum verba, Fidei sunt sanctiones? Nunquid omne, quod in Conciliis obiter est dictum, erit eò ipso definitum? Quis nisi summè imperitus affirmet? Advertendum est igitur (numquam repetere pigebit) advertendum est cum eruditissimo viro Melchior Cano (c) quod *non omnia, quæ aut*

---

(c) *Melchior Canus de Loc. Theol. lib. 4.*

aut juris , aut conciliorum volumina continent , doctrinae christianae sunt iudicia . Oportet immò Conciliorum praecipuum attendamus scopum , ut inde dictorum Sensum colligamus ; Unde in rem nostram Sixtus Senensis sic scribit ( f ) *Oportet nos praedictam Synodicae sanctionis sententiam , magis juxta concilii intentionem , quàm juxta sensum verborum interpretari .* Mens autem Synodi praefatae , non alia fuit ex Etitio , Tornellio , Silvio , Natali ab Alexandro , aliisque , quàm ab Ecclesiâ Catholicâ expellere Manicheorum , atque Albigenium impium Dogma , quo videlicet duo creaturarum rerum Principia admittebant , docebantque res Corporales , à Principio malo esse productas , Spirituales verò , à bono esse creatas ; Cum igitur ad hunc convellendum errorem , non sit opus rerum creaturarum definire essentiam , vel quidditatem statuere , sed unice confiteri Creaturam quamcumque ab unico vero Deo esse productam , perperam , & violenter verba Concilii traducuntur ad designandam , aut definiendam rei alicujus Naturam , vel ad excludendam ab aliquâ creaturâ talem vel talem specificam Naturam .

*Crit.* Fateor ( vel in hoste enim virtus laudanda est ) fateor egregiè diservisti , teque semper eruditionem comprobas ; Verùmtamen dicere displicet quidem , debeo tamen ; Non expediisti pedes tuos à laqueo , quem tetenderam , sed incidisti potiùs in foveam quam fecisti . Praefati ergo mens Concilii fuit , errorem evertere Manichaeorum , atque Albigenium : Quid asserabant , in

K k 2 quo

---

( f ) *Sixt. Senen. lib. 3. Bibliot. Sanct.*

quo errabant haeretici illi? In eo utique quod docerent Corporeas visibilesque Creaturas non à bono Deo creatas, sed à malo fuisse productas; Potissimum verò cum malos in se ipsis experirentur motus, praeter Animam bonam à bono Deo productam in Homine; aliam sed malam, à malo Deo causatam, in eodem homine admittebant; Cumque etiam Animalia plura vel molesta sentirent, vel noxia & venenosa, ista à bono Deo originem habere non potuisse, sed à malo creata Deo praedicabant; & sic quia alias corporeas Creaturas, sibi noxias interdum experiebantur, earundem Creatorem, malum esse Deum affirmabant; Enim verò ad refellendum teterrimum errorem hunc, sufficit-nè dicere, & de Fide credendum sancire, quod Creaturarum sive Spiritualium, sive Corporalium, sive totius generis humani, unus verus Deus sit author, atque Creator? Nisi bestiae numero corporalium Creaturarum accenseantur, planè non sufficit, si etenim nomine Corporalis creaturae, Bruta non intelliguntur expressa; Cum nequeant intelligi inclusa, in ordine creaturarum Spiritualium, vel in ipsâ humanâ specie, Bruta non essent in numero creaturarum, quarum verus Deus est author, Computata; Diminuta proinde foret praemissa Fidei professio, neque errori convellendo, satis consultum.

*Phil.* Congere quanta placet, nihil ad intentum concludes; Scopus siquidem praedictae Lateranensis Synodi, non est deffinire & statuere aliquid circa rerum creaturarum Naturas ac quidditates, sed unicè deffinire, unicum esse Deum creaturarum qua-



quarumcumque Omnipotentissimum conditorem ; nec enim grassans tunc temporis error , circa rerum Naturas , sed circa creaturarum Principium versabatur . Huic itaque refellendo , intenta Sancta Synodus (g) , ut seriem universarum rerum ab uno omnium Principio creaturarum , brevibus comprehenderet , tres classes definiit Naturae , scilicet Corporalis , Spiritalis , & communis ex Spiritu & corpore , solam verò humanam Naturam quasi communem ex Spiritu & corpore , expressè proposuit , aut quia satis ei fuit , speciem creaturae ex Spiritu & corpore communem , praestantioris & nobilioris conditionis indicare ; Aut quia eam solam Creaturam , ex Spiritu & corpore communem expressè designare eidem placuit , de qua praecipua erat in scholis controversia ; Ex quo tamen , apertè non consequitur , eos ab hac tertiâ specie , bestiarum Naturam excipere voluisse ; siquidem ut in jure habemus . *Exceptio debet contrariari directè intentioni agentis* . Immo juris legibus edocemur (h) *Extensionem bonam esse , & licitam , ubi est eadem ratio* . Quum itaque quantum naturali lumine obtinere possumus , eadem sit ratio pro naturâ Brutorum Animalium , speciem idcirco Creaturae ex Spiritu , & corpore communis , donec quidpiam in oppositum , ab Ecclesiâ expressè non proponatur , ad naturam etiam Irrationalium animalium , absque notâ temeritatis , possumus extendere .

*Crit.* Quae vera sunt , discernamus à falsis , & cui ratio militet , apparebit . Directum utique Con-

---

(g) *An. Brut. vindic. Dial. 7.* (h) *Rip. ex Bart. comment. in jus canon. pag. 79.*

Concilii praeclaudati intentum est profligare Manicheorum atque Albigenium errorem, convenio; Non fuit directus ejusdem scopus, agere de Natura, & essentia rerum, concedo. At nihilominus Synodici Patribus defluere incumberebat, totam, quanta est Creaturarum rerum Universitatem, ab unico vero, optimoque Deo, fuisse productam; Vel igitur tota rerum creaturarum Universitas dividitur in hasce tantummodo, nimirum in creaturas Spirituales, in creaturas Corporales, & in creaturam humanam sive Hominem ex Spiritu constantem & corpore, vel in alias etiam creaturas, quae neque simpliciter Spirituales sint, neque tantum corporales, sed & Spiritu, & corpore constitutae? Unum è duobus reponas, & concedas oportet.

Attamen si primum dicas, sequitur Bruta de mente Concilii, non esse ex Spiritu & Corpore composita; Cum enim Concilium, Creaturas omnes in tres recensitas Creaturarum species partiatur, & sub nomine *Hominis* non possint ullimodè intelligi *Bruta* (quis enim id nisi planè desipiendo affirmet?) Palam est Concilium, sub nomine Creaturae Corporalis, amplecti intellexisse Bruta, & expressa intelligi voluisse: Si verò secundum respondeas, redit adhuc quod primò evincebam, diminutum videlicet esse Concilii Definitionem, quod tamen quis unquam de tanto Concilio asserere ausit? Sic autem assumptum probo. Temerè effuriebant Manichei atque Albigenes, non omnes Creaturas esse à Deo bono, sed aliquas, & signanter Animantia Bruta, esse à malo Deo; Definiunt Patres contrà haereticos istos unicum esse Deum

Deum qui Creaturas Spirituales , & Creaturas Corporales , & Creaturam humanam , idest Hominem creavit . Enim verò non erant hic ommitenda animantia Bruta , cum & circa ea potissimum , sive circa eorum Principium haeretici ii errarent . Ast sub quâ nam classe , designata inveniuntur ? Planè sub nullâ , si Bruta , ut ais , Spirituali Animâ informentur : Non quidem sub classe Creatorarum Spiritualium , ut evidens est , nec enim Bruta sunt puri Spiritus ; Neque sub classe Corporalium , quia sub illâ non comprehendunt Patres , Creaturam constantem ex Corpore & vero Spiritu , aliàs non posuissent Hominem sub tertiâ classe , seu non instituissent tertiam classem sub quâ Hominem , ex Spiritu compactum & Corpore , collocarent ; Nec denique , ut praemissum est , dici queunt designata Bruta , sub nomine Creaturae humanae ; sub isto enim non venit nisi Homo , ut cuilibet homini notum est ; Unde Hominum speciem , vocamus speciem humanam , Genusque humanum nominamus ; Cum itaque ex unâ parte deberet Concilium Creaturas , per tales classes partiri , ut sub iis Creatura quaelibet contineretur , nullaque ab iis aufugeret , vel subduceretur ; Ex aliâ verò ( posito quod Bruta , Animâ gaudeant Spirituali ) Bruta sub nullâ ex recensitis classibus contineantur , vel contenta intelligi queant sub ullâ , reliquum est fateri ( quod tamen nullus , nec somnians dixerit ) praeclaudatam Concilii Lateranensis Fidei contrâ eos errores professionem , atque Sanctionem , diminutam esse & imperfectam , quia Manicheorum , & Albigenium errorem magnâ

gnâ ex parte relinquit intactum .

*Arist.* Me blandè deceperat Philadelphus ; Me suaviter , & efficaciter ad meliora reducis Critophile ; Perge addere si quae habes , nam summâ cum voluptate te differentem audio .

*Crit.* Subsumo itaque ; atqui diminuta non est vel imperfecta , sed errorem Manicheorum ac Albigenium ex toto confodiens , & evertens praedicti Concilii Sanctio , Catholicaeque Fidei professio , ut quisque Orthodoxus , quique saniori adiectus doctrinae , affirmare teneretur ; Ergo de mente Concilii , animantia Bruta non sunt ex Corpore , veroque Spiritu composita ; Prob. conf. Si praefati Concilio Sanctio , diminuta non est , intellexere Patres , sub triplici illâ Creaturarum partitione factâ , etiam Bruta complecti ; Sed non intellexerunt Bruta complecti , sub primo , vel sub tertio partitionis membro ( nam Bruta non sunt entia purè Spirituality , & aliunde Bruta non sunt Homines neque comprehenduntur intrâ genus humanum ) ; Ergo intellexerunt ea complecti , sub secundo partitionis membro , nempe sub classe Corporalium Creaturarum ; Atqui sub classe Corporalium Creaturarum non intellexere Patres , comprehendere Creaturam ex Corpore constantem & Spiritu , nam pro illâ tertiam datâ operâ classem instituunt , sub quâ solum *Hominem* ponunt ; Ergo dum Bruta , sub classe Corporalium rerum collocata relinquunt , ea ex Corpore veroque Spiritu , instructa non esse supponunt . Est ergo contraria , rationabili & clarè cognitae menti praememorati Lateranensis Concilii , opinio quae Spiritua-

Iem Animam admittit in Brutis , quin ex praefati mente Concilii, ostensum manet verum Brutis Spiritum nullatenus inesse . . . Revoca in memoriam Philadelphæ mi , quæ olim à me dicta sunt (i) , cum tecum super hac controversiâ disputarem , & modò dictis novum senties accedere pondus .

*Phil.* Promoves, quæ arident tibi , sed interrim utili dissimulatione , responsa mea tanquam nullius roboris forent , insoluta relinquis .

*Crit.* Ne credas me multùm ea vereri , statim ipsa dissolvo . Reponebas igitur primò , satis fuisse Synodicis Patribus mentionem facere de Creaturâ humanâ , utpotè præ aliis naturis ex Corpore & Spiritu compositus , nobiliori . Respondebas secundò Concilium , de solo homine fuisse locutum , quia de hoc erant præcipua controversia in Scholis . Adjebas tertio constare ex lumine naturæ , quod eadem est ratio de naturâ Brutorum , ac de naturâ Hominis . Exordiamur à primo . Non poterat sufficere Patrum intento, mentio facta de solo Homine , in præactâ Creaturarum partitione , si talis mentio ita restricta , non erat sufficiens convellendo Manichæorum errori ; ita est ; Ergo mentio de solo Homine facta non poterat Patrum sufficere intento ; prob. min. Manichæorum hæresis , & circâ naturam , & circâ principium productivum animantium Brutorum versabatur ; Docebant enim Manichæi, teste D. Aug (k) Bruta esse ratione prædita , nobiscum juris locietate conjuncta , atque inde, esse homicidium necare Animalia;

L l

Et

---

(i) *Dissert. cont. An. Spir. Brut. Dial. 8.* (k) *S. Aug. lib. 2. contra Manich.*

Et insuper ipsa non à bono, sed à malo Deo esse producta: Sed dicere quod Homo ex Spiritu compactus & Corpore, sit Creatus à vero optimoque Deo, non opponitur per se errori asserentium Bruta Creati esse à malo Deo, nam terminus Homo, nullimodè includit Bruta, sed omninò præscindit ab ipsis; Ergo mentio facta de solo homine, refellendo Manicheorum errori, non erat sufficiens; Ergo non idè Patres sub tertiâ illâ classe solum hominem collocarunt, quia præstantioris naturae sit comparatè ad Bruta, nec enim directè de rerum naturâ agebant; Sed rerum potius universitatem designabant; Sed quia Bruta pertinere ad secundam, rerum classem, solumque hominem sub tertiâ claudi, unanimiter persuasum habebant.

Progredi jam opus est ad secundum, ut constet, quo motivo ducti Patres sub classe naturae ex Spiritu & Corpore constitutae, solam naturam posuerint humanam. Tu quidem id factum asseveras. Quia de naturâ humanâ erat præcipua controversia in Scholis; At in quibus nam Scholis erat præcipua de homine controversia? Quid circa hominem controvertebatur in Scholis? Fortè num Homo haberet Animam? Fortè num Animam haberet Spiritualem, annon? Fortè nè an Homo esset Creatus à bono Deo, an verò à malo? De quo quaeso erat præcipua controversia, pro qua diluendâ, Synodici Patribus solum hominem, sub illâ tertiâ classe recensere placuerit? Si de Scholis Catholicorum loquamur, numquam controversia fuit, an Homo Animâ informetur vel non; Numquam

quam an Homo habeat vel non Spiritualem Animam : Numquam demùm an Homo, ab alio principio sit quàm à Deo . Constantissimè siquidem ac verissimè prof ssi sunt Catholici omnes , & Hominem Animâ , eâque Spirituali Animatum , & nullum esse præter unicum verum Deum , primum Creaturae cujuscumque principium ; Erat igitur controversia ista in Scholis Manicheorum & Albigenensium ; Verùm tamen Controversia , seu potius istorum haeresis , circa Hominem , non in eo sita erat, quod Homo carere diceretur Spirituali ac rationali Animâ ; Nam aliquod Spirituale principium à bono Deo Creatum , homini inesse concede-  
bant . Sed in hoc potius quod duas Animas in unoquoque homine admitterent Manichei , & duo earundem principia , unam quidem rationalem & bonam quae foret à bono Deo , producta ; Aliam verò concupiscibilem & malam , quae à malo Deo materiae , omnisque carnis , ut aiebant , Creatore , caussata foret , & insita homini ; Albigenes autem , & improbae Manichaeorum doctrinae , & impiis turpissimisque Gnostlicorum moribus additi , in eo ulterius stultissimè errabant , quod humanas Animas esse dictitarent , & crederent eos rebelles Spiritus , qui fuerant expulsi è Coelo , ut Petrus Vallisernensis testatum facit (1) .

Cum itaque quarti Lateranensis Concilii Patres , Humanam tantùmmodo naturam sub classe naturae ex Spiritu & Corpore compositae collocantes, Animae duplicitem in uno eodemve Homine, expressè non damnent , quam quidem haec

L I 2

resum

---

(1) *Petrus Valliser. in Hister. Albigen. cap. 2.*

resim jam pridem anathemate confixerat quarta Constantinopolitana Synodus sub Adriano secundo ; Neque qualis sit Spiritus , qui simul cum Corpore componit hominem , ullatenus innuant , evidenter planè constat , non ob id , solum Hominem sub ultimâ Classe eos posuisse , quia speciales circa hominis naturam errores , confutare , & damnare assumpserint ; nec enim ullimodè credibile est , eos Patres nè verbum quidem proluturos contrâ errores illos , quorum præcipuè configendorum Causâ , de Homine specialem instituerant mentionem ; Meritò itaque iterum concludendum venit ; Ideò à Concilio Hominem solum , sub eo tertio memoratae partitionis membro , collocatum fuisse , quia solus Homo , ex mente Concilii , Naturâ constat Spirituali ac Corporali communi , seu Spiritu simul & Corpore completâ .

Quod si ( ut ad tertium descendam ) Bona est & licita extensio unius ad aliud , ubi est eadem ratio ; Quis porro , ex quo dicatur Homo ex Spiritu & Corpore constitutus , inferre valeat , etiam Bruta similiter esse compacta ? Id nè erit ad mentem Concilii ? Haud sanè ; Concilium etenim cum dicit . *Ac deinde humanam quasi communem ex Spiritu & Corpore constitutam* , supponit manifestè , se Creaturam aliquam ex Spiritu & Corpore constantem , sub primo vel secundo partitionis membro non designasse ; Supponit nullam hujusmodi Creaturam , sub uno vel sub alio contineri ; Aliàs non dixisset *Deinde* . Quasi novam Creaturae nusquam designatae speciem innuens ; Quin potius , cum unice humanam ibi Creaturam reponat , sentit



rit implicite saltem, nullam aliam esse Creaturam, quae Spiritum simul, ac Corpus in sui constitutionem importet; *Implicitè*, dixi, neque enim Animae belluinae Spiritualitatem, expressè à Concilio reprobata asserto, sed Concilio non consonam ejusque menti non conformem, sed contrariam, potius evinco, adeòque à sanioris Doctrinae professoribus, abigendam.

Non est igitur eadem ratio de Homine, ac de Brutis, si juxta Concilii mentem loquamur; Sed est nè saltem eadem ratio, si presci ndamus à mente Concilii, & naturale rationis lumen consulamus, ut propterea compositionem ex Spiritu & Corpore, à Concilio soli attributam Homini, etiam ad bestias extendere liceat? Tu quidem facile affirmas, ast cui nam affirmatio tam nova, innititur fundamento? Eam-nè Brutalis Animae Spiritualitatem, docere nos potest naturale lumen, quam tot rationes evertunt; quam Scripturae profligant; quam nullus Sanctorum Doctorum asseruit; quam indirectè, ad minùs, reprobant Concilia? Patres quarta Lateranensis Synodi, non inferiori pollebant naturali lumine, eo quo polleant recentiores Philosophi, & tamen, Spiritualem in Brutis Animam nusquam sensere, alioquin Bruta, sub Corporalis Creaturae categoriâ non reliquissent; Quid enim eis facilius erat, quàm dicere. *Ac deinde humanam Creaturam, & Creaturam belluinam ex Spiritu & Corpore constitutam?* Veriti ne forte sunt asserere id, quod naturali lumine, verum esse intelligebant? Non agnovit hanc Spiritualem Brutorum Animam S. Augustinus; Illam non vidit, sed immò

immo rejicit D. Thomas (m) & tamen vel ipso lumine naturali admittenda non enitescere praedicatur! Agnosce, agnosce tandem Philadelphice, quod non naturale lumen, sed anticipatae praedictum opinionis, te ad hanc adtruendam seu defendendam impellit. Cumque nativo potius lumine, constet naturam humanam cum Brutali non convenire, adeoque super hanc excellere, ut quod homini crimen est, pecori sit natura, ut aiebat S. Aug., consequitur, id quod à Concilio dictum de homine invenitur, nullâ prorsus ratione ad naturam Brutorum extendi, vel debere, vel posse.

*Arist.* De tali, ac apud cum Sanctitate tum Doctrinâ conspicuos homines, tam approbatâ veritate, quis amplius ambigere ausit? Video utique Critophile, à praeclaudato Oecumenico Concilio tacitè reprobata de Animâ in Brutis Spirituali sententiam; Video non solubiles undecumque adductas gravissimas momentorum rationes; Verùm, quoniam Brutorum Animam, Spiritualem dicere, & ratio recta, & auctoritas summa, nos prohibent; Afferrem ego si placet, novam circa Brutorum Animam, opinionem, quae ab hinc non tempore multo, menti insedit meae; Videlicet (n) Brutorum Animam, esse quemdam Spiritum materialem, incrementi, decrementique capax, qui naturalibus excretionibus, ac incessanti transpiratione, consumitur seu minuitur; Per cibum verò, ac respirationem attrahitur, atque reficitur;

---

(m) *Dissert. cont. An. Spir. Brut. Dial. 6. per totum.*

(n) *Circa August. S. Pap. in Epist. Crit. Tomo 1. Pag. 203. & seqq.*

citur ; Unde sicut restituitur per respirationem aeris ; Ita cum minuitur , vel totaliter deficit , in aerem redit , & inde Animalis sequitur mors ; Si ita dicamus , eos omnes vitamur scopulos , in quos Anima Brutorum , ut Spiritualis , impingebat .

Neque in Brutis tantum , verum etiam in Homine , hanc eandem materialem Animam , ultra Animam Spiritualem , ac rationalem quâ informatur , non immeritò censuerim admittendam ; Quomodo enim potest Spiritualis Anima , nihil materialitatis admiscens , habere vim motricem Corporis , quod est merè materiale ? Possumus nè vel levissimam paleam loco dimovere , solo voluntatis imperio ? Non certè ; Nisi enim , vis aliqua Corporea ei imprimatur , immota perstabit ; Videmus in hominibus Apoplexiâ correptis , adhuc extare Animam , neque tamen offensis partibus movendis sufficere ; Quid sanè causæ est ? ni quod à partibus illis offensis , recessit Anima illa materialis , quæ Corporalium motuum , unica vel saltem proxima causæ erat ?

*Crit. Tuum remedium , morbum graviores facit .* Diceret opportunè Plutarcus (o) Legeram & ego præteritis hisce diebus , sententiam hanc , quam promotes , in Epistolis Criticis Comitissæ Augustinæ Sancti Pupieni , viri certè & ingenii pernicitate , & ubertate Doctrinæ , & eloquii nitore apprimè conspicui ; Attamen , etsi ingeniosam noverim , pro verâ tamen , nec admisi , nec tecum nunc admittere queo . Quæ etenim in Brutis est Anima

---

(o) *Plutar. de cupid. Divit.*

ma, quae vel transpiratione minui possit, vel respiratione augeri? Quod transpiratione deperditur, quod respiratione acquiritur, aliud non est, nisi materia; Materia per se solam, nec Sensitiva est, nec esse potest; Ineptia proinde est Sensitiva constituere Bruta; Quin etiam, cum materia per se ipsam non sit vivens, neque motum poterit, nec qualemcumque Brutis tribuere vitam. Hinc nisi aliud principium sentiendi admittatur in Brutis, coincidit Opinio ista cum Opinione Renati des chartes adimente bestiis Vitam omnem, & sensum, easque mera automata esse, venditante: Neque respondere juvabit, (p) sententiam hanc ab illâ Cartesii discerni, quia Cartesius ex materiâ crassiori, & ex subtiliori, quae crassiorem, ad motum determinet, Bruta confingens, negabat ea vel vivere, vel sentire; Istâ verò è contrâ Brutis ipsis & vitam concedit, & sensum. Non inquam juvabit; nam discrimen istud, tantum penes verba se tenet; Dicitur enim quod Bruta vivant, & sentiant, sed tamen in re, cum pro Animâ illorum, non aliud assignetur, quàm materia, & ista, ut dictum est, ex se ipsâ & vitâ careat, & sensu, quodcumque Brutis vivendi & sentiendi principium denegatur; Unde in rei veritate, Bruta juxta opinionem hanc, non minùs ac juxta illam Cartesii mera automata sunt.

Dato tamen, & non concessio, quod materia habeat in Brutis veram rationem Animae; Nunquid haec Anima, praeter Animam rationalem admitti in Homine poterit, ut materiales actio-

---

(p) *Comes Aug. S. Pup. loco cit. pag. 234.*

actiones peragat , & mentalibus deferviat ? Absit omnino , talis siquidem positio ( non quidem ex mente Authoris ) sed ex se ipsâ , cum Haeresi videtur coincidere Manichaeorum , duas in homine Animas asserentium , unam videlicet rationalem & bonam ; Aliam autem Concupiscibilem , & malam , seu ad malum inclinatam : Enim verò Anima ista , quae per transpirationem eggeritur , & per respirationem attrahitur , soli nata est deservire Corpori , illudque ad corporeas , ac contra legem Dei voluptates extimulare , mala proinde est in Homine , & moralitatis , & Evangelii legibus , illis quidem naturaliter . Illis verò misericorditer , subiecto ; Uique verum est , quod aliter etiam , & turpius errabant Manichaei circa hanc Animarum pluralitatem in Homine , asserendo nimirum conformiter ad eorum principia , duos esse Deos , unum bonum , qui rationalem in Homine creaverit Animam ; Aliumve malum , qui eidem Homini , Animam infuderit malam ; Sed tamen verum pariter est , nè dum insanum atque haeticum esse , duos asserere Creatores Deos ; Sed etiam duas , in uno eodemque Homine Animas admittere ; Quapropter assertionem hanc , de dualitate Animarum in Homine , tanquam falsam , futilem , haeticamque , damnavit , proscripsit , anathematezavit quarta Constantinopolitana Synodus sub his verbis . *Cum vetus , novaque lex Testamenti doceat unicam Homini , eamque ratione & intelligentiâ pollentem esse Animam ; Eandemque sententiam , Disiloquorum omnium Patrum , & Doctorum Ecclesiae Doctrina confirmet ; Sunt tamen qui*

M m

duas

duas Homini esse Animas, asserant, & quibusdam vitiosis ratiocinatiunculis suam haeresim stabiliant. Itaque Sancta haec & Oecumenica Synodus, hujus impietatis conditores cum tota secta sua, magna voce anathematizat. Qui verò post haec contraria dicere ausus fuerit, anathema esto: Quantum distet à damnatà opinione, Sententia quae tibi arridere videbatur Aristippe, planè non video; Nec exinde agnoscere valeo, qua ratione possit sub praemisso anathemate non comprehendi: Viderint itaque alii, qua censurà notanda sit, nam ego in iis diutius immorari nolo, quae me non molestant: Caeterùm indubiè mihi credere fas est illam ab Authore suo, non asserendi Animo, sed exercendi tantùm ingenii causà fuisse extcriptam, quodve si jam pridem damnatam novisset, noviter excitare, ausus non foret.

Præsertim cum non ejus ponderis sit, cujus esse putatur, attacta ratio, in eo sita, quod Spirituallis entitas per se ipsam non possit materialia ad motum impellere; Sive namque Assumptum hoc sit verum, sive sit falsum, numquam poterit ritè concludi admittendam in Homine ultrà rationalem Animam, Animam hanc ex materià compactam, quam jampridem ab ipso, Catholica rejecit doctrina. Ponamus quod verum sit, non posse Corpora recipere à Substantiâ Spirituali, motum; Jam Anima haec noviter asserta, vel de Homine Brutum faciet, vel prorsus inutilis erit: Utrumque paucis ostendo; Haec Anima compacta ex materiâ, & Homini inexistens, & peragens omnes Corporales motus in ipso, vel subjacet Animae

mae rationalis imperio ; Vel non ? Si non subja-  
cet ; ex Homine Brutum facit ; Si subjacet est  
inutilis ; Ergo &c. prob. Hæc Anima secundum enti-  
tatem , eadem est cum Animâ Bruti , unice diversa  
quodam modum in Homine , à se ipsâ , prout Bru-  
ta informante , in quantum in Homine , est subje-  
cta rationi , (q) secus autem in belluis ; Ergo si  
in Homine , rationis imperio non subdita foret , ex  
Homine faceret Brutum ; Esto enim esset adhuc  
in Homine rationalis Anima , quæ Brutis non  
ineat ; Homo tamen , Brutorum adinstar , sui Cor-  
poris motibus sibi numquam liberis raperetur , &  
effraeniter curreret post concupiscentias non mi-  
nus ac Bruta , & rationalis Anima quantum ad eos  
Corporeos motus , se haberet perinde non esset ,  
cum nec eos caussaret , nec eos impedire valeret .

Erit ergo , vel dicetur esse subjecta rationali  
Animæ , præfata Anima coalescens ex materiâ ;  
Erit in potestate rationalis Animæ ; si non omnes  
omnino , plures saltem Corporeos compescere ,  
motus , vel imperare ; Sed si ita est , quis non  
agnoscat , inutilem prorsus eam esse Animam in  
Homine , quæ solis Corporalibus exercendis mo-  
tibus , aptata fingitur & necessaria ? Porro hæc Ani-  
ma , subjacens Animæ rationalis imperio & dire-  
ctioni , materia est ; Materia autem non potest  
cognoscere actum Spiritualem imperii , & volitionis , sed unice apta est ad quietem sibi , vel ad  
motum determinari ; Dum igitur talis Anima , di-  
citur subjecta imperio rationalis Animæ , non di-  
citur determinari objectivè , quasi cognoscat quid

(q) *Idem ibid. pag. 214.*

rationalis Anima velit, sed tantum effective, quatenus rationalis Anima, ei motum imprimit, ut motu in se ipsa recepto, secundum recepti motus directionem, humanum moveat Corpus. Atqui si rationalis seu Spiritualis Anima, Animae ex materia compositae, potest motum imprimere, jam haec alia Anima, omnino in Homine inutilis est; Ergo &c. prob. min. Si Anima rationalis ut ut Spiritualis, potest indere motum materiae ex qua illa nova Anima coalescit, jam Anima quavis Spiritualis, poterit & indere motum materiae ex qua humanum Corpus consurgit; Sed si ipsa immediate, talem huic materiae motum imprimere potest, jam inutilis evidenter est alia Anima quae materia sit, quaeve prius mota ab Anima Spiritualis, moveat postea aliam materiam; Ergo &c. min. patet, vel enim verum est, quod nequeat Spiritualis Substantia, motum imprimere Corpori, & sic nullam movere materiam valebit; Vel id est falsum; Et si potest aliquam movere, cur non & aliam, praesertim quae ab ipsa tanquam à forma, fuerit informata?

Quod si in Homine aliquo, Apoplexiâ correpto, aliqua Corporis pars, vivat licet, immota tamen manet, non ideo est, quasi Anima motrix, ab ea parte recesserit, sed quia cum rationalis Anima eam partem informans, indigeat recta organi dispositione, ac Spirituum vitalium affluxu, ad naturales in ea parte peragendos motus; Ea pars, vel attractione nervorum, vel musculorum ac arteriarum laesione, occlusoque Spiritibus aditu, resistit motui. Hinc eversa manent noviter asser-



assertae, & jam pridem damnatae fundamenta doctrinae; Doctrinae inquam, quam & Angeli falsam ostendunt, dum indubiâ virtute gaudent movendi Corpora, licet ipsi Spirituales Substantiae sint: Enim verò, ommissis caeteris, quae in rem hanc dici possent, Nonnè Angeli Dei, orto in Bethleem Redemptore humani generis totius Homine Deo, canere auditi sunt? Quis iste fuit eorum cantus? Nunquid à se in se, ipsis efformatus? Quis nisi summâ saltem cum temeritate dicat? Formabatur itaque ab illis in aere, & ex aere melos; Movebant igitur aerem (quî sanè materia est) Angeli ii, qui aerem tam inusitatis concentibus modulabantur; Potest itaque Spiritualis Substantia movere materiam; Cum igitur canerent tunc Angeli illi Pacem, Hominibus bonae voluntatis; Hujus falsae & mox discussae opinionis instaurator (quem ego bonae voluntatis judico) errorem corrigat intellectus, ut inde bonam patefaciat omnibus voluntatem; Neque de me conqueratur, quasi qui velim eum instruere, cum potius gratias agere debeat, quod eum ad scholam duxerim Angelorum Dei.

*Phil.* Quid quaeso opus erat Aristippe ad hanc Animam ex materiâ compactam confugere, cum opinio de Animâ in Brutis Spirituali inconcussa persisteret? Putas ne contrariam vel ex indirecto esse Doctrinae Concilii, opinionem istam, quae ita D. Bernardo arrisit, ut eam expressè tradere, & luculenter promovere non dubitaverit?

*Crit.* Placet ne Philadelphæ quod nunc, & statim, Divi Bernardi mentem discutiamus? Si placet

placet & Aristippo, incunctanter super hac re ag-  
gredior loqui.

*Arist.* Jam monueram vos, me non posse  
diutius vestris hoc manè concertationibus interesse;  
Opinionem ego quidem, quam promoveri  
posse innueram, pro Animâ Brutorum explicandâ,  
ex nunc tanquam erroneam revoco; Sed & tuam,  
in quam me trahi sinueram Philadelphæ, à veritate  
alienam judico, & nisi verè illam D. Bernardus  
edoceat, pro tali eam habeo semper. Valete in-  
terim ambo, & momentum hoc, placito vobis  
tempore expensuri, ad me redire ne detrecteris.



**DIVUS**

271

DIVUS BERNARDUS  
SERMONE V. IN CANTICA,

Spiritualem in Brutis Animam non admittit ;  
Immo ex D. Bernardi Doctrinâ , Spiritu-  
tualis Anima Brutorum profligatur .

DIALOGUS NONUS

*Aristippus, Philadelphus, Critophilus.*

*Arist.*



Quantum gaudeo vos unâ simul  
adventantes excipere ? Video  
vos , sicut semper optavi , opi-  
nionem licet divisos , sincero  
tamen conjunctos affectu . Uti-  
nam quos corde junxit Charitas , etiam intellectu  
societ , Melliflui doctrina !

*Phil.* Ne dubites Aristippe ; Quod cupis ob-  
tinebis indubiè ; (a) Mentem enim Sancti Bernar-  
di in laudato super Cantica sermone , hanc esse ,  
ut Brutorum Anima, vera sit immaterialis Substan-  
tia , ii solum vocare in dubium poterunt , qui vel  
nunquam sermonem istum viderint , aut si vide-  
rint , caecutire nihilominus malunt contrâ lucem ,  
Sole meridiano clariorem .

*Arist.* Dictis tuis Philadelphæ , fidem dene-  
gare non possum , sed tamen , tantisper suspendo ;  
Nam & multa alia , pro certis mihi suaseras , quæ  
tamen , audito Critophilo , non aliam quam in  
præcoc-

---

(a) *An. Brut. vindic. Dial. 8.*

praeoccupatâ mente certitudinem habere cognovi.

*Crit.* Prudenter agis Aristippe, utraque enim pars audienda est, antequam Sententia pronuncietur. Sed nè tempus, inutili verborum teramus, quoniam praeterea nobis sunt Sancti Bernardi Opera, permittas, oro, ut totum quantus est, Sermonem quantum in Cantica clarâ voce legam, ut inde debitis animadversionibus factis, genuina Divi Bernardi mens, quod ad praesentem controversiam, nobis illucescat. Quoniam verò te audire paratum cupidumque intueor, incipio statim. Sic exorditur Sermonem V. in Cantica D. Bernardus; Praemisso Sermoni, titulo hoc.

*De quatuor generibus Spirituum, videlicet Dei, Angeli, Hominis, & pecoris.*

1. **Q**Uatuor Spirituum genera nota sunt Vobis, pecoris, noster, Angelicus, & qui condidit istos. Non est ex omnibus, cui sive propter se, sive propter alium, sive propter utrumque; necessarium Corpus non sit, Corporisive similitudo, excepto dumtaxat illo, cui omnis tam Corporalis, quam Spiritualis Creatura meritis confitetur, & dicit. *Deus meus es tu, quoniam bonorum meorum non eges.* Et primum quidem ita Corpore egere constat; Ut nec subsistere absque illo utcumque possit; Simul quippe & vivificare desinit, & vivere ille Spiritus, quando moritur pecus. Verum nos vivimus quidem post corpus; Sed ad ea quibus beatè vivitur, nullus nobis accessus patet, nisi per corpus. Senferat hoc

hoc qui dicebat . *Invisibilia Dei per ea quae facta sunt intellecta conspiciuntur* . Ipsa siquidem quae facta sunt , idest corporalia & visibilia ista , nonnisi per corporis instrumentum sensa , in nostram notitiam veniunt . Habet ergo necessarium corpus Spiritualis creatura quae nos sumus , sine quo nimirum nequaquam illam scientiam assequitur , quam solam accepit gradum ad ea , de quorum fit cognitione beata . Hic si mihi obijcitur de parvulis regeneratis , quod absque scientiâ rerum Corporalium exeuntes de Corpore , ad beatam vitam nihilominus transire credantur ; Breviter respondeo hoc illis conferre gratiam , non naturam . Et quid ad me de miraculo Dei , qui de naturalibus dissero ?

2. Jam quod & supercoelestes Spiritus opus Corporibus habeant , illa maximè certos nos faciat vera , & verè divina sententia : *Nonne omnes , ait , administratorii Spiritus sunt , missi in ministerium propter eos qui haereditatem capiunt salutis ?* Quonam ergo modo implent ministerium suum absque Corpore , praesertim apud viventes in Corpore ? Denique non est discurrere , nec de loco ad locum transire nisi , Corporum : Quod frequenter Angelos facere tam indubitata , quàm nota probat auctoritas . Hinc est quod & visi sunt Patribus , & ad eos intraverunt , & manducaverunt , & pedes laverunt . Ita inferior , superiorque Spiritus propriis Corporibus egent , sed tamen quibus juvent , non etiam juventur .

3. At pecus quidem ex debito servitutis , & ad usum tantum temporalium Corporaliumque ne-

N n

cessi.

cessitatum juvando servit : Ideoque ille Spiritus & cum tempore transit , & cum Corpore deficit ; Servus quippe non manet in domo in aeternum . Licet qui bene eo utuntur , omnem usum hujus temporalis servitutis ad quaestum referant aeternorum . Angelus verò curat , satagitque in libertate Spiritus administrare officium pietatis , futurorum bonorum promptum mortalibus alacremque ministrum se se exhibens , utpote suis in aeternum futuris concivibus , & choeredibus supernae jucunditatis . Ille ergo ut jure serviat , iste ut piè subveniat , ambo procul dubio suis Corporibus egent , ut juvent . Nam in quo ipsi eis juventur , non video , ad profectum dumtaxat aeternitatis . Irrationalis nempe Spiritus , nisi Corporalia per Corpus & ipse hauriat ; Nunquid tamen edusque juvatur Corpore suo , ut per Corporalia & sensibilia quae per illud sentit , etiam ad Spiritualia & intelligibilia proficiendo pertingat ? Ad quae tamen capienda pro suo Corporali temporalique obsequio , noscitur juvare illos , qui omnem usum rerum temporalium , ad fructum transferunt aeternarum , utentes hoc mundo , tamquam non utentes .

4. Porro autem supercoelestis Spiritus , absque adjutorio Corporis , & absque intuitu horum quae per Corpus sentiuntur , sola profecto suae vicinitate ac vivacitate naturae , sufficit apprehendere summa , & intima penetrare . An non hoc Apostolus intellexit , qui cum diceret , *Invisibilia Dei per ea quae facta sunt , intellecta conspiciuntur* ; Adjecit protinus , à *Creatura mundi* . Nimirum quo-

quoniam à Creaturâ Coeli non ita . Quo enim is involutus carne , & terrae incolâ Spiritus , ex consideratione sensibilibum proficiens , gradatim quodam modo paulatimque nititur pervenire : eo ille Coelestium habitator ingenitâ subtilitate ac sublimitate suâ in omni velocitate facilitateque pertingit , nullo utique sensus Corporei adminiculo fulius , nullo Corporei membri adjutus officio , nullo Corporeae cujuscumque rei informatus intuitu . Cur enim inter Corpora Spirituales scrutetur Sensus , quos in libro vitae & absque contradictione legit , & absque difficultate intelligit ? Cur in sudore vultus sui laboret excutere grana de paleis , de uvis vina , & de amurcâ oleum , qui ex omnibus talis abundèque ad manum habet ? Quis mendicet victum suum per domos alienas , in suâ abundans panibus ? Quis puteum fodere curet , & in terrae visceribus venas aquarum cum labore rimari , cui ultrò affatim aquas limpidas fons vivus emanat ? Nec Brutus ergo , nec angelicus Spiritus ad ea capeßenda , quae beatam Spiritualem faciunt Creaturam , suis ullo modo Corporibus adjuvantur ; Ille quidem pro innatâ stoliditate non capiens , iste verò pro excellentioris gloriae prerogativâ non indigens .

5. Porro Hominis Spiritum , qui medium quemdam inter supremum & infimum tenet locum , usque aded ad utrumque necessarium habere Corpus manifestum est , ut absque eo nec ipse proficere , nec alteri prodesse possit . Nam , ut taceam membra caetera Corporis , officinae membrorum ; Quonam modo , quaelo , aut sine lin-

quâ instruis audientem , aut sine auribus percipis instruentem ?

6. Itaque cum absque Corporis adminiculo nec Bestialis Spiritus servilis conditionis solvere debiturum , nec Spiritualis coelestisque Creatura implere ministerium pietatis , nec rationalis Anima tam proximo , quàm etiam sibi sufficiat consulere ad salutem , liquet omnem Creatum Spiritum , sive ut juvet , sive ut juvetur simul & juvet , Corporeo prorsus indigere solatio . Quid enim si qua Animantia , quantum ad usum sui , reperiantur incommoda , nullisque apta usibus humanarum necessitatum ? Profunt profecto visu , etsi non usu ; Utiliora cordibus intuentium , quàm utentium esse Corporibus possent . Etsi nociva , etsi etiam perniciofa temporali Hominum constet esse saluti : Non tamen deest eorum Corporibus unde cooperentur in bonum his , qui secundùm propositum vocati sunt Sancti ; Et si non cedendo in cibum , aut exhibendo ministerium , certè ingenium exercendo , juxta eum , qui utique omni utenti ratione praesto est , communis disciplinae profectum , quo *invisibilia Dei per ea quae facta sunt , intellecta conspiciuntur* . Nam & diabolus ejusque satellites , cum sit semper eorum maligna intentio , nocere quidem semper cupiunt , sed bonis aemulatoribus , quibus dicitur , *Quis vobis nocere poterit , si boni aemulatores fueritis ?* Absit ut possint : magis autem profunt etiam nolentes , cooperanturque in bonum bonis .

7. Cacterùm angelica Corpora , utiùnmam ipsis Spiritibus naturalia sint , sicut hominibus sua ;

Et



Et sint Animalia sicut homines , Immortalia tamen , quod nondum sunt homines ; Porro ipsa Corpora mutant & versent in formâ & specie qua volunt , quando apparere volunt , densantes & solidantes & quantum volunt , cum tamen in sui veritate prae subtilitate naturae atque Substantiae suae impalpabilia sint , & nostris omnino inattingibilia visibus ; An verò simplici Spirituali Substantiâ subsistentes , Corpora cum opus est sumant , rursusque expleto opere ponant , in eandem , de qua sumpta sunt , materiam dissolvenda ; Nolo ut à me requiratis . Videntur Patres de huiusmodi diversa sensisse ; Nec mihi peripicuum est , unde alterutrum doceam ; Et nescire me fateor . Sed & vestris profectibus non multum conferre arbitror harum rerum notitiam .

8. Illud autem scitote , nullum Creatorum Spirituum , per se nostris mentibus applicari , ut videlicet nullo mediante nostri sive Corporis instrumento , ita nobis immisceatur vel infundatur , quo ejus participatione docti sive doctiores , vel boni sive meliores efficiamur . Nullus Angelorum , nulla Animarum hoc modo mihi capabilis est , nullius ergo capax . Nec ipsi Angeli ita se alterutrum capiunt . Sequestretur proinde praerogativa haec summo ac incircumscripito Spiritui , qui solus , cum docet Angelum sive Hominem scientiam , instrumentum non quaerit nostrae Corporeae auri , sicut nec sibi oris . Per se infunditur per se innotescit , purus capitur à puris ; Solus nullius indiget ; Solus & sibi , & omnibus de solâ omnipotenti voluntate sufficiens .

9. Ope-

9. Operatur tamen immensa & innumera per subjectam Creaturam Corporalem, sive Spiritualem: Sed quasi imperans, non quasi mendicans. En, verbi gratia, quod linguam meam Corporalem assumplit nunc in opus suum, docere videlicet vos, cum per se absque dubio facilius, suaviusque id posset; Profecto indulgentia est, non indigentia. In propectu siquidem vestro meritum quaerit mihi, non sibi solatium. Id ipsum sapere opus est omni Homini operanti bonum, ne forte in se de bonis Domini, & non in Domino gloriatur. Est tamen qui bonum operatur non volens, sive Homo malus, sive Angelus malus: Et constat non fieri propter eum, quod sit per eum, cum prodesse nullum bonum possit invito. Igitur ei quidem dispensatio tantum credita est: Sed nescio quomodo, gratus jucundiusque sentimus bonum, quod per malum dispensatorem ministratur. Ipsa est ergo causa, cur & per malos Deus faciat bona bonis; Non autem quod opera eorum indigeat in benefaciendo.

10. Porro his quae ratione vel sensu carentia sunt, multò minus Deum egere quis dubitet? Sed quando in opus bonum & ipsa concurrunt, apparet quoniam omnia serviunt ei, cui merito est dicere: *Meus est orbis terrae*. Aut certè quia novit quae per quae convenientius fiant; De servitute Corporeae Creaturae non efficaciam quaerit, sed congruentiam. Esto deinde quod Corporum ministeria opportunè plerumque divinis operibus applicentur, ut verbi gratiâ pluviae vivificandis seminibus, vel multiplicandis segetibus, vel fructibus

bus maturandis ; Quid proprio quaeso , de Corpore facere habet , cui ad nunc indifferenter univēsa Corpora Coelestia , atque terrestria obsequi constat ? Plane superfluum haberet suum , qui nullum sibi reperit alienum . Verū si cuncta quae hoc loco dicenda occurrunt , praesentui volumus sermone concludere , sermo modum excedet , & vires forsitan aliquorum : Propterea quae restant , sub alio servemus absolvenda principio .

Hic explicat D. Bernardi Sermo quintus in cantica , quem fidelissimè de verbo ad verbum nullo prorsus omissio vel immutato recitavi , reliquum modo est , ut mox audita perpendamus .

*Arist.* Summā cum voluptate , dulcissimā melliflui Doctōris excepi verba , sed ex ipsis , ut vera loquar , mirificè Brutorum Animae Spiritualitas mihi comprobari videtur à D. Bernardo asserta ; Unde enim Scriptoris Animus innotescere clariùs nobis potest , quàm ex operis titulo ? At quis est titulus Sermonis auditi , nisi hic ? *De quatuor generibus Spirituum , videlicet Dei , Angeli , hominis , & pecoris .* Quodnam est sermonis exordium ? *Quatuor Spirituum genera nota sunt vobis , pecoris , noster . Angelicus , & qui condidit istos .*

*Phil.* Quin etiam , ut audisti , in Sermonis progressu , centies Brutorum Animam , Spiritum appellat Sanctus Bernardus ; Atque ad alios Creatos Spiritus comparat , Angelos nimirum & humanas mentes ; Immo docet hominis Spiritum , medium , supremum inter , & infimum Spiritum Creatum , occupare locum , Angelicum scilicet qui supremus est Creatus Spiritus , & Brutum ,  
qui

qui est infimus. Ineptè equidem loqueretur Sanctus Doctor, si Spiritus infimus, verus non esset Spiritus, ut est supremus, & medius. Varia rursus studet indicare discrimina inter Spiritum Angelicū, & Spiritum hominis; Inter istos, & Spiritum pecoris. Plura nē igitur optari poterunt, ut certiores efficiamur, reverà Sanctum Bernardum autumasse Brutorum Animam veram esse Substantiam immaterialem? (b)

*Crit.* Quoniam legentem patienter audistis, nē pigeat audita discutientem sustinere, & quantum valebo, brevitati simul consulam, & claritati: In decem itaque partitur numeros recitatus Divi Bernardi Sermo; Et à numero septimo ulque ad decimum inclusivè, nihil continet quod praesentem quaestionem concernat; Quare totus controversiae cardo, ad ea tantum reducitur, quae sub prioribus sex numeris, à Divo Bernardo dicta sunt, à me vobis lecta, & à vobis audita. Sanè verò quae nam ista sunt? Colligamus ea. Sub numero 1. Collocat Animam pecoris cum Spiritu humano, Angelico, atque Divino, eamque Animam vocat Spiritum, tum dicit omnes Spiritus excepto dumtaxat Divino, vel propter alium, vel propter se, vel propter & se, & alium indigere Corpore; De solo tamen Spiritu pecoris ait. *Ita Corpore egere, ut nec subsistere absque illo, utcumque possit, simul quippe & vivificare desinit, & vivere ille Spiritus quando moritur pecus.* Et objectioni sibi met factae de parvulis regeneratis qui nullam medio Corpore seu per Corpus, rerum cognitionem adepti,

---

(b) *An. Brut. Vindic. Dial. 8.*

adepti, ad beatam nihilominus transeunt vitam ; Respondet hoc fieri per miraculum Dei, non autem secundum naturalem rerum ordinem, se verò hic loqui tantum de rebus secundum earum naturam inspectis, non verò de iisdem prout subsunt liberae ac omnipotenti Voluntati divinae. *Quid ad me de miraculo Dei, qui de naturalibus dissero ?*

Sub numero. 2. Ait quod inferior, Superiorque Spiritus, belluinus nimirum & Angelicus, propriis Corporibus egent, sed tantum quibus juvent, non etiam juventur. Subdit postea numero. 3. quod Spiritus pecoris. *Et cum tempore transsit, & cum Corpore deficit.* Propè finem vero sic interrogat. *Irrationalis nempe Spiritus, etsi Corporalia per Corpus, & ipse hauriat ; Nunquid tamen edasque juvatur Corpore suo, ut per Corporalia & sensibilia, quae per illud sentit, etiam ad Spiritualia & intelligibilia proficiendo pertingat ?* Numero deinde. 4. concludit. *Nec Brutus, ergo nec Angelicus Spiritus ad ea capeffenda quae beatam Spiritualem faciunt Creaturam, suis ullo modo Corporibus adjuvantur. Ille quidem pro innatâ stoliditate non capiens, iste verò pro excellentioris gloriae praerogativâ non indigens.*

Denique numero 5. sic scribit. *Hominis Spiritum, qui medium quendam inter supremum & infimum tenet locum, usque adro ad utrumque necessarium habere Corpus, manifestum est, ut absque eo, nec ipse proficere, nec alteri prodesse possit.* Numero verò. 6. necessitatem Corporis infert in unoquoque Creato Spiritu dicens. *Itaque cum absque Corporis adminiculo, nec bestialis Spiritus, servilis*  
O o *condi-*

*conditionis solvere debitum, nec Spiritualis coelestis-  
que Creatura implere ministerium pietatis, nec ratio-  
nalis Anima, tam proximo, quam etiam sibi sufficiat  
consulere ad salutem, liquet omnem Creatum Spiri-  
tum, sive ut juvet, sive ut juvetur, sive ut juvetur  
simul & juvet, Corporeo prorsus indigere solatio.*  
En vobis fideliter excerpta ex praefato sermone ea  
omnia, quae praesentem disquisitionem quomo-  
dòvis respicere queunt.

*Phil.* Et paucula nè haec esse putas? An non  
haec evidenter ostendunt, ex mente Divi Bernardi  
veram inexistere Brutis Spiritualem Substantiam?

*Crit.* Nondùm inito certamine, de victoriâ  
gloriarî nolite; Ex titulo igitur, atque ex ipso  
sermonis initio, ajebas Aristippe; Ex toto ser-  
monis decursu, jactabas Philadelphie, clarissimè  
erui Spiritualem in Brutis Animam, à D. Bernar-  
do agnitam, assertamque fuisse; At falleris Ari-  
stippe, nam ex Titulo quatenus tali, & nisi sit vel  
affirmans positivè aliquid, vel negans, non po-  
test mens colligi Auctoris; Si igitur praemissi Ser-  
monis titulus, alius non est nisi. *De quatuor gene-  
ribus Spirituum* &c. Quo etiam posito, potuisset  
D. Bernardus, in sermone quem texebat, vel affir-  
mare pro placito suo, quatuor verè dari Spirituum  
proprie dictorum genera, vel asserere tria tantùm  
esse; Clarè liquet ex Titulo praecisè qua titulus est,  
Authoris mentem haud posse deduci: Ex doctri-  
nâ igitur in sermone decursu exposuâ clarescit  
sensus Authoris, bene ais Philadelphie. Verùm  
tamen quis nam erit Sermonis scopus? Quae  
nam, quantum attinet ad Spiritum pecoris, in hoc  
sermone doctrina?

Non

Non alius, ut legenti patet, longae quam instituit antithesis, Spiritum Angelicum inter, & humanum, & bestialem, Divi Bernardi scopus est, nisi ostendere omnes Creatos Spiritus aliquam saltem Corpore indigere, unde numero. 6. concludit : *Liquet omnem Creatum Spiritum, sive ut juvet, sive ut juvetur simul & juvet, Corporeo prorsus indigere solatio*. At verò quam nam doctrinam inibi promovet? Hanc sanè, quod scilicet Spiritus, qui est Deus, nullius est indigus Corporis; Spiritus Angelicus Corpore opus habet, ad nobis piè subveniendum; Spiritus belluinus eget Corpore ad nobis serviendum; Spiritus autem humanus Corpore indiget, ut sibi ac proximo, consulere sufficiat ad salutem : Sed tamen (dicitis) Sanctus Bernardus & in Titulo, & initio Sermonis Animam pecoris *Spiritum* vocat, & in progressu Sermonis, eandem semper eodem nomine appellat; Sentit ergo D. Bernardus eam à vero Spiritu nequaquam differre.

Possem ego argumenti hujusce vim eludere, vel enervare, ea iterum tibi Philadelphæ suggerendo, quae nos minimè audiente Aristippo, super hac ipsâ controversiâ tecum agens, adduxeram (c) ex Divi Bernardi sermone in Coenâ Domini, sed piget jam dicta repetere; Ut autem ea noscere valeas Aristippe, en dono do tibi disceptationis primitus cum Philadelpho habitae Exemplaris; Cum commodè poteris Dialogum. 5. lege, & ex eo intelliges quàm parùm roboris habeat deducta ex praemisso antecedente consequentia. Ad-

O o 2

dere

---

(c) *Dissert. Cont. An. Spirit. Brut. Dial. 5.*

dere jam dictis nihilominus placet, quod sicut sermone. 5. in Cautica praemittitur titulus. *De quatuor generibus Spirituum* &c. Sic in Sermone de Coenâ Domini hic alius praefigitur. *De Baptismo, Sacramento Altaris, & Ablutione pedum*; Sicut in illo sub numero. 1. dicit. *Quatuor Spirituum genera nota sunt vobis* loquens ibi de Spiritu pecoris, nostro, Angelico, atque Divino: Sic etiam in isto, numero pariter. 1. sub finem, ait. *De tribus itaque Sacramentis, quae satis congrua sunt huic temporis, dicendum erit quod Dominus ipse donaverit.* Amplectens nimirum sub trium Sacramentorum nomine, ea quae in titulum posuerat, scilicet Baptismum Sacramentum Altaris, ac pedum ablutionem; In prosecutione, verò hujulce sermonis, Ablutionem pedum saepe Sacramenti nomine vocat, saepe cum veris comparat Sacramentis ut ibi legere est; Sicut ergo . . .

*Phil.* Quid futilem satagis promovere instantiam? Quis vel somniando dicat à S. Bernardo pedum lotionem veris fuisse Sacramentis annumeratam? Quis non videt Sacramenti nomen solùm in latiori sensu, pedum lotioni fuisse attributum? Quis non videt non eundem remittendi venialia peccata modum, ibi concedi ablutioni pedum, qui Baptismo conceditur & Eucharistiae? D. inde dogma Catholicae Fidei est, Sacramenta verè talia septem tantummodo esse; Non ita ad fidem pertinet dicere, quod Brutorum Anima verè ac propriè non sit Spiritualis.

*Crit.* Juvat utique, futilem eam vocare instantiam, cui solvendae vera ratio non suppetit. Quis dixit;



dixerit Brutorum Spiritum cum veris Spiritibus nominari sermone. 5. in cantica quasi à S. Bernardo esse supponatur Spiritus verè talis ? Quis non videt nomen Spiritus de Animâ Brutorum usurpatum , nonnisi in latiori sensu intelligendum , ac à Mellifluo Doctore intellectum ? Quis non videt aliqua attributa vel affirmari vel negari Brutorum Spiritui , quae neque affirmat , neque negat S. Bernardus de veris Spiritibus ? Quod si ad fidem spectat septenus Sacramentorum numerus ; Ad genuinam S. Doctoris Bernardi mentem spectat etiam , nomen Spiritus de Brutis dictum , pro vero non accipi Spiritu : Ut dicta demonstrem .

Breviter praemitto quod ad assequendam Scriptoris alicujus mentem , debemus quae praecedunt scrutari ; Considerare quae mediant ; Perpendere quae subsequuntur , ut ex ab eodem assertae constantiâ doctrinae , ejusdem vera mens cognoscatur ; Quid enim ? Num D. Bernardum sibi inmet inchoaerentem & adversantem dicetis , ut eum vobis favere commonstretis ? Quod sanè patrociniûm , ejus vobis praestare posset auctoritas , cujus nota esset Doctrinae instabilitas : Duo consideremus parûmper , quae nempè sit Melliflui Doctoris mens , circa Animam Spiritualem ; Et quae sit constans ejusdem Sententia circa Brutorum Animam ; Et si quidem reperiamus eadem ab ipso praedicata concedi Animae Brutorum , quae Substantiae Spirituali attribuit , constabit ( & quidem ex ejus mente ) nomen *Spiritus* quo Brutorum nuncupat Animam , genuinum significare Spiritum ; Constabit autem oppositum , si oppositum inveniamus .

Sancti

Sancti Doctoris mens nobis trutinanda se se exhibet in alio ejusdem sermone in Cantica (d) in quo doctè non minus quàm pulchrè, de convenientiâ & similitudine Animæ nostræ cum Verbo Divino pertractat, & Spiritualem quâ informamur Animam convenire docet, & similem esse Verbo sub triplici ratione naturali; Nimirùm secundùm identitatem essentiali; Penes vitæ immortalitatem; Et per arbitrii libertatem: Docet itaque Animam Spiritualem humanam, & esse naturâ suâ simplicem, & esse naturâ suâ immortalē, & etiā antequam loqui incipiat de aliâ humanæ Animæ prærogativâ, nativâ scilicet arbitrii libertate, detegit Animæ quâ Spiritualis dignitatem, ejusque cum Verbo Divino propinquitatem ex duplici priùs enuntiata Animæ dote; Audiamus eum. *Advertat igitur ( Animam alloquitur ) inesse sibi illam suæ Substantiæ naturalem simplicitatem, quæ hoc est illi esse, quod vivere. Atque rursus, aliis, nè longior evadam, omittis, ait. Postquam ab hac simplicitate essentiali excluderat Brutorum, arborumve Animas, ut infrà videbimus; Solo... Anima hominis in eo dignitatis creata est, vita à vitâ, simplex à simplici, immortalis ab immortalī. Preßius autem loquens de Animæ Spiritualis humanæ immortalitate sic scribit. Aliàs autem immortalis est Anima. Et assignato discrimine inter Animæ immortalitatem, & omnimodam immortalitatem Dei, sic iterum satur. Attamen immortalis Anima est; Quoniam cum ipsa sibi vita sit, sicut non est quo cadat à se, sic non est quo cadat à vitâ,*  
Deni-

(d) D. Bern. Ser. 81. in Cant.

Denique numero V. praedicti Sermonis concludit : *Non mediocris tamen Animae dignitas praesenti disputatione comperta est , quae geminâ quadam vicinitate naturae , Verbo appropriare videtur , simplicitate essentiae , & perpetuitate vitae : Mirandum sanè quod ille D. Bernardus , qui , ut asseritis , Spiritualem recognoscit in Brutis Animam , etiam brutalis Animae propinquitatem cum Verbo , sub hac duplici ratione non asseruerit ! Certè omnis Substantia Spiritualis , est quid simplex , non per aliud aliquid vivens , quàm se ipsâ ; Est proinde etiam immortalis , nam sicut non habet quo cadat à se , ita non habet quo cadat à vitâ ; appropinquat itaque Verbo etiam brutalis Anima utpotè Spiritualis ; & naturali simplicitate essentiae , & perpetuitate vitae .*

Haec autem ex Sancto Bernardo libasse sufficiat , quod ejus sinceram de Substantiâ Spirituali doctrinam : inspiciamus modò quid constanter sentiat idem Sanctus Ecclesiae Doctor de Animâ Brutorum : Sermonem igitur . 5. in Cantica apertè docet Spiritum pecoris ita Corpore egere ut nec subsistere absque illo , atcumque possit . Nè verò quippiam putaret , eum loqui de necessitate Corporis ad subsistendum , tantùmmodo extrinsecâ , pendente nimirum à liberâ Voluntate Dei , quâ decreverit talem Spiritum non conservare saeparatum à Corpore quod vivificabat ; Subdit in responsione ad relatum superiùs Objectionem , se ibi loqui de rebus secundum earum naturam inspectis , non verò prout subsunt miraculo Dei , & ejus liberae voluntati . *Quid ad me , inquit , de miraculo Dei , qui*  
de

*de naturalibus differo ?* Quin etiam ibidem num. 3. scribit de eadem loquens Animâ pecoris . *Ideoque ille Spiritus & cum tempore transit , & cum Corpore deficit .* Unde cum de iis se tantum loqui profiteatur , quae rerum naturis convenient , non quae per accidens , & ex omnimodâ Dei libertate provenire possint , fit manifestum assertam à S. Bernardo huius belluini Spiritus , & transitionem cum tempore , & desitionem cum Corpore , ad ejusdem met Spiritus naturam consequi , non à Deo praeternaturaliter agente , derivari , ex ipsâ ritè intellectâ Mellissui Doctoris mente .

*Phil.* Nequidquam laudatos ex D. Bernardo textus interpretaris ; Patet enim Sancti Doctoris constantia , in Opinione de Animâ in Brutis Spiritualis , si ad ea animum convertamus , quae ex datâ etiam ad Magistrum Gualterum de Calvomonte epistolâ , nobis haud obscure innuit . *Si tamen inveniaris (c) nihil egisse amplius de immortalis , & rationali Spiritu tuo , quàm quodvis pecus de suo : Quum Brutus utique Spiritus non vivat , nisi quandiu vivificat , & uno eodemque momento , & vivificare pariter desinat , & vivere .* Cum igitur etiam praecedenter ad Sermones in cantica , Sanctus Doctor Animam pecoris seu Bruti , decoret nomine *Spiritus* , quis inficiari audeat , eandem ab ipso , pro verâ Spirituali Substantiâ habitam fuisse Sermone . 5. in cantica ?

*Crit.* Gratias ago tibi , quod opportuniùs ea D. Bernardi verba attuleris , quae jam à me fuerant perpenſa (f) ; Novum enim ex iis accipit robur

(c) Epist. 104. ad Magist. Gualt. (f) An. Brut, profig. Dial. 6.

bur praesens argumentatio mea. Enim vero S. Doctor opponit ibi, ut vel caeco patet, Animam hominis quā immortalem, Spiritui pecoris; Quomodo autem Spiritum hominis, Spiritui pecoris in hoc opponeret, nisi Spiritum pecoris mortalem esse naturā suā, supponeret? Mortalem itaque sentit naturaliter esse Spiritum pecoris, ille S. Doctor, qui verum Spiritum docet esse naturā suā immortalem, quia videlicet omnis verus Spiritus, cum se ipso vivat, sicut non est quo cadat à se, sic non est quo cadat à vitā; Animam ergo pecoris, quam nomine Spiritus appellat, verum esse Spiritum non affirmat; Sed quid opus est arguendo deducere, quod idem S. Doctor, eodem laudato loco voluit sua sponte patefcere? Scribit ipse ibidem paucis, post mox praemissa, interjectis: *Dum nil Spirituale videlicet aut aeternum elaboraveris, sed instar belluini Spiritus, qui ut à Corpore, ita cum Corpore dissolvitur, solis fueris contentus Corporalibus, ac temporalibus bonis &c.* Cum Corpore itaque juxta D. Bernardum *dissolvitur* Spiritus pecoris; Atqui nullus verus Spiritus dissolvi potest, immò omnis verus Spiritus, etiam ex ejusdem Melliflui doctrinā est indissolubilis, utpotè qui simplex entitas est; Ergo Spiritus pecoris juxta S. Doctoris mentem, verus Spiritus non est. prob. minor. Quod dissolvitur, in partes dissilit; Quod dissilit in partes, partibus constat; Quod partibus constat, non est unumquid simplex; Quod non est unum aliquid simplex, non est verè Spiritus; Ergo quod *Dissolvitur* non est Spiritus, Spiritus nomine in proprio sensu accepto: Inter-

pretationem quam aliàs afferebas seu explicatio-  
nem hujus verbi *Dissolvitur*, jam alibi (g) refu-  
tavi, proindeque ad alia transeo.

*Arist.* O' praecipitem nimis, ad ea quae pla-  
cent sequenda humanam mentem? O' caecam,  
neque sano fretam consilio, nova dicendi, vel  
noviter dicta, sequendi libidinem! Deceptus hucus-  
que fui, tu enim me sensim sine sensu Philadelphæ  
dexterrimè fueras irretitus; Sed jam deceptionum  
vincula disrumpe, & ad veritatem Divo Bernard-  
do docente, Critophilo ducente liber accedo.

*Phil.* Me quoque docilis ingenii esse, agno-  
sce tandem Critophile; Verè relata verba. *Dum  
nil Spirituale* &c. me modo arbitrariè explicasse,  
(h) modo ex indutria omisisse (i) confitear opus  
est; Videbam siquidem ea nèdum mihi nil profici-  
cere, sed potiùs expressè nimis officere: Verùm-  
tamen, si ex quo asserat S. Doctor, Spiritum peco-  
ris saeparatum à Corpore *dissolvi*, ritè consequi-  
tur, eum verum non esse Spiritum; Quomodò  
potuit D. Bernardus, Spiritum hominis affirmare,  
medium tenere locum, supremum inter, & infi-  
mum Spiritum, angelicum nempè & belluinum?  
Quod mediat inter duo Extrema, participat de  
utroque; Spiritus hominis, cum docente eodem S.  
Doctore, sit in se ipso quid simplex, nihil non Spi-  
rituale, in se ipso importat, nihil proinde partici-  
pat, quod Spirituale non sit; Si itaque Spiritus ho-  
minis juxta Mellisui Doctoris sententiam, ex una  
parte non participat in se, de aliquo quod non sit  
Spiri-

---

(g) *An. Brut. proflig. Dial. 6.* (h) *An. Brut. Vindic.*  
*Dial. 6.* (i) *Ibid. Dial. 8.*

Spirituale ; Ex aliâ verò participat aliquid de Spiritu pecoris , utpotè medio constitutus loco , inter supremum Spiritum Angeli , & infimum Spiritum pecoris ; & ex ipsâ rei veritate , & ex doctrinâ D. Bernardi , omninò evincitur Spiritum pecoris , veras inter Spirituales Substantias , jure annumerari .

*Crit.* Majorem semper Intellectus tui aciem ostendis utique ; Séd tamen sub fucatae falsitatis medio , delitescere non novit lux veritatis : Igitur S. Clàrevallensis Abbas , in præfato sermone . 5. in Cantica , non aliud ostendere intendit à num. 1. ad 6. usque inclusivè ( nam reliqua , ad eam quam versamus Quaestionem , non attinent ) nisi quod omnes Creati Spiritus , quicumque ii sint , diversimodè licet , aliquo tamen indigent Corpore ; Quidquid pro modo sit , de assertâ in Angelis etiam , quamvis dubitativè , indigentia Corporis ; Tunc enim de omnimodâ naturali Angelorum in Corporeitate , nulla Fidei aderat Dèffinitio , sicut modo adesse , probatissimi docent Auctores , aliis nihilominùs non infimae notae , id pernegantibus . Tali autem extante praelaudati S. Doctoris scopo , quem sensum habebit asserta ab eodem mediatio humani Spiritus , inter supremum , atque infimum Spiritus Creatos ? Porro non alium , quàm hunc ; Nimirum quod indigentia Corporis , quam habet humanus Spiritus , media est , inter indigentiam Corporis , quam habet Angelicus ; & quam habet belluinus Spiritus ; Eam explico : Angelicus Spiritus juxtâ mentem Mellissui , si indiget aliquo Corpore , indiget illo , non ut ullimodè juvet sibi , sed tantum ut juvet aliis , cum sine Corpo-

re ea intelligat, quae beatam faciunt Spiritualem Creaturam: Spiritus belluinus indiget Corpore, ut usibus deserviat humanis, & temporalibus; Atque etiam ut ipsemet subsistere valeat; Nam ut habemus ex eodem S. Doctore, illum Spiritum: *ita Corpore egere constat, ut nec subsistere absque illo utcumque possit*. Spiritus autem humanus quantum ad hoc, medio se habet modo; Nam convenit cum Angelico, quatenus non indiget Corpore ad subsistendum; Discrepat ab illo, quia eget adminiculo Corporis, ad eorum scientiam assequendam, de quorum fit cognitione beatus; Convenit pariter cum Spiritu belluino, quia opus Corpore habet, ad juvandum aliis; Discrepat ab illo, quia per Corporis ministerium, ad Spiritualia & intelligibilia pertingit, adedque Corporis ope proficit & sibi; Discrepat itidem ab hoc Spiritu, eo quod indigentia quam habet Corporis, est ad operandum tantummodo, non vero ad subsistendum, quasi Corpori superesse naturaliter nequeat: Hinc est, quod S. Bernardus ne quis crederet affirmatam ab ipso mediationem Spiritus humani, Angelicum inter, atque Brutalem, esse entitatis quoddam entitatem, & non potius indigentiae Corporis, quoddam aliorum Spirituum, Corporis pariter indigentiam, noluit dicere absolute. Homini Spiritus, medium inter supremum & infimum, tenet locum; Sed apposuit dixit. *Medium quendam tenet locum*. Tacite nimirum innuens, mediationem quam asserbat, versari tantum in ordine ad indigentiam Corporis, de qua tractabat, non autem in ordine ad Naturam, de qua ex instituto non agebat.

Sed



Sed jam clarescant obscura , certa fiant ambigua , cadat fallitas , veritas vincat , & adductis quae promiseram , nota fiant omnibus , quae demonstrare assumpseram : Vidimus quae sit , in allatâ Epistolâ ad Magistrum Gualterum , Divi Bernardi sententia circa Brutorum Animam ; docet enim eam ( quamvis appellet nomine Spiritus ) unâ cum Corpore *Dissolvi* . Vidimus in sermone V. de quo agimus , quae sit ejusdem mens , nempe quod Spiritus pecoris indiget Corpore , ut *Subsistat* , & quod saeparatus à Corpore , vivificare desinit , & vivere ; Videamus modò num constans sit idem S. Doctor , in iis de Brutorum Spiritu affirmandis , quae veram à tali Spiritu , rationem Spiritus auferunt prorsùs , & prorsùs excludunt : Praememorato itaque Sermone octuagesimo primo in Cantica , in quo , ut dictum est , agit de Convenientiâ & similitudine Animae humanae cum Verbo , docet quod neque Anima pecudum , neque arborum , sed sola Anima hominis , possit fieri & esse beata ; Infert verò hoc ipsum , ex quo inter Animas , ea sola potest esse beata , cui *hoc est esse , quod vivere* ; *Sila autem* in hoc gradu , qui capacitatem Beatitudinis , saltem remotam fundat . *Stare cognoscitur Anima hominis* . Quomodò autem infert solam inter Animas , Hominis Animam , hoc proprium habere , quod *hoc sit illi esse , quod vivere* , ita ut quemadmodum vivere non potest nisi sit , ita nec esse valeat , quin vivat ? Ecce expressam Divi Bernardi doctrinam ; Ecce clarissimè expositam ejusdem , de Animâ Brutorum sententiam ! Attendite precor : *Sed nec omne quod vita dicitur , vel est ,*

est, continuò valebit pertingere huc. Videlicet quod ei sit idem esse, & vivere. Est pecorum est, & arborum vita, sensu altera vicens, altera carens; At neutri tamen idem esse, quod vivere est: (Cum ut quidam multorum opinio est) antè in elementis, quàm vel illa in membris, vel ista in ramis extiterint. Et secundùm hoc cum desinunt vivificare, simul vivere cessant, sed non & esse. Solvuntur pariter & dissolvuntur, tanquàm non alligatae tantùm, sed & colligatae. Neque enim unum simplex est quaeque earum, sed ex pluribus constans, & propterea non redigitur in nihilum, sed dissilit in partes, ut ad suum quodque recurrat principium, verbi causâ aer ad aerem, ignis ad ignem, & reliqua in hunc modum; Tum concludit. Nequaquam igitur tali vitae idem esse & vivere est, quae est, & quando non vivit. Subsumere sic brevissimè liceat, nam horum verborum tanta est claritas, ut non possint alium in sensum detorqueri; Atqui non ista diceret, non huic doctrinae subscriberet, si verè Sermone. §. in Cantica Brutorum Animam, Spiritualem esse sentiret; Ergo nequaquam in eo Sermone verum in Brutis Spiritum docuit; Immo cum ibi dixerit Spiritum pecoris Corpore egere ad subsistendum, vivificare & vivere pariter desinere, in pecoris morte; Nunc autem asserat pecudis Animam in Animalis morte desinere quidem & vivificare & vivere, non tamen desinere esse, sed potius in eas ex quibus componebatur partes dissilire, evidens est, ex genuinâ D. Bernardi mente, non Spiritum verè talem, Animantibus Brutis inesse.

*Phil.* Ritè concluderes, si ea quae modo attulisti,

tulisti, diceret S. Bernardus ex opinione suâ; at cum ea solummodò referat ex opinione aliorum *Cum ut quidem multorum opinio est*. Nihil ex iis potest evinci.

*Crit.* Tu potiùs effugio hoc nihil obtines; Etsi Divus Bernardus, recitata proferat, tanquam quae multorum sint Calculo probata, se ne ab hoc multorum numero, praedicta probantium subtrahit? An potiùs socium adjungit? Postremum utique peragit; postquàm enim positivè de suo affirmavit, de vitâ pecoris, de vitâ arboris, *neutri idem esse, quod vivere*. Assertum suum probat ex Empedocleorum Doctrinâ, non certè illud probaturus ex istâ, si ista apud ipsum haberetur pro falsâ; Si ei & ipse non adhaereret; Adhaeret igitur & ipse, recens expositae de Animâ Brutorum Doctrinae; Jam verò, te Scyllam inter, interque Charibdin Philadelphe, positum video; In alterutrum è duobus impingas necesse est. Cum S. Bernardus mox relato Sermone (k) Animam Brutorum, non Spiritualem, sed ex elementaribus potiùs adunatam particulis apertè sentit, & clarissimè docet; vel sibi contradicit, & iis inchoaerenter loquitur, quae Sermone . 5. in cantica docuerat? Vel non? Quis, nisi temerè ausit? Choaerens ergo est S. Bernardi doctrina, tum quinto, tum octuagesimo primo Sermone in Cantica; Sed si Sermone quinto, sentiret S. Doctor, Animam Brutorum, verum Spiritum esse, jam non cohaereret ejus Doctrina, cum eâ quam dat Sermone 81. Ergo  
si in

---

(k) *Serm. 81. in Cant. num. 3.*

si in utroque Sermone D. Bernardus sibi cohaeret ; Sermone 5. in Cantica, Spiritualem in Brutis Animam , minimè docet : Quà enim ratione , nomen *Spiritus* Brutorum Animae attributum , veram poterit Spiritualem significare Substantiam , de mente illius S. Doctoris , qui Spiritualem Substantiam partibus componi negat , eamque simplicem affirmat ; Animam verò Brutorum , simplicis negat esse entitatis , & partibus componi asseverat ?

*Arist.* Plura nè dixeris ; Satis superque quod ostendere assumpseras , evicisti ; Ego sanè , nec eam quam Philadelphus defenderat opinionem , D. Bernardo unquam arrisisse , nec veritati esse conformem , certissimè teneo ; Nimia sunt quae eam impetunt , & evertunt , tam à rectâ ratione , quàm à Scripturarum , Conciliorum , Sanctorumve Patrum Sensu maturè discusso , & ritè intellecto , deprompta ; Talia sunt , ut pro certo habeam , te quoque Philadelphie , quem non minùs Doctrinâ , quàm praeclarissimis animi dotibus , ornatissimum semper agnovi , applicito ad saniora ingenio , religiosè praestitutum , quod olim voverat Critophilus (1) , immolaturum videlicet Pythagorae Numinibus , pro gratiarum actione Sacrificium illud , quod Graecè dicitur *Hecatomben* .

*Phil.* Miror Aristippe quod tam faciliè consentias Critophilo ; An non verum est , quod D. Bernardus Spiritum pecoris , à pecoris Corpore semper distinguit ? Quomodò sanè illum ab isto secerneret , si illum ab isto , non disseret judicaret ? Ego certè , quidquid Critophilus dixerit , quidquid

(1) *An. Brut. Vindic. Dial. 4.*

quid dicere valeat , non ille sum , qui ab acceptissimâ mihi opinione quaeve ( si quid certi in physicis rebus obtinere nos possumus ) caeteris est praeferrenda (c) vel minimum dimoveri sinam : Quod semel placuit nunquam displicere debet .

*Orn.* Quid oculos claudis nè videas lucem ? Nosti utique , quod sicut docilis animi est , agnitam veritatem recipere , sic pervicacis est , agnitae veritati acquiescere nolle : Audisti mox , quae fuerit vera Sancti Bernardi mens ; Quid igitur ad cavillationes confugis rectâ ratione relicta ? Non distinguit S. Doctor Spiritum pecoris ab ejus Corpore , quasi illius Animam , doceat non esse Corpus , sed illam subtilius esse Corpus censet , & hoc tenuius Corpus , à Corpore crassiori secernit ; Hoc quidem expressè patet , si ea considerentur , sive quae de Brutali Spiritu habet in Epistolâ datâ ad Magistrum Gualterum , sive in Sermone V. in Cantica ; Sed expressius , & luculentissimè innotescit praefatum Sermonem octuagesimum primum pariter in Cantica lustranti : Caeterum in pristina , ut placuerit persilite Sententiâ ; Satis mihi est , eam à veritate alienam , à sanâ doctrinâ longè distantem & à saniori Philosophandi methodo , elongatam nimis , ostendisse , & Sapientioribus per haec innuisse , per quae possit erronea Thæsis ista , validius confutari .

*Phil.* Etsi concederem , verè Brutis non inexistere Spiritualem Animam , quae idèò creata sit , ut vivificet Animalium Corpora ; nè putes tamen Critophile , te ad vitandam evicisse in illis materialem aliquam Formam . Inveni siquidem me-

Q q

dium ,

---

(c) *An. Brut. vindic. in Praefat.*

dium, quo absque materiali Peripateticâ Formâ, absque Cartesii Mechanismo, & denique absque etiam verâ Spirituali Animâ, quidquid in Brutis, & videmus, & videndo miramur, sinè sanioris Doctrinae, rectaeque Fidei praejudicio, quàm optimè explicemus.

*Arist.* Et mihi & Critophilo, rem certè acceptissimam facies; deprome incunctanter quid mente revolvam.

*Phil.* En vobis paucis expressum, medium quod inveni: Dicamus Brutorum Animas, non alias esse, nisi Daemones, sive eos rebelles Spiritus, quos Deus expulit è Caelo. (f) Hoc admissio, & ex unâ parte statim intelligitur, per quid Bruta cognoscitiva sint, industria; prudentia, atque sagacia; Ex aliâ verò, nihil asseritur contrâ sanio-rem Doctrinam & Orthodoxam Fidem, ut statim ostendo. Enim verò quemadmodum Anima rationalis, humanum potest vivificare Corpus, ita & Daemones, brutalia poterunt Corpora informare; Quod si id possunt, & id actu praestare concedantur, maximè sanè elucebit Justitia Dei, quae rebelles Spiritus, prae Superbiâ ausos affectare, aequalitatem cum Deo, ad vilitatem usque depressit Bestiarum.

Neque verò opponat quispiam, vel quod Daemones actu poenâ ignis torquentur; Vel quod in gehennâ quasi carcere constricti detinentur, adeoque Brutorum Corpora informare non valeant; Utrumque enim veritati conforme non esse, id Scripturis ipsis, non obscurè deduco: Siquidem in

Evan-

(f) *Amusement Philosoph. Sur le Lang. des Bêtes Chap. 1.*

Evangelio Mathei , dictum invenio . *Ite maledicti in ignem æternum , qui paratus est Diabolo & Angelis ejus ;* Non dicitur . *In ignem , quo torquetur Diabolus cum Angelis suis ,* sed tantummodo , qui paratus est , ut ab hac die extremâ , torquere ipsum cum sociis suis incipiat ; Non ergo actu torquetur Daemon inferno igne ; Arque hinc est , quod Daemones ii , quos Christus Dominus ab obiectis cogebat abire Corporibus , clamabant . *Quare venisti ante tempus torquere nos ?* Quomodo enim ( si jam cruciabantur ab igne ) de sui ejectione conquerebantur , qui de poenâ ignis conquesti non sunt ? Num plus ejection , quàm ignis torquebat eos ?

Alterum pariter retunditur , ex iis quæ legimus in Epistolâ Canonicâ Apostoli Judæ , videlicet . *Angelos verò , qui non servaverunt suum Principatum . . . in judicium magni diei , vinculis æternis sub caligine reservavit :* Nam si reservantur Daemones , æternis ligandi cæteris in die Judicii , nunc ergo , & usque ad Judicii diem soluti sunt , & manebunt . Pater igitur per quàm fundata in ipso verbo Dei scripto , Opinionis hujus veritas , quantum saltem ad informationis possibilitatem .

Prosequor modo ineluctabili argumento ostendens Bruta de facto non ab alio , quàm à Daemonibus vivificari , sic . Opera omnia quæ fecit Deus bona sunt , atque perfecta , unde Deus qui cuncta creavit ; *Vidit cuncta quæ fecerat , & erant valde bona ,* (g) Bruta verò maximè vitiosa sunt . Invidus est Canis , immunda Sus , truculentus Leo , Felis ingratus & fallax , & ita de aliis allarum specie-

(g) *Gen. Cap. 1.*

rum animalibus. Nunquid autem dicemus ipsa creata fuisse à Deo tam vitiosa? Absit hoc dicere; Absit ita sentire, *Dei enim perfecta sunt opera*. Nunquid Bruta, bona quidem à Deo fuere creata, sed ipsamet se se vitiosa fecere? Ast libera ergo sunt, potentia pro libito, de bono declinare ad malum, de malo assurgere ad bonum; Bruta ergo meriti non minus, quàm demeriti capacia; Hoc autem quis nisi impius simul, atque infans affirmet?

Non alia igitur superest via, ad haec duo concilianda, nimirum, & quod Bruta vitiosa sint, & quod nihilominus Deus, omnes Creaturas fecerit bonas, quàm dicere Daemones in Brutis gerere Animae vices; Hoc etenim posito, intelligimus cur Bruta tot sint vitis monstrosa, quia scilicet ab impio ac perduelli spiritu animantur; Intelligimus itidem, quod non obstante Brutorum vitiositate, Dei opera perfecta sint; Quia improbus ille Spiritus, qui Bruta vivificat, à Deo bonus creatus fuerat, erat enim Deus (ut cum D. Augustino loquar) condens Naturam, & largiens Gratiam, cum Angelos creavit; Daemon verò se ipsum ex propria voluntate contrà Deum superbiendo, iniquum fecit, & omnis peccati se pessimum constituit Patrem; Laudandus exinde sine fine Deus, quod ipse, quae fecit, bona omnia fecit, ita ut laudent incessanter eum Opera ejus; Daemon autem culpandus, quod & se ipsum, & Animalia per ipsum vivificata, tot vitiis deformavit, atque deformet.

*Arist.* Optimum sanè videris excogitasse Mediam, ad resolvendam hucusque agitatam, sed implicam;



plicatam semper Quaestionem, de Brutalis Animae, quidditate; Si rectae fidei Opinio tua haec, verè consentit, digna certè est, quam scholae omnes pressis ulnis excipiant; Arridetnè ipsa & tibi Critophile? Quid cogitabundus files?

*Crit.* Facile nimis Aristippe, te ad errorem fucis illitum amplexandum, sinis abduci. Si omnia quae huic refellendo, praesto mihi sunt, dicere vellem, nec integra puto sufficeret Dies. Gloriaris nè Philadelphæ, de recenter expositâ Opinione, quasi aliquid excogitaveris, novitatis saltem titulo commendandum? Nè quæsd super hoc blandiaris tibi, praeivit enim teste D. Th. (b) Origenes edocens, Creaturam Corporalem, non fuisse factam ex primâ Dei intentione, sed ad poenam Creaturae Spirituales peccantis, quam quidem positionem, tanquam erroneam confutat Angelicus Doctor. Gloriaris nè saltem, quod aliquid verosimile dictu repereris? Sed tanta sunt, quae assertum hoc futile prorsus falsumque ostendunt, ut planè mirer ab ore catholico potuisse proferri.

Ut itaque falx ad radicem ponatur; Communis est Theologorum, communis est Sanctorum Patrum doctrina, Angelos sive bonos, sive malos, Formas simplices esse, non informantes, nec informare valentes materiam; Licet enim possint corpora assumere, ut nonnunquam ab iis assumpta fuisse, Sacrae nos Paginae docent; non possunt tamen in assumptis corporibus, exercere opera vitae, inepti proinde sunt Animalium corpora animare, atque vivificare; Quare verissimè scripsit Ange-

---

(h) *D. Th. in sum. 1. par. Quaest. 65. art. 2.*

Angelicus Doctor (i) *motus qui est à motore conjuncto, est proprium opus vitae; Sic autem non movetur corpora assumpta ab eis, quia Angeli non sunt eorum formae.*

Sed quanvis daretur, quod Angelorum naturae intrinsicè inspectae, non repugnet gerere in corpore vices Animae, seu formae vivificantis, nunquid possent animalia Bruta, ex Daemone tantquam Animâ, constituta concedi? Haud sanè; Resistit enim Scriptura, inquiens Deum in primâ rerum productione, imperasse aquis, mandasse terrae ut producerent Reptile animae viventis, & Animam viventem in genere suo, jumenta & reptilia, & bestias terrae, Deumque reptilibus & volatilibus benedixisse; Nullibi certè legitur Deus Benedixisse Diabolo; Non ergo Diabolus, in bestiis locum Animae tener; Ulterius Daemon, ante Animalium creationem existeret; Si itaque Deus Animalia creans, Animas eorum simul produxit, neque tunc produxit Angelos, Anima ergo Brutorum animalium; Angelus, seu Daemon non est.

Alit ita sit; à Daemone animentur Bruta; Cur non (si res ita se habet) Psytacum Philosophicas defendentem Theses; Simiam aut Vulpem Theologicas agitare Quaestiones audimus? Cur tardus est bos? Cur stupidum jumentum? Cur non & musca, intar Apis mella conficit; Cur non vermiculus non secùs ac Vulpes, sagax est & astutus? Cur non à pulice uno, onustum tritico currum trahi videmus? Magna est, nec ab ullo corpore pendens, naturalis Daemonum scientia, sagacitas ac forti-

---

(i) *In Sum. 1. p. 9. 51. art. 3.*

fortitudo; Non accipiunt Daemones, à rebus materialibus species ad cognoscendum, sed quaecumque cognoscunt, per inditas sibi naturaliter rerum species, attingunt; Unde nec minùs intelligunt, nec minùs viribus valent, si in aliquo sint corpore, quàm si nulli corpori alligati teneantur; Alloquutus est Evam Daemon per os serpentis, & per aliorum animalium, ab ipso vivificatorum ora, nullos nobiscum conferre novit sermones? Num corpus, à quo Daemon nullimodè pendet, ita ipsum obruit; ut naturalem scientiam dediscat, vel virtutem amittat? Quis nisi temerè affirmet? Cavete jam vobis, quicumque innocuae recreationis gratiâ, vel Aviculae, vel Catello blandimini, blandimini siquidem Diabolo, teterrimo nimirum, nec unquam reconciliando cum Deo, & Hominibus hoste, quem proinde culpa est, blanditiis excipere.

Progrediamur jam ad alia. Non potest Daemon munus Animae exercere in Brutis, & ea praestare, quae ab ipsis fiunt, si actu afficiatur poenâ ignis; Ita est; Ergo &c. major patet, quaedam enim Animalia, aures nobis suavi cantu demulcent; Alia nobis abblandiuntur, alia placidè quiescunt dormiuntque; Quâ autem ratione Daemon si jam inferno igne torquetur, vel dulce canere, vel placidè quiescere valeat? Fugit laetitia omnis & quies ab homine ad mortem damnato, licet necdum tormenta, ad quae damnatus est, experiatur, & Daemon acerbissima jam poenatum genera sentiens, quasi nihil patiatur, laetari poterit, vel otiosâ quiete perfrui? Probatum itaque minor.

*Di-*  
*citur*

citur in Epistolâ D. Petri (k) *Deus Angelis peccantibus non peperit, sed rudentibus Inferni detractis in Tartarum tradidit cruciandos in Judicium reservari* quod quidem verbum *Cruciandos* nonnulli codices legunt. *Qui puniuntur, & cruciantur*. Et licet SS. Justinus (l) Irenaeus (m) & Hilarius (n) ex hoc loco putaverint Daemones, nondum igne Gehennae cruciari, sed illo torquendos post extremam Judicii diem, non dubitavit tamen eximius Scripturaru. n. Interpres Cornelius à Lapide in Sanctorum Patrum lectione apprime versatus, scriptum relinquere (p) *Certum est Daemones omnes, etiam qui in hoc aere vagantur, cruciari igne gehennae, & postquam retulit S. Bonaventuram in eâ esse opinionem, quod pars poenae etiam essentialis Daemonum, dilata sit in diem judicii, sic de suo concludit. Verum hoc aliis passim non probatur.*

Hinc D. Thomas (o) cum meminisset Opinonis quorundam asserentium poenam sensibilem tam Daemonum, quam Animarum, & similiter Beatitudinem Sanctorum, differri usque ad diem judicii, hancque ut erroneam & repugnantem Apostolo. 2. ad Corint. 5. rejecisset, refert alios, hanc quidem poenae dilationem, humanis non concedere animabus, concedere tamen daemonibus, sed & hoc ipsum refellit, quia videlicet idem judicium est de malis Animabus, & malis Angelis, sicut idem est judicium de bonis Animabus, & bonis Angelis; Unde sicut non minuitur gloria bono-

---

(k) *Epist. 2. S. Pet. cap. 2.* (l) *S. Justin. cont. Tripson.*  
 (m) *S. Iren. lib. 5. cap. 33.* (n) *S. Hilar. can. 8. in Math.*  
 (o) *Cornel. à lap. in Epist. 2. D. Petri (p) D. Tb. in sum. 2. p. 9. art. 4. ad 3.*

bonorum Angelorum , cum ad nos veniunt de Coelo , quia considerant illum locum esse suum , ita non minuitur poena daemonum , dum sunt in aere isto caliginoso , quia sciunt alligationem in gehennâ , debitam esse sibi ; Quare in Glosâ in illud Jacobi . *Inflamat rotam nativitatis &c.* dicitur , *Portant secum ignem gehennalem , quocumque vadant .*

Neque verò quidquam officit , quod Christus Dominus in finali iudicio dicturus sit reprobis . Ite maledicti in ignem *qui paratus est Diabolo &c.* Nam sicut per ly *Ite* non inouitur , quod reprobi ante eum diem nondum torquerentur illo igne , certum enim ex Fide est , Animas reproborum ex nunc in Inferno cruciari ; Ita ly *Paratus* non insinuat , Diabolum eo igne , usque ad eam diem minimè torqueri ; Et sanè sicut de igne dicitur . *Qui paratus est Diabolo* ; Ita de aeternae Glorïae coelesti Regno dicitur ; *Quod paratum est à constitutione Mundi* . Atqui ly *Paratum* non excludit jam obtentam ab electis , illius Regni possessionem , nam Sanctorum Animae , & pluribus jam ab hinc Saeculis Coelesti sunt Regno potitae , & aliae in dies potiuntur ; Ergo ly *Paratus* non excludit à Diabolo jam per Saecula expertam , illius ignis discruciationem ; Sed ibi Deus , se & iustum in Daemones , & misericordem ostendit in homines , nam Regnum quidem , ipse paravit pro Hominibus ; Ignem autem gehennae paravit pro Daemonibus , quoniam verò multi hominum , Diabolo potiùs quàm Deo adhaesisse reperientur , in eandem cum illo mittentur damnationem .

R r

Quod

Quod si auditi sunt Daemones conqueri cum Christo. *Quare venisti ante tempus torquere nos?* Non ideo est, quasi actu poenâ ignis non afficerentur, sed quia cum & rabie in Deum, & invidiâ in homines contabescant, sicut suum reputant solatium, atque vindictam in Deum, si homines ad Dei imaginem creatos, & charissimos Deo, pertrahant insidiis suis in gehennam; Ita maximum sibi malum existimant irrogari, si hominibus nocere impediatur, sicut eos impediēbat Christus Dominus, ab obsessis Corporibus ejiciendo; Atque hinc est, quod quemadmodum Luc. 8. rogaverunt Dominum, ut non mitteret eos in abyssum, ita Matth. 8. deprecati sunt eum, nè expelleret eos extrâ regionem, reputantes nimirum sibi poenam, si excluderentur à loco, in quo possent hominibus nocere; Ex quibus planè constat, Daemones nunc quidem poenâ ignis affici, verumtamen, in gehennâ velut in Carcere nondum detineri, sed ibi recludendos nè amplius exeant in extremo judicii die, quod & innuit Judas in Epistolâ canonicâ.

Verumtamen, inquis Philadelphe, opera Dei perfecta sunt, Bruta autem vitiosa sunt; Ergo animantur à Spiritu, qui à Deo quidem bonus creatus est, sed ipse se ex propriâ voluntate peccando, vitiosum fecit, addòque à Daemone vivificantur. Frivolum sanè argumentum, nec aliunde potens vim habere, quàm à solemnī petitione principii, quâ videlicet supponantur de facto Bruta à perduelli Spiritu vivificari; Vel supponantur instructa ratione, & pollentia libertate. Quod enim vitium ibi potest reperiri, ubi non reperitur  
volunt.

voluntas , aut libertas ? Quis autem verâ ratione utens , veraeque obsequens Fidei dicat , bruta & ratione frui , & libertate gaudere ? Vitium ac virtus , in eo solum subiecto inveniri possunt , quod & rationis sit compos , & discernere queat inter honestum & inhonestum , inter licitum ac illicitum ; Cumque nulla hujusmodi cognitio Brutis insit , clarè consequitur opera quaedam à Brutis praestita , quae si ab homine rationis compote fierent , vel vera vitia , vel virtutes forent verè tales , in Brutis tamen ipsis , & prout ab ipsis posita , nec vitia esse , neque virtutes ; Nec exinde verum est Bruta esse vitiosa , si vitium sub hoc nomine , formaliter tale intelligatur ; Accedit , quod si concederetur Bruta veris esse vitiis deformia , concedi pariter deberet eorum nonnulla veris esse ornata virtutibus ; Esto autem primum Daemonibus competat , quis tamen ipsis , hoc postremum attribuat ? Certè legimus in ipso Verbo Dei scripto attributam laudabilem Providentiam Formicae , Simplicitatem Columbae , Prudentiam Serpenti ; Si istae igitur , verae sint Animalium virtutes formaliter tales , & Animalia à Daemonibus animata sint , hasce virtutes Daemonibus ipsis tribuere necessè est , virtutes etenim propriè tales non Corporis , sed Animae dotes sunt .

O' jam imitandum vel à nobis , tam providum , tam simplicem , tam prudentem Diabolum ! Cum Spiritus Sanctus dicebat homini , *Vade ad formicam piger* . Hominem intruxit , ut à Daemonè providentiam disceret ; Cum Christus Dominus diceret discipulis suis . *Estote prudentes sicut*

*serpentes*, & *similes sicut Columbae* misit eos ad Scholam Daemonum, ut veras virtutes discerent à Diabolo. Cum Propheta, Ovi innocenti, quae coram tundente se obmutescit, Christum Dominum assimilavit, assimilavit eum innocenti Diabolo, ovem innocentem vivificanti? Quis talia credat? Quis talia audiens non perhorrescat?

Unum addo, & finem facio, nam error est; errorem omnibus manifestum, pluribus persequi. Si verè Daemon Brutalia informat Corpora, vel id ei bonum est, vel malum? Si ei hoc malum est; Cur ergo ipse Daemon, petiit à Christo Domino, sicut in Evangelio legitur, facultatem ingrediendi in gregem porcorum? Nunquid Daemon, nè dum homini, sed formaliter inimicus est & sibi, ut ultrò petat quod sibi malum est, & superbiae suae maximè repugnans? Si verò bonum est ei talia informare Corpora; Cur obtentâ facultate ingrediendi in immunda Animalia, ea statim in stagnum immisit, & interemit? Precatur ut obtineat bonum; Et illicò concesso bono spontè se ipsum privat? Quod si nec bonum ei, nec malum est animare haec Corpora, cur ergo in ista immittitur? Dices, ut ea vivificet, & vera Animalia in hominis commodum constituat; At si ita est; Angelis non peccantibus, non extitissent Animalia Bruta, nec habuisset Deus per quid Animalia vivificaret? Apagè ineptam erroneamque, & omnium hominum calculo dampnam opinionem.

*Arist.* Utique completa res est: Noli Philadelphie contendere verbis, sed potiùs, quoniam Sapientis



pientis est mutare consilium, optimi ingenii aciem  
ad meliora converte, nam quae falsa probantur,  
defendere, & subtili quanvis machinatione velle  
tueri, incassum laborare est, ita ut meritiò noveris  
dictum. (q)

*Cbi sì da questi impacci e queste noje ,  
La verità non ha già per oggetto ;  
Ma vuol tener in prezzo quelle gioje  
Cb' essendo false , gli fa gran dispetto  
Cbi arreca delle vere , e le sue smacca  
Mostrando al paragone , il lor difetto .*

## F I N I S

---

*Si qua errata vides , tu prudens  
Corrige lector .*

NOS

---

(q) *Apud Franc. Redi Tom. 2.*

## NOS FRATER ROBERTUS BOULE'

Lector Jubilatus, nec non totius Ordinis  
Minimorum Corrector Generalis.

**P**resentium tenore licentiam elargimur R. Patri Laurentio Matæ Frasconi, Ordinis nostri in Provinciâ Mediolanensi ac in Sacra Theologiâ Lectori Jubilato typis mandandi opusculum ab ipso elaboratum, cujus titulus est: *Anima Spiritualis Brutorum, secundum Senioris doctrinæ canones profligata*, postquam a duobus Sacræ Theologiæ Lectoribus, ab Adm. R. P. ejusdem Provinciæ Provinciali nominandis, revisum & approbatum fuerit. Datum Neapoli in Regio nostro S. Ludovici Conventu hac die 12. Januarii 1745.

FR. ROBERTUS BOULE' GENERALIS

De mandato Reverendissimi P. Generalis  
*Fr. Joannes Franciscus de Rogatis Secretarius &c.*

---

**N**os infra scripti ab Adm. R. P. Josepho Maria de Rubéis Ordinis Minimorum Sancti Francisci de Paulâ in Provinciâ Mediolani Correctore Provinciali ad id specialiter deputati, legimus librum à R. P. Laurentio Maria Frasconi ejusdem Ordinis, ac Provinciæ Lectore Jubilato compositum, cui titulus: *Anima Spiritualis Brutorum ad Senioris Doctrinæ Canones profligata*, & nihil in eo invenimus, quod vel Catholicæ Fidei, vel bonis moribus contrarietur: quare typis edi posse censemus, si ita videbitur iis, ad quos spectat.

Datum ex hoc nostro Sancti Francisci de Paulâ ad S. Anastasiam Mediolanensî Collegio die 8. Augusti 1745.

*Fr. Joseph Maria Sorinus Lector jubilatus  
& Studiorum Regens &c.*

*Fr. Carolus Maria Boggi Lector Jubilatus.*

Die 13. Augusti 1745.

**F**X mandato Reverendissimi Patris F. Hermenegildi Todeschini Inquisitoris Mediolani, attentè legi librum, cui titulus = *Anima Spiritualis Brutorum &c.* nihilque in eo deprehendi, quod Fidei Catholicæ, bonisque moribus adverfetur, imo fanam Doctrinam, ac Thomiticæ Scholæ confentaneam novi, quare typis posse tuiò mandari cenfeo.

Ita est *Fr. Joannes Baptista Wahemans Ordinis  
Prædicatorum S. Theologiæ professor.*

---

Die 13. Augusti 1745.

Attenta fupradicta approbatione

I M P R I M A T U R

Fr. Hermenegildus Todeschini Inquisitor Generalis Mediolani.

F. Curionus Archipresbyter S. Eusebii pro Eminentiffimo  
& Reverendiffimo D. D. Card. Archiepifcopo.

Vidit Julius Cæfar Berfanius pro Excellentiffimo Senatu.

AMERICAN MEDICAL ASSOCIATION  
PUBLISHED WEEKLY  
CHICAGO, ILL., U.S.A.  
Vol. 10, No. 1, January 1917  
Subscription price, \$5.00 per annum in advance  
Single copies, 15 cents  
Entered as Second-Class Matter, October 3, 1911  
Postpaid  
Acceptance for mailing at special rate of postage provided for in  
Act of October 3, 1917  
Approved for mailing at special rate of postage provided for in  
Act of October 3, 1917  
Copyright, 1917, by American Medical Association  
Printed at the American Medical Association, 535 North Dearborn Street, Chicago, Ill.

# CONTENTS

|                   |   |
|-------------------|---|
| Original Articles | 1 |
| Editorial         | 1 |
| Correspondence    | 1 |
| Book Reviews      | 1 |
| Obituary          | 1 |
| News and Notes    | 1 |
| Calendar          | 1 |
| Index             | 1 |

DISSERTATIO  
CONTRA  
ANIMAM SPIRITUALEM BRUTORUM.

THE  
LIBRARY OF THE  
MUSEUM OF MODERN ART  
1000 MUSEUM AVENUE  
NEW YORK, N. Y. 10028

## AD LECTOREM.



Enerat in manus meas appendix quædam ( quam integram opusculi hujus initio apposui ) in qua multis momentis , spiritualis anima adstruebatur in brutis , & quamvis subtilitatem ingenii , eruditionemque in illa multam conspicerem , animum tamen meum ab eâ semper alienum opinione sentiebam ; hinc factum est , ut viribus licet imparibus aliquam ei responsionem adhibere tentarim , scripto tamen contentus refellere scriptum ; ast quemadmodum cuipiam domesticos inter lares moranti , mediocri proin cultu vestium contento , accidit interdum ut repentino urgente casu , qualibus se repperit indutum iisdem invitus publicas Urbis vias circumire adigatur ; sic & ego elucubrationem hanc humili familiarique stylo conscriptam , ut quæ privatæ domui servanda , nec permittenda patriis è laribus efferre

\* 2

pedem

pedem , eruditis pluribus suadentibus , ac impellentibus , publici juris facere compulsum sum ; quare sicuti prudentum nullus eum irridebit quem noverit inopino coactum eventu domesticis se se in indumentis publico exhibuisse , ita & tibi Lector benevole , veniabiles fore quas in hoc opusculo animadverteris aut non expolitas phrasas , aut non luculentius promotas rationes , suavum certissimè habeo . Quod si quis emunctioris , ut ajunt naris occurrat , qui de verbis magis , quàm de rationibus sollicitus , stylum acrius quàm par est , mordeat , discat ille ab Augustino , quod ( a ) . *Non obest clavis lignea , si per eam id quod volumus licet aperire* , ego enim hæc censuras parvifaciam ab eodem Aug. edoctus ( b ) . *Non timeamus grammaticorum ferulas , dummodò ad veritatem solidam & certioremperveniamus* . Si verò ex quo unice impugnem opinionem de animæ spiritali in brutis , cum assumpserim respondere præfatæ appendici ( quæ quidem consecrarium quoddam est ex præviâ suppositâ confutatione

( a ) Lib. 4. de doct. Christ.

( b ) Tract. 2. in Joa.



tatione Cartesianæ ac Peripateticæ quod ad  
 hanc controversiam sententiæ ) dicat quis  
 me niti ab Hidrà levellere caudam illeso  
 relicto capite , reponam id lepidius quàm  
 verius asseri ; nec enim tres è regione op-  
 positæ circa eodem punctum quæstionis  
 opiniones , unum queunt conflare totum ;  
 nec ulla in ipsis elucet ratio quare una  
 præ altera vel capitis vel caudæ loco sit  
 reponenda ; hinc si bene sillogizasse cen-  
 set qui ait ! Bruta nec sunt pura autho-  
 mata , nec sunt instructa forma materia-  
 li ; ergo habent animam spiritualementem ;  
 non perperam arguet alter hoc pacto :  
 Bruta non habent animam spiritualementem ;  
 ergo vel erunt authomata , vel erit in  
 eis materialis forma ; sed nec necesse est  
 ut qui unam opinionem reprobat , aliam  
 positivè approbet & concludat , fieri enim  
 potest , ut inter illas aliqua quidem tan-  
 quàm periculosior , & manifestius falsa  
 displiceat ( sicut mihi in præsentiarum  
 accidit ) & tamen nulla etiam ex reli-  
 quis positivè arrideat ; præter quàm quod  
 cum quod ad alias priores opiniones do-  
 ctissime laborarint alii , non expedit ean-  
 dem escam recoquere , sed ad id quod  
 novius

novius & periculosius dicitur , facius fuit  
manum apponere . Quidquid demùm alii  
sint in me redarguturi , hoc inficias ire  
nequibunt , quod primus ( quod sciam )  
de hac materià , breviter quidem , sed  
ex professo pertractem , quo uno concesso  
noverint planè majori dignos venià ejus  
esse errores qui nullo praeunte iter aggre-  
ditur novum , quàm ejus qui prædeces-  
sores trita sectatur vià . Caterum isthæc  
qualiacumque sint , non invidis , non in-  
doctis , qui quæ non ritè intellexerint ,  
protinùs carpunt , sed sanioris judicii , &  
præstantioris ingenii viris , qui sicut me-  
liora elucubrari , sic & mediocria com-  
pati norunt , me scripsisse profiteor : Ac-  
cipe itaque Lector optimè hoc opus in bru-  
torum depressione ad sua , nativam firmans  
hominis dignitatem , & si quid inspexe-  
ris quod displiceat , tenuitatem meam in-  
caussa , si verò quod arrideat , ad Deum  
refer ejus est totum quod est optimum ,  
Vale.

# SERIES DIALOGORUM

*Qui in sequenti Dissertatione  
continentur . . .*

## D I A L O G U S I.

Opinio de Animâ in brutis spirituali , discutienda proponitur .

## D I A L O G U S II.

Opinio de Animâ in brutis spirituali non habet à veterum , aliorumve auctoritate præsidium .

## D I A L O G U S III.

Opinio de spiritualitate animæ brutorum , non habet è Sacris Scripturis patrocinium .

## D I A L O G U S IV.

Nullum Sacræ Scripturæ monumentum, eandem opinionem verè utatur .

## D I A L O G U S V.

Animæ brutorum spiritualitati , non favet , sed contrariatur D. Bernardus .

DIA-

## DIALOGUS VI.

D. Thomas præfatam Opinionem, nec formaliter, nec illativè docet, immò eidem contrariatur quàm maximè.

## DIALOGUS VII.

Sententia de Animà brutorum spirituali, ostenditur absurdis obnoxia sequelis.

## DIALOGUS VIII.

Eadem Opinio periculosa ostenditur, & Conciliis adverfa.

# A P P E N D I X

Cui per subsequentem Dissertationem  
responsio adhibetur.





## A P P E N D I X

*In qua breviter ennaratur eorum Sententia,  
qui Brutorum Animam Spiritualem  
esse opinantur.*

**J**Am ea, quæ in Scholis magnâ utriusque  
partis contentione disputantur de Ani-  
mâ Brutorum, tradita fuerunt à Nobis,  
at, ut puto, res adhuc in multâ Caligine rema-  
net involuta; nam ex unâ parte vix, aut nè vix  
quidem potest intellectus percipere quomodo  
materia ascendere valeat ad cognoscendi perfe-  
ctionem. Ex alterâ neque possunt explicari per  
solam mechanicam mirabiles Brutorum operatio-  
nes.

4  
nes. Quare si aliquid statuendum esset in hac celeberrimâ controversiâ, videtur potius acquiescendum esse ultimæ Sententiæ, quæ vult brutorum animam immaterialem esse; si enim Catholicæ Fidei non repugnat hæc opinio, vel hypothesis profectò est cæteris præferenda; sic enim intelliguntur, & explicantur difficultates omnes.

Porro hæc sententia olim à P. Zabarella, & Thoma Campanella tradita, novissimè à Domino Magalotti, & Sbaralli deffenditur, cui etiam suffragari videtur Augustinus Calmet in suo Sacræ Scripturæ Dictionario. Hisce omnibus addi possunt Veteres illi, qui quâdam rationis Specie uti bruta docuere, Empedocles, Pitagoras, Galenus, Cleantes, Plinius, & Plutarcus: Quæque Sententia resserente P. Petro Benedetti Jesuita, apud Magalotti Epistolarum Scientificarum undecimâ communiter recipitur apud Sinenses. Horum opinio nonnisi cum brutorum animarum Spiritualitate conciliari potest. Quomodo enim bruta aliquâ rationis specie frui possent, si immaterialitatis, seu spiritualitatis principium aliquod in ipsis non daretur?

Pro hac Sententiâ varia adduci possunt Divinæ Scripturæ loca, ex quibus inferri videtur aliquid spiritualitatis inesse brutis. Genesis enim 6. legitur. *Ecce ego adducam aquas diluvii super Terram, ut interficiam omnem Carnem, in quâ est Spiritus Vitæ.* Et Cap. 7. *Universæ Aves, omnesque volucres ingressæ sunt ad Noe in Arcam bina, & bina ex omni carne, in qua est Spiritus Vitæ.* Numerorum Cap. 16. *Fortissime Deus Spirituum Universæ Carnis,*



*Carnis , Num uno peccante contra omnes ira tua deficiet ? Et Cap. 27. Provideat Dominus Deus Spirituum omnis Carnis hominem , qui sit super multitudinem hanc .*

Quid ad hæc clarissima Scripturæ Testimonia respondere poterunt spiritualis brutorum animæ impugnatores ? Forſan in poſtremis duobus laudatis Textibus Scripturam loqui de ſolis hominibus ? Optima eſſet interpretatio , ſi adducti textus eſſent primi , & ſoli , in quibus Deo attribuitur , quod ſit *Deus Spirituum Univerſæ Carnis* . At hoc Deo attribuitur etiam in primis locis , in quibus haud dubiè per collectionem Univerſæ carnis , cui ſpiritus vitæ adſcribitur , ſimul cum hominibus comprehenduntur etiam Animalia Terræ , ut dum dicitur *binæ , & binæ ex omni carne , in quæ erat Spiritus Vitæ* .

Præter hos , ſimileſve Textus adducunt hujuſce hypotheſis Deſſenſores etiam duo Celeberrima Eccleſiaſtis loca . Primum ex Cap. 3. v. 19. *Similiter ſpirant omnia* . Secundum ex eodem Cap. v. 21. *Quis novit ſi Spiritus Filiorum Adam aſcendat ſuſum , & ſi Spiritus Jumentorum deſcendat deorſum ?* Supra quos Textus Dominus Magalotti ſupra laudatum P. Benedetti linguarum profeſſorem in Piſana Univerſitate conſuluit , ut ei adaperiret quomodo diverſi Orientalium Textus ea loca legerent , & libenter annuit erruditiffimus Pater . Sic dum vulgata legit : *Similiter ſpirant omnia* , Hæbraica : *Omnibus unus Spiritus* . Chaldaica *Amborum Anima Spiraculum* . Syriaca : *Omnibus unus Spiritus* . Arrabica : *Omnibus unus Spiritus* . Et dum vulgata legit : *Quis novit*

novit si Spiritus Filiorum Adam ascendat sursum, & si Spiritus Jumentorum descendat deorsum? Hebraica. Quis novit Spiritum Filiorum Adam si ascendat sursum, & Spiritum Jumenti si sit descendens deorsum in Terram? Chaldaica: Quis est Sapiens, qui novit si Spiritus, & Anima Filiorum hominum ascensura sit sursum ad Firmamentum, Spiritus, & Anima Jumenti descensura sit deorsum in Terram? Similiter Syriaca, Arabica & Greca optimè conveniunt cum Nostrà vulgatà. Et tandem addit, quod ubi vulgata nostra legit: Spiritus vitæ, aut Spiraculum vitæ, Hebraicus Textus legit: Spiritus viventium, aut Spiritus Vitarum.

Pro eorum opinione laudantur etiam SS. Ecclesiæ PP., & præcipuè S. Bernardus, & S. Thomas. Primus Serm. 5. in Cantica, ubi ait. Quatuor Spirituum genera nota sunt Nobis, Pecoris, Noster, Angelicus, & qui condidit istos; non est ex omnibus, cui sive propter se, sive propter alium, sive propter utrumque necessarium Corpus non sit, Corporisve similitudo excepto dumtaxat illo, cui omnis tùm Corporalis, tùm Spiritualis Creatura meritò constitetur, & dicit. Deus meus es tu, quoniam bonorum meorum non egēs. Et primum quidem (Spiritum nempe Pecoris) ita corpore egere constat, ut nec subsistere absque illo utrumque possit; Simul quippe & vivificare desinit, & vivere ille Spiritus, quando moritur P. cus. Et S. Thomas prima parte quæst. 14. art. primo, ubi deffinire videtur quod cognitio nonnisi immaterialibus competere possit: Patet igitur (inquit S. Thomas) quod immaterialitas alicujus rei est ratio quod sit cognoscitiva; & secundum

dum modum immaterialitatis ; est modus cognitionis ; Unde in 2. de Anima dicitur quod Planta non cognoscunt propter suam materialitatem . Si ergo Bruta cognoscunt principium aliquod immaterialitatis habere debent . Tandem idem S. Thomas prima parte quæst. 76. art. pr. in fine Conclusionis habet . Sed considerandum est quod quanto forma est nobilior , tanto magis dominatur materiæ corporali : Et minus ei immergitur , & magis sua operatione , vel virtute excedit eam . Cum autem per omnes ( si Cartesianos excludamus ) Forma brutorum cæteris aliis formis ( animâ rationali exceptâ ) sit nobilior sua operatione vel virtute , materiam corporalem excedere necesse est .

Multæ oppositiones fieri solent contrâ hanc opinionem , seu hypothesim ; sed præcipuè quæ in ore omnium est sic proponi potest . Si Brutorum Animæ essent Imateriales , seu Spirituales , æqualem haberent cum homine conditionem : eadem cum illo uterentur ratione : Animamque liberam , capacem meriti , & demeriti haberent : Spiritumque Religioni , noscendo Deo , obtinendæ Beatitudini , ac fini supernaturali consequendo idoneum obtinerent : at hæc omnia absurdissima sunt , & viri benè de Fide sentientis indigna ; ergo &c.

Respondent Propugnatores Animæ brutorum immaterialis falsissimas esse illas omnes illationes , nam per hoc quod illæ perfectiones uni Spiritus speciei conveniant , non est inferendum convenire omnibus . Sicut enim male arguerent qui ab una Corporum specie , ad alias argumen-  
tum

tum deducerent ; Ita malè arguunt , qui ab unâ Spiritus specie ad alias argumentantur . V. G. Nonnè fallax est hoc Argumentum . *Aurum est metallum : Argentum est metallum , ergo Aurum est Argentum ; ergo ea , quæ Auro conveniunt , conveniunt etiam Argento ?* Cur ergo non erit fallax simile argumentum , dum loquuntur de Spiritibus , ita ut falsum sit : *Angelus est Spiritus : Anima hominis est Spiritus ; ergo Anima hominis Angelus est ?* Sicut ergo in Spiritibus , qui citrà controversiam admittuntur datur magis , & minus in eorum perfectionibus ; ita a pari in Casu nostro ex hoc , quod Anima hominis perfectà utatur ratione , libera sit &c. , non est inferendum Brutorum Spiritui perfectam convenire rationem libertatem &c. nam sicuti Deus perfectiores Spiritus in infinitum facere potest , ita in infinitum minus perfectos . Et sanè sicuti citrà difficultatem concipimus Deum esse Spiritum perfectiorem angelico , Angelum esse Spiritum perfectiorem humano , quare concipere non possumus humanum Spiritum perfectiorem esse Brutorum Spiritu ? Et sicuti ex hoc , quod Deus sit Spiritus perfectior Angelico , perfectiones Dei non debent convenire Angelo , Per hoc quod Angelus sit Spiritus perfectior humano , perfectiones Angeli humano Spiritui non attribuuntur , ita pariter cum Spiritus humanus perfectior sit limitatissimo Brutorum Spiritu , perfectiones humani Spiritus minimè erunt belluino Spiritui attribuendæ .

Initabis . Brutorum Spiritus cognoscit , aliqua

quà rationis specie fruitur , optat , prævidet &c.,  
ergo similis erit humano Spiritui .

R. Equidem Brutorum Spiritum limitatè cognoscere , optare , prævidere &c. ; At nihil videt super ea , quæ naturalem felicitatem suam implent , quæ Corpus suum servant , quæ multiplicando generi valent . Sentit utique discrimen inter Algorem , & Ætium , inter valetudini perniciosum , atque conducens ; sed Bonum , & malum in moribus , Iustum , & injustum , licitum , & illicitum utique non discernit , uno verbo ; Et si Spiritualis sit Brutorum Anima , habere non debet omnes illas perfectiones , quas habet humana mens . Sicuti enim perfectiones Dei non adscribuntur Angelo , cur perfectiones humanæ mentis adscribendæ erunt Brutis , quibus respectivè ad hominem non est intellectus ?

Dices . Si brutorum animabus perfecta ratio , libertas , beatitudo , meritum , cognitio Dei non convenirent , saltem illis attentà eorum Spiritualitate competere deberet immortalitas . Quid ergo erit post separationem à corpore de Animabus illis ?

R. S. Bernardum satis clarè prænuñtiasse animam brutorum deficere deficiente Pecore : quare si S. Doctori standum est , dicendum videtur quod Deus eas animas destruat per annihilationem , cum enim Spiritus de se sit incorruptibilis , per corruptionem deficere nequit . Cæterum non desunt Theologi , inter quos Scotus , & Sanchez qui admittunt Angelos esse immortales tantùm ab extrinseco , spectatà nempe Dei providentiâ , quæ vult eos conservare in æternum .

B

Unde

Unde satis ex hac opinione patere potest nullam esse difficultatem dum dicitur Brutorum Anima deficere, in tantum enim non deficiunt Angeli, quia Deus vult eos conservare; Præterea esto Spiritualis sit Brutorum Anima, commune tamen habet in eà re privilegium cum Corpore, & materia, quæ nunquam ex naturâ suâ deficiunt; Mutat siquidem situm, mutat figuram materia, modò in quiete, modò in motu est, at abire in nihilum nequit, nisi id efficiat Deus, dum ab eà conservandâ cessat; Sic deficit Brutorum Anima, dum eam amplius non conservat, seu dum ab eà conservandâ cessat Deus: quo utique cessante quis etiam Angelorum subsistet?

Instabis primò. A quo ergo Anima Brutorum in eorum Corpus infunditur: Nunquid à Patre generante? Non certè, si enim ita dicamus, Spiritus jam fit per traducem, quod juxta fidem Catholicam asseri nequit.

R. Animam brutorum immediatè à Deo creari, & Corpori debitè organizato infundi. Sicut enim structuram fœtus humani, aliorumque animalium volunt recentiores quidam Medici immediatè elaborari à Deo in uteris Fœminarum, quantò magis hoc asserit poterit de Animabus Brutorum?

Instabis secundo. Si brutorum Animæ sunt immateriales, & aliquà rationis specie fruuntur, erunt capaces alicujus discursus; ergo poterunt pervenire in cognitionem Dei, quia ex effectibus istis Causam eorum incausatam deducere poterunt.

R. Antecedens esse falsum, quia ut jam diximus

imus perfectiones alicui spiritui convenientes  
 necessariò omnibus convenire non debent. Quare  
 volunt aliqui apud D. Magalotti spiritus bestiarum  
 operari tantum juxta determinationem quam  
 recipiunt ab externis objectis, quæ si bona sunt  
 prolequuntur, si mala, fugiunt. Alii concedunt  
 antecedens cum hac limitatione, quod nempe  
 bruta sint capacia discursus improprie talis, & in-  
 nixi experientiae sensuum; non sint verò capacia  
 discursus illativi, & proprie talis, cujus capax est  
 homo, & Angelus. Hinc non est inferendum  
 quod pervenire possint ad cognitionem Dei, quia  
 hoc est supra sensuum experientiam. Cæterum  
 licet essent capacia discursus, non inde fit quod  
 pervenire possint in cognitionem Dei: quod pro-  
 bant à pari. Sicut enim Deus ita limitavit homi-  
 num cognitionem ut in hac vita non possint co-  
 gnoscere intuitivè Spiritum, & habere ideam  
 claram Animæ rationalis ( ut ommittam multa  
 alia ) ita limitavit cognitionem brutorum, ut ad  
 tam altas cognitiones pervenire non possint. Et  
 certè non video cur statim ac sit substantia spiri-  
 tualis debeat fieri substantia Dei cognoscitiva;  
 Nam sicuti apud P. Dominicum viva in cursu  
 Theologico disputatur an fieri possit substantia  
 immaterialis simpliciter non cognoscitiva, & affir-  
 mant multi; à fortiori poterit à Deo fieri sub-  
 stantia immaterialis limitata in sua cognitione,  
 ita ut valeat quidem cognoscere quæ ad vitam  
 animalium pertinent, non verò quæ ad Deum,  
 & ad vitam æternam.

Instabis tertio Sententia de Brutorum Ani-

mà spiritali pugnat cum illis Augustini verbis ex libro primo contrà Julianum art. 39. *Neque enim sub Deo justo miser esse quisquam, nisi mereatur, potest*, nam bruta necantur ab homine in cibum parantur, in servitutem submittuntur: ergo misera est brutorum conditio. Si ergo animà spiritali non destituuntur, hanc infelicitatem sibi promeruerunt ob aliquod commissum ab ipsis crimen. Quod si peccare potuerunt, quis Religioni inepta, quis amando, agnoscendoque Deo imparia esse credat?

R. Deum arbitrum, & dispoticum cum brutis agere voluisse, absque eo quod in jus eà de re vocaretur; In potestatem siquidem Figuli est ex Argilla quodcunque maluerit vas efformare: Deus igitur hominibus destinavit Animalia, dispotico eorum imperio subjecit, permisit in cibum hominibus bruta; quare & occidendi dedit potestatem; hoc jure sibi dato utitur homo. Quænam quærelæ ratio esse debet in brutis quamquam animà spiritali non destitutis? An illæ opponent Deo nullum se admisisse peccatum, & nihilominus submitti homini criminoso, brutali, hebeti, potestate sibi in bruta concessà abutenti? *Numquid dicet lutum Figulo suo quid facies, & opus tuum absque manibus est?* inquit Isaias cap. 45. Nonnè legimus Job. 9. Deum quandoque justos quamquam infontes punire? Plurimi enim viri innocentia, & justitia spectabiles, ut erat SS. V. Maria, & S. Joannes Baptista non semper à tolerandis malis, & infortuniis fuerunt exempti. Igitur Deus quo ad bruta utitur jure Patris, & Creatoris,



toris, nemini infert injuriam, Æquè illi potestas est sive creandi bruta, sive negligendi ac si non essent. Plurimùm tamen Creatori suo debent ipsa, quòd duram licet tolerant servitutem, vivunt tamen, moventur, & agunt, & quæcumque obtinent bona, ab illo fruuntur: Quibus omnibus non officit Augustini laudata locutio; Nam ille loquitur & de lege ordinariâ, & de miseriâ importante damnationem, quo quidem sensu nemo miser est, nisi mereatur.


Dices tandem. Hæc opinio est inaudita in Scholis, immò Ecclesia Catholica soli homini concessit Animam Spiritualem; non ergo brutis concedi poterit.

R. Etiam Systemata Recentiorum omnium olim erant inaudita, attamen hisce temporibus quot propugnatores Deo volente habent? Certè recentiores à Peripateticis tanquam novatores hæretici criminati sunt, attamen evanuerunt hæreses in eorum præjudiciis fundatæ; ita putamus quod aliquando erit de hac sive opinione, sive hypothesi. Fatemur Ecclesiam concessisse Animam Spiritualem homini in Concilio Lateranensi sub Leone X., at Ecclesia nunquam hanc quæstionem exagitavit, nec certè usque, aded eruditi viri contra hanc Sententiam aliquid in Ecclesiasticis Sanctionibus invenerunt. Quare sicuti antiquis Patribus licitum fuit concipere, ac sustinere Angelos materiales, & corpóreos, quia Ecclesia nihil adhuc desinierat; ita Recrutorum animam volunt immaterialem esse Recentiores isti, quia Ecclesia circa hoc punctum nihil desinivit,

nivit , retractaturi , ut Catholicos decet ; quoties Ecclesiæ Sanctæ judicium contrarium erit . Verum quia solent Peripatetici hæc objicere , & similia , placet hoc unico argumento sic illos perstringere . Substantia immaterialis , vel est cognoscitiva , vel libera , vel capax meriti , & demeriti , &c. , precisè quia substantia est , vel quia Immaterialis est ? Non primum ; aliàs omnis substantia esset cognoscitiva &c. Remanet ergo quod sola immaterialitas sit caracter universalis , à quo cognitio , libertas , meritum &c. profluunt . Nunc sic arguo . Vos Peripatetici admittitis entia immaterialia , nec tamen sunt cognoscitiva libera , capacia meriti &c. vos certè admittitis accidentia spiritualia , quæ sunt entitates immateriales , ut sunt Gratia sanctificans , Character Sacramentorum . Lumen gloriæ , Habitus infusi virtutum , actus vitales ; volitiones nempe , & intellectiones , quæ nedum non intelligunt , & cognoscunt , sed passim destruuntur , corrumpuntur , & desinunt . Immaterialitas ergo ex naturâ suâ non est semper fundatrix cognitionis , libertatis &c. Cur ergo reprehendere nos audetis , dum substantiam immaterialem admittimus , sed limitatam in suis cognitionibus ?

F I N I S :

OPI-



OPINIO DE ANIMA IN BRUTIS  
SPIRITUALI

Discutienda. Proponitur

D I A L O G U S I.

*Critophilus , & Philadelphus :*

**C**Rit. Expectate venis Philedelphe mi dilectissime , videbantur mihi annis longiores vel dies brevissimi prænimum prolixâ societatis tuæ carentiâ : Quid causæ fuit , quod præter morem tam serò ruralibus otiiis valedixisti , ut urbano gauderes consortio simul , & fructu ? Inopina oportet , & quidem gravia te detinuerint negotia , nam. de valetudine tua nulla mihi suboritur suspicio , sæpius etenim præ ingenitâ tibi humanitate , &. sinceri cordis salutationes , & optimæ veletudinis tuæ ad me nuncios misisti :

Phil,

Phil. Nimis Critophile hac tuæ erga me sollicitudinis significatione animum meum devincis, at nescirem planè cui nostrum magis in votis fuerit, vel tibi mea, vel mihi tua societate perfrui: bis & ter aggredi disposueram iter urbem repetere, teque quantocitiùs, & visere, & alloqui gestiens, at nescio, quo fato, mox domesticis repentè insurgentibus tricis, mox amicis non suadentibus dixerim, sed cogentibus præpedius, quod verè optaveram, ægiè disferre compulsi sum.

Crit. Non opus est ut hæc mihi (etsi visus sum exposcere) aperias causas, apprimè siquidem novi quanta animo tuo insit, vel in honesta relaxatione œconomia, nec enim hanc tibi cum multis, & stultè quidem pro fine, sed sapienter cum paucis præfigis pro medio. Ast incautè longo fatigatum itinere stantem teneo, si placet immorari tantisper, sedeamus.

Phil. Imperiis tuis libens obsequor.

Crit. Saluberrimum te certè aerem respirasse, ex hilariori tum vultu tum corde gaudens agnosco, verumque te video utilis orii fructum reportasse, vires scilicet animosque erudito labori ferendo paratiores.

Phil. Equidem ita est, at non uni aeris beneficio; sed maximè suavissimæ litterati cujusdam viri sincerà mihi familiaritate conjuncti conversationi acceptum id fero. Prò quàm dulce cum illo miscere sermones? nulla mihi sapidior voluptas, quàm illum de re philosophica loquentem audire, miro etenim nexu rationum acumen verborum-

borumque dulcedinem socians , & allicit suaviter , & suadet fortiter ; Illum dubio procul nunquam ii audire Peripatetici qui contrà modernos mordaciori quàm par est invehunt stylo , si etenim nossent , aut aciem laudarent ingenii , aut obsequentissimam approbarent humanitatem , aut rationum momentis devicti , cessarent laceffere cui non possent resistere .

Crit. Bonà cum venià Philadelphæ nunquam tales novi Peripateticos ut rationum loco mordacitates sublituant , aut diversa sentientes contemnant , aut ab aliis metuant impugnari ; immò eorundem recentiorum , quorum improbant systemata , experimenta approbant , commendant ingenia , plurimi faciunt eruditionem ; optimè siquidem norunt quàm vero conforme sit quod quidam cecinit . (a)

*Stulta hæc invidia est cui cuncta recentia sordent*

*Invida stultitia est , cui nova sola placent .*

Sed fas ne mihi audire quibus invicem vos detinueritis .

Phil. Aperio statim . De irrationalibus brutis ( nec enim irrationale homini de irrationalibus prolixius differere unquam censui ) sermonem institui , atque tam pulchra , tam nova mihi audiui , ut meritò non otiosa dixerim ipsa vel otia . Alterà itaque die qua sicut multis illum precibus oraveram , apud me hospitari dignatus est , unà mecum in redolentibus confito floribus horto ambulabat manè sereno hilarique ; dulciter circum concinentibus Alaudis & Philomelis .

C

lis .

---

a) *Jos. Andœm. lib. 3. epigr. 75.*

lis. Quàm mirabilis Deus (exclamavi) in omnibus operibus suis! Ecce quanta ad animi nostri oblectationem varietas volucrum; quanta ad corporis refocillationem animalia sive aquatilia, sive terrestria, sive amphibia, quàm miris discreta proprietatibus, structuris diversa, opposita ingeniis, utilitatibus varia; solem alia fixo sustinent oculo radiantem ut Aquilæ, alia vel tenuissimæ rimantur objecta ut Lincee, alia vident in tenebris, cæcutiunt in luce ut noctuæ, alia oculis sunt prorsus destituta ut Talpæ. Nonnulla terræ tantum vescuntur ut Serpentes; Ranae, aliæ hujusmodi; solo aliqua pascuntur aere ut Camaleon... at plura animo rem in hanc parato, subitus obstitit in cachinnos effusus amicus, risuque tandem expleto, sic attonitum increpat. Quid queso dicis. Phil. Ludis ne an illudis? Quod à creaturis in Creatoris laudem assurgas, utique laudo, at quod de creaturis tam malè sentias, miror quàm maximè; quid de Talpâ dictitas? quid de ranis serpentibusque somniaris? quid de Camaleonte profers? itanè in naturalium scientiâ peregrinus es, ut talia credas?

Crit. Ut verum fatear, (bona tamen cum veniâ) & rationabilis mihi risus videtur in hæc, & iusta increpatio, cum enim talia protulisti, te dubio procul polioribus; hisque accuratissimis experimentis omnino ostendidisti imperitum.

Phil. Imperitus utique eram, veterique occupatus præjudicio, quæ populariùs prædicabantur, nullo instituto examine, pro veris atque inconcussis reputaveram, at profuit error meus

mihi,

mini, tanta etenim illa à me avertit praejudicia, tot me recentissima docuit experimenta, ut errori meo gratias agerem, atque subitae confusio- nis in memor, sum mopere de praesenti novaque eru- ditione gauderem.

Crit. Quàm plurimùm gratulor & ego te- cum quod & fatuis dictis valedixeris, & prae- clariorem verioremq; didiceris, philosophandi methodum; at simul plurimùm miror, quod isthaec poveris tam serò; qui meherclè fieri po- tuit ut egregia eruditissimi atque de re cum me- dica tum philosophica optimè meriti Vallisnerii opera huc usque non evolvetis, quae passim in omnium doctorum hominum & ore versantur & manu? hunc si legisses non utique amico tuo iusta reprehensionis dedisses causam.

Phil. Fama quidem, Vallisnerii ad me det- raxerat nomen, at cum Medicum professione in- tellexissem, putaveram quod nonnisi de Anima- lium herbarum, solidorum, fluidorumque virtuti- bus ad medendum ordinatis, suis in operibus disce- reret, atque hinc illa percurrere sollicitus non fui.

Crit. Ampla Vallisnerii mens, tam arctis passa non est detineri confiniis, neque rem medi- cam modò scriptis illustravit, sed & nova luce di- tavit philosophicas scientias; maximam ex hujus lectione ( crede mihi ) & utilitatem referes & vo- luptatem; at tota ne in hisce tantùm immorata est disceptatio vestra?

Phil. Haud sanè, immò cum illi multas ex animo agerem gratias pro impenso mihi tantarum

cognitionum beneficio, cupiens illa uberiori me exornare doctrinâ fallisque præventionibus expedire, quid de brutorum Animâ sentiam, interpellat.

Crit. Optima quæstio hæc est, nec levibus implexa difficultatibus, at tu non ita desisipis; ut rem statim cum Cartesianis expedias Animam omnem brutis inficiando, merave asserendo aut thomata.

Phil. Absit à me ut talia sentiam, satis enim, cæteris omissis quæ hanc sententiam confodiunt (si tamen id sententiæ nomen mereatur, quod nec ab assertoribus, verè sentitur) ipsa naturæ voce, communique sapientum persuasionem constat mihi quantum illa nè dum à veritate, sed etiam ab umbrâ veritatis aberret; hanc iis sequendam relinquo qui præpostero vel Magistri, vel novitatis amore obcæcati, nec ad se ipsos valent attendere.

Crit. Facile jam mihi est quid responderis divinare, reposuisti et enim animas brutorum verè in ipsis existere, easque materiales quidem esse, in quantum à materia per se pendent in fieri & conservari, & operari non tamen esse materiam.

Phil. Ita utique simplex quippe eram respondi, at si modo de eadem me quæstione interrogares, non amplius tam insulse reponam; Prò quàm cæcus eram, & me tamen præ aliis videre putabam! at disiectæ sunt tenebræ affulsit mihi lux veritatis, cœcutiat qui vult, in luce morabor.

Crit. Quid est quod blaterando potius quàm loquen-



loquendo dicis Phlladelphè ? insulsi nè tot præclarissimi Philosophi , qui materialem brutorum sentire animam ? Insulsi nè omnes qui tuis opinionibus non acquiescunt ? Dic quælo , si animam brutis non denegas , & materialem negas , quam ergo in illis agnoscis ?

Phil. Intrepidè respondeo brutorum animam spiritualem esse .

Crit. Spiritualis ? bone Deus & hæc audio à te quem semper optimæ indolis , ingenique perspicacis agnovi ? Quid hac opinione homini injuriosus , quid philosopho indignius ? Hæc est nova illa lux in qua morari gloriaris ? Vide ne lumen tuum tenebræ sint . Spiritualis anima brutorum ? Audite isthæc philosophi omnes & nolite ampliùs hominem . *Animal rationale* deffinire aliam aptiorem excogitate definitionem ista enim hominem confundit cum brutis , jam & ipsa animalia sunt rationalia , sunt enim animâ prædita spiritali . Audiat isthæc regius Psaltes corrigatque quæ cecinit *minuisti eum paulò minùs ab Angelis :* (a) Dicere jam oportet . *Paulò magis à brutis extulisti eum .* O Philadelphè noli omni nuperæ circumferri vento doctrinæ ; noli ista sapere si non vis dissipere .

Phil. Video te nimio abreptum zelo Critophile , non vacat modo super hac re te pluribus detinere ; quoniam advesperascit , tempus est , ut si permittis domum revertar , ubi fortè me plures expectabunt . Gaudeo optimà te cum valetudine repperisse & perfectam noctis auguror quie-

---


(a) *Psal.* 8.

quietem . Unum oro , ne litem hanc parte inaudita decidas . Crastino manè , si placet , redibo , & blandior mihi quod firmissima inspiciens sententiæ hujus fundamenta , & jurgia damnabis præsentia , & unà mecum senties meliora .

Crit. De gratulationibus , tuisque de me desideriiis , gratias ex corde ago mi Philadelphæ , eademque tibi sincerè peropto . Si ad me læpius redire lubet , placitum tuum est permissio mea ; at quantum attinet , ad brutorum animas , quandiu anima humana vivificabit me , tecum certè non sentiam . Vale

Phil. Quò te fortiorem hostem promittis , eò me gloriosum magis victorem constitues . Vale .





# OPINIO DE SPIRITUALI ANIMA BRUTORUM

Non habet à Veterum , aliorumve  
Auctoritate præsidium

## DIALOGUS II.

*Philadelphus , & Critophilus .*

**P**Hil. Cupiens te animo invenire sereno  
Critophile , te revifere follicitus fui ,  
ſperans inſuper ( quoniam cogitatio-  
num mater nox dicitur ) unanimiter  
repperire ſentientem atque pacificum  
quem heri adverſum , iratumque reliqui . Divi-  
no , an decipior ? acceptuſne tibi adventus meus  
& ſermo , an ingratus ? Loquere Critophile ,  
utrique enim , ſi diſpliceat , medebor .

Crit. Multa paucis complectar ; tua mihi ac-  
ceptiſſima quidem præſentia , nullimodè tamen  
ſententia eſt .

Phil.

24 *Dissertatio contrà Animam*

Phil. Ita pro modo sit ; quoniam tamen sive in amplexandis , sive in respuendis aliorum opinionibus , ratione uteris , non pertinacià , si me patienter audire non detrectas , crede mihi , ardebit illa tibi .

Crit. Si placet dicere , placet audire , at quo animo te dicentem excipio , me respondentem sustine ; hoc si præstes ? ( non decipior ) sententiæ hujus ex protectore , insensus hostis evades .

Phil. Quis nostrum decipiatur , ostendat eventus ; exordiamur . Ut ergo ab ovo , ut dici solet , incipiam , non habet hæc sententia ex capite novitatis , ut forte putas , suspectæ præjudicium . Hanc enim jampridem docuere Empedocles , Pitagoras , Galenus , Cleantes , Plinius , & Plutarcus ; hanc Sinenses populi , communissimè recipiunt ; hanc approbavere olim P. Zabarella , & Thomas Campanella , hanc denique novissimè defendunt Dominus Magalotti atque Sbaragli . Non ergo novitatis insimulari potest opinio , ita de veneranda antiquitate benemerita , ut ad hæc usque tempora , clarissimos pietate & doctrinà meruerit obtinere patronos .

Crit. Quantum ad noviores attinet , pauculos nimium adducis , ut sufficiant opinionem invenire à Catholicis philosophis tot retrò ante sæculis vel inauditam vel certè non approbatam , nec video quomodo ab innumeris , iisque præclarissimis viris prudens sit discedere ut paucorum juniorumque sensa sequamur . Insuper vel hanc de animæ spiritali brutorum sententiam ignotam Orthodoxis asseris , vel notam ? Si ignotam dicas ;

cas ; ergo non illa perenni fluxu per sanioris doctrinæ professorum manus ad hos usque recentiores pervenit . Si notam fateris , cum ipsam illi nec sequi fuerint , nec sequos ostendere valeas , necesse est dicere , erroneum aliquid in illa latere quod noviores quidem non vident , in causa tamen fuit ut tam longâ temporum serie contempta apud Catholicos , atque ad minus neglecta jaceret . Certè quid erat de animâ brutorum tractanti magis obvium quid dictu facilius , quàm illam asserere spiritualem ? Cum ergo nullus Orthodoxus ante propinquiora nobis sæcula id sensisse aut docuisse inveniatur , maximum est argumentum apud omnes tam futilem erroneamque apparuisse ut nec impugnatione dignam judicaverint sententiam hanc ; quæ cum ita sint ; quid jam ponderis habet paucorum assertio , contra tot Ecclesiæ sæculorum venerandam semper , plurimique faciendam antiquitatem ?

Phil. Nimium hoc discursu Eruditorum nostri temporis doctrinæ derogas & æstimationi .

Crit. Minimè gentium , summo enim eos in honore habeo , nec illo minori quo ipsimet priorum Ecclesiæ sæculorum Auctores prosequantur . Sed si & numero plurimos , & auctoritate gravissimos Doctores non dehonorat , qui eos recentioribus posthabet , pari , nè dicam meliori modo licebit illos istis antepone , nec justam querimoniam causam invenient moderni .

Phil. Si ita est , jam nulla etiam adhibenda erit fides tot pulcherrimis recentiorum experimentis , quibus mirificè hoc sæculo res Philosophica

D

phica

phica exornata est adeoque ille idem Vallisnerius, quem antea tantoperè commendabas à Sapientum Albo erit expungendus.

Crit. Non bene ratiocinaris Philadelphæ.

Phil. Immo quàm optimè. An non nova sunt isthæc experimenta? An non tot ante actis sæculis omnino incognita? An non tot sapientissimis viris prorsus abscondita? Si ergo ob hoc quod sententia de animæ brutorum spirituali priscis fuerit inaudita temporibus, aut falsà tibi habetur, aut suspecta quamvis illam modo adstruant & defendant recentiores, quis non videat ex eodem capite, fide excidere, nec digna quæ recipiantur recentiorum experimenta?

Crit. Audi Philadelphæ. Non eadem ratio est de physicis experimentis, & de AA. sententiis. Causarum adinvicem applicatarum effectus sunt experimenta, unde sicut in hominum potestate est & diversas, & diversimodè dispositas aptare aut adunare causas, atque diligentiori examine eventus perpendere, ita liberum est homini nova in dies in rebus naturalibus pericula facere, neque ista (semel ac viri docti se ea exactè accuratèque observasse testentur) pro suspectis habere licet sine eorundem veracitatis adeoque & honoris præjudicio; at verò AA. sententiæ circa causas earumque naturas versantur, quæ quoad essentiam nulli sunt obnoxia mutationi, nihilque in suo esse ab hominum animadversione dependent, quales ab initio fuerunt, tales sunt; hinc fit ut eas noviter asserere quales longà temporum serie oculatissimi licet, AA. rem medullitè inspi-

spicientes non viderunt, non leve præbeat suspicandæ falsitatis fundamentum; uno verbo etsi vel nullam, vel modicam ipsa novitas experimenti suspicionem afferat, plurimam tamen circa rerum naturas, novitas meretur sententiarum, facilius etenim atque prudentius creditu est paucos aliquos in errorem labi, quam tot & numero & ingenio, & doctrinâ clarissimos conitanti successione fuisse deceptos. Cæterum putas ne Philadelphæ eos omnes quos adduxisti pro tuâ sententiâ?

Phil. Et indubitanter; quamvis enim non omnes percurrerim; eos tamen pro hac citatos, à fide dignis sæpius audiui.

Crit. Quid si duos ego subriperem?

Phil. Minari tibi licet, sed non quod minaris implere.

Crit. Attende ergo, Jacobum Zabarellam & Joannem Hieronimum Sbaragli tibi exhibeo ut quos patronos affirmas, confitearis inensos.

Phil. Quomodo ambos mihi adversos asseris, cum nundum quid sentiant inspexeris?

Crit. Jam pridem, cum scilicet opinionem hanc tuam ab aliis dubiè licet & titubanti quasi animo propositam novi cum pluribus tum veteribus, tum recentioribus, & istos evolvi. Sed ne rem protrahamus prolixius, atque ut à noviori, fortè acceptioris apud te auctoritatis incipiamus, non te pigeat legere quæ scribat tuæ (ut putas) assertor doctrinæ Jo. Hieron. Sbaragli (a) en quid inquit post nonnulla quæ premiserat. Cum

(a) *Disp. 3. c. 3. sect. 1.*

animæ brutorum, non ita reciperentur in corpore brutali, quod undequaque est materiale; non erunt immateriales secundum esse; unde si non sunt hoc pacto immateriales fortè erunt secundum suam substantiam? hoc autem impium & hæreticum est, & si neutro modo, concludendum est animas brutorum nullo modo esse immateriales. (a) Immo hæc tandem ponit. Supereſt ut concludentes præſentem tractatum, noſtram ſententiam ita deſſinamus aſſerendo, & id ſemper in linea probabili, & cum ſummâ reverentiâ ad alias opiniones, animas brutorum creari, lato tamen modo, & improprie, & eſſe cognoſcitivas . . . eaſdem mixtam naturam habere, inque hac mixtione aliquid immaterialitatis contineri, proinde non ſubſiſtere poſſe, debere corrumpi &c. Porro de qua immaterialitate iſta ſcripſit Sbaragli? Vel de propria, & abſolute tali, vel de impropria tantum & ſimilitudinaria? Si in hoc ſecundo ſenſu, jam non ipſe militat ſententiæ tuæ cum tu eas animas verè propriequè ſpirituales eſſe aſſeveres. Si autem primo in ſenſu loquitur; præterquam quod jam manifeſtè contradiceret iis quæ ex ipſo aptèa vidimus ſec. 1., jam non niſi infulſe eas negaret propria & ſtriſtâ creatione produci, doceretque mixtæ ipſas eſſe naturæ, impotentes ſubſiſtere & neceſſariò corruptioni ſubjectas, hæc etenim animæ, & quidem ſpirituales, citrà contraverſiam, nequeunt convenire; reliquum ergo eſt ut non de verâ immaterialitate nec de propria ſpiritualitate, nec conſequenter in ſenſu tuo loquatur.

Phil.



Phil. Vel invitus fateor , Auctorem hunc ,  
 ni fortè advesetur , mihi saltim non favere .

Crit. Non dispari negotio ostendo ipsum  
 etiam Zabarellam immeritò in tuas partes trahi .  
 Audi ergo ejus sententiam sub titulo de accretio-  
 ne & nutritione (a) hisce verbis expressam :  
*Propterea optime illos sentire arbitror , qui dicunt*  
*animam non ita esse materialem atque dividuam ut*  
*non sit etiam immaterialis atque individua , est enim*  
*media naturæ inter formas penitus à materiâ abjunctas ,*  
*& formas materiâ prorsus immerfas .* Sanè  
 anima quæ de materiali entitativè participat &  
 media est inter duo extrema opposito modo , se-  
 habentia non potest ab uno illorum absolute de-  
 nominari , consequenter nec dici verè & absolute  
 spiritalis , ut est manifestum .

Nec verò tecum sentit ipse etiam Thomas  
 Campanella qui de animalibus verba faciens , in-  
 quit . (b) *Anima enim est ipse spiritus agens , cali-*  
*duus , tenuis .* Porro quis est spiritus , iste cui calor  
 conveniens est ? Qualitas nè corporea naturalis  
 proprietas est substantiæ spiritalis ? Sed ipse  
 met clarè explicat in initio ejusdem articuli , de  
 quo spiritu loquatur , ait enim . *Quoniam verò mo-*  
*tus , est caloris operatio , calor verò movere nequit nisi*  
*intenui agilibusque subjecto (præcipiente sapientia) ingenera-*  
*tæ sunt tenuitates vocatæ spiritus , intra terram li-*  
*quidam viscosam &c.* Quis autem sanæ mentis di-  
 cat tenuitates intrà terram liquidam generatas ,  
 non vocetenus , sed verè substantias esse spiri-  
 tuales ?

Venlo

(a) C. 15. (b) C. 10. de animal. & de Orig. & struct. art. 1.

Venio jam ad veteres illos quos eidem ad-  
 stipulatos sententiæ percentes; & primo quidem  
 miror eos à te tot Sanctis PP. tot sanctitate do-  
 ctrinæque præstantissimis Philosophis qui singulis  
 Ecclesiæ sæculis florere præferendos putari,  
 quibus potius pudor est vel comparare; sed vi-  
 deamus quid quæve de causâ, senserint de bruto-  
 rum animabus; Falsum itaque in primis est illos  
 verum in brutis spiritum agnovisse, cum penè  
 omnes animas ex materiâ compactas censuerint.  
 Empedocles dicit animam *esse mixtionem ex ætheriâ  
 auriâque substantiâ*. Pitagoras apud Laetium  
 docet. *Ani- nam esse puriorem quandam partem æthe-  
 ris calidi & frigidi avulsam ab impuriorebus*. Ga-  
 lenus tom. 1. lib. quod animi mores corporis tem-  
 perantiam sequantur c. 3. sustinet animam in gene-  
 re esse temperaturam quatuor primarum qualita-  
 tum, animam verò rationalem quæ species ani-  
 mæ est, esse temperaturam cerebri. Cum Em-  
 pedocle & Pitagora sentit Cleanthes. Plutarcus  
 verò clarè docet animam ex atomis formari, in-  
 quit enim. (a) *Atomis sunt corpora mente percep-  
 ta, sempiterna, interitus incapacia, quæ nec frangi  
 possunt, nec ullam alterationem, aut deformitatem ad-  
 mittere*. (b) Plinius talem distitit esse ipsius  
 etiam hominis animam, ut doceat ipsam unâ  
 cum corpore interire, & oppositum sentientes  
 derideat. Denique hæc est apud Epicureos atque  
 Stoicos doctrina communissimè recepta ut anima  
 quævis aliquid corporeum sit, docentque teste

D.

(a) Lib. 1. de placit. Phil.


(b) Lib. 7. c. 36.

D. Greg. Nilfeno . (a) *Ipsam animam esse spiritum ignei vigoris numine quodam afflatum* . Seu ut clarius explicat Theodoretus, dicunt . *Animam quidem spiritualem esse substantiam , sed quæ calidi plurimum habeat* . (b) Quæ cum ita sint , vides porro Phil. te palmariter allucinatam fuisse , atque militum loco , militum larvas tecum ad pugnam adduxisse ; cæterum etsi verum in brutis spiritum agnoscerent quid tum ? Non enim ut brutis ipsis confu-lerent , sed ut humanarum , animarum celebrem apud ipsos metempsychosim sustinerent , id ipsum dixisse probarentur , atque constaret è Catholicis labiis amovendas omnino aquas tam venenato è fonte derivatas , nam ut ait Cic. (c) *A falsis principiis profecta , vera esse non possunt* . Quoniam tibi , ut video , abscedere placet , hisce finem pono ; cum redieris , recipies , si afferas nova . Vale .

Phil. Diutius , & libenter quidem apud te manerem , sed vereor nè molestus sim morà longiori amicis me suburbano in rure expectantibus . Vale .

OPI-

- 
- (a) *Tom. 2. lib. 2. de anima .*  
 (b) *To. 4. ser. 5. de natura hominis .*  
 (c) *Lib. 1. Acad. quæst.*



# OPINIO DE SPIRITUALI ANIMA BRUTORUM

Non habet à Scripturis Sacris  
Patrocinium

## DIALOGUS III.

*Critophilus , & Philadelphus .*

**C**Rit. Quàm lubens te excipio Philadelphæ ? Alias quidem tua mihi acceptissima præsentia , atque amœnissima societas , nunc autem quoniam inclinatis jam existimatæ auctoritatis umbris , aut veritas , aut falsitas placiti tui in suâ ( quæcumque ea sit ) relinquitur luce , tantò lubentius adventantem amplector , quanto te certius brutorum spiritualitati valedicturum profiteor .

Phil. Ex victoriâ nullius momenti ( si tamen pro relatâ conceditur ) , plûs justo tibi animus erigitur Critophile , ille tamen ego non sum qui

ex

ex levi & fortè umbratili jacturà dejiciat; Auctores illos sive vetustate decoros, sive ingenii nova claritate conspicuos, ad honorem, ut dicitur, & abundantiae ergo adduxeram, si eos non recipis; nihil inde tibi, nil contrà me. Spirituales brutorum animas, non fallax hominum doctrina insinuat, sed nec falli, nec fallere potens Spiritus Sanctus deprædicat; ex hoc veritatis fonte veritatem hanc hausimus, quotquot sustinemus.

Crit. Etiam Eterodoxi dogmata sua ex scripturis eruisse jactant; atque illa ex iis confirmare satagunt, quibus tamen nemo vel mediocriter in scripturis versatus fidem adhibebit; sed ne videar litem parte inaudità (de quo nudiùs tertiùs me monueras) judicare, affer quæso deprompta sacris ex scripturis momenta quæ Thæsum tibi hanc aded videntur evincere.

Phil. Afferro statim, sed rogo, ut multa dicentem patienter sustineas, & quæ dicta fuerint, non animo præoccupatione decepto, sed veritatis avido æquè ac indagò accipiens, serià postmodum meditatione perpendas. Miraberis tantum audiens, & nisi stes tibi pro ratione voluntatis pervicacia, tuum quoque in obsequium sententiae hujusce, immò veriùs scripturarum captivum dabis intellectum.

Crit. Noli ante certamen victoriam canere; victus ero si vinces, non si te vicisse jactabis.

Phil. Cui divinarum scripturarum auctoritas, arma, præsidiumque ministrat, jam parta victoria est, certusve triumphus. Attende Critophile quàm clarè, quàm sæpè veritatem tibi

E . . . . . aded

ad eò huc usque invisam doceant Scripturæ. In libro Geneseos. (a) Ecce ego adducam aquas diluvii super terram, ut interficiam omnem carnem in qua est spiritus vitæ. (b) Universæ aves, omnesque volucres ingressæ sunt ad Noë in Arcam bina & bina ex omni carne in qua est spiritus vitæ. Nota utroque in loco cit. Spiritus (c) Fortissime Deus Spirituum universæ carnis (d). Provideat Dominus Deus Spirituum omnis carnis &c. Quid sanè hisce testimoniis luculentius potest inveniri? An non hæc dubietatem omnem tollunt, & peremptoriè dirimunt litem? Quæ ad hæc aptior responsio, nisi sincera thesis meæ confessio? Fortè ne reponeas postrema scripturæ loca de solis hominibus loqui? Optima responsio si sola hæc essent, & ex precedentibus ævidenter non colligeretur, hæc ipsa in tota latitudine, & sine restrictione intelligenda esse. At cum dicitur bina & bina ex omni carne in qua est spiritus vitæ ly spiritus non de homine, sed de brutis apertissimè dicitur, si ergo teste Scripturâ verus est spiritus in corpore brutorum, quomodo genuino in sensu poterit eadem de solo homine explicari cum ait. Deus spirituum universæ carnis? Sed ut magis magisque mea tibi lux affulgeat, audi Ecclesiasten palam dicentem (e). Similiter spirant omnia, & inferius. Quis novit si spiritus filiorum Adam ascendat sursum, & si spiritus jumentorum descendat deorsum? (f) Inspice versiones alias, & dum vulgata ait. Similiter spirant omnia. Chaldaica legit. Amborum

(a) L. 6. (b) C. 7. (c) Num. 16. (d) C. 27.  
(e) C. 3. v. 19. (f) C. 3. v. 4.

*rum animæ spiraculum. Hebraica autem, Syriaca, & Arabica uniformiter vertunt. Omnibus, unus spiritus. Dumque vulgata nostra habet Quis novit &c. Hebraica vertit. Quis novit spiritum filiorum Adæ si ascendant sursum, & spiritum jumentorum si sit descendens deorsum in terram? Chaldaica verò sic legit. Quis est sapiens qui novit si spiritus & anima filiorum hominum ascensura sit sursum ad firmamentum; Spiritus & anima jumenti descensura sit deorsum in terram? Hæc sanè tanta sunt, ut nispontè velis Critophile mediâ in luce cœcutire; unâ mecum meliora videre, adigaris. Æquid? Scriptura apertè brutorum animas vocat spiritus; & tu spirituales negabis? immateriales agnoscere formidabis quas illa nomine spiritus tam sæpe decorat?*

*Crit. Ad ostendendam tuam in scripturis sacris peritiam, dixisti satis Philadelphæ; ad probandam quam niteris sententiam, multum quidem specie tenus reverà tamen, nihil, & meritò de te, eademque tecum, sentientibus dicere cum D. Ireneo possem (a). Coguntur tam multa malè interpretari, qui unum nolunt benè intelligere. Sed ut hoc ipsum oculis cernas, & manu tangas, peto à te utrum anima hominum sit post mortem corporis superstes futura?*

*Phil. Utique, certissimè, immortalis est enim.*

*Crit. Benè est; at audi jam scripturarum auctoritate illius cum corpore comprobari occasum. Ecclesiastes loco superiùs à te citato lucu-*

(a) *Lib. 5. c. 13.*

lenter docet animam hominis cum corpore mori, inquit enim. *Unus interitus est hominis & jumentorum, & æqua utriusque conditio, sicut moritur homo, sic & illa moriuntur . . . nihil habet homo, jumento amplius.* Quid clarius expeti potest ad tuendam animæ rationalis cum corpore defitionem? Dices ne eo loci sermonem solum esse de hominis interitu quantum ad corpus? Sed vide quod Ecclesiastes postquam dixerat: *Sicut moritur homo &c.* subdidit. *Nihil habet homo jumento amplius quare quemadmodum non diffiteberet jumentum etiam quod ad animam interire, ita oportet id ipsum non inficiari de homine.* Sed audi scripturam animæ rationalis corruptionem insinuantem, & mortalitatem; in libro Geneleos. (a) *Non interficiatis animam ejus (b).* In lib. Levitici. *Anima carnis in sanguine est: Et postea.* (c) *Anima omnis carnis in sanguine est, unde dixi filiis Israel sanguinem universæ carnis non comedetis, quia anima carnis in sanguine est, & quicumque comederit illum interibit (d).* Job. *Moriatur in tempestate anima eorum.* Et superius de se ipso dixerat (e) *nunc autem in memetipso marcescit anima mea (f).* Deuterón. *Sicut latro confurgit contra fratrem suum, & occidit animam ejus; Ezechiel. 17. (g) In jactu aggeris & in extruptione vallorum ut interficiat animas multas (h).* Jerem. 40. *Ibo & percutiam Ismael filium Nathanias nulla sciente ut non interficiat animam tuam.* Porro hisce audi-

---

(a) C. 3. v. 12. (b) C. 17. v. 11. (c) V. 14. (d) C. 16. v. 14.  
 (e) C. 30. v. 16. (f) C. 22. v. 26. (g) V. 14. (h) V. 15



auditis quis negabit rationales animas cum corpore mori ? Anima quæ marcescere , quæ interfici quæ mori potest quomodo unâ cum corpore non interibit ? Scripturarum ergo auctoritate convinceris animam hominis corpori non esse persistentem .

Phil. Importunè extrâ causam digressus es Critophile , & pessimo me aggredieris arguendi genere , immò vel te in scripturarum intellectione ostendis , vel me nimium putas , imperitum . Hæreticorum morem quem mihi superius opponebas , exactè imitatus es . Non ergo satis est ad aliquid ex scripturâ evincendum , aliquos ex illa textus depromere qui litteraliter & grammaticè intellecti videantur id ipsum asserere ; ast perpendenda est scripturarum praxis invocabulorum acceptione , attendi debet diversarum phrasium consuetudo , comparare oportet loca cum locis , cum textibus textus , ut sensuum veritas innotescat , atque si ista satis nundum pateat , ad SS. PP. recurrendum est , qui superiori illustrati spiritu , quæ in scripturis occulta revelarunt , referarunt quæ clausa . Si secùs , inconsulta scripturarum intellectione , omnium fiet hæresum , & mater & nutritrix . Lege ergo quæ habentur eodem c.3. Ecclesiasticis & invenies quod non rectè intelligis quæ ex illo adduxisti , inquit enim (a) . *Vidi sub sole in loco judicii impietatem & in loco justitiæ iniquitatem & dixi in corde meo . Justum & impium judicabit Deus & tempus omnis rei tunc erit* . Sanè tempus quo Deus judicabit justum & impium non est vitæ

---

(a) V. 17. 18.

vitaæ præsentis in qua sæpè impuniti exultant impii, oppressique gemunt iusti, post hanc ergo aliud tempus aliaque superest animæ vita in qua iusti impiique debita factis recipiant, proinde quæ inferius cit. in C. dicuntur de morte hominis non animæ, de æquali hominis cum brutis conditione quò ad corpus tantum non verò quò ad animam debent & valent exponi; Animadvertè, insuper quod nonnunquam per Synecdochen loqui scriptura consuevit partem accipiendæ pro toto sicque animam non infrequenter pro toto homine accipit sic in Exodo dicitur. (a). *Juxta numerum animarum vestrarum quæ habitant in tabernaculo; sic tolletis.* In lib. Geneseos (b). *Tulit autem Esau uxores suas & filios & filias & omnem animam domus suæ &c.* (c) Act. 7. *Mittens autem Joseph accersivit Jacob patrem suum, & omnem cognationem suam in animabus septuagintaquinque.* Cæterum sexcentis aliis omissis peremptoria est Domini Nostri Jesu Christi sententia (d). *Nolite timere eos qui occidunt corpus, animam autem non possunt occidere.* Si enim qui corpus occidunt animam nequeunt interficere, non est anima hominis physicæ corruptioni subjecta non commoriens corpori, sed illi sine dubio superstes; & cum hæc adeò clara sint & perspicua, si quis occurrat scripturæ textus sub obscurus quique oppositum præferre videatur, juxta hanc pensari, & explicari oportet. Quare Critophile mihi Scripturas Sacras lege prius, perpende seriò antequam

---

(a) C. 16. v. 16. (b) Lib 36. v. 6. (c) V. 14.

(d) Mathei 10.

quam aliquid earum auctoritate probandum aggre-  
dieris, aut probasse præsumas.

Crit. Egregiè locutus es huc usque Phila-  
delphe, non tuam tamen, sed meam nesciens  
peregisti causam; dulcedinem hac vice inveni in  
ore leonis, & possem quidem ea quæ in favorem  
placiti tui ex scripturis adduxisti uno verbo &  
ipse refellere monens te ut loca cum locis confe-  
ras antecedentia cum sequentibus, utraque cum  
mediis compares, & re adhuc in veram lucem  
non deducta consulas SS. PP., at quoniam vereor  
ne nimio in sententiam quam amplexus es præ-  
peditus, aut fortè excœcatus affectu statim mihi  
respondeas optimè te aut qui te docuit Scripturas  
evolvisse & adhuc posteriora prioribus, imma-  
lissimis, utraque mediis sibi in tuo sensu recipro-  
cè correspondere, ideò rem hanc fas est profe-  
quar prolixius ut convincaris securius.

Phil. Facies tuâ prolixitate tædium, non re-  
feres victoriæ præmium.

Crit. Nè quædò molestè feras si multa dixe-  
ro, non enim est vitiosa prolixitas, prolixè licet  
ostensa veritas. Ante quàm ergo objectis tuis ex  
scripturarum fonte petitis faciam satis, duo præ-  
mittere oportet principia, inconcussum tamen  
utrumque & sine peculiari examinis institutione  
concedendum. Primum est quod non verbis scrip-  
turarum insistendum est; sed potius sensui, sæ-  
piùs enim verba literaliter intellecta in errorem  
inducunt, unde & ab Apostolo monemur. (a)  
*Littera occidit, spiritus autem vivificat* cui con-  
cinit

---

(a) 2. ad Cor. c. 3. v. 6.

cinit D. Jeron. (a) Aureis hñce verbis fideles omnes alloquens. *Ne putemus (inquit) in verbis scripturarum esse Evangelium, sed in sensu, non in superficie, sed in medullà, non in sermonum foliis, sed in radice rationis.* secundum est eum non esse, verum scripturæ sensum qui aliis scripturæ locis ritè acceptis probetur adversus, qui rectæ rationi inveniatur oppositus, quive SS. PP. interpretationi contrarius existat, diversa etenim est rerum naturalium, & scripturalium sensuum indago, inquit Aug. (b) *Aliter enim quærimus de creaturæ conditione quid verum sit, aliter autem quid in his verbis Moyses . . . intelligere lectorem auditorumque voluerit.* De rebus enim naturalibus quæ nullam cum fidei nostræ mysteriis connexionem habent permittitur opinari pro libito, dummodo tamen nihil scripturis sacris asseratur contrarium. At scripturæ sensus non pro legentis placito fingi sed juxtà loqui Spiritus Sancti mentem agnosci debet, & cum veritatis fons nequeat sibi vel illativè contrarius esse, hinc vel mille scripturæ loca obvio in sensu contraria uni textui cujus clarus jam certusque sensus, ad hunc tanquam ad lydiū lapidē pro rità intellectuione sunt reducenda, nemo etenim est qui nesciat non ambigua certis, sed è contrà certa ambiguis lucem asferre.

Phil. Hæc omnia jam pridem novi, lubentique animo excipio, at quid tum?

Crit. Non ista protuli ut docerem te, sed ut quæ

(a) Hieron. *suprà ep. ad Galatas.*

(b) Aug. *lib. Conf. 12. c. 23.*

ut quæ aliàs tibi cognita, sint tibi modò vividius præsentia; hisce ergo succinè memoratis veniamus ad arma. Putas itaque satis superque te probasse ex scripturis animam brutorum spiritualem, quia multis in locis hanc animam appellant nomine *spiritus*; & quidem si ly *spiritus* inibi de vero spiritu intelligi debet, cædit tibi victoria lisque omnis dirempta est. At pro viribus contendo ubicumque de brutis dictum invenitur in scripturis ly *spiritus* verum non significari spiritum; hoc autem ut præstem unâ mecum peto animadvertas, quod sæpè sacræ paginæ pro non vero spiritu hanc vocem *spiritus* usurpant. Dicit enim S. Job. (a) *Spiritus meus attenuabitur*. Regius Psaltes (b). *Spiritus procellarum pars calicis eorum* alio in loco (c). *Dixit & stetit spiritus procellarum* atque etiam (d). *Aperi os meum & atraxi spiritum*. Isaias (e) *Quiescite ergo ab homine cujus spiritus in naribus ejus est*. Certè spiritus qui pari attenuationem potest, verus non est spiritus; procellis verus non inest spiritus; qui oscitat verum non attrahit spiritum, nec verus hominis spiritus quasi solitariè aut principaliter est in naribus illius; Hoc itaque animadverso intelliges facilè, cum hoc nomen *spiritus* pro variâ significatione ster frequenter in sacris litteris, non statim verum spiritum esse adtribuendum ubicumque hoc vocabulum *spiritus* usurpat scriptura; agnoscere exindè debes non ex hoc uno attribuentam spiritualem animam bestiis, quod scriptura inesse illis spiritum dicat.

F

Phil.

(a) C. 17. v. 1. (b) Psal. 10. (c) Psal. 106. (d) Psal. 118.  
(e) C. 2. v. 22.

Phil. Utique id concederem si præcisè & utcumque spiritum brutis inexistere diceret Scriptura, aut contextus ipse sicut in locis à te laudatis, excluderet spiritum propriè dictum; at cum loca quæ superius adduxi ex ipso contextu quo dicitur *spiritus vitæ, spiritus vitarum, Deus Spirituum omnis carnis &c.* nequeant aliter intelligi quàm de vero spiritu, nullum hinc est argumentum denegandi brutis spiritum propriè & rigorosè dictum cum ille solus possit esse vitalis, & carnem vivificans.

Crit. Optimum quidem ex parte tua responsum; ast ego ex iis quæ à te animadvertenda proposui, unicè volui aliquam tibi dubietatem & suspensionem ingerere de eà voce spiritus non ut authumas accipiendà, atque ut inde nosses etiam scriptura dicente brutis inesse spiritum vitæ, non immeritò tamen supponi examini tuam hanc de anima brutorum spirituali sententiam; Cæterùm ut indubiè tibi constet non verum à Scripturis Sacris asseri spiritum in animantibus brutis, dic mihi verum nè dices scripturarum auctoritate, probari in brutis spiritum, si scriptura de brutorum animà disserens, de illà affirmet prædicatam quæ vero competere spiritui nullatenùs queunt?

Phil. Si hoc ostendas, fatebor non probari ex scripturis, animæ brutorum spiritualitatem.

Crit. Nonnulla itaque assero loca, ex quibus me rem puto confecturum. Primum desumo ex lib. Geneseos (1). *Dixit etiam Deus producant aquæ reptile animæ viventis, & volatile super terram,*

---

(1) C. I. v. 20.

ram , & postea (a) dixit quoque Deus producat terræ animam viventem in genere suo jumenta & reptilia & bestias terræ secundum species suas : loquens verò scriptura de hominis creatione , ait . *Formavit igitur Dominus Deus hominem de limo terræ , & inspiravit in faciem ejus spiraculum vitæ* . Hisce præactis , quæro cur scriptura de animæ humanæ productione verba faciens dicat Deum formatum hominis corpore inspirasse seu insufflasse in faciem ejus spiraculum vitæ , cum de productione aliarum animarum differens referat Deum mandasse aquis imperasse terræ ut producerent animam viventem ? Sanè diversum istarum , ac illius productionis modum , non leviter nobis indigitat ; hanc scilicet contrapositivè ad alias à solo Deo fuisse creatam , atque singulis infundi hominibus ; nec enim ex materiâ educitur , aut educi potest , neque fit ex traduce , seu non generatur vel propagatur ex animâ parentis licet lux lucem spargit , & propagat , ut putavit Tertullianus , & dubitaverat Augustinus (b) . Quod si anima hominis , non terrâ producente , licet aliæ , sed sola à solo Deo creata est , reliquæ ergo animæ non per veram creationem fuere productæ , aut producuntur . Subsumo jam ; sed si brutorum animæ verè forent spirituales , nonnisi per creationem fieri possent , essent enim spirituales substantiæ per se subsistentes , atque omnem materiæ , potentiam quàm maximè excedentes ; ergo si verè tales animæ creatæ non sunt , & non creantur , verè pariter non sunt spirituales .

(a) C. 1. 2. 20. (b) *Lib. 7. de Gen. ad litt. c. 1. & seq.*

Unum restat ostendere ad maiorem argu-  
menti vim, quod videlicet sensus scripturæ sit de  
productione animæ rationalis ut contradistincta à  
productione cæterarum animarum; sint autem  
omnium instar oculatissimi lique fidelissimi scrip-  
turarum interpretes D. Ambr. Augustinus, &  
Angelicus Doctor, quorum primus in rem no-  
stram sic loquitur (a). *Bestias non fecerunt, ma-  
nus tuæ, sed dixisti producant aquæ reptilia anima-  
rum viventium, & produxit terra secundum genus  
quadrupediæ & reptilia, & bestias terræ, me au-  
tem, inquit, fecisti, me tuis manibus figurasti, hoc  
est non figurasti bestias manibus tuis, non reptilia,  
non volatilia, me autem fecerunt manus tuæ. Poste-  
rior verò hæc habet (b). Intelligimus spiritum vitæ,  
& animam viventem scripturam suo more dixisse  
cum animalia idest corpora animata vellet intel-  
ligi, quibus inesset per animam perspicuus iste  
etiam corporis sensus, in hominis autem conditio-  
ne obliviscimur quemadmodum loqui scriptura  
consueverit, cum suo prorsus more loquuta sit,  
quo insinueret hominem etiam rationali animâ  
acceptâ (quam non sicut aliarum carnium aquir  
& terrâ producentibus, sed Deo stante creatam  
voluit intelligi) sic tamen factum ut in corpore  
animali, quod sit animâ in eo vivente, sicut illa  
animalia viveret, de quibus dixit. Producat  
terra animam viventem. D. autem Th. ita effatur.  
(c) *Animæ brutorum producit ex virtute aliquâ  
corporea,**

(a) D. Ambr. *Exposit. in Psal. CXI III.*(b) *Aug. l. 13. de Civit. Dei c. 24.*(c) *Th. 1. p. 9. 75. art. 6. ad 1.*



corporeâ, anima verò humana producitur à Deo, & ad hoc significandum dicitur Gen. 1. quantum ad animalia producat terra animam viventem; quantum verò ad hominem dicitur quod inspiravit in faciem ejus spiraculum vitæ; Cum itaque illud quidem quod à solo Deo producitur sit verò creatura, non autem id quod ex aliqua corporeâ virtute, cum hæc neque sit, neque esse possit creativa, concludi merito potest animas quidem humanas, non autem reliquorum animalium, substantias esse spirituales; nec enim substantia spiritualis est, quæ sine actione creativâ potest produci.

Quid ad tam luculenta tantorum Ecclesiæ luminum testimonia valebis reponere? Nunquid Ambr. Aug. & D. Th. in sacris litteris non satis eruditos? Appagè temeritas insana, ignorantiaque proterva! & hoc à doctis à Catholicis sine horrore dici poterit vel audiri? Cui patebunt scripturarum arcana si D. Ambr. Aug., & Aquinatis Soli vocitantur impervia?

Secundum Scripturæ textum reperio in Psal. ubi dicitur (a). *Nolite fieri sicut equus & mulus quibus non est intellectus.* Atque ulterius. *Homo cum in honore esset, non intellexit, comparatus est jumentis insipientibus, & similis factus est illis.* (b). Si ergo scriptura palam docet brutis non inesse intellectum quomodo dici potest ex ipsa probari in iisdem animam spiritualem? Intellectus (maximè per vos qui omnia prorsus abnuitis accidentia) ab animâ spirituali nullatenus à parte rei distinguitur proindeque est idem cum illa, si idem est cum illâ quomodo coherentè dicere potestis animam

(a) Psal. 31. v. 9. (b) Psal. 48.

animam spiritualement non esse intellectivam ? Jam verò sic inſto . Ex una parte anima ſpiritualis utpotè identificatum habens intellectum eſt , intellectiva ; ex alia teſte Scripturà anima brutorum non eſt intellectiva ſed intellectu carens . Ergo ex ſcripturà clarum fit animam brutorum non eſſe ſpiritualement .

Phil. Operam hac vice perdis Crit. dum prædicata quæ uni ſpirituum ſpeciei conveniunt , cuilibet apropias , at quàm falſò præterquam quod conſtat , oſtendo . Fallax abs dubio eſt hoc argumentum Aurum eſt metallum ; argentum eſt metallum ; ergo aurum eſt argentum . Ergo ſimiliter fallaciter arguit qui dicit . Spiritus Angelicus eſt intellectivus ; ſpiritus humanus eſt intellectivus ; ergo & Spiritus Belluinus eſt intellectivus . Sicut enim eſſe auri auro convenit non argento & vice verſa , ita eſſe intellectivum Angelo conveniens eſt & animæ rationali non vero brutorum ſpiritu , & ſicuti ex quo argentum ſit metallum ſicuti & aurum non tamen inferri poteſt quod ſit aurum , ita ex quo anima brutorum ſit ſpiritualis ſicuti & Angelus & anima hominis , non hinc deduci valet quod ſit intellectiva ſicut Angelus aut homo nam quemadmodum argentum convenit quidem cum auro in ratione generica , differt verò ab illo in ratione ſpecifica & per hanc differentiam non ſuſtinet prædicatam auri , ita etiãſi anima brutorum univocetur cum Angelo & animæ rationali in ratione generica entitatis ſpiritualis , maximè verò differt ab illis in ſua ſpecifica ratione nec proinde intellectivitas conveniens

veniens illis , huic etiam attribui valet . Tandem quis negabit posse Deum perfectiores in infinitum facere spiritus ? Quis etiam nescit posse Deum minùs in infinitum perfectos spiritus producere , carentesque multis perfectionibus , quæ aliis incurrent spiritibus , & tamen adhuc veri spiritus erunt ? Animas igitur brutorum spirituales dicimus limitatissimas tamen atque in infimo spiritualitatis gradu quibus proinde , perperam aptantur quæ solis perfectioribus spiritibus sunt convenientia .

Crit. Hoc quidem est potissimum effugium tuum irritum tamen . Admitto ergo fallax esse argumentum à te propositum . Admitto pessimum esse arguendi genus à genere inferre species concedo libenter posse Deum pro libito & perfectiores in infinitum , & imperfectiores non tamen in infinitum , producere spiritus ; non in quam imperfectiores in infinitum cum enim nulla creatura vel habeat , vel habere possit perfectionum infinitatem , nulla est creatura quæ eadem in suâ specie permanente , detrahare possit Deus in infinitum perfectiones ; Quare his omnibus respectivo in sensu concessis , nihil adhuc concludis . Prædicatum intelligentis non est tale ut sit à substantia spirituali per se subsistente amovibile prædicatum intelligentis non est peculiare alicui spirituum per se stantium speciei sive non differentiale spirituum , sed genericum omnique spirituum speciei de necessè & essentialiter conveniens ; quid enim est esse intellectivum nisi posse in res alias cognoscitivè transformari juxta quod

quod dicitur. *Intellectus intelligendo fit omnia?*  
 Quid est potens fieri vitaliter reppresentativè  
 omnia, nisi id quod omninò emergit è materià;  
 quod est per se subsistens, potens naturaliter esse  
 sine illà, nec ab illà indigens sustentari, nullum-  
 que tanquam sibi necessarium poscens subje ctum?  
*in iis quæ sunt sine materià* (inquit Arist.) *(a) idem est*  
*intelligere, & intelligibile esse.* An non autem  
 omnis substantia spiritualis quæcumque tandem  
 ea sit, & quantumcumque imperfecta dicatur  
 prorsùs omnem excedit materiam, potest & qui-  
 dem naturaliter existere sine illà, atque non ex  
 necessitate essendi subje ctatur in illà? ergo omnis  
 & quantumvis limitata spiritualis substantia est  
 verè intellectiva. Ex his autem patet directà ad  
 duplicem in contrarium rationem responsio. Ad  
 primum quidem, nam præterquàmquod non ser-  
 vatur debita medii extremorumque distributio,  
 unde peccat argumentum ratione formæ, falsum  
 insuper est ratione materiæ, fit enim paritas de  
 prædicato generico Metallum ad prædicatum  
 specificum Aurum, in quo certè maximus error  
 invenitur; non sic autem in nostro casu cum ete-  
 nim, ut ostensum modo est, prædicatum intelle-  
 ctivi sit conveniens non alicui tantùm spirituum  
 speciei, sed cuilibet spirituali substantiæ tanquam  
 aliquod genericum, rectè inde inferimus quod si  
 anima brutorum est substantia spiritualis, erit  
 etiam intellectiva, non secùs ac ita argueremus.  
 Omnis substantia spiritualis est intellectiva, ani-  
 ma brutorum est substantia spiritualis; ergo &c.

Ad

(a) Lib. 3. de animæ tex. 14.

Ad secundum etiam, nam esto innegabile sit posse Deum spiritus perfectiores, in infinitum producere, non inde tamen consequitur fieri posse spiritualement substantiam sine prædicato eidem substantiæ genericè proprio; quod enim totius generis proprium est, cuilibet etiam speciei sub illò contentæ est essentialè; quod, autem essentialè est, nec à Deo auferri potest re ipsa, adhuc remanente, unde & rerum essentialè æternæ hoc sensu dicuntur, improductæ, immutabiles &c. Sic quia esse sensitivum est prædicatum genericum animalis, licet possit Deus facere perfectiora vel imperfectiora animalia, facere tamen nequit ut animal, animal sit, & non sensitivum, sicut facere nequit quod simul sit, & non sit animal; atque intrà eandem speciem facere potest Deus vel magis vel minus perfectos homines nullum tamen potest hominem facere qui verè sit homo, qui non sit & animalitate præditus, & rationalitate. Instituiamus ergo alium de metallis syllogismum. V. g. Omne metallum est grave; sed aurum, sed argentum, sed æs est metallum; ergo aurum argentum, æs est grave. Non ne valet cum ratione formæ, tum ratione materiæ? Quid nì ergo valebit mox institutum argumentum. Omnis substantia spiritalis, est intellectiva &c.?

Sed opere pretium est ut jam perpendamus adducti, sique nì fallor unici subterfugii verba. Vident enim hujus sectatores sententiæ, seu ut quodam sagacis modestiæ titulo dici malunt (hypothesis) vident inquam admissa semel verè in brutis animà spiritali negari ipsis cum veri-

tate non posse vim intellectivam ac proinde cum sibi adversantes reperiant scripturas, illis nolum contrariari, illas intellectivas asserendo, sunt enim Catholici; cum noverint esse contrà communem Doctorum mentem id ipsum asserere, non audent hoc brutis spiritali licet constantibus animà concedere prædicatum, sunt enim docti scientesque quod *qui contra omnes loquitur, inspiens est*. Hinc adducti sunt rem ipsam quam reverà negare non possunt, verbo tenùs inficiari, dicendo nimirum bruta limitatissimum habere spiritum.

Phil. Utique id dicimus nec gratis, id enim patet si gradatio inter spiritus nobis notos instituat. Deus enim est spiritus; Angelus est spiritus; anima rationalis est spiritus; anima bruti est spiritus; porro sicut temerè quis diceret spiritum Angeli esse ejusdem virtutis, ac spiritus Dei; spiritum hominis ejusdem ac Angeli; ita nonnisi insulsè dicitur spiritus bruti eadem posse quæ spiritus hominis, sed sicuti spiritus Angelicus infinitè est inferior divino, humanus longè ab Angelico distat, ita Belluinus utpotè limitatissimus, quàm maximè distat ab humano.

Crit. Verba iterum das Phil, non vim infringis argumenti, quid enim quæso te putas conficere cum ais *limitatissimum brutorum spiritum*? Vel per tò *limitatissimum* extrahis brutorum spiritum à verà ratione spiritus, vel relinquis? Si primum; jam ergo fateris vel invitus brutorum animam verum non esse spiritum, verè non esse spiritualem substantiam, proindeque tota quæstio ad meram vocabuli novitatem reducitur, de qua cum

cum de re convenitur, non est disceptandum; vel non obstante id limitatissimum, adhuc relinquis brutorum spiritum in verâ spiritus ratione, adhuc contendis ipsum esse substantiam propriè spiritualement, & sic inficiari non potes brutorum spiritui ea prædicata quæ genericam spiritus rationem, vel constituunt, vel consequuntur. Dic ergo quantumvis limitatum brutorum spiritum, ad summum poteris hinc inferre limitationem hanc, quam belluino spiritui contrapositive ad humanum vel Angelicum attribuis, esse non potentia remotæ, sed proximæ, non in posse intelligere (verum enim habebit & quidem identificatum intellectum) sed in intelligere actuali, quatenus vel pauciores habet inditas species vel imperfectioribus organis præpeditur ne tantum actu intelligat, quantum cæteroqui posset intelligere; hoc autem quid est aliud quàm æquiparare Angelico, atque humano spiritui brutorum spiritum quantum ad entitatem, inferiorem verò statuere unicè quantum ad actualem operationem?

Repetamus jam Sacrae Scripturae verba & videamus num consentaneum illi sit dicere, bruta esse in sensu mox dicto intellectiva. *Nolite fieri sicut equus & mulus quibus non est intellectus.* Sanè hæc verba clara sunt non ambigua nullus est error si intelligantur ad litteram, sed nullum etiam superest tibi effugium, si ita ut sonant, intelligantur. Spiritus etenim Sanctus per ea denegat brutis, non intellectionem, sed intellectum, non actum, sed potentiam intelligendi; qui ergo dici

cum veritate potest bruta esse imperfectè licet ; & limitatissimè intellectiva , scripturà absolute brutis denegante intellectum ? An ne dici poterit imperfectè & utcumque visivum quod prorsus caret videndi potentia ? Si itaque vis intellectiva seu intelligendi potentia , est intellectus , & intellectus brutis non inest , evidens fit nullimodè bruta esse posse vel dici intellectiva , multoque minùs intelligentia .

Phil. Rectè concluderes si de necessè intelligenda esset scriptura absolute negare brutis intellectum , at quid vetat eam interpretari quasi dicet . *Nolite fieri sicut equus & mulus , quibus comparative ad hominem non est intellectus* ? Si verò ita explicetur , jam firmum adhuc manet , imperfectè saltem bruta intelligere .

Crit. Hoc jam prævideram ante reponendum , at jam aditum huic responso præcludit laudatus superius regius Pfaltes dicens (a) . *Homo cum in honore esset , non intellexit , comparatus est jumentis insipientibus , & similis factus est illis* . Si etenim homo similis factus est jumentis eo quia non intellexit , consequens manifestum est quod jumenta & bruta non intelligunt . Non ergo solum comparative ad hominem , sed absolute & nullà facta comparatione brutis non inest intellectus , atque absolute intelligenda est scriptura de brutis dicens , *Quibus non est intellectus* . Hinc & Pagninus vertit . *Quibus non est intelligere* . Porro in quo sita est ratio hanc fundans similitudinem hominem inter & bruta ? Utique in negatione intellectu .

(a) Psal. 48.



Etionis , quia nimirum potens noluit intelligere ; similis factus est jumentis , habentibus non quidem voluntariam & accidentalem , sed necessariam & essentialem intellectiōis negationem ; ratio etenim similitudinis , si non eodem modo , eadem tamen in utroque extremo repperiri debet , perinde ac si de homine de loco ad locum transire obligato , immoto tamen manente , diceretur . Comparatus est simulacro & similis factus est illi ; quemadmodum enim naturalis est simulacrum quæ libera est homini , ita naturalis est brutis negatio intellectiōis quæ voluntaria est & culpabilis in homine in honore constituto . Eundem locum ita exponit Jorgius Cardinalis . *Quibus non est intellectus quasi dicat , in hoc efficiuntur jumentis isti similes , quod non habent intellectum , & certe in hoc sunt jumentis viliores , quod ipsi Intellectum ceperunt & perdidit jumenta . autem non ceperunt .* Sed ne te Phil. diutius detineam præsentem claudo sermocinationem cum eruditissimo viro Alphonso de Castro qui postquam retulit Philastrum de Gnosticis & Manichæis dixisse quod docuerint bruta intelligere & esse ratione prædita concludit (a) . *Sit autem hæc Gnosticorum sententia aut Manichæorum , aut secus res se habeat , non multum curo , cum certum sit talem assertionem esse erroneam & sacris literis apertissime contrariam . Nolite inquit Propheta fieri sicut equus & mulus quibus non est intellectus ; falsum est ergo omnia bruta esse rationis capacia ; & idem Propheta iterum ait . Homo cum in honore esset non intellexit comparatus est jumentis infi-*

(a) Lib. 3. *Verbo Bestia.*


insipientibus, & similis factus est illis. In quo autem similis factus sit declaravit cum dixit eum non intellexisse, per hoc enim quod non intellexit assimilatus est jumentis quoniam illa non intelligunt; si quidem bruta intelligunt, in quo quæso assimilatus est jumentis cum honorem in quo eum Deus constituit non agnovit? Ex his ergo duobus Scripturæ Sacræ testimoniis apertissime convincimus bestias non esse rationis capaces. Hæc ille quibus nihil validius, nihil optabilius nihil clarius ad ratiocinii mei confirmationem, placitique peremptionem tui. Cæterum displicet quod has inter colloctiones seminum hora protraxit, nonnulla etenim mihi supererunt per quæ ad loca à te adducta iterum respondeam, sed nè tuà abuti videar patientià, ea ad aliam remitto.

Phil. Reliqua si quæ habes audire non detrecto, non tamen modo, post prandium te auditurus redibo. Vale.

Crit. Quæ hucusque audisti, absens perpende, & te redeuntem excipiam ab abscedente diversum. Vale



OPI-



OPINIONI DE SPIRITUALI  
ANIMA' BRUTORUM

Adducta ex Scripturis Loca minimè favere ,  
iterùm ostenditur

D I A L O G U S IV.

*Philadelphus , & Critophilus .*

**P**Hil. En Crit. quantum mihi de victoriâ blandiar , cum tam promptè ad certamen accedam ; quæ dixeras tibi adhuc arma superesse deprøme jam , irritò enim contrà me ea stringes conatu .

Crit. Puto me præterito discursu tam clarè ostendisse tuam Scripturis Sacris adversari sententiam , ut tibi vera ex Scripturis responsio non suppetat , cæterùm nonnulla sicut promissi addam quæ magis ac magis ostendant , alienum esse à sensu tuo eorum locorum sensum quæ ex scripturis adduxisti . Vim ergo facis non modicam

dicam in duplici Ecclesiastis textu quorum primus est (a). *Similiter spirant omnia* qui variis exponitur versionibus hoc modo. *Omnibus unus spiritus*. Posterior verò, ilque præcipuus, quo te invincibiliter jactas pugnaturum, ex eodem Ecclesiaste desumptus est ubi inquit (b): *Quis novit si spiritus filiorum Adam ascendat sursum, & si spiritus jumentorum descendat deorsum?* Jam verò sic exordior à primo. *Similiter &c.* Verum itaque est quod Hebraica, Syriaca, & Chaldaica vertunt. *Omnibus unus spiritus* at jam dixi aliàs hanc vocem spiritus non semper in Sactis Litteris accipi pro vero spiritu, unde & D. Aug. inquit. (c) *Sex modis in scripturis spiritum substantialiter dici, non nescio à vobis sciri; primo summus omnium Deus spiritus appellatur ut ibi. Spiritus est Deus, & qui adorant eum, in spiritu oportet adorare. Secundo Angeli spiritus dicuntur ut ibi. Qui facit Angelos suos spiritus. Tertio animæ spiritus nuncupantur ut ibi. Exibit spiritus ejus, & caro revertetur in terram. Quarto vita brutorum animalium spiritus vocatur ut ibi. Quis scit si spiritum jumentorum descendat deorsum? Quinto venti dicuntur spiritus ut ibi. Spiritus procellarum. Sexto aer scribitur spiritum, ut ibi. Os meum aperui & attraxi spiritum. Quibus & ostendit S. Doctor quàm variè hoc nomen spiritus in scripturis usurpetur, & indirectè saltem negat nomen spiritus brutis applicatum significare verum spiritum, dum secernit animam bruta informantem ab animà hominis de qua im-*

(a) C. 3. v. 19. (b) C. 3. v. 21.

(c) Lib. de cognitione vera vite.

immediatè antecedenter mentionem fecerat, non utique unam ab alià secreturus, si utraque apud ipsum verus spiritus foret; abbreviatà enim in quinque tantùm membra inductione, dicere, maluisset. *Anima quorumvis animalium spiritus nuncupatur* ut ibi. *Omnibus unus spiritus.*

In primis itaque si in hoc textu. *Omnibus unus spiritus* ly *spiritus* stet pro verà substantià spirituali, jam hæc non erit versio illius loci *similiter spirant omnia*, sed erit absoluta mutatio, nam ly *spirant*, seu respirant denotat effectum vitæ sensitivæ nec aliquid dicit de illius principio; ly autem *spiritus* si supponat pro entitate substantiali spirituali, denotat principium vitæ, non verò effectum, immò neque denotare potest; nam spiritus verè, ac genuinè talis neque spirat, neque respirat, cum spirare & respirare viventis quidem & sensitivi sit proprium, semper tamen corpori, quale certè spiritus non est.

Iusuper si tò *spiritus* stat ibi pro vero spiritu, vel tò *unus* immediatè præcedens, intelligi debet de unitate numericà? & hoc non, id enim est error manifestus, atque foetida hæresis; vel de unitate specificà, & hoc neque, aliàs homo cum jumentis, atque omnibus animalibus brutis ejusdem foret speciei, quod sanè nonnisi à brutali, homine dici potest; vel denique de unitate similitudinis? Et hæc vel univoca est vel analogica? non univoca; cum etenim ista eandem specificè rationem formalem importet in utroque relationis extremo, jam rediret hominem in eadem esse specie cum brutis; reliquum ergo est quod

H

fit

fit analogia, hæc autem non est ad intentum, nam cum non postulet eandem proprièque talem rationem in utroque extremo, ut patet in animali sano; & medicina sanà & similibus analogis; in quorum uno sanitas propria repperitur, quæ non nisi impropiè & per translationem dicitur de alio, consequens est tò spiritus accipi non posse pro vero spiritu, atque in omnibus propriè tali;

Quo ergo in sensu dictum erit *Unus omnibus spiritus*? Utique in isto, quod nimirum *idem est omnibus halitus, eadem respiratio* ut vertit Symachus. Quod *idem omnibus flatus*, eademque *aura vitalis* ut legit Vatablus, quare ex hoc textu verus in omnibus animalibus, & propriè dictus spiritus non probatur; sed nè hoc ipsum non satis probasse videar; ex scopo Ecclesiasticis ostendo, quod non ibi verè de animà, sed de corpore sermo sit sive hominis, sive jumentum; de utriusque & respirationis, & expirationis in morte necessitate; inquit enim toto penè illo capite eundem hominum esse & jumentorum interitum, æqualem utrorumque conditionem, & hominem nihil ampliùs habere jumento; an non autem hæc insana deliria sunt de hominum brutorumque animis intellecta? An non certum est nè dum apud Orthodoxos, sed Ethnicis etiam apprimè suatum, animam hominis unà cum corpore non interire, proindeque quoad animam æqualem haud esse hominis cum bruto vel conditionem vel interitum? Sanè animam hominis cum corpore non perire, sed illi supersistere vivere; nonnò docuere Trismegistus, Orpheus, Socrates,

tes, Musæus Pherecydes magister Pythagoræ, Aratus, Homerus, Empedocles, Seneca, Virgilius, & Phocylides cujus est illud : *Defunctis superest vita, & dii deinde creantur*. Quid ergo superest, nisi hominum jumentorumque comparationem, non de utrorumque animâ, sed de corpore ejusque interitu esse intelligendam? quod si ita est ut inficiari verè non potes, quid jam ad intentum concludi poterit per ea verba : *Similiter spirant omnia*. Unus omnibus spiritus? Nihil aliud porro, nisi hoc unum, quod ab omnibus ultrò conceditur, eandem scilicet esse humani corporis ac belluini, sicut viventis respirationem, ita morientis corruptionem. Audire non pigeat quomodo hunc eundem Ecclesiastis locum intelligat Angelicus Doctor (a) *similiter* (inquit) *processus vite est similis quantum ad corpus, ad quod pertinet quod dicitur in Ecclesiaste. Similiter spirant omnia, & sapientiæ secundo fumus & flatus est in naribus nostris &c. sed non est similis processus quantum ad animam quia homo intelligit, non autem animalia bruta*.

Progredior jam ad secundum scripturæ locum. Quis novit si spiritus filiorum Adam &c. Hunc locum in primis non litteraliter sed mysticè intelligit ac exponit egregius ille scripturarum scrutator & maximus Ecclesiæ Doctor D. Hieron. his verbis (b). *Quis scit utrum sanctus qui hominis appellatione dignus est, ascendat in Cælum, & utrum peccator qui jumentum vocatur : descendat in terram? fieri enim potest utrumque pro incerto*

H 2 *vita*

(a) 1. p. 9. § 5. art. 6. ad 1.

(b) Hieron. Comment. in c. 3. Eccl. lit. D.]

*vita hujus & lubrico stata, ut & justus concidat; & peccator resurgat. Nè tamen videar per mysticas expositiones eam vim fugere, quam facit textus, ut putas in sensu obvio, juvat observare: quod ubi vulgata dicit & si spiritus jumentorum descendat deorsum, textus Hebraicus Syrus, & Septuaginta addunt in terram quæ postrema verba non leviter indignant de quo descensu sit sermo, scilicet de descensu per corruptionem atque interitionem, ostenduntque consequenter ibi nomine spiritus non substantiam intelligi spiritualem, quæ naturaliter mori nequit, vel corrumpi, sed accipi nomen illud spiritus in quadam latiori significatione, qua nimirum idem sonat ac anima seu principium vitæ, quod sanè non obicurè patet ex versione Chaldaica, quæ sic legit: *Quis est sapiens qui novit si spiritus & anima filiorum hominum . . . spiritus & anima jumentis &c.* Ubi illa particula et non habet vim copulæ, sed disjunctionis ut per se patet, quare hunc locum vertit Campenlis. *Quotusquisque interim novit, an hominis ascensura sit sursum, an anima reliquorum animantium cum corporibus interitura sit?* Ubi quod aliæ versiones legunt. *Spiritus*, ex hac non aliud est nisi anima quæcumque tandem ea sit, quæ quidem si in generali acceptione vocatur spiritus, non à spiritualitate, quæ soli animæ humanæ conveniens est, sed à respiratione quæ cuilibet animali convenit, ita appellatur, ut manifestè colligitur ex dictis superius, ubi ostensum est prædicata genericè convenientia spiritui, non convenire teste ipsà scripturà, animabus brutorum, & ex proximè*



mè perpenſis in explicatione illius loci. *Similiter ſpirant omnia*. Placet autem hic obiter animadvertere quod ſi ſcriptura conſtanter diceret. *Quis novit ſi anima filiorum Adam &c. & ſi anima jumentorum &c.* Jam nihil eo loci repperires quod ſententiæ tuæ videretur favere, unde totam vim in eo reponis quod dicatur *ſpiritus & ſpiritus*, at quod immeritò vis tanta fiat in eo vocabulo, planè conſtat ex ſignificato, ſive animà pro qua ly ſpiritus accipitur, & colligitur ex Campenſi & ex verſione Chaldaicè & clariffimà *ex D. Tb. 1. p. q. 9. art. 3. rel. Dial. 6.*

Neque verò aliquid urget quod Eccleſiaſtes dicat *Quis novit*? Nec enim vel neſcientis, vel dubitantis, ſed potiùs increpantis ea ſunt verba; *Quis novit*, idèſt quis recogitat, & ſibi perſuadet animam humanam aſcendere ſurſum ad Deum qui illam creavit, ut illam tanquam immortalẽ judicet, animam verò jumentorum ſimul cum corpore interire, nec eſſe quo ad animam parem hominis fortem & jumentum? Opportunè ſuper hæc verba *Quis novit &c.* iterum D. Hieron. (a) *Non inter pecudes & hominem ſecundùm animæ dignitatem nihil intereſſe contendit* contenderet id autem ſi & humanam & belluinam animam verè ſpiritualement diceret. *Sed adjuciendo quis, difficultatem rei voluit demonſtrare, pronomen enim quis in ſcripturis ſanctis non pro impoſſibili, ſed pro difficili ſemper accipitur.* Novit ergo Eccleſiaſtes, maximum eſſe diſcrimen animam hominis inter & jumentum, ſed eos redarguit, qui quamvis ſpeculativè ſciant

(a) Hier. commen. ſuprà cit.

sciant eundem non esse humanæ, & belluinæ animæ finem, practicè tamen ita vivunt ac si id omninò nescirent, putarentque non secùs ac brutorum animas, etiam illas hominum simul cum corpore corrumpi & interire.

Phil. Falsum prorsùs est quod Salomon conderet inter pecudes & hominem secundùm animæ dignitatem nihil interesse, si pecudum animas verè diceret spirituales; quia etsi tales forent, essent tamen in infimo spiritualitatis gradu, pauca tantùm intelligerent, nec essent conditæ ad imaginem Dei sicut animæ hominum consequenter istarum dignitas longè adhuc illas antecelleret.

Crit. Equidem miror quod iterum illi phrasi innitaris. *In infimo spiritualitatis gradu*; cum responsionem hanc intimè jam examinatam, audieris, nec infirmà ratione repulsam; ut quid quasi ineluctabilem responsionem profers, quam vanam & futilem silentio ipso confessus es? Solve priùs, si vales, quæ in contrarium adducta sunt, & tunc quasi pacificus possessor, illam supponere, novamque petere solutionem poteris. Hoc itaque jure merito neglecto, reliquis adhibebo responsum. Bruta ergo, inquis, non erunt quò ad animam etsi spiritualement ejusdem cum animæ hominis dignitatis. Primò quia illæ pauca tantùm intelligerent. Secundò quia non sunt vel essent creatæ ad imaginem Dei; ut itaque primo faciam satis, suppono animæ dignitatem, de qua in præsentì fit sermo, non esse accidentalem & superadditam, sed materialem & entitativam, agitur

tur enim de animà secundùm substantiam seu naturam suam , non verò de eadem secundum operationem actualem, vel perfectam, vel imperfectam , vel moraliter bonam , vel moraliter malam &c. hoc sanè ævidens est legenti D. Hier. verba , eo tamen posito sic insurgo . Anima brutorum si spiritualis est , non minùs secundùm se, est potens intelligere quàm anima hominis ; ergo secundùm se & entitativè accepta ejusdem est dignitatis cum illà . C. clara est & legitima ; ea enim quæ secundùm entitatem sumpta eandem habent potentiam in ordine ad actus æquè perfectos nobilesque, ejusdem etiam sunt quoad entitatem dignitatis . Probandum itaque superest antecedens quod licet ex suprà dictis satis evincatur, præstat tamen adhuc paulò fusiùs prosequi .

Si brutorum anima spiritualis est, non minùs emergit è materià, non minùs est per se subsistens & independens ab illà quàm anima hominis ; ergo si spiritualis non minùs est potens intelligere quàm anima hominis . Consequentia sequitur nam in illis prædicatis vis intellectiva fundatur , ut. præclarè docet D. Th. his verbis (a) . *Quia anima est immunis à materià , & omnis talis natura est intellectualis consequitur ut id quod in ipsà, tenetur , ab ipsa intelligatur &c.* Ubi immunitatem sive exemptionem à materià assignat S. Doctor pro radice intellectivitatis ; probatur ergo antecedens . Si anima brutorum est substantia spiritualis , non est minùs spiritualis quàm anima hominis ; ergo non minùs emergit &c. quàm anima homi-

(a) *Dist. 3. q. 4. art. 1.*

hominis. Antecedens probatur substantia spiritualis est verus spiritus ; atqui verus spiritus non suscipit magis & minùs in lineà spiritus ; ergo substantia spiriualis non suscipit magis & minùs in ratione substantiæ spiritualis ; sed si substantia spiritualis non suscipit magis & minùs in tali ratione , jam anima brutorum , si est forma spiri-  
tualis, non est minùs spiritualis quàm aliæ spiri-  
tuales formæ adeoque quàm anima hominis ; ergo si anima brutorum est substantia spiritualis , non est minùs spiritualis quàm forma hominis , nec consequenter minùs intellectiva . Novi equidem quòd etsi substantia non suscipiat magis & minùs , potest tamen una esse perfectior alterà , sic Angelus primæ Hierarchiæ substantia perfectior est Angelo Hierarchiæ inferioris , sic planta substantia imperfectior est animali, at quod contendo est, non posse unam substantiam creatam, in ipsà lineà formali substantiæ, esse magis alterà vel minùs perfectam , quævis enim ex illis constituitur formaliter *per subsistere per se* quod inæquale esse non potest; quare cum intellectivitas sequatur ad spiritualitatem quæ in omni substantia spiritali creata æqualis est , æqualis esse debet & illa .

Phil. In transversum tuus te abripit ardor Crit., & si verè meam , tuam pariter eodem ictu confodis sententiam . An non tibi & Peripateticis omnibus in dubium est, dari in rerum naturà substantias magis vel minùs materiales ? forma certè lapidis magis materialis est quàm forma plantæ ; ista magis materialis quàm forma animalis , quomodo autem hoc ipsum poteris sustinere , si  
tuum

tuum contra me argumentum concludit . . Arguo enim ad probandum non dari majorem , vel minorem formarum materialitatem : Forma plantæ non est magis , aut minus materialis quàm forma bruti, vel lapidis; ergo &c. Probatur antecedens forma plantæ est substantia materialis; ergo &c. probatur, c. Substantia materialis est vera materia ; sed vera materia non suscipit magis & minus in lineâ materiæ ; ergo &c. sed si substantia materialis non suscipit magis & minus jam forma plantæ non est vel magis , vel minus materialis quàm forma bruti vel lapidis ; ergo &c. quod dabis , accipies responsum , eadem enim utrobique ratio militat .

Crit. Non contemptibilis utique instantia hæc est , at audi quomodo meum intactum relinquo, dum tuum dissolvo argumentum, Respondeo ergo nego antecedens ad ejus probationem concessio antecedente nego c. ad cujus probationem distinguo Majorem; substantia materialis est vera materia quantum ad partem sui subjectivam , non verò quantum ad partem activam seu informantem , concedo Majorem, quò ad utramque partem, nego Majorem & concessa Minori, nego c. Ad probationem distinguo subsumptum ; sed si substantia materialis quò ad neutram partem sui suscipit magis vel minus , jam forma plantæ &c. concedo ; si non suscipit magis & minus quò ad partem subjectivam , illud tamen admittit quò ad partem activam nego minorem , & c. Substantia itaque materialis completa , non est simplex , sed composita ; duas apud Peripateticos partes importans , materiam nimirum & formam

formam materialem; secundum materiam utique substantia non suscipit magis & minus, nec enim materia potest esse magis vel minus materialis, cum sit in summo gradu materialitatis secundum ipsam essentiam suam. At verò secundum formam materialem potest dici substantia materialis esse magis vel minus materialis, cum etenim materialis forma non ideo dicatur materialis, quia componatur ex materia, sed quia à materia pendet, & quidem essentialiter in fieri, & conservari, & operari; cumque dependentia unius ab alio possit esse major vel minor (nam quod positivum est, etsi non omne, suscipere potest magis vel minus, sit ut una forma vel magis vel minus alia possit dependere saltem in operari à materia, ex quo sequitur uti vel magis vel minus materialis sit & dicatur, & ratione illius formæ sic magis vel minus materialis, sit magis vel minus materialis ipsa etiam substantia completa materialis.

At verò anima, sive substantia spiritualis simplex est, & partibus componentibus omnino carens, atque non secus ac anima hominis independens à materia, unde nihil habet per quod cum veritate dici possit ipsa etiam anima hominis minus spiritualis, quod enim omnino emergit è materia non minus spirituale est alio similiter prorsus emergente ab illa; nulla siquidem ratione suscipere potest magis & minus omnimoda ejusdem negatio, ut per se evidens est. Si ergo immunitas à materia est radix intellectivitatís, & in anima tantorum eadem daretur

tur immunitas à materiâ quæ datur in animâ rationali, consequens manifestè est, quod eadem utrobique foret intellectivitas, proindeque quantum atinet ad prædicata essentialia, æqualis utraque esset dignitatis ac nobilitatis, quod sanè quàm turpe dictu sit, nemo non videt.

Hæc tamen quæ de ratione spirituum, utique creatorum, dicta sunt intelligi velim juxta conceptum eorum negativum, quo & illos nosse pro hoc statu, & definire solemus, quantum enim ad ea quæ dicunt de positivo & differentiali, sicut modò intelligere, ita neque valemus describere, hinc D. Damascenus ita de Angelis adinvicem comparatis loquitur (a). *Æqualis nè naturæ inter se, an dispares sint, haud quaquam compertum habemus; solus ille scit qui eos creavit &c.* Nec minùs præfatæ doctrinæ consonat Angelicus Doctor, insinuans clarissimè, quod sicuti in irrationalibus, ita in intellectualibus naturis specificæ differentia (, quam ipse utique agnoscit in istis) non unius suprà alteram creatam intellectualem naturam, majorem importat nobilitatem, inquit enim (b). *Illud quod constituit in specie, est nobilius eo quod constituit in genere sicut determinatum indeterminato, habet enim se determinatum ad indeterminatum ut actus ad potentiam; non autem ita quod semper illud quod constituit in specie ad nobiliores naturam pertineat, ut patet in speciebus animalium irrationalium, non enim constituuntur hujusmodi species per additionem alterius naturæ nobilioris suprà naturam sensitivam quæ est nobilissima*

(a) Lib. 2. de fide c. 3. (b) De Spir. Creat. art. 8. ad 9.

in eis, sed per determinationem ad diversos gradus in illâ naturâ, & similiter dicendum est de intellectuâli quod est commune Angelis. Quæ quidem graduum diversitas, non pro majori vel minori sensitivæ naturæ participatione usurpatur, nam ut habet commune proloquium, *Magis & minus non variant speciem*, sed pro diversis, ejusdem in omnibus animalibus sensitivæ naturæ differentiis accipitur, ut patet consideranti, & tradit D. Th. loco cit. in resp. ad 8. & ex ipso doctissimi Salmanticenses (a).

Quin immò implicite saltem ostendit quàm legitime inferatur brutorum animas ejusdem esse cum animâ hominis nobilitatis ac dignitatis, semel ac spirituales sint, in infimo licet spiritualitatis gradu. Quod autem, inquit (b) est una sola species animalis rationalis, multis existentibus speciebus irrationalium, ex hoc provenit, quia animal rationale attingit in sui supremo naturam substantiarum spiritualium in sui infimo, supremus autem gradus alicujus naturæ, vel etiam infimus est unus tantum. Quibus planè constat, & quod bruta non participant de hoc infimo substantiarum spiritualium ordine, & quod si participarent de illo, æqualis in tali ordine forent dignitatis cum homine, cum unus tantum sit gradus infimus, nec infimo gradu, infimior gradus, inveniatur, & infimum infimo in eodem ordine inæquale esse non possit.

Venio jam ad secundum quo dicis animas  
brut-

(a) Tract. 7. de Angelis disp. 1. dub. 5. —

(b) Loco cit. in resp. ad 10.



brutorum etsi spirituales , longè tamen inferiores esse animà hominis , quia hæc ad Dei imaginem creata est , non autem illæ . Quantum ad rei veritatem , meritò negas bruta condita esse ad imaginem Dei , sed quantum ad coherentiam doctrinæ , privilegium hoc soli homini cum Angelis commune , verè non poteris brutis ipsis denegare . Noveris ergo non esse Imaginem Dei in homine debilem aut corruptibilem , ut blatherare ausus est Mathias illiricus lutheranus , sed naturalem , atque indelebiter impressam , non quidem corpori , ut somniarunt Antropomorphitæ putantes docentesque Deum esse corporeum , sed animæ , ita ut perdi imago Dei non possit , nisi ipsa animæ natura perdatur ; hoc itaque retento audiamus divini verbi interpretes , & videamus in quo animæ humanæ prædicato sita sit imago ista . *Hæc imago Dei sita est in mente hominis , sive in eo quod homo in summo rerum sit gradu in quo Deus est & Angelus , puta quod homo sit naturæ intelligentis (a) .* Ita Cornel. à lap. In eo quod anima hominis sit incorporea . Ita Aug. In eo quod sit æterna & immortalis . Ita Origenes . In eo quod sit prædita intellectu , voluntate , & memoria . Ita Damascenus . In eo quod sit liberi arbitrii . Ita S. Ambr. atque iterùm perfectissimè Aug. Sicut Deus Pater per Intellectum se cognoscens producit Verbum seu Filium , & eum amando producit Spiritum Sanctum , ita homo intelligendo se , producit in mente suà verbum intelligibile sui ipsius expressivum , sibi què simile , atque inde-

pro-

---

(a) *Comment. in Gen. c. 1.*

procedit in voluntate ejusdem amor .

Jam verò quis non videat, non hanc solius hominis cætera inter animalia esse prærogativam si bruta quæ aliàs irrationalia , spirituali formâ dicantur instructa? Nonne quatenus incorpoream & spiritualement habentia animam , dicenda erunt cum Aug. ad imaginem Dei creata? nonne si spiritualement , immortalem etiam habent animam bruta , in qua immortalitate imaginem Dei reponit Origenes? Nonne si spiritualis est anima brutorum , Intellectu , Voluntate , & memoria instructa erit , in quibus imago Dei consistit ex Damasceno? Nonne Domina erit & rectrix arbitrii sui , ut sit imago Dei juxta Ambr. nonne denique & se ipsam agnoscet , & se ipsam agnitam amabit si spiritualis , habebitque consequenter maximè perfectam ab Aug. recensitam imaginem Dei? Quid autem homine indignius, quàm nativæ nobilitatis insignè commune facere vel brutis? Quid iniquius , quàm brutorum vilitatem æquare homini , Hominemque paulò minùs ab Angelis imminutum , ad vilitatem usque bestiarum deprimere? Ut quid nobis sacræ paginæ referunt quasi consultantem dixisse Deum . *Faciamus hominem ad imaginem & similitudinem nostram* , si jam ad sui imaginem vel ipsa condiderat bruta? Gaudeant jam & exultent omnes bestię agri , & de novo exquisitoque decore inventoribus gratias agant , exigantque ( ab illis tamen ) amorem amicitię , & ratione imaginis Dei , honorem ac reverentiam non eà minorem quàm homō homini debet ; cur non? Cum naturæ similitudo sit

fit amicitiae fundamentum cur non ? Cum veneranda sit in verà imagine , infinitè perfecti majestas Prototypi .

Phil. Etiam hac vice communem utrisque , promotes difficultatem Crit. ni enim cum Cartesianis sentias , admittes cum Peripateticis veram in brutis cognitionem ; hac autem semel admissà quomodo in ipsis imaginem Dei non esse salvabis ?

Crit. Laudo Phil. responſionis dexteritatem , cum etenim nequeas ab animà spiritali brutorum ea remove prædicata , in quibus ex SS. PP. elucet & consistit imago Dei , iis callido verè , silentio omissis , ex reo , actoris personam induis , & voluntarià oblivione detentus ad hominem , ut putas , arguentem redarguis , atque perdifficili adoriris argumento ; sed non hisce deterreor , qui semper à tua abhorruì sententià . Verum ergo est quod bruta cognoscant , hoc enim communis hominum persuasio , gentiumque ante Cartesium consensus , quasi naturæ ipsius vox suadet indubiè ; hoc ipsa & varia & mira brutorum opera apertè evincunt , unde Aug. (a) *Puto te negare non posse bestias habere memoriam , nam & nidos post annum revisunt hirundines , & de capellis verissimè dictum est .*

*Atque ipsæ memores redeunt in tecta Capellæ .*

Quod si memorià nihil aliud est , quàm rerum semel cognitarum asservatio & retentio , quis cognitionem brutis , deneget quibus ineſt memoria ? At observà quæſo quod aliud est bruta

(a) *Lib. 1. de Musica .*


ta simpliciter cognoscere, quod docent Peripatetici, aliud longè diversum bruta intelligere, quod tu de iisdem prædicas cum recentioribus. Cognitio purè sensitiva, quam brutis damus, non redit in se, sed objectum, cognoscere facit ignota; intellectiva verò est in se reflexiva, intellectumque non solum de objecti, sed etiam de suimet existentia certificans; rursus ut actus ad suas respectivè potentias referamus. Intellectus est ad ens & verum sub formali ratione entis & veri, cum non aliter singula percipiat quàm sub propria entis & veri formalitate; sensus verò non fertur ad sensibile nisi materialiter, ad hoc nimirum vel illud, ex quibus neque communem valet rationem abstrahere, neque rationem sensibilitatis qua talem, & multò minùs rationem entis aut veri in illis percipere potest; ex hoc autem sive actuum, sive potentiarum quò ad actus suos maximo discrimine, liquet quod simplex nærave apprehensio huic aut illi singulari materialique alligata semper objecto, potest esse à principio quod etsi tanisper, non omnimodè tamen emergat è materia, atque aded sit materiale, cognitio autem quæ & attingit objectum, & in se reflectit; cognitio quæ materiale objectum à materialibus præcisum rationibus investigare novit, & suimet, atque principii sui excellentioris longè ordinis naturam ostendit ac dignitatem; essentialiter ista à principio spiritali procedit potente, idem objectum, sub diversis iisque abstractis rationibus perpendere, volitivo proinde & libero ut eligat quid hic & nunc consideret, intellectivo  
ut

ut consideret , memorativo denique ut rerum semel intellectarum species conservet ; Quæ cum ita sint , planè constat in principio quidem spirituali & intellectivo , non verò in alio materiali & metè apprehensivo , quod non res trahit ad se sicut intellectus , sed à rebus trahitur sicut sensus , ea repperiri prædicata in quibus juxta SS. PP. doctrinam consistit indelebilis in homine imago Dei .

Phil. Non est opus me tibi ad singula respondere , omnia enim quæ hucusque proluxius quàm par esset , prosequutus es , tanquàm aranearum telæ hoc uno verbo exsuffantur . SS. Patres & quis sit scripturarum sensus , & quid rationi consonum , & quid inconueniens sit brutis , optimè norunt , & tamen brutorum animas indubitanter spirituales proferunt , verosque spiritus ; non ergo est assertio nostra vel scripturis aduersa , vel rationi incongrua , vel absurdis sequelis subjecta .

Crit. Si res ita se habeat ut tam fidenter asseveras , victus arma depono , amicasque jungo manus ; sed vereor , ne sicut scripturas , ita & SS. PP. in tuam nolentes sententiam traxeris ; quia tamen momentum hoc , diligentius examen postulat , illud in crastinum reservemus .

Phil. Differamus ut placet , sed quæ tibi certaminis , erit mihi dilatio triumphi .



OPINIONI DE ANIMA' SPIRITUALI  
BRUTORUM

Non faveat, sed contrariariatur  
D. Bernardus.

D I A L O G U S V.

*Critophilus, & Philadelphus.*

**C**Rit. Adventum tuum mihi semper gratissimum, plus solito optavi Phil. ex quo enim mihi ex Sanctorum PP. in rem hanc auctoritate, certissimam minitatus es cladem, maximam te, immò veriùs illos audiendi anxietatem indidisti.

Phil. Quod lubens promisi, lubentior exhibeo. Duos itaque SS. PP. afferò & doctrinà maximos, & auctoritate præcipuos. Et primo loco audi quid de animà brutorum clarissimè doceat D.

Ber-

Bernardus (a). Quatuor, inquit, spirituum genera nota sunt nobis. Pecoris, nosser, Angelicus, & qui condidit istos; non est ex omnibus cui sive propter se, sive propter alium, sive propter utrumque necessarium corpus non sit, excepto duntaxat illo, cui omnium corporalis, tum spiritualis creatura merito confitetur, & dicit. Deus meus es tu, quoniam bonorum meorum non egres. Et primum quidem (spiritum nempe pecoris) ita corpore egere constat, ut nec subsistere absque illo utcumque possit, simul quippe & vivificare desinit & vivere ille spiritus, quando moritur pecus. Secundo loco afferro Angelici Doctoris textus, quibus intenta veritas per quam clarè deducitur, inquit enim cognitionem non nisi immaterialibus competere posse, his verbis (b). Patet igitur quod immaterialitas alicujus rei, est ratio quod sit cognoscitiva, & secundum modum immaterialitatis; est modus cognitionis; unde in secundo de anima dicitur quod Plantæ non cognoscunt propter suam materialitatem; Si ergo bruta cognoscunt, principium aliquod immaterialitatis habere debent. Hoc ipsum iterum disertè docet hoc pacto (c). Sed considerandum est quod quantum forma est nobilior tanto magis dominatur materiæ corporali, & minus ei immergitur, & magis sua operatione vel virtute excedit eam. Cum itaque per omnes, si Cartesianos excludamus formæ brutorum cæteris aliis formis (animæ rationali exceptâ) sit nobilior, suâ operatione vel virtute materiam corporealem excedere necesse est, ipsam-

(a) Ser. 5. in Cant.

(b) 1. p. q. 14. art. 1. (c) 1. p. q. 76. art. 1.

samque consequenter spiritualement esse.

Crit. Hæccinè sunt ex PP. momenta quibus causam hanc tutaris? Hæccinè arma quibus de victoria gloriabundus exukas? Crede mihi ruit spontè suâ machina umbraticis hisce columbis suffulta. Et primò quidem. D. Bernardus non ex professo de hac pertractat materiâ, unde ejus verba tanti esse non debent, ut faciant nos deflectere à communi sensu; sed esto datâ operâ de hoc pertractet; sufficit ne unus alicujus Doctoris textus, ut quæ fuerit ejus vera mens colligatur? Certè si ad evincendam spiritualement in brutis animam, satis est quod illa à D. Ber. vocetur spiritus. Quid ni & constet Angelum esse corporeum, cum illum appellet *Animal rationale* D. Greg.? At dices quod non præcisè colligis assertum tuum, ex quo utcumque animam bruti appellitet Bern. nomine spiritus, sed potissimùm quia hanc ipsam animam quam vocat spiritum, collocat simul cum divino, Angelico atque humano spiritu; unde cum tres isti citrà dubium omne, veri sint spiritus, non est cur talis non sit dicendus & spiritus pecoris. Sed ut hoc ipsum ostendam solidum non esse argumentum, dicas quæso num D. Ber. septem Catholicè admiserit vera Sacramenta, an numero plura?

Phil. Injuriosa est tam Sancto, eruditoque Doctori, petitio ista; suspectus ne unquam fuit aut esse potuit de Fide tantus Doctor Ecclesiæ? Quomodo ille in numero Sacramentorum, Ecclesiæ non consentiat, qui ab illâ vel latum unguem, nunquam discedit?

Crit.



Crit. Ne irascaris Phil. , injuriam etenim quam Bern. à me putas irrogari , nullam citò ostendam , sed fictam potius dubietatem agnosces , ad evincendam tamen nullitatem argumenti tui maximè conducentem ; non ergo te pigeat audire quæ de Lotione pedum inquit idem S. Doctor (a) . *In hunc itaque modum appropinquans Passioni Dominus , de gratiâ suâ investire curavit eos , ut invisibilis gratia signo aliquo visibili præstaretur ; ad hoc instituta sunt omnia Sacramenta . Attende Phil. ad hoc Eucharistiæ participatio , ad hoc pedum ablutio , ad hoc denique Baptismus ipse . Audis nè quod sicut spiritum pecoris cum aliis veris spiritibus composuit , ita Ablutionem pedum inter vera , & strictè talia collocat Sacramenta Bern. , si ergo ex quo cum veris spiritibus recensetur spiritus pecoris , legitimè per te deducitur ex mente S. Doctoris animam pecudis verum esse spiritum non minùs ac veri sint spiritus anima rationalis , Angelus , & Deus ipse ; quomodo negare poteris Ablutionem pedum juxta eundem verum esse Sacramentum non minùs ac Eucharistia & Baptismus ipse , cum illa inter hæc enumeretur ?*

Urgeo fortiùs nam cit. ser. in Cantica postquam dixit . *Quatuor spirituum genera , nota sunt nobis &c.* Non prosequitur ostendendo spiritum pecoris verè esse spiritum proprièque talem , ut patet legenti ; at verò laudato ser. in cœna Domini pergit luculenter probare pedum Ablutionem verum esse Sacramentum , subjungit enim (b) . *Nam ut de remissione quotidianorum minimè dubitemus ,*

---

(a) *Ser. in Cœna Domini n. 1.* (b) *Cit. ser. n. 4.*

mus, habemus ejus Sacramentum pedum ablutionem; quæris fortè unde sciam quod Sacramentum sit hujus remissionis? Maximè cum ipse Dominus promiserit Petro dicens; quod ego facio tu nescis modo, scis autem postea, nihil; autem de Sacramento locutus est. Et post pauca subjungit. Vis nosse quia pro Sacramento illud est, non pro solo exemplo factum? Illud attende quod Petro dictum est. Si non laveris te non habebis partem mecum; aliquid igitur latet quod necessarium est ad salutem, quando sine eo nec ipse Petrus partem haberet in regno Christi & Dei. Concludendum erit ergo, quod vel nullum est argumentum ad evincendum de mente Bern. verum in brutis spiritum hoc quod est spiritum pecoris nominari ab ipso simul cum spiritibus propriè talibus, vel validum esse argumentum ut colligamus de mente Bern. pluiquam septem esse Ecclesiæ Sacramenta, hoc quod est ablutionem pedum fuisse ab ipso vera inter Sacramenta collocatam.

Dices opinor, & benè Sacramenti nomen hic à Bern. generalius sumi, prout non tantum vera novæ legis Sacramenta, qualia inter cætera sunt Baptismus, & Sacramentum Altaris, sed etiam Sacramentalia comprehendit (a), & ea quæ à Ber. eidem ablutioni tribuuntur, non tribui tanquam ex opere operato causanda, quod proprium novæ legis Sacramentorum est, sed tantum ex opere operantis, quod convenit Sacramentalibus; unde stat ablutionem pedum verum non esse Sacramentum, etli cum veris repõsita.

Sacra-

(a) Horstius in notis D. Bern. ad hunc locum.

Sacramentis inveniatur; attamen ex hoc responso, quod unicum ni fallor est, aut certè verissimum, corrui vis illa, quam in eo facis quod Bern. cum triplici verò spiritu, spiritum pecoris annumeret; optimè enim respondetur dicendo accipi eo loci hoc nomen spiritus sub latiori quadam ratione, quæ quamcunque entitatem ex materiâ non compactam contineat, sive verus postea sit spiritus, sive non.

Quoniam tamen instantia, indirecta est dumtaxat objectionis solutio; videamus num verè textus ex Bern. allatus, comprobet verum brutis spiritum inesse; & ut verum fatear; Audieram aliàs locum hunc Bern. ab aliis in rem hanc circumferri, legeram citatum apud D. Magalotti (a), sed semper, sicut & modo, admirans à viris cæteroqui doctis, eum-textum adduci, cujus contextus eorum sententiam jugulat; Postquàm enim dixerat. *Quatuor spirituum genera nota sunt nobis &c.* ita profèquitur. *Et primum quidem (spiritum scilicet pecoris) ita corpore egere constat, ut nec subsistere absque illo utcumque possit, simul quippe & vivificare desinit & vivere ille spiritus, quando moritur pecus.* Ponderemus tanti Doctoris verba, & vidyamus tuæ nè an oppositæ sententiæ faveant. Spiritus itaque pecoris, teste Bern., ita indiget corpore, ut sine illo, non tantùm non subsistat (quod posset evenire ex mero placito Dei, illum nolentis ampliùs conservare) sed ita ut sine illo nec subsistere utcumque possit, quod certè non ab extrinseco seu à liberâ voluntate Dei, sed ab intrinseco sive ab ipsâ talis spiri-

---

(a) 1. p. ep. 24. pag. 407.

spiritus naturā proveniat necesse est, quin immò pro indubio id à Bern. supponitur (a), ibid. enim cum dixisset Angelicum spiritum, atque humanum egere corpore, ut per illud rerum species recipiat, inquit: *Hic si mihi objicitur de parvulis regeneratis, quod absque scientiâ rerum, corporaliū exeuntes de corpore, ad beatam vitam nibilominus transire credantur, breviter respondeo hoc illis conferre gratiam, non naturam, & quid ad me de miraculo Dei, qui de naturalibus dissero? Obiter moneo nè mireris quod dicat Bern. Angelum indigere corpore nam in eodem term. de hoc ipso dubitative loquitur (dubitare autem ei licebat sicut & alii PP. dubitarunt) cum nundum opposita, veritas esset ab Ecclesia sicut modo est, definita & judicium suum sapientioribus submittit instrui de veritate cupiens.*

Quod ergo ad rem nostram attinet. De naturalibus differit S. Doctor cum ait animam indigere corpore ad rerum notitias assequendas, cum ait spiritum pecoris indigere corpore ut subsistat, cum ait illum sine corpore subsistere nullimodè posse; est ergo juxtà Mellissimum spiritui pecoris naturalis interitus & corruptio, quia nimirum. ita ille spiritus à corpore dependet, ut vivere in se ipso non possit, nisi illud vivificet, subjectatus in illo. *Simul quippe & vivificare desinit & vivere ille spiritus quando moritur pecus.* Sed prosequamur audire S. Doctorem, ut dilucidè constet quem nam spiritum agnoscat in pecore. Eodem ergo laudato sermone §. in cantica sic loquitur (b). *Ir-*  
*ratio-*

(a) N. 1. (b) Ibid. n. 3.

rationalis nempe spiritus etsi corporalia per corpus & ipse hauriat , nunquid tamen , eousque juvatur corpore suo , ut etiam ad spiritualia & intelligibilia proficiendo pertingat (a) ? Et n. 4. ita prosequitur : Nec brutus ergo, nec Angelicus spiritus ad ea capeſſenda quæ beatam spiritualem faciunt creaturam suis ullo modo corporibus adjuvantur ; ille quidem pro innatâ stoliditate non capiens ; iste verò pro excellentioris gloriæ prærogativâ non indigens . Denique ut multa alia mittam sic alibi etatur (b) . Nam pecus quidem si se ratione non regat , excusationem habet à naturâ , à qua hoc ei penitus munus negatum est . Colligamus jam quæ ex Ber. retulimus prædicata brutorum , spiritui vel denegata , vel attributa , ut planè constet quem spiritum in illis tantus Doctor agnoscat . Sentit itaque Ber. spiritum pecoris talem esse , ut sine corpore nullimodè subsistere possit , quin etiam illum naturaliter desinere cum moritur pecus ; docet spiritum pecoris esse irrationalem ; ait illum habere innatam seu naturalem stoliditatem ; asserit denique negatum prorsus esse tali spiritui ab ipsâ ejus naturâ posse intelligere , & ratione uti . Hisce porrò auditis , quid inferendum expectas Phil. ? E' duobus unum concedere teneris aut Bern. de substantiâ spirituali pessimè sensisse , aut non de vero in brutis spiritu fuisse loutum .

Phil. Puerorum terribilamentum est dilemma istud , nec enim aliunde speciem roboris accipit , quàm ex falso , quo pertinaciter detineris supposito , quod nimirum omnis spiritualis sub-

L

stantia

(a) Ibid. n. 4. (b) Ser. 36. in Cant. n. 8.

stantia sit naturaliter incorruptibilis, & intellectualis, cum tamen non desint maximè notæ Theologi, quos inter Scotus & Sanchez docentes substantias creatas spirituales esse tantum immortales ab extrinseco. spectatà nempe Dei providentià qua vult eas in æternum conservare; hinc dicitur spiritus pecoris desinere hoc moriente, quia Deus illum amplius conservare detrebat; Neque etiam verum est substantiam quamlibet spiritualem esse debere intellectivam, multi enim quos citat Dominicus Viva in suo cursu Theologico, affirmant possibilem esse substantiam spiritualem simpliciter non cognoscitivam; à fortiori ergo dari poterit substantia spiritualis aliquorum tantum cognoscitiva non tamen propriè intellectualis aut valens ratiocinari; Quare ex quo mox adducta de spiritu pecoris dixerit Bern., neque sequitur vel ipsum malè sensisse de naturà substantiæ spiritualis, vel de non proprio in brutis spiritu fuisse loquutum, immò manifestè contrarium.

Crit. Admitto equidem, nonnullos visos esse inficiari substantiæ cujuscvis creatæ naturalem incorruptibilitatem cum Scotò quem pluribus carpit Melchior Canus (a), quanquam si Scotus ipse attentius inspiciatur, non negat naturalem talibus substantiis incorruptibilitatem, sed innani hilaritatem, unde de nomine potius quàm de re, esse Scotum inter & alios controversiam hanc, censuit pereximius (b) Scotista Maltorius, qui & lucu-

(a) *Lib. 12. de locis Theologicis pag. 609.*

(b) *Disp. 2. de Angelis q. 2. art. 1.*

luculenter respondet ad Valquetii, aliorumque objecta, nec se à Magistro suo putans abscedere sustinet Angelos naturà suà incorruptibiles esse atque immortales; quidquid tamen de hoc sit, constat & naturali ratione & SS. PP. testimonio, & ineluctabili Conciliorum definitione Animam Spiritualem & intellectivam esse naturà suà immortalem; ratione quidem substantia enim spiritualis & est in se ipsà omnino simplex nec proin in partes divisibilis, & est in suo fieri & esse independens à materià, nec nisi per accidens (si sit forma corporis) pendet à corpore in operando, ratione scilicet phantasmatis quo tanquam aliquo præsupposito indiget, non potest ergo substantia spiritualis corrumpi vel per divisionem partium, quibus caret, vel per separationem à materià qua non eget neque ut fiat, neque ut subsistat, neque etiam propriè, ut operetur, ejus enim operatio utpotè spiritualis, longè materiàm omnem superexcedit; ex PP. itidem, ait enim Chrysostomus (a) eos philosophos qui de animæ immortalitate dubitant, etiam posse addubitare num in meridie sit dies. D. Th. inquit (b) *Patescit igitur quod Intellectus humanus est incorruptibilis; ergo & anima humana qua est intellectiva substantia.* Rursumque sic loquitur (c). *Necessè est dicere animam intellectualem esse incorpoream, subsistentem, incorruptibilem.* Denique Concilium Lateranense sub Leone X. definit animam intellectivam esse naturà suà immortalem his verbis. *Cum itaque diebus nostris (quod dolenter referimus)*

(a) *Homil. 4. de provi.* (b) 2. 2. *gentes c. 79.*

(c) 1. p. q. 75. art. 1. & 6.

zizania seminator antiquus humani generis hostis nonnullos perniciosissimos errores, à fidelibus semper explosos, in agro Domini superseminare, & augere sit ausus, de naturà præsertim animæ rationalis, quod videlicet mortalis sit .... & nonnulli temerè philosophantes, secundum saltem philosophiam verum id esse asseverent. Contra hujusmodi pestem opportuna remedia adhibere cupientes, hoc sacro approbante concilio, damnamus, & reprobamus omnes asserentes animam intellectivam mortalem esse ... & hæc in dubium vertentes &c. Et prosequitur asserendo loca Sacræ Scripturæ quæ id ipsum evincunt. Anima ergo intellectiva ex naturà suà non est mortalis, sed immortalis juxta Concilii definitionem, dici proinde nequit ipsam esse ab extrinseco tantum, seu ex mero placito Dei immortalem; Cum autem eadem sit ratio de anima intellectiva hominum, & spiritali brutorum (nam & ista foret in supremo rerum ordine in quo illa est) & animam spirituales brutorum necesse est dicere naturaliter incorruptibilem ac immortalem. Subsummo jam; sed ex D. Bern. spiritus pecoris subsistere non potest moriente pecude, desinit ex natura suà vivere cum desinit vivificare; ergo vel D. Bern. pessimè sentit de naturà substantiæ spiritualis, vel de spiritu propriè dicto verba non facit; Cumque primum sine maximà temeritate dici nequeat, reliquum est, ut fatearis secundum, subindeque nullatenus tuæ Bernardum militare sententiæ.

(Phil. Vide quàm liberaliter tecum agam  
 Crit. concedo animam brutorum esse ab intrinseco



feco incorruptibilem atque immortalem ; ast quid inde ? Quæres nè quid erit de illà post ejus à corpore separationem ? Respondeo S. Bern. satis clarè pronuntiasse , animam brutorum deficere moriente bruto ; Quare si tanto Doctori standum est , dico quod Deus illam destruat per annihilationem ; cum enim creata sit in gratiam corporis , isto pereunte & illa desinere debet . Neque verò mirum esse debet , quod brutorum anima de se immortalis dicatur , habet enim in hac re commune , privilegium cum materia , quæ ex naturà suà deficit numquam , mutat siquidem situm , mutat figuram materia , modo in quiete est , modo in motu , at abire in nihilum nequit , nisi id efficiat Deus , dum ab eà conservandà cessat ; sic deficit brutorum anima , dum eam ampliùs non conservat Deus , quo utique conservare cessante , quis etiam Angelorum subsistet ?

Crit. Piè concludis Phil. cum asseris divini conservativi influxus in rebus omnibus necessitatem , ut perseverent in esse ; at postquàm laudavi pietatem , fas est revelem & responcionis inconstantiam , & incohærentiam doctrinæ ; Dicebas priùs me falso laborare supposito , quod nimirum omnis substantia spiritalis sit immortalis , adducebasque cum Scoto alios pro oppositâ sententiâ ; & tam citò in meam deflectis ? non hoc liberalitatis est , sed inconstantia , dum stringi metuens , modo ad hanc , modo ad illam partem declinas . Sed ut veriùs loquar , quod te fingis donare , coactus concedis ; incohærentiam insuper doctrinæ ostendo ; Ais ex allato D. Ber. loco probari verum .

verum in brutis spiritum , & concedis verum spiritum esse naturà suà immortalem ? Quà sanè ratione compari possunt , hæc duo & spiritum verè talem esse ex se incorruptibilem , & ex Bern. evinci in brutis spiritum propriè talem , cum clarissimè eo loci doceat Bern. spiritum pecoris in ejus morte desinere ? Neque est quod reponas illum desinere quia à Deo annihilatur ; id enim manifestè Bern. contrariatur , dicenti quod spiritus pecoris ita indiget corpore , ut sine illo subsistere utcumque non possit , atque ibidem profitenti , se non de iis loqui quæ sunt per miraculum Dei , sed de rebus secundùm earum naturam inspectis ; sanè annihilatio rei creatæ & est actio libera Deo , ut est evidens , & est non naturalis , sed miraculosa teste D. Th. (a) *Creaturarum autem naturæ hoc demonstrant , ut nulla earum in nihilum redigatur* . Si autem annihilatio est libera Deo , & nulli rei naturalis , quomodo de spiritu brutorum secundùm ejus naturalia differens Bern. intelligi potest de desitione ejusdem spiritus per annihilationem factà cum ait . *Spiritum pecoris , sine corpore subsistere utcumque non posse* . Nonnè potest . Deus sine miraculo ab aliquo abstinere miraculo ? Nonnè potest Deus ab eà abstinere actione quæ sibi est omninò & naturaliter libera ? Fortè nè talis est aut saltem à Bern. putatur spiritus pecoris ut eam annihilationem , quam nulla creatura exigit , ille naturaliter petat ? Aut ea annihilatio quæ est libera Deo quoad alias quascunque creaturas sit illi necessaria quantum ad spiritum

---

(a) 1. p. 9. 104, art. 4.

tum pecoris è corpore solutum? Vide quæso quot falsa S. Doctori appingas; & quàm chimericam fingas creaturam. Neque verum est eam animam creari in gratiam corporis, sed immò corpus est in gratiam animæ, ut clarè insinuat D. Th. inquiens (a). *Cum forma non sit propter materiam, sed potius materia propter formam, oportet rationem accipere quare materia sit talis, & non è converso.*

Addebas quod spiritus belluinus ut incorruptibilis, habet commune privilegium cum materià quæ mutat quidem situm, figuram &c. incorrupta tamen manens; ast licet fatear id verum esse, de ista, falsum tamen est de illo, teste eodem Bern. spiritus enim pecoris ex mellifluo nec manet, nec manere potest separatus à corpore, nec aliud corpus informat, *simul quippe & vivificare desinit, & vivere ille spiritus, cum tamen materia non desinat esse per prioris situs desitionem, & veteri ammissà figura, induat novam; ut itaque commune foret & spiritui brutorum, & materiæ in ratione incorruptibilium privilegium, deberet spiritus bruti solutus ab uno corpore, & entitative superesse, & novum informare corpus, quemadmodum materià ipsa dum pristinam deperdit figuram, & manet in se quantum ad entitatem, & novam recipit configurationem, quod tamen & favet quàm maximè Pittagoreæ metempsychosi, & manifestè alienum est à mente.* Bern. eo ipso in textu expressa, quo te confidebas rem totam satis confecisse; Quomodo jénim mortuo

(a) 1. p. 9. 76. art. 5.

tuo pecore superstes est ejus spiritus si desinit vivere, cum in viventibus idem sit & vivere, & esse?

Procedo nunc ad secundam tuæ responsionis partem, qua dicebas ex P. Dominico Viva alios citante; possibilem esse substantiam spirituales simpliciter non cognoscitivam; qua stante sententiā, inferebas non deduci ex doctrinā Ber. spiritum pecoris haud verum esse spiritum ex quo ipse huic deneget vim intellectivam; Atque in primis vellem tantisper reflecteres, quod si de spiritus naturali incorruptibilitate interrogaris, confugis ad peculiarem paucorum suprā plurimos & numero & doctrinā potissimos auctoritatem, & quorum sententiā saltem reductivē, Ecclesiæ dogmati videtur opponi; Si de spiritualis substantiæ intellectivitate inquiraris, ad pauciorum itidem opinionem recurris omnibus, pœnē contrariam Theologis, nam ut testatur Suarez (a). *Verius videtur esse impossibilem substantiam creatam spiritua-lem & incorpoream, quæ intellectualis non sit, quod videntur D. Th. supponere, & omnes Theologi, & D. Dionysius toto libro de cælesti Hierarchiā, nam inde colligit Angelos esse intelligentes, quia sunt similes Deo in esse spirituali & immateriali, & quo in hoc puriores sunt, eo esse in intelligendo perfectiores.* Quid autem est hoc nisi factō ipso ostendere quantū, ad minū nutet sententiā tuā, nutantibus hisce fundamentis innixa?

Vellem observares ulterius, quod etsi concederetur creari posse substantiam spiritualement non intel-

---

(a) *Tomo 2. diss. 35. sec. 3. n. 20.*

intellectivam , negare adhuc cum veritate nequis  
vim intellectivam brutorum spiritui ; quid enim  
est quo moveris adtribuendam brutis animam  
spiritualem ? Sanè ad id afferendum te inducit  
brutorum præsertim Industria , Solertia , Sagaci-  
tas , Erudibilitas , quæ quidem cum procedere  
nequeant ex materiâ ( ex qua compactam putas  
materiam animam ) neque ex naturali instin-  
ctu , quem fortè ut inexplicabilem admittere  
detrectas , sicut ex hoc capite illum refellit P.  
N. (a) Sallier (perperam tamen , nec enim diffi-  
cultas ad explicandum quid res sit , sufficiens est  
argumentum ad negandum quod res illa sit , si  
ut multa mittam , difficillima explicatu est liber-  
tas Dei , quis tamen nisi insanus illam negabit ? )  
proveniant necesse est ab animâ spirituali ; Quo-  
modo autem spiritualis brutorum anima aut in-  
dustria aut solertia , aut sagacitate pollere , aut  
erudiri potest , si sit substantia simpliciter non co-  
gnoscitiva ? Convincheris ergo nihil tibi ad inten-  
tum eam esse , quam affers sententiam de possibi-  
litate substantiæ spiritualis simpliciter non cogno-  
scitivæ , spiritumque quem in brutis agnoscis ,  
spirituali sibi que proprio modo cognoscere esse-  
que proinde verè intellectivum .

At faveat tibi vel non , sententia hæc , non  
debet tam facilè arridere , contraria enim est  
SS. Patribus D. Th. (b) D. Dyonisio (c) , D. Aug. (d)

M

& com-

---

(a) *Sallier Pensées Sur l'Âme raisonnable art. 12. pag. 249.*

(b) *1. p. 9. 14. art. 1. (c) Lib. de Celis. Hierar.*

(d) *Lib. 12. de Gen. ad litt. c. 10.*

& communi Theologorum sensu, ut supra dictum est ex P. Suarez, nec infirmà ratione refellitur; est enim impossibilis substantia spiritalis habens esse simpliciter, quæ non habeat operationem sibi connaturaliter proportionatam; operatio autem substantiæ spiritali proportionata, est necessariò spiritalis cum sit à, & in substantià spiritali, debet esse vitalis & immanens cum sit à, & in substantià vivente. Atqui operatio spiritalis, vitalis, & immanens, est intellectiva, est enim in perfecto operationis gradu, sicut principium à quo procedit est in perfectissimo rerum ordine; ergo operatio connaturaliter proportionata substantiæ spiritali, est operatio intellectiva; ergo est impossibilis substantia spiritalis non intellectiva, sive non potens connaturaliter intelligere; probatur assumptum; non potest nisi gratis negari tam convenire animali sensum, quam spiritui intellectum; atqui est impossibile animal saltem in actu primo non sentiens; ergo pariter est impossibilis spiritus saltem in actu primo non intelligens, sive non intellectivus. Minor nota est ex definitione animalis, major autem constat ex communi omnium penè consensu judicantium esse terminos reciprocè convertibiles Ens substantiale spirituale, & Ens intellectuale non minùs ac convertantur animal & principium sentiendi, c. verò sequitur legitimè ex paritate rationis.

Hi scè omnibus animadversis sic præsentem disceptationem absolvo. Docente D. Bern. spiritus pecoris est naturà suà impotens subsistere.  
 sine


sine corpore , est irrationalis , stolidus , nec te-  
 potens , ipsa id prohibente natura ejus , regere  
 ratione , neque ad ispiritualia & intelligibilia per-  
 tingere . Te ipso confitente spiritus pecoris est na-  
 tura sua immortalis , te concedente intellectivus  
 limitata quamvis intellectione ; ergo spiritus  
 quem tu admittis in brutis non est idem cum illo  
 de quo Bern. loquitur ; aut insuper Bern. male  
 sentit de natura spiritus , aut non loquitur de  
 vero in brutis spiritu ; quod si hoc secundum di-  
 catur , ut dici debet , nedum non faver , sed tibi  
 aperte contrariatur D. Bern. Sed ne tibi ulla vel  
 levis umbra praesidii ex mellifluo Doctore superfit  
 accipe ex alio Bern. monumento quem nam spi-  
 ritum ser. 5. in cantica , in pecore agnoverit (a) . *Est  
 pecorum , est & arborum vita , verba sunt S. Do-  
 ctoris , sensu altera vicens , altera carens at neutri  
 tamen idem esse , quod vivere est quod tamen animae  
 hominis antecederet concesserat ; cum ( ut qui-  
 dem multorum opinio est ) ante in elementis quam vel  
 illa in membris , vel ista in ramis extiterint ; at se-  
 cundum hoc cum desinunt vivificare simul vivere ces-  
 sant , sed non & esse , solvuntur pariter & dissol-  
 vuntur , tanquam non alligata tantum , sed & collig-  
 ata , neque enim unum simplex est quaeque harum  
 sed ex pluribus constans , & propterea non redigitur  
 in nihilum , sed dissilit in partes , ut ad suum quod-  
 que recurat principium verbi causa aer ad aerem ,  
 ignis ad ignem &c. quae quidem etsi ex aliorum opi-  
 nione dicat , cum tamen hanc ipse non repro-  
 bat , nec aliam ejus loco substituat eidem censu-*

(a) Ser. 81. in cant. n. 3.

us est adhæsisse , atque hinc clarè constat quo in sensu ferm. 3. in cantica dixerit . *Simul quippe & vivificare desinit & vivere ille spiritus , quando moritur pecus conformiter nimirum ad mox citata . Cum desinunt vivificare , simul vivere cessant , sed non & esse .* Noli ergo jactare sententiam tuam quasi tanto Doctori consonam , cum eam illi , nisi cœcutias , clarè intuearis adversam . Vale







OPINIONI DE ANIMA' SPIRITUALI  
BRUTORUM

Non favet, sed contrariatur  
D. Thomas

D I A L O G U S VI.

*Philadelphus, & Critophilus.*

**P**hil. pluribus me hoc manè detinuisti,  
ut sententiam meam D. Bern. patrocinio  
destitutam ostenderes, nollem ut to-  
tidem à prandio mihi caput obrueres,  
ut eandem subducas ab Angelici Do-  
ctoris auctoritate, praesertim cum praetensum non  
habitueros exitum labores in hoc tuos, praevideam  
certissimè.

Crit. Si unquam de victoria praesumpsi, uti-  
que hac vice; quid ni, cum potentissimum,  
cumque nunquam tibi conciliandum hostem, ir-  
rita

rità simulatione, aut certà deceptione gregarium militem tuum aut fingis, aut putas? Æquidem summopere gavissus sum, cum nomen D. Th. in causam tuam à te ipso afferri audivi, pro certo enim habeo quod ( sicut æquitas & ratio postulant ) eadem te vinci auctoritate patieris, qua te victurum putabas; Nec enim puto te cum iis annumerandum qui D. Th. sententias instar habent pallii quod pro libito, modò assumant, modò deponant, quamvis enim possit quispiam in multis sequutus Thomam, in aliquibus ( debità tamen cum reverentià ) discrepare, non tamen nisi insulse poterit in unà & eadem causà, in uno eodemve quæstionis puncto auctoritas D. Th. in probationem assumi cum favere putatur, & postea rejici cum probatur contraria. Ut quid enim iusta, licet contraria votis, illius repellitur, aut contemnitur ( quod longè pejus est ) responsio, qui quandiu favens videbatur, tanquam inviolabilis & perfectissimi iudicii pro litis vel arbitro vel patrono fuerat assumptus? Quidquid tamen sis hisce responsurus, non curo; sat enim mihi est aut ostendere non evinci placitum tuum ex D. Thomæ auctoritate, si illud ex istà probare intendebas, aut tollere à sententià tuà, illius vel umbram patrocinii, de quo certè fidenter gloriaberis.

Allegas itaque in tui favorem duplicem Angelici locum, unum quo sic loquitur (a). *Pates igitur quod immaterialitas alicujus rei, est ratio quod sit cognoscitiva, & secundum modum immate-*  
ria-

(a) 1. p. q. 14. art. 1.

rialitatis , est modus cognitionis ; alium verò , quem non minoris ad intentum efficaciz putas , ubi ita effatur (a) . *Quantò forma est nobilior , tantò magis dominatur materiæ corporali , & minùs ei immergitur , & magis sua operatione vel virtute excedit eam ;* in quorum primo ex modo immaterialitatis , infert modum cognitionis , in secundo autem ex majori aut minori formæ nobilitate , majorem aut minorem immaterialitatem ejusdem . Dicas jam Philadelphie legistinè D. Thomam qui ipsum tuæ assertorem opinionis non dubitas venditare ? Si candidè loquaris , vix , & nè vix quidem , sed potiùs centonum instar , textus hosce in aliis voluminibus reppertos consuisti tibi , nec proinde mirum si ejus quem non legisti , mentem non es assequutus , nam ut ajebat quidam . *Haurit aquam Cribro , qui discere vult sine libro .*

Sed nè hoc ipsum tibi videar imponere placitorum tuorum summam colligamus in unum , & reducto ( ut dicitur ) ad filum lapide videamus num Angelica tuis asserta assertis conveniant , an potiùs toto cœlo discrepent . Primo itaque sustines brutorum animas veros esse spiritus . Secundo hos spiritus produci à Deo per creationem , & nonnisi per annihilationem desinere . Tertiò & consequenter ipsos esse per se subsistentes . Quartò eos habere vim immaterialem intellectivam , licet valdè limitatam . Quintò denique totum tibi negotium facessit quod anima brutorum nequit esse materia , ergo est spiritus , nam  
mate-

---

(a) 1. p. 9. 76. art. 1.

materiam inter & spiritum verè talem nihil mediat.

Comparemus modò singula cum Divi Thomæ doctrinà, & statim perspicies maximà illius luce, disijci quasi tenebras, tuæ falsitatem opinionis. Veniamus ad primum. Dicis brutorum animas esse spirituales, verosque spiritus. Oppositum clarè docet D. Th. inquiring (a). *Considerandum est quod anima rationalis, & anima est, & spiritus, dicitur autem esse anima secundum illud quod est sibi commune, & aliis animabus, quod est vitam corpori dare, unde Gen. 2. dicitur. Factus est homo in animam viventem, id est vitam corpori dantem; sed spiritus dicitur secundum illud quod est proprium sibi, & non aliis animabus, quod scilicet habeat virtutem intellectivam immaterialem.* Cum ergo ex S. Doctore anima rationalis habeat convenire cum aliis quibusvis animabus quatenus est anima, sive quatenus animæ præstat effectum qualis est vivificare corpus, differat verò ab omnibus aliis in quantum est spiritus, manifestum est nullam aliam præter humanam animam esse spiritualement de mente D. Th. seu verum spiritum, cum nullimodè queat ulli alteri animæ id convenire, per quod tanquam per propriam differentiam, anima hominis secernitur ab omni non ipsa.

Prosequamur. Asseris animas brutorum utpotè spirituales produci à Deo per creationem, contrarium docet Angelicus his verbis (b). *Di-*

cen-

(a) 1. p. q. 97. art. 3.

(b) 1. p. q. 90. art. 2.

cendum quod anima rationalis non potest fieri nisi per creationem , quod non est verum de aliis formis . Quibus ut vides de quavis alià animà negat fieri per actionem creativam . Sed expressius positionem hanc tuam alibi refellit dicens (a) . Dicendum quod quidam posuerunt animas sensitivas animalium à Deo creari ; quæ quidem positio conveniens esset , si anima sensitiva esset res subsistens , habens per se esse & operationem , sic enim sicut per se haberet esse & operationem , ita per se deberetur ei fieri ; & cum res simplex & subsistens non possit fieri nisi per creationem , sequeretur quod anima sensitiva procederet in esse per creationem ; sed ista radix est falsa scilicet quod anima sensitiva per se habeat esse & operationem . Quid clarius ?

Consequenter ad creationem per quam eas animas fieri putas , sustines illas esse per se subsistentes , & per solam annihilationem potentes desinere ; sed præterquàm quod oppositum ostendunt mox laudata ex D. Th. , manifestæ fallitatis convincitur iterum ex eodem , qui in articulo cujus titulus est . *Utrum animæ brutorum animalium sint subsistentes* , conclusionem ponit negativam , & sic efatur , post nonnulla quæ more suo pro parte affirmativæ præmiserat (b) . Sed contrà est quod dicitur in lib. de Ecclesiasticis dogmatibus . *Solum hominem credimus habere animam substantivam , animalium verò animæ non sunt substantivæ* . Et postea subdit . *Dicendum quod antiqui philosophi nullam distinctionem ponebant inter sensum & intellectum , & utrumque corporeo principio attribuebant* . Plato

N

autem

(a) 1. p. q. 118. art. 1. (b) 1. p. q. 75. art. 3.

*autem distinxit inter intellectum & sensum, ecce Phil. error tuus jam à D. Th. in Platone notatus. Utrumque tamen attribuit principio incorporeo, ponens quod sicut intelligere, ita & sentire convenit animæ secundum se ipsam, & ex hoc sequebatur quod etiam animæ brutorum animalium sint subsistentes.*

Tum sic prosequitur, evellens sententiæ tuæ fundamentum quinto & postremo adductum loco, assignans nimirum ex Arist. mediam inter utramque cum veterum, tum Platonis opinionem, cui ipse subscribit (a). *Sed Aristoteles posuit quod solum intelligere inter opera animæ sine organo corporeo exercetur; sentire verò, & consequentes operationes animæ sensitivæ manifestè accidunt cum aliquà corporis immutatione. . . & sic manifestum est quod anima sensitiva non habet aliquam operationem propriam per se ipsam, sed omnis operatio sensitivæ animæ est conjuncti; ex quo relinquitur quod cum animæ brutorum animalium per se non operentur, non sint subsistentes. Ex quibus liquet animam sensitivam & non esse materiā ut volebant antiqui; habet enim communicare corpori sensum, qui in materiā secundum se non invenitur; & non esse, subsistentem sive spiritum, cum propriam non habeat operationem, sed omnis ejus operatio sit per se à materiā dependens, proindeque ipsam inter hoc utrumque extremum, medium quoddam esse.*

Ostendendum jam est falsum similiter esse ex D. Th. quod animæ brutorum desinant esse per annihilationem. Quærit ergo S. Doctor, postquam

---

(a) *Ibid.*

quam docuit superiori articulo posse omnia creata à Deo annihilari , *utrum aliquid in nihilum redigatur* difficultatem resolvit negativè & assertit illud Ecclesiastici 3. (a) *Didici quod omnia opera quæ fecit Deus , perseverant in æternum .* Subjungens de suo . *Dicendum quod eorum quæ à Deo fiunt circa creaturam , quædam proveniunt secundum naturalem cursum rerum , quædam verò miraculosè operatur præter ordinem naturalem creaturis inditum .* Quæ autem facturus est Deus secundum ordinem naturalem , considerari possunt ex ipsis rerum naturis , quæ verò miraculosè fiunt , ordinantur ad gratiæ manifestationem . . . *creaturarum autem naturæ hoc demonstrant , ut nulla earum in nihilum redigatur ;* audi Philadelphæ quia vel sunt immateriales , & sic in eis non est potentia ad non esse , vel sunt materiales , & sic saltem remanent secundum materiam quæ incorruptibilis est . . . unde simpliciter dicendum est , quod nihil omnino in nihilum redigitur . Porro si nihil teste D. Th. redigitur in nihilum , quomodo stat animas brutorum per annihilationem desinere ?

Regredi demùm oportet ad id quod quarto loco agebas , nimirum brutorum animas vim habere intellectivam immaterialem limitatam tamen , sed hoc pariter non minùs reliquis à mente D. Thomæ alienum esse probant quæ ex eodem adduxi contrà primum assertum ibi etenim cum dixisset animam rationalem & animam esse & spiritum , inquit de eadem rationali anima disserens (b) . *Sed spiritus dicitur secundum illud quod est proprium sibi & non aliis animabus , quod scilicet*

N 2 habeat

---

(a) 1. p. q. 104. art. 4 (b) 1. p. q. 97. art. 3.

*habeat virtutem intellectivam immaterialem per quæ probat Angelicus animam rationalem à cæteris, animabus contradistingui, quia hæc est spiritus non verò illæ, atque insuper hanc esse spiritum & non illas, quia proprium hujus animæ est, non cæterarum, habere vim intellectivam immaterialem, consequenter constat hoc etiam placitum tuum, quod aliàs scripturæ contrarium ostensum est, etiam à mente Doctoris Angelici aberrare quàm maximè.*

Reliquum modò est ut aliquam textibus ex D. Th. à te laudatis, responsionem adhibeam; undè tamen promendum putas? Uti-que iis ipsis ex locis quæ attulisti; legamus unà D. Thomam; en quid inquit (a). *Sensus autem cognoscitivus est, quia receptivus est specierum sine materià; & intellectus adhuc magis cognoscitivus, quia magis separatus est à materià & immixtus, ut dicitur in 3. de anima. Hæc sanè quid aliud important nisi diversum prorsus esse cognoscendi modum qui per se competit sensui, ab eo qui per se convenit intellectui? Si enim magis cognoscit intellectus quàm sensus, quia ille magis ito separatus est per se à materià, sequitur hunc non satis separatum ab ipsà, nèque satis immixtum esse, ut vel sit, vel dici queat spiritus, quod & clarum fit ex superiùs dictis ex eodem D. Th. & ulteriùs patet ex diverso operandi modo quem idem S. D. animæ sensitivæ, ac rationali attribuit dicens (b). *Virtutes cognoscitivæ quæ non sunt subsistentes, sed actus aliquorum organorum, non cognoscunt se ipsas sicut patet in singulis sensibus, sed**

*virtu-*

(a) 1. p. 9. 14. art. 1. (b) *ibid.* art. 2. ad 1.



*virtutes cognoscitivæ per se subsistentes, cognoscunt se ipsas. Cum itaque modus operandi sequatur modum essendi, si operatio sensus, seu animæ sensitivæ sit per se alligata organo, atque non exercibilis ulla sine illo, palàm est & entitatem animæ sensitivæ à materia in suo esse dependere, quod certè entitati verè immateriali seu spirituali repugnans est ex ipsà ejus naturà, unde non ita immaterialis evadit anima brutorum, ut induat spiritualitatem.*

Similiter autem ex suo contextu ruit quod secundo loco afferebas ex eodem Angelico ibid. enim ita prosequitur (a). *Et quàmto magis proceditur in nobilitate formarum, tantò magis invenitur virtus formæ materiam elementarem excedere; Sicut anima vegetabilis plusquàm forma metalli, & sensibilis plusquam anima vegetabilis; anima autem humana est ultima in nobilitate formarum. Atque hanc singularem præ cæteris formis in animà rationali sive humanà nobilitatem explicat immediatè subjungens. Unde in tantùm suà virtute excedit materiam corporalem, quod habet aliquam operationem & virtutem, in qua nullo modo communicat materia corporalis; & hæc virtus dicitur intellectus constat autem non esse aliquid aliis formis conveniens, id quod majorem præ reliquis, fundat rationalis animæ nobilitatem, proinde si anima humana vim habet intellectivam à materia prorsus independentem, aliæ formæ hanc non habent, nec exinde spirituales sunt; Quod enim est supremum infimi, attingit infimum supremi anima*


(a) 1. p. q. 76. art. 1.

ma autem rationalis est suprema inter cæteras formas viâ ascensus progrediendo, est autem infima inter alias spirituales substantias, gradationem instituendo per viam descensus. Quæ porro cum ita sint de mente Angelici Doctoris, desine amabo Phil. vel nomen Divi Thomæ pro tua hac usurpare sententiâ, cæterum quoscumque repperies vel leviter tanti Doctoris imbutos, aut tantum etiam aspersos doctrinâ, senties non sine pudore tuo, accerrimos è tam turpi calumniâ vindicatos.

Phil. Nè pergas superbire Critophile, dum ad partes tuas, eas quæ possunt utrinque deflecti auctoritates, nimîa verborum detorques, res etenim naturales, non auctoritate, sed ratione, aut probandæ sunt, aut oppugnandæ, ratio autem te multa dicentem deleat, me sequitur nimia sufferentem. Audies crastinâ die nullum omnino adesse argumentum quod brutorum officiat spiritualitati. Vale

Crit. Ingenii quidem tui, non veræ rationis dabis momenta. Vale.





OPINIO DE ANIMA' SPIRITUALI  
BRUTORUM

Absurdis sequelis subjecta  
probat

D I A L O G U S VII.

*Philadelphus, & Critophilus.*

**P**Hil. Ex animà spirituali semel brutis attributà, absurdas ut video moliris inferre sequelas Crit. ast audi quomodo eas omnes dissolvo unico argumento.. Substantia immaterialis vel est intellectiva, vel libera vel capax meriti & demeriti &c. præcisè quia substantia est, vel quia immaterialis est? Neutrum dici potest; ergo &c. probo minorem quo ad primam partem. Non quia substantia est, aliàs omnis substantia esset cognoscitiva &c.; ergo &c. Remanet ergo

ergo quod sola immaterialitas sit caracter universalis, à quo intellectivitas, libertas &c. profluunt; nunc autem sic arguo. Vos Peripatetici admittitis entia immaterialia, nec tamen sunt per vos etiam intellectiva, libera &c.; Vos certè admittitis accidentia spiritualia, quæ sunt entitates immateriales, ut sunt Gratia sanctificans, caracter Sacramentorum, Lumen Gloriæ, Habitus infusi virtutum, Actus vitales, Intellectiones nempe & Volitiones, quæ nedùm non intelligunt & cognoscunt, sed passim destruuntur, corrumpuntur, & desinunt; ergo Immaterialitas ex naturâ suâ non est semper fundatrix intellectivitatis, libertatis &c. Cur ergo reprehendere nos audetis, dum substantiam immaterialem admittimus in brutis, sed tamen in suis cognitionibus limitatam?

Crit. Achillem tandem adduxisti tuum ad pugnam, sed ut video, non prudentem satis, dum ea ipse defendendo prodit, quæ nundùm ad sui defensionem coægeram persequendo, qualia certè sunt libertas, & capacitas meriti & demeriti in anima spirituali, & quoniam in arenam adducta sunt, intrepidus persequar, non modò tamen, nunc enim insurgere animos sentio ad ita prosterndum Achillem, ut non resurgat. Et primò quidem invalidum est argumentum tuum, non Sylogismus est, sed Paralogismus, cujus certè puderet Peripateticum; Quomodo non absonum arguendi genus est, ex quo prædicatum aliquod partibus live physicis, live metaphysicis divisivè acceptis non conveniat

inferre quod itatim nec illis simul acceptis competat ? Benè nè sic quispiam argueret ad probandum hominem esse incorruptibilem . Homo vel est corruptibilis ratione formæ , vel ratione materiæ ; ex neutro capite ; ergo ex nullo . Probatur minor . Non ex parte formæ , quia anima est immortalis ; non ex parte materiæ quia hæc non est corruptioni subiecta ; ergo &c. Sic ad probandum quod anima humana nequeat discurrere , mereri &c. Vel anima hominis hæc omnia potest quia substantia est ? Et hoc non , alias quævis substantia , eadem præstare posset , quod prorsus falsum est . Vel quia spiritalis ; & neque propter hoc , cæterum omne spirituale esset intelligens merens &c. , ergo &c. Idem argumentum contrà animæ humanæ immortalitatem , urgeri potest , aliavæ plura . Quid adhæc diceret Phil. ? Non aliam puto afferri posse responsionem nisi hæc , quod scilicet pessimè arguitur ex negatione præcisæ prædicati de partibus divisis ; concludere negationem ejusdem de iis collectim acceptis , certum enim est aliqua convenire partibus simul sumptis , quæ non competunt divisis , hac tamen stante responsione , dilucidè cognoscis tui nullitatem argumenti , ea enim intellectiuitas , immortalitas , capacitasque & meriti & demeriti quæ neque consequitur præcisam rationem substantiæ , neque præcisam spiritualitatis rationem , procedit , & procedere ostensum est sive ex substantiâ ut spiritali , sive ex spiritualitate substantiali .

Hinc nullus est roboris ratio quam adeo in

O

hac

hac materiâ contra Peripateticos sæpius ii inculcant qui tecum consentiunt, desumpta videlicet ex spiritualibus accidentibus qualia sunt Gratia, sanctificans, & Character; hæc namque ex una parte nullus verè potest inficiari Catholicus, ex aliâ verò cum non sint substantiæ, non habent eam immaterialitatem quæ convenit enti per se subsistenti sicut est substantia spiritualis, nec propriam habent operationem in ratione causæ principalis, immò nec eam habere possunt, nam quod per se non est, nequit itidem operari per se, cujus tamen oppositum militat pro animâ sive substantia spirituali, ista nempe semel ac sit, necessariò est vivens, vitâ propriâ sibi, vitâ autem substantiæ spiritualis alia esse nequit nisi intellectiva, ut superius dictum est.

Omnimodâ operâ Intellectionem & Volitionem rationalis animæ, ad quas etiâ extendebatur allata probatio in argumento, ut de istis paulisper fusius tecum agerem. Intellectio itaque, inquis, & volitio hominis, spiritualis est, nec tamen intelligens, non ergo verum est omne spirituale esse intellectivum. Antequam huic argumento respondeam, amice moneo te, nè cum aliis differens simili, utaris ratiocinio, eadem siquidem destruis manu assumptum quæ te putas fortius sustinere. Sanè non omnino spirituale esse intelligens, ultrò concedo, ast quid inde? Vel relinquis hoc non obstante quod spiritualis brutorum anima sit intelligens? Er jam nil urget me quò ad hodiernam litem, argumentatio mox facta, immò à te ipso erit illa solvenda; vel

vel ex hoc negas eam animam esse intellectivam ? Et jam præterquamquod id negari meritò nequit , non amplius deserviet , ut superius dicebam , ad explicandam & salvandam miram brutorum in suis operationibus concinnitatem , non enim deservire ad hæc explicanda potest nisi saltem aliquammodo cognoscat , non potest autem five multa five pauca cognoscere anima spiritualis , nisi modo sibi proprio & connaturali , qui quidem alius non est , quàm cognoscere independentem ab organo corporeo tanquam à principio , & consequenter intelligere . Quomodo insuper non dubitas id denegare quod aliàs tu ipse asserbas cum urgerem te ex illo regii Psaltis . *Nolite fieri sicut equus & mulus quibus non est intellectus* ? Dial. 3.

Lubens ergo concedo sicut de præmemoratis , accidentibus , sic & de operationibus animæ rationalis , intellectu nempè & volitione quod eis non competat intelligere , ast malè inde inferitur nec omnem substantiam spiritualem esse intellectivam ; Quare enim intellectio non intelligit ? Porro quia ipsa operatio quidem est , seu exercitium intelligentis , non verò principium intellectivum ; porro quia est ens inhaerens alteri , non autem per se stans , unde denominatio intelligentis , animæ quidem convenit , quæ & principium elicativum cognitionis est , & subiectum receptivum illius , non autem ipsi met intellectui , unde communi effato dicitur . *Actiones sunt suppositorum* .

Neque verò est quod me fortè cum aliis de-  
 rideas, quod animæ nostræ operationes acciden-  
 tia, & quidem physica supponam ipsi de novo  
 adventitia; aut enim operationes istas, ab ani-  
 mæ & productas, & per consequens distinctas  
 asseris, & mecum sentias necesse est; aut tan-  
 quam Monasticæ philosophiæ figmenta, realia,  
 quæ noviter producantur, abnuit accidentia,  
 renuitque admittere operationes animæ distinctas  
 ab illa? Hoc autem si dicas, nec valebis homi-  
 nis veram salvare libertatem, & eandem quam  
 Joannes de Mercurià damnationem subibis,  
 hujus enim, tuæ similis inter 22. propositiones  
 proscriptas, decima quinta damnata est, quæ sic  
 ajebat (a). *Probabile est cognitionem vel volitionem  
 non esse distinctas ab animâ.* Fateri ergo debes  
 (Catholicum enim alloquor) operationes animæ  
 rationalis ab ipsâ produci, ab ipsâ distingui; Sed  
 hoc posito, nova mihi, ex paritate rationis sug-  
 gerit objectioni tuæ responsio, hæc videlicet.  
 Licet non omne spirituale sit à Creaturâ impro-  
 ducibile, tamen substantia spiritualis à nulla re,  
 creatâ produci potest; ergo etsi non omne spiri-  
 tuale sit intellectivum, omnis tamen spiritualis  
 substantia est intellectiva; immò sicuti non esset  
 producibilis ab animâ intellectio spiritualis, nisi  
 esset accidens; ita è contrario intelligeret intelle-  
 ctio si foret substantia; tam enim, & forsitan ma-  
 gis repugnat accidenti spiritali intelligere,  
 quàm spiritali substantiæ non esse intellectivam.  
 Sed hæc brutorum anima, quæ quatenus sub-  
 stantia

(a) *Armo 1347. sub Clem. 6.*



stantia spiritualis, intellectiva pariter esse evincitur, foret itidem libera & proinde meriti, demeritique capax; quid enim est libertas in generali acceptione sui? Nisi *Facultas agendi cum ratione*; si ergo bruta intelligunt, & agunt quia intelligunt, cur libera dicenda non erunt? Sanè substantia spiritualis intelligens, nequit ex natura sua determinata esse aut potens, aliqua tantum intelligere objecta, non verò omnia, aut hæc potius quam illa, sed nata est fieri intelligibiliter omnia, qua enim ratione potest aliqua, eadem etiam potest quæcumque intelligere objecta. Nec est quod reponas quod quemadmodum Deus ita limitavit hominum cognitionem, ut in hac vita non possint cognoscere intuitivè spiritum, ita cognitionem limitavit brutorum, ut non ad quascumque cognitiones valeant assurgere. Falsum enim est assumptum; cum non ideo anima nostra nequeat intuitivè cognoscere spiritum, quia ipsa secundum se verè ad id sit impotens, sed per accidens tantum, & ratione alligationis ad corpus, per cujus sensus, nonnisi materialibus receptis phantasmatibus quæ representando spiritui sunt inepta, non est expedite potens sibi efformare Idem spiritus, quod autem ita res se habeat, negari non potest, cum eadem met anima soluta à corpore, sine novà superadditâ sibi virtute clarè & perfectè semetipsam intueatur; atque insuper, quamvis pro statu vitæ nequeat cognoscere spiritum quò ad quid est vitæ affirmatio- nis, cognoscit tamen illum vitæ, ut ajunt, remotionis, ea scilicet prædicata removendo à spiritu quæ

quæ corporeitati attribuuntur, eosque cognoscit *quoad an est*; sic ergo non potest anima brutorum, cum veritate dici ad aliquas tantum res cognoscendas coarctata in se; ergo poterit per se, de quibuscvis objectis, & de quibus malluerit objectorum proprietatibus cogitare, unum objectum comparare cum alio, unum eligere, aliud respuere, nullum enim bonum finitum, nullumque inævidens verum invenitur, quod necessarium, sui vel assensum vel amorem trahat è substantiâ spirituali atque intellectivâ. Poteritve ex consequenti mereri vel demereri eligendo nimirum vel respuendo, odiendo aut amando, objecta, juxta, vel contra id quod ratio naturalis docet.

Denique cur non etiam valebit anima bruti cognoscere existentiam Dei? Puto te cum communi Theologorum sentire, quod nequeat dari in homine invincibilis ignorantia de existentia Dei Authoris naturæ, modò homo aliquà saltim utatur ratione, hæc enim cognitio Dei facillima est tantisper suprâ se reflectenti, se scilicet non esse à se, sed ab alio, de quo cum statim eadem occurrat animadversio, manuducitur ad cognoscendum aliquod suprâ creata esse principium quod omni careat principio, proinde Deum; si verò, ut debes, ita sentias, quidni & bruta, Dei cognoscant existentiam? Suntne, spiritualia licet quoad animam, ita stolidi, ut ad semetipsa nequeant attendere, & primam causam facillimam cæteroqui detectu cognoscere? Sed si concedis, quod quæso præmium post mortem, quam quæso poenam benè vel malè merentia bruta recipient?

Novus

Novus ne Providentiæ ordo pro novo spirituum genere instituendus ? Si autem negas ; quam porro spiritualement substantiam facis ? Vide Phil. nè temerè debita deneges prædicata spirituali substantiæ , dum liberius calumniaris Peripateticos, quod nimium formæ tribuant materiali . . Sed neque inficiari debes eam absurdissimam licet sequelam quam concessere sententiæ hujus tuæ Coriphæi ; certè Plutarcus in primâ quæstione Platonica asserit quod animalia bruta cognoscunt & adorant divinitatem , imò quod Elephantes , pietatis & venerationis gratiâ , Soli sacrificant , se se madefaciendo in mari , atque ipsum versùs proposcidem attollendo , mirum quod non dixerit animalia tam pia ac religiosa , in cœlos post mortem beanda transferri ? nec enim æquum est tantam sine præmio religionem dimitti . Perge , jam Philadelphæ , & postquam tot absurda , tuâ ex Thesi ritè deducta admittere coactus es intrepidus tamen , ipsas etiam Æsopi fabellas historiarum loco habe , atque aliis vendita ; quod si quis credere id abnuat , suade ei quod Æsopi temporibus , & homines idioma belluinum , & humanum noverant belluæ ; hoc unum si suadeas rem totam confecisti .


Phil. tot mihi obrudisti dictæis caput, ut planè ostenderis nosse te adversarios , plus molestâ verborum persequi , quàm verâ impugnare ratione . Cæterum ex datâ brutalis animæ spiritualitate , intentas à te non descendere sequelas argumento sit , illam hucusque ab Ecclesiâ non fuisse damnatam , utique autem damnata jam pridem fuisset si tam

si tam absurdis verè foret ut putas subjecta sequelis.

Crit. Non' is ipse sum, qui mihi non ardentia aliorum placita, temerè ac præcipiti iudicio, aut hæretica, aut de hæresi suspecta inclaimem; attamen, ut verum fatear ea quæ ex Scripturis, ex PP. & communi Theologorum sensu adducta sunt, non levem animo ingerunt meo suspicionem; nihil tamen super hac re modo proferam, *invito enim auditore, nemo libenter loquitur*. Cum primum tibi ad me redire vacabit, aperiam candidè quid sentiam; parce si te diutius quàm par esset detinui, Vale.

Phil. Quanto citius poterò te auditurus revissam, at quò majora aggeras argumenta, eò solidiora ostendes sententiæ meæ immortæ perstantis fundamenta, Vale.





OPINIO DE ANIMA SPIRITUALI  
BRUTORUM

Conciliis adversa probatur

DIALOGUS VIII.

Critophilus, & Philadelphus.

**C**Rit. Philadelphæ mi, promptior advenis quam putaveram; utinam melior quam accesseris redeas; quantum ex me est, si unquam ex corde effatus sum; hac vice loquar.

Phil. Cui certa est palma, nullus pugnandi timor. Tu quidem sincero loqueris corde, at ego firma utar ratione; sed nec video, quid contra brutorum animæ spiritualitatem, ex Ecclesiæ definitionibus, in medium valeas asserre; Certe hujus sententiæ patroni, Ecclesiæ monumenta per quam exactè evolverunt, nec quidquam illi

P

repu-

repugnans hucusque invenere .

Crit. Ita sit ut ais , nulli sit vel indirectæ reprobationi subjecta sententia tua , ast in illâ ne persistere arridebit , si periculosam in fide ostendero ?

Phil. Absit à me , ut vel latum unguem abscedam ab Ecclesiasticis sanctionibus , vel quid minimum malè olens in fide sentiam ; Vincit in me Catholicus philosophum , & lubentissimè malo ignarus videri , quàm malè credens .

Crit. Non nova mihi tuæ isthæc pietatis sensa Philadelphæ , sed hæc eadem promittunt haud dubiè controversæ te citò valedicturum sententiæ . Periculosam itaque in fide sententiam voco , quæ vel hæresibus ansam præbet ut oriantur , vel obortis præsidium ut roborentur , hujus autem notæ ( modeste dicam ) umbrâ saltem infici , spiritualis brutorum animæ Thesim , videtur manifestum ; Periclitatur enim quàm maximè Catholica veritas de animæ humanæ naturali immortalitate , deque æternâ ejusdem duratione futura ; Æquidem vel spirituales brutorum animæ ponuntur naturâ suâ corruptibiles & mortales ; vel dicuntur immortales quidem , sed in morte brutorum annichilandæ à Deo ? Si primum ? Jam idem dici potest de animâ rationali hominis , nec vera hæc inter & illas , disparitas invenietur ; immò scelesti homines propriè excoꝛcati malitiâ ( quos utinam in hoc sæculo difficile foret invenire ) hoc se se argumento , firmissimo tanquam vallo protegent . Anima brutorum est substantia spiritualis habens esse &

operari spirituale, & tamen est ex natura sua corruptibilis & mortalis; ergo quamvis anima rationalis humana, substantia sit, & quidem spiritus &c. est tamen naturaliter corruptibilis, atque mortalis; atque ex illo antecedenti, per legitimam consequentiam veram esse ostendunt propositionem directè oppositam definitioni Ecclesiæ quæ sic habet (a). Cum itaque diebus nostris... de natura præsertim animæ rationalis quod mortalis sit, ... & nonnulli temerè philosophantes secundum saltem philosophiam verum id esse assererent, damnamus & reprobamus omnes asserentes animam intellectivam mortalem esse &c.

Si verò secundum reponatur, quis non videat eandem in pluribus, de animâ rationali suboriri posse suspicionem, maximèque proinde nutare totius honestæ vitæ basim, nec parvum sanè fidei nostræ fundamentum? tolle animæ rationalis durationem post mortem, quocumque tandem ex capite cessatio ejus proveniat, jam commenti loco habebitur summa divina erga nos pietatis opus, humani nimirum generis per Jesum Christum redemptio; universalis extremo in Judicio resurrectio, Vitio Beatifica Justorum in Cœlis, & in Gehennâ impiorum cruciatus. Quod sanè & mens cogitare, & lingua proferre perhorrescit.

Phil. Etsi possit suspicio hæc alicui innasci, esset tamen ista unice ex suspicantis voluntate non ex antecedentis necessitate.

Crit. Concedo quod non ex antecedentis

P 2

necessi-

---

(a) Concil. Later. 5. sess. 8. anno 1513.

necessitate suspicio talis profueret, si enim ita foret, jam antecedens illud esset hæreticum, non tantum periculosum in fide, quod contendo; at tamen manuduceret ad suspicandum, aut jam pridem suspicantes, in concepto firmaret errore; manuduceret inquam, nimium enim cuilibet proclive est, ut dum de alterius animalis animæ naturâ differit, comparativâ cognitione reflectat in propriam animam, & dubitare saltem incipiat, num & suæ spirituali animæ idem accidat, quod de aliâ spirituali substantiâ, à Deo fieri intelligit.

Quod si cui, putidæ hujus hæreseos fuerit jam suborta suspicio, quid ni maximè confirmetur in illâ, audiens dari animas naturaliter immortales, quæ animali moriente, per annihilationem desinant? Quid ni ex hoc ipso animos sumat ad sibi certius suadendum, ipsos etiam hominum spiritus, eidem desitioni subesse? Res est impiis perjuranda, & grata nimis suadere sibi, quod nullæ eos post mortem maneant poenæ; unde & de facili id ipsum pro vero habebunt, & exemplo animæ spiritualis brutorum; vel ex se, vel à Deo desinentium; aliis etiam venditabunt.

Ex capite insuper novitatis suspecta censenda est sententia hæc tua, quæ à nullo Sancto Patre verè fuerit asserta, ut aliàs solidè, ni fallor ostendi; nec ab ullò rem hanc ex professo pertractante gravi Auctore edocta; nec in Scholis Catholicis hucusque, nisi fortè perpaucis, titubanti manu arrepta; Quod si nihil in ipsa falsitatis lateret, illam utique & SS. Patres & doctrina



nā ac probitate qui magis excelluere Auctores facillimē cuique de animā brutorum tractanti obviantem, exceperunt libenter, & incunctanter asseruissent; opportunē itaque à D. Bernardo monemur quod (a). *Novitas semper suspecta, mater temeritatis, soror superstitionis, filia levitatis.*

Phil. Non noviter esse inventam opinionem hanc, usque ab initio ostendi pluribus, quæ si tibi occurrerent modo, non novitatis notam illi tam imprudenter inureres.

Crit. Quæ à te vel ab exordio sermonis hujus adducta sunt, novi quàm optimè, sed & memini me cuncta refellisse, unde quam à me, eam ipse præteritorum memoriam, à te justius exigo; Probavi etenim Catholicos AA. in Causam hanc adductos, controversæ nequaquam adhæsisse sententiæ, quod si quis illi favere visus fuerit, pauca tamen ejus umbra est, ut hanc queat in tutò ponere; Antiqui autem Gentiles si verè in tuā fuere sententiā, non exinde illam tutiorem faciunt, vel enim in ipsis opinio hæc ex animarum metempsychosi descendit, vel ut rationalis animæ naturalem interitum suaderent, excogitata est.

Sed vide quantum causæ meæ fidam; Do tibi alios prioribus Ecclesiæ sæculis præambulos brutorum fautores; fuerunt in hac sententiā Thnetopsychitæ, fuerunt Manichæi, fuerunt Gnostici an dubitas? Audi Nicetam de primis agentem (b) *Thnetopsychitæ, hominum animam animæ brutorum,*

*simi-*

a) Ber. ep. 174. (b) Lib. 4. Thesau. c. 40.

*similem esse, atque. Ecce error secundus, cognatus primo. Unà cum corpore interire asserunt. Audi Paschasium Ratbertum contra Manicheos loquentem (a). Neque ut Manichæus somniat, omnium animalium æqualis est anima, cum propter istos, intellige homines, quorum erat immortalis, tot animæ pariter cum morte datæ sunt ut perirent. Audire denique non pigeat S. Philastrium Brixie Episcopum opinionem hanc & carpentem tanquam hæresim, & de illà Gnosticos notantem, ait enim (b). Est hæresis quæ pecudes & serpentes, & aves rationabiles arbitratur esse, ut homines, sicut Manichæi & Gnostici perdidit &c. Quid sanè in causâ est quod hosce commilitones tuos in propugnata opinionis prælidium non adticeris? An quod istos ignores, an quod non approbares? hoc secundum, de homine cæteroqui docto verius reputo; at si displicent Auctores quia hæretici, multò minùs arridere debet sententia, quæ ut ab aliquibus audita PP., pro hæresi reputata est atque damnata.*

Phil. Extrà stadium curris Crit. dum ex quo hæretica dicatur opinio docens bruta rationalia esse sicut homines, concludis eadem notâ meam pariter inurendam, cum tamen non ego cum illis bruta æqualiter homini rationalia, sed illo longè statuam inferiora in intelligendo.

Crit. Non de hæresi damno sententiam tuam, sed unicè periculofam in fide demonstrare contendens, aliam tuæ similem, ni fortè cum tuâ

(a) Lib. 5. in Evang. Matt.

(b) Lib. de Hæres. hæresi 32.

tuâ eandem , hæreticam PP. visam esse commemoro . Cæterùm si illam ego hæreticam nuncuparem , non tu illam ab hac notâ subduceres , ut ut enim dicas bruta longè minùs homine intellectiva , vel ut meliùs loquaris , intelligentia , talis tamen est anima bruti , ut humano infusa corpori , hominem constitueret , talisve è contrà anima hominis , ut belluino communicata corpori , faceret brutum , ex quo palam est brutalem , atque humanam animas , in veritate rei æqualiter fore rationales ; semel ac illa sit , ut sustines spiritualis .

*Phil.* Gratis omninò ais talem fore spiritualem brutorum animam , ut humano infusa corpori hominem faceret , meritò enim respondetur eam animam non convenire in perfectione cum animâ hominis , est enim substantiola quædam in lineâ substantiarum spiritualium minima & miserrima , nihil valens intelligere nisi dependenter à corpore , neque subsistere potens absque illo .

*Crit.* Res sanè perridicula est tanta congerere contrà formam materialem quæ non sit materia , & postea tam facile absorbere substantiam spiritualem quæ non sit spiritus ; porrò si tibi suavisum est materiam non posse esse cognoscitivam aut generabilem , & aliis meritò impressum est , spiritum de neceesse esse incorruptibilem atque intellectivum , si omne quod est & non est spiritus est materia ; ergo omne quod est & non est materia erit spiritus ; & si materia ejusdem est essentialis naturæ in omnibus ; quid nî & omnis verus spiritus , ejusdem naturæ pariter existat ?

Quò ?

Quò ad prædicata saltem intellectivitatæ atque incorruptibilitatis. Si autem anima bruti & est spiritalis, & est intellectiva, & incorruptibilis, cur hominem nequibit constituere, si humanum corpus informet?

Sed alia duo mihi supersunt momenta, quæ nec ingenuitas mea, nec tuæ in meliora respicientiæ desiderium præterire permittit. Unum scilicet ex citato aliàs libro de dogmatibus Ecclesiasticis, aliud verò ex Concilio Lateranensi (a) c. *Firmiter*. In primo etenim hæc habentur: *Solum hominem credimus habere animam substantivam animalium vero animæ non sunt substantivæ*; Est ergo Ecclesiæ dogma, brutorum animalium animas non esse substantivas; sed si substantiæ spirituales forent, forent itidem substantivæ, ut patet tum ex naturâ substantiæ spiritualis; tum exemplo animæ rationalis humanæ; ergo animæ brutorum animalium non sunt substantiæ spirituales.

Phil. Non est cur me ex libro de dogmatibus Ecclesiasticis (b) perstringas Crit. nosse enim debes ipsum nullius aut saltem parvæ fidei esse.

Crit. Scio quidem non deesse qui de libri hujus authenticitate vel Auctore plurimum dubitent, quos inter P. N. Sallier (c), at cum teste Sirmondo viro doctissimo, liber hic à S. Patente Lugduni Episcopo Patribus in Concilio Lugdunensi adunatis oblatus fuerit, & ab illis receptus & ap-

(a) *Concil. Lateran. 4. c. 1. Celeb. anno 1215.*

(b) *Possivi. To. 1. appar. sacri Verbo Gennadius.*

(c) *Hist. Scolas. de spec. Euchar. t. 2.*

& approbatus, ut colligitur ex pervetusto Conciliorum Codice in quo hæc leguntur. *De libro Ecclesiasticorum dogmatum quem S. Patiens protulit*, non video qua ratione, eâ qua aliâs auctoritate polluit, spoliari facillè queat maxime cum plurimum ei deferat Angelicus; Doctör, cum pro suis resolutionibus citans non infrequenter; Sed modicâ nê apud te fidei, vel legitimi œcumenici Concilii definitio?

Phil. Si aliquid asserto meo contrarium, ex cujuscvis approbati Concilii definitione protuleris, tibi palmam obsequentissimè cedo.

Crit. Audi ergo Phil. & ita promissis Concilium Lateranense IV. hæc habet. *Firmiter credimus, & simpliciter confitemur quod unus solus est verus Deus & unum universorum principium, Creator omnium invisibilium & visibilium, spiritualium & corporalium qui sua omnipotenti virtute simul ab initio temporis utramque de nihilo condidit Creaturam spiritualem & corporalem, Angelicam videlicet & mundanam, ac deinde humanam quasi communem ex spiritu & corpore constitutam. His itaque Sancta Synodus tres errores debellat; Primus, eorum est, qui animam humanam negabant esse spiritum quos inter fuit Tertullianus teste D. Th. his verbis. Fuit autem alius error Tertulliani ponentis animam humanam corpoream esse, cum tamen Apostolus dicat 1. ad Thes. 5. Ipse autem Deus pasci sanctificet vos per omnia, ut integer spiritus vestret, & anima & corpus sine querela in adventu Domini Nostri Jesu Christi servetur, ubi manifestè*  
Q  
ani-

*animam à corpore distinguit, & ad hoc excludendum subdit. Deinde condidit Deus humanam naturam, quasi communem, scilicet ex corpore & spiritu constructam &c.* Secundus error fuit cujusdam Davidis Dinatii impiè asserentis Deum esse materiam primam, nec ipsum proinde cognoscentis omnipotentem creatorem rerum corporalium, ut testatur Glossator c. 2. inquires (a) *David Dinatius Discipulus Almarici teste Sanderò lib. 7. de Visibili Monarchia, dicebat Deum esse materiam primam, quare supra c. 1. Concilii Lateranensis Patres baud dubitè contrà eundem Dinatium asseruerunt Deum simul ab initio temporis, utramque de nihilo condidisse Creaturam spirituales & corporalem.* Tertius denique Manicheorum duo admittentium Principia, unum quidem bonum, boni, rerum nempe spiritualium, aliud verò malum, Authorem mali, rerum nimirum corporalium.

Contrà quos errores tria, statuit Fidei dogmata. Primum, unicum esse Deum principium & causam universorum contrà Manichæos. Secundum, Deum ex nihilo omnia condidisse contra David Dinatium. Tertium, Hominem esse medium quoddam, Angelos inter & res corporeas, utpotè ex spiritu constantem & corpore, contra Tertullianum aliosve; jam verò quod ad præsens attinet, hoc postremum dogma perpendamus. Dèffinit Concilium Deum de nihilo condidisse & spirituales Creaturas, qualis est Angelus, & corporales seu mundanas, quales sunt res ceteræ, & ulterius aliam creaturam nimirum

---

(a) *Gloss. c. 2.*

mirum humanam, neque adæquatè spiritualement, neque adæquatè corporalem, sed tanquam mediam, inter utramque & utrique communem, partim videlicet spiritualement, partim corpoream, ex spiritu nimirum & corpore constitutam; consequenter, quemadmodum nomine spiritualium substantiarum atque corporalium, rerum omnium à Deo creatarum universitatem completitur, ita unicè naturam humanam pro medio de utroque ex dictis extremis participante assignat, ita quod sicut nulla alia est substantia præter spiritualement, & materialem, ita nullum aliud sit medium, utrique naturæ commune, præter naturam humanam; ex hac autem Concilii definitione, sic

Verum est definiente Concilio naturam humanam, & quidem solam, de natura spirituali participare, quatenus est constans spiritu, & de materiali, prout simul est etiam corpore constituta; atqui si bruta pariter animà gaudent spirituali, jam falsum est solam naturam humanam esse ex spiritu & corpore compactam, illa siquidem non minus ac homo naturam habebunt spirituali & materiali communem, ut evidens est; ergo &c. Major continet definitionem Concilii; minor est ipsa sententia tua, consequentia legitima est.

Quid ad hæc Phil.? Dices fortè Concilium definivisse quidem quod homo ex spiritu constet & corpore, non tamen quod ipse solus ita sit constitutus? At attende Concilii verba. *Utram-*

que de nibilo condidit Creaturam Spiritualem, & Corporalem, Angelicam videlicet & mundanam, ac deinde humanam quasi communem ex spiritu & corpore constitutam. Nomine Creaturæ spiritualis intelligit spirituale substantiam carentem corpore; nomine Creaturæ corporalis, intelligit omnem substantiam materiale carentem spiritu; sub primâ classi omnes Angelos comprehendit, sub secundâ res omnes reliquas claudit, sive vivant, sive non, sive etiam vivant simul & sentiant; solum postea hominem excipit, hunc tantummodo volens ita contineri sub secundâ ut etiam sub primâ claudatur, non quidem totaliter sub utrâque, sed partialiter respectivè; solum ergo hominem ex spiritu & corpore constitui, docet aperte Sancta Synodus; nec immeritò ponit *ly deinde*, innuit enim se ultimo loco loqui de homine, ut loquatur juxtâ ordinem creationis ejusdem, cum post spirituales & corporales alias creaturas conditus fuerit; Cum itaque loquatur de homine tanquam post res cæteras creato, bruta animalia cum ante illum fuerint creata, neque sint merè spiritualia, neque à Concilio ponantur inter aliquod communicans cum spirituali & corporeo, cum mundanâ seu materiali creaturâ confunduntur, proinde homo, tanquam qui solus nec unicè spiritualis, nec integrè materialis sit, tanquam unicum ens medians inter utrumque statuitur, ac definitur à Concilio. 4

Hæc cum ita sint, sentis porrò Phil. sententiam de animâ brutorum spirituali conciliis adver-



adversam, sanæ fidei non consonam, ac meritò proin à te, aliisque abjiciendam; ecquid? Fortè ne ex iis eris, qui insipienter æquè & audacter dicere non erubescant cum P. Lamy, in Academiâ Andegavensi Philosophiæ olim professore (a). *Philosophi solam rationem sequuntur, nam illius solo lumine rerum naturam scrutantur; quapropter etsi res aliter se habere Religio ipsa doceret, non inde sequeretur eorum placita esse reprobanda?* Absit, ut talia proferas, altè enim intelligis Verum Vero non contradicere, veram fidem rectæ rationi, superiorem quidem, non adversam, neque ratione nostrâ metiendam fidem, sed fide potius instruemdam, corrigendamque rationem.

Phil. Utique lubens rationem corrogo, cum fidei definitionibus fuerit vel opposita, vel non exactè consentiens; at non est quod ablegem animæ spiritualis brutorum sententiam, ex hujus modo perpensi Concilii dogmate; nec enim ibi scholasticas intendit dirimere lites, sed quod ad suum pertinebat institutum, definit animam hominis esse spiritualem, quod & ipse concedo & profiteor, & adhuc inconcussum integrè manet; & si dicatur itidem spiritualis anima brutorum,

Crit. Nequidquam in tutò te conaris recipere Phil. in Bivio es, aut hinc, aut inde transireas, necesse est; Aut opus est sententiam de spirituali brutorum animâ, falsam fatearis, aut falsam concedas Concilii definitionem, quod sic ostendo iterum. Concilium allato in capite nendum statuit hominem, ex spiritu & corpore esse, consli-

(a) P. Lamy in registro Acad. Andeg.

constitutum, sed ulteriùs ipsum esse contrapositivè ad omnes alias creaturas vel purè spirituales, vel merè corporeas, medium quodam à reliquis omnibus creaturis in hoc discrepans, quod neque unicè spiritualis sit, neque tantùm materialis, sed duplici ex parte compositus, unà spirituali, materiali alterà; atqui esto verum adhuc maneat hominem componi ex spiritu & corpore, licet bruta similiter dicantur constitui, falsum tamen est, ipsum hominem contrapositivè ad reliquas creaturas, habere naturam communicantem spirituali & corporeo, si pariformiter bruta spiritu constituentur & corpore; & aliunde ad asserti alicujus veritatem requiritur, quod nulla pars illius sit falsa, nam unà ejus parte falsà existente, etsi alia vera sit, est simpliciter falsum; ergo si verum est bruta prædita esse animà spirituali, falsa est definitio Concilii. Hoc consequens admittere detrectas, ut debes; ergo concedere teneris, brutorum animas minimè esse spirituales.

Ex his autem intellige Phil. sententiam de spirituali brutorum animà, neque in vera ratione, neque in Scripturis, neque in PP. auctoritate fundari, nam PP. in œcumenicà synodo adunati, & Scripturas noverant, & SS. PP. scripta evolverant, & tamen res omnes, in spirituales, & corporales divisere adæquata divisione, atque unicam & specialem hominis asseruere naturam, ex Spiritu & Corpore constitutam; ac pròinde certè & verissimè spiritu seu animà spirituali bruta non esse instructa senserunt, atque docuerunt.

runt . Unde non solum negativè circa brutorum animas se habuerunt , sed positivè , nam ut communi esato dicitur . *Exceptio firmat legem in contrarium* .

Quibus omnibus ritè perpensis , quæ tuam omninò perimunt sententiam , hoc etiam accipe argumentum te jam devicto , pro Peripateticis , quos in admissione formarum materialium à materiâ distinctarum pro stultis habebas , ac somniantibus , ac pro iis qui pecudum more sequantur prædecessores suos , quia ita dixerunt , non examinantes an vera dixerint ; accipe inquam ab his somniantibus , atque brutorum dignitati & spiritualitati , ut par est inimicis , solidum & apud veritatis amatorem inconcussum . Bruta non sunt te etiam fatente pura , & mera authomata , hoc enim ipsi naturæ sensui , communi omnium persuasioni , adversum noscitur . Ergo prædita sunt anima quæ sit materialis forma in sensu peripatetico . Probatur c. Si bruta non sunt pura authomata , sunt verè viventia ac sensitiva ; Si viventia & sensitiva sunt , aliquà animà instructa sunt quæ non sit formaliter materia ex una parte , ( nam si hæc eorum anima foret materia jam bruta non aliud , essent nisi materia , adeoque authomata ) ex alià , hæc anima non est spiritualis neque spiritus , ut abundè hucusque ostensum est ; ergo est materialis non tamen materia , nihil enim aliud excogitari potest aut dici . Scio quod multa contrà hanc formam obijciuntur , tanquam aliquod commentitium & in solâ Peripateticorum ideâ existentiam habens , sed hæc omnia

omnia præterquàm quod validis responsionibus refelluntur, corruunt etiam spontè suà, illud enim quid commentitium esse non potest, cujus admittendi necessitas in naturà comprobatur.

Phil. Vicisses equidem Crit. si non & tu eadem concilii premereris definitione; sed certè eodem ictu quo meam de animà in brutis spirituali, & tuam de animà in iisdem materiali confodis tententiam; en tibi. Sicut Concilium statuit solum hominem esse ex spiritu & corpore constitutum, ita antea diviserat creaturà omnia in spiritum & corpus, ita ut quidquid est non Deus, sit eo ipso vel spirituale, vel corporale, spirituale inquam quia spiritus, corporale autem quia corpus; nam si corporale, quamvis non corpus, igitur contrà (a) Concilium, quod in Creaturà humana non agnoscit nisi naturam, communem ex spiritu & corpore, & per consequens, nihil in eà corporale admittit nisi corpus, nihil spirituale, nisi spiritum; ex quibus certè constat manere conciliari gladio peremptam formam materialem, quæ non sit materia.

Crit. Subtiliter arguis Phil., & si id quod conaris ex Concilio deducere, ex illo legitime consequeretur, sicut animam spiritualement in brutis, absolutè rejicio, ita animam quoque materialem quæ materia non sit, illis inesse negarem, mallempque fateri ingenuè me nescire quomodo bruta vivant, quàm vità à Conciliis damnatà ea viventia appellare; ast deciperis Phil. neque enim officit Concilium formæ materiali, dum animam

(a) *P. Sallier Ord. minim. T. 2. Hist. Schol. de Spec. Euch.*

nam spiritualemente brutorum interimit ; aliud ergo est quod Concilium , formam materialem positivè non adstruat , aliud quod eam positivè rejiciat . Primum concedo , sed nihil inde ad intentum tuum ; secundum , quod velles , prorsus inficior , nec unquam valebis ostendere . Utique Concilium cum ait . *Ac deinde e humanam quasi communem ex corpore & spiritu constitutam* , vult ac docet , nullum aliud ens præter hominem , compositum esse ex spiritu & corpore , unde & tuam de vero in brutis spiritu , sententiam jugulat ; ac verò cum ait *utramque de nihilo condidit Creaturam Spiritualem , & Corporalem , Angelicam videlicet & mundanam* , accipit id spiritualemente , & corporalem , in sensu eorum universaliori , & magis noto , in quo utique nomine spiritualis Creaturæ , venit verus spiritus , & nomine creaturæ corporalis , venit verum corpus ; cum hoc tamen relinquit quod sub nomine creaturæ spiritualis , veniat etiam spirituale aliquod quod non sit spiritus , ut sunt Accidentia spiritualia , atque similiter permittit , quod sub nomine Creaturæ corporalis veniat etiam entitas , quæ licet materialis sit quatenus à materia seu corpore omnino pendens , corpus tamen non sit ; permittit inquam , quia non positivè dicit . *Omne ens quod non est spiritus , est materia* sicut hominem , & quidem solum , ait habere naturam communem ex spiritu & corpore constitutam , sed saltem æquivalenter dicit . *Omne ens vel Spirituale est , vel Corporale* Spirituale autem & Corporale convenire alicui potest vel substantivè , vel adjectivè ; si substantivè

R

fit

fit spiritus , fit corpus , secus verò si tantum adjectivè .

Insuper cum Creaturam Spiritualem explicat per tò *Angelicam* , non eam explicat in sensu exclusivo vel alterius spiritualis substantiæ , qualis est anima hominis , vel alterius Creaturæ Spiritualis , quæ non sit Spiritus , licet enim positivè non adstruat , non denegat certè accidentia spiritualia , qualia sunt in conformiori Concilii sententiâ , Gratia Sanctificans & Character ; ita cum Creaturam Corporalem explicat per tò *mundanam* , non debet intelligi loquutum , in sensu exclusivo aliarum entitatum , quæ corporales quidem sint & mundanæ quamvis materia non sint .

Denique , ex quo admittantur formæ materiales , quæ non sint materia , non admittitur contra mentem Concilii medium aliquod , inter Creaturam Spiritualem , & Corporalem , nam & ipsæ corporales sunt & materiales , unde intacta relinquitur adequata generalis divisio , entis creati à Concilio facta in Creaturam Spiritualem , & Corporalem ; Ast verò ex quo verus spiritus in brutis asseratur , jam asseritur , etiam bruta naturam habere communem spirituali & corporeo , consequenter , non solam naturam humanam esse ex spiritu simul & corpore constitutam , quod est contra claram , ac manifestam mentem Concilii , ut præcedenter ostendi ; quare vides Phil. tuæ quidem , non Peripateticorum sententiæ , Concilium planè adversari ; Cæterum dato & non concessio , quod etiam materialis forma ex Concilii

lii Canone colligeretur non admittenda , sicut ex illo constat non agnoscendam animam spiritua-lem in brutis , nihil inde tibi ; nec enim melio-rem causam facit , damnatæ communitas causæ ; Neque ego in præsentiarum , quænam sit anima in brutis quero , sed potius quid ipsa non sit ostendo , aptis ni fallor momentis evincens , eam spiritualem dici , nec cum veritate posse , nec cum rectâ fide debere .

Phil. Fortiter urges me Critoph. sed mihi negotium valdè facessunt plura , eaque omni di-gna admiratione opera , quæ in brutis observamus , vel quæ ab ipsis præstita legimus ; vide-mus Araneas , miro quodam artificio sibi telas contexere , ut aucupes fiant ; ingenioso Apes la-bore sua mella conficere . Sagacissimas vulpes struere aliis animalibus insidias , sibi paratas de-clinare ; Canes instrui ad venationem , Equos ad cursum ; Legimus persæpè Elephantos simias-que , receptæ & memores , & vindices injuriæ , aliaque in aliis , tam pulchra , tam mirabilia , ut imperceptibile prorsus sit , ea fieri sine discursu , & per consequens à principio spirituali , brutis ipsis inexistente , non procedere .

Crit. Debilis est quàm fortè putes argu-mentum hoc mi Phil. In primis etenim Conci-lium ( ut ostensum est ) soli homini concedit compositionem ex corpore & spiritu ; non po-test ergo esse rita , & vera consequentia , quæ ex brutorum operationibus , animam in iisdem spiri-tualement deducis ; Deinde si ex operibus brutorum , verè inferretur anima spiritualis in ipsis , non in

infimo, ut dictitas, spiritualitatis gradu esset ea reponenda, sed animæ humanæ vel æqualis, vel superior, cum multa brutorum opera æquent, immò & omnem superent hominum indutriam. Denique mirabiles istæ brutorum operationes quas percenses, & quæ percenseri possent, non tuis cœpere temporibus à brutis præstari; non erant illæ vel Sanctis PP. vel Catholicis Philosophis absconditæ, & tamen nullus Sanctus Pater, nullus Catholicus, paucis junioribus exceptis, verum in brutis intulit inde spirituale principium. Audi itaque Augustinum, audi D. Thomam quid denegent, quid tribuant brutis, & acquiesce veritati (a). Jam verò causæ voluntariæ aut Dei sunt, aut Angelorum, aut hominum, aut quorumcumque animalium, si tamen appellandæ sunt voluntates animalium rationis expertium, motus illi quibus aliqua faciunt secundum naturam suam, cum quid boni malive vel appetunt, vel evitant & rursus (b). Si quid in pecore simile apparet, non est perturbatio, quia non est contrā rationem, qua peccata carent. Angelicas autem Doctores, ulterioribus instantiis & dubietatibus, sic aditum præcludit. (c) In operibus brutorum animalium, apparent quædam sagacitates in quantum habent inclinationem naturalem ad quosdam ordinatissimos processus, utpotè à summâ arte ordinatos, & propter hoc etiam quædam animalia dicuntur prudentia vel sagacia, non quod in eis sit aliqua ratio vel, electio, quod ex hoc appa-

(a) *Aug. lib. 5. de Civit. Dei c. 9.*(b) *Lib. 8. de Civit. Dei c. 16. ad Marcellinum.*(c) *D. Th. prima secunda q. 13. art. 2. ad 3.*



*apparet , quod omnia quæ sunt unius naturæ , similiter operantur .*

Phil. Candidè fateor , me penè victum sentio , & ni post aliquod examen, quod mecum ipso adhuc instituere decerno ( nè præceptum sim in abdicandâ mihi alias acceptissimâ opinione ) alicujus ponderis momentum occurrat , promissis utique , stabo, ipsam rejiciens, ac omnibus pro erroneâ, & periculosa in fide prædicans ; interim de eâ quam mihi luce attulisti ex corde gratias referens , me tibi semper devinctissimum profitebor .

Crit. Pro veritate me pugnavisse opinor Phil. , non pro pruritu aliis contradicendi ; summopere lætor, quod rationi tandem consentiens , sis proximè priori sententiæ valedicturus , & si quid fortè inter disceptandum minùs cautè exciderit , veniam petens , unum hoc ergà me tuæ pignus benevolentiae expeto , promptam nimirum ac ingenuam , de animâ in brutis spirituali , sententiæ retractationem ; Quod cum præstiteris, non mihi, sed Scripturis Sacris , SS. Patribus , legitimisque Conciliis , eris ut decet obsequutus . Vale .

**F I N I S :**

IN-



# I N D E X

135

Rerum notabilium quæ in hoc Opusculo  
continentur , Ordine Alphabetico  
dispositus. Prior numerus denotat  
Dialogum , Posterior  
paginam .

- A** *Nima rationalis est immortalis .* 3. 37. & seq.  
*Animæ brutorum , & hu-*  
*manæ diversus productionis*  
*modus .* 3. 43. & seq.  
*Anima Spiritualis nonnisi per Crea-*  
*tionem produci potest .* 3. 43.  
*Annihilatio nulli rei creatæ est na-*  
*turalis .* 5. 86.  
*Anima non est in gratiam corporis ,*  
*sed è contrà .* 5. 87.  
*Alphonsus à Castro erroneum docet*  
*asserere quod bruta intelligant .* 3. 53.  
*Bruta forent ad Imaginem Dei , si*  
*animam haberent spiritualem .* 4. 70.  
*Brutorum anima non vivit soluta à*  
*Corpore .* 5. 87.  
*Brutorum animæ non sunt subsisten-*  
*tes .* 6. 97.  
*Brutorum animam spiritualem dice-*  
*re , & tamen naturaliter corrupti-*  
*bilem , quàm periculosum .* 8. 114.  
*S. Bernardus verum in brutis spiri-*

tum

- rum minime admittit . . . 5. 81. & seq.
- Cartesii de brutis sententia improba-  
tur . . . 1. 20.
- Concilii Lateranensis circa rationalis  
animæ immortalitatem definitio . . . 8. 115.
- Concilium Lateranense IV. solum ho-  
minem statuit ex spiritu & corpore  
constitutum . . . 8. 126.
- David Dinatius aiebat Deum esse  
materiam primam . . . 8. 122.
- Deus ut Author naturæ à brutis co-  
gnosci posset , si hæc spirituales  
haberent animam . . . 7. 100.
- Distinctionem nullam , Sensum inter  
& Intellectum , posuere anti-  
qui . . . 6. 97.
- Differentia specifica non semper im-  
porcat majorem nobilitatem unius  
naturæ suprâ aliam . . . 4. 67.
- Difficultas ad aliquid explicandum ,  
non est sufficiens argumentum ad  
illud negandum . . . 5. 89.
- Discrimen cognitionis sensitivæ ab  
intellectivâ . . . 4. 72.
- Epicurei ac Stoici , Spiritum verè sa-  
lem non agnoverunt . . . 2. 30.
- Fallacia cujusdam argumenti , dete-  
gitur . . . 7. 105.
- Franciscus Suarez , ex communi  
Theologorum , docet repugnare sub-  
stantiam spirituales , simpliciter  
non cognoscitivam . . . 5. 88.

- Gnostici & Manichei, sustinent bruta  
esse rationalia . 8. 118.
- Hominis definitio corrigenda , si spi-  
ritualis anima inest brutis . 1. 21.
- Hieronymus Sbaragli , brutorum spi-  
ritualitati non favet . 2. 27.
- Jacobus Zabarella , non docet bruto-  
rum animas verè esse spiritua-  
les . 2. 29.
- Intellectivitas de necessè connectitur  
cum substantiâ spirituali . 3. 47.
- Imago Dei in homine , in quo sita  
sit . 4. 69.
- Joannes de Mercuriâ , ejus propositio  
damnata . 7. 108.
- Intellectus tam proprius substantiæ  
spirituali , quàm Animali sen-  
sus . 5. 90.
- Intellectiva vis æqualis , ubi æqualis  
spiritualitas . 4. 63.
- Industria brutorum non est spiritualis  
principii inditium . 8. 131.
- Lotionem pedum pro vero Sacramento  
non habet D. Bern. 5. 77.
- Libr de Dogmatibus Ecclesiasticis ,  
cujus auctoritatis . 8. 120.
- Lamy , ejus propositio reje-  
cta . 8. 125.
- Mastrius spiritualement substantiam , na-  
turâ suâ incorruptibilem esse , do-  
cet . 5. 82.
- Mathias Iliricus , quid de Imagine

- Dei in homine . 4. 69.  
 Nomen Spiritus , multimodè accipitur  
 in Scripturis . 3. 41.  
 Nomen Spiritus , animæ brutorum  
 sæpè tribuitur . 3. 34.  
 Operationes animæ , distinguuntur ab  
 ipsâ . 7. 108.  
 Opinio de animâ in brutis spiri-  
 tuali , ex capite novitatis suspe-  
 cta . 8. 116.  
 Philastrius quid de Gnosticis , & *Ma-*  
*nicæis* . 8. 118.  
 Plutarcus , quid de Elephantibus di-  
 cat . 7. 111.  
 Quare bruta aliqua dicantur saga-  
 cia ? 8. 132.  
 Res nulla , omninò in nihilum redi-  
 gitur . 6. 99.  
 Rationis lumen , non inest bru-  
 tis . 8. 132.  
 Spiritus quot modis accipiat in  
 Scripturis . 4. 56.  
 Substantia materialis suscipit magis  
 & minùs in lineâ materialis ,  
 quoad partem activam tan-  
 tum . 4. 66.  
 Scriptura absolute denegat brutis in-  
 tellectum . 3. 46.  
 Similiter spirant omnia , quomodo  
 intelligendum . 4. 57.  
 Species animalis rationalis quare  
 unica sit , multiplex verò irratio-

- nalium : 4. 68.
- Scriptura* , denegans brutis intellectu- 3. 52.  
 ctum , absolute intelligenda .
- Spiritus brutorum* , limitatissimum 3. 51.  
 dicere , non juvat .
- Substantia intellectualis* , nequit esse 7. 109.  
 ad aliqua tantum objecta intelli-  
 genda , naturaliter determinata .
- Thomas Campanella* , verum in bru- 2. 29.  
 tis spiritum non admittit .
- S. Thomas* , brutorum animam spiri- 6. 96. & seq.  
 tualem esse , expresse , & clarissime  
 negat .
- Thnetopsychia* , hominum brutorum- 8. 117.  
 que , animas similes esse asseve-  
 rant .
- Tertullianus* , docuit animam huma- 8. 121.  
 nam corpoream esse .
- Vallisnerius* laudatur . 1. 19.
- Veritas propositionis* , totius dicti 8. 126.  
 exigit veritatem ,

1. The first part of the document is a list of names and their corresponding addresses. The names are listed in the left column, and the addresses are listed in the right column. The names are: John Doe, Jane Smith, and Bob Johnson. The addresses are: 123 Main St, 456 Elm St, and 789 Oak St.

2. The second part of the document is a list of names and their corresponding addresses. The names are listed in the left column, and the addresses are listed in the right column. The names are: John Doe, Jane Smith, and Bob Johnson. The addresses are: 123 Main St, 456 Elm St, and 789 Oak St.

3. The third part of the document is a list of names and their corresponding addresses. The names are listed in the left column, and the addresses are listed in the right column. The names are: John Doe, Jane Smith, and Bob Johnson. The addresses are: 123 Main St, 456 Elm St, and 789 Oak St.

4. The fourth part of the document is a list of names and their corresponding addresses. The names are listed in the left column, and the addresses are listed in the right column. The names are: John Doe, Jane Smith, and Bob Johnson. The addresses are: 123 Main St, 456 Elm St, and 789 Oak St.

5. The fifth part of the document is a list of names and their corresponding addresses. The names are listed in the left column, and the addresses are listed in the right column. The names are: John Doe, Jane Smith, and Bob Johnson. The addresses are: 123 Main St, 456 Elm St, and 789 Oak St.



## ERRATA

Pag. 4. Pitagoras  
 Pag. 18. offendidisti  
 Pag. 20. illa  
 Pag. 26. falsa  
 Pag. 27. auctoritatis  
 Pag. 29. spiritus, iste  
 Pag. 45. impervia  
 Pag. 56. spiritum  
 Pag. 61. chaldaicè  
 Ibid. 61. clarissimè  
 Pag. 62. materialem  
 Pag. 70. insignè  
 Pag. 74. contrariatur  
 Pag. 78. spiritum hoc  
 Pag. 90. sensu  
 Pag. 91. ispiritualia  
 Pag. 136. importat  
 Ibid. Epicurei ac

## CORRIGE.

Pythagoras  
 offendisti  
 ille  
 falsa  
 auctoritatis  
 spiritus iste  
 impervia  
 spiritus  
 chaldaicè  
 clarissimè  
 naturalem  
 insignè  
 contrariatur  
 spiritum, hoc  
 sensui  
 spiritualia  
 importat  
 Epicurei ac











# DISSERTATIO

CONTRA

ANIMAM SPIRITUALEM BRUTORUM

Ab objectis

VINCENTII PHOCÆ VINDICATUR

DIALOGUS IX.

*Critophilus, & Philadelphus.*

*Crit.*

Q

Uæ te mihi, diuturna post desideria, fors reducem ostendit Phil. ? aliquid ne super præterito anno habitam Concertationem vel tecum ipso reflectens, vel typis editam relegens, dubium fortè insurrexit, quo rem maturius discuti peroptes ?

*Phil.* Haud equidem ; sed legi ipse quamdam Opusculi tui censoriam Relationem, quæ

si tibi foret perspecta, Dissertationis tuæ exemplaria omnia quanto citius ad te revocare festinares.

*Crit.* Magna refert Phil. & vehementer nosse sollicitas, cujus illa sit, ubi edita, & quid singillatim in me reprehendat.

*Phil.* Quod attinet ad Authoris, locique nomen, lubens dicam. Author inscriptus, est VINCENTIUS PHOCA, data verò est relatio ex INSULA SARDINIÆ, sed quò ad ea, quæ continet, loqui vetor, nam Relationem ipsam ad amicum suum Author transmissit, alteri tamen non tradendam, & Author ipse inquit (1). „ Si enim quidpiam ad meas aures perveniet ; tunc rigidum examen & Pag. 14. „ libri, & defendentis illum instituum, & urbanitas illa, ac comitas, „ quæ in meis scriptis semper eluxerunt, jura dabunt severitati. „

*Crit.* Nomen, & locum e mentium non immeritò dixerim

atque

atque exinde censuerim à me omnino excutiendum, quem tu conaris timorem ingerere. *Neque enim.* Verba sunt D. Hieron. (a) *magnopere formidandi sunt libri quos metuit suus author prodere, & tantum confideratis legendos esse decrevit.* Nec est quo verè prohibearis, candidè referre mihi quid in illa contineatur, tum quia æquum est ut si ego impetor, sciam qua me parte defendam; tum quia si Relatio ipsa secretò alteri commissà, amicitie, ac fidelitatis juribus minimè violatis, ad te potuit pervenire, non apparet quomodo sine utriusque præjudicio, nequeat eadem mihi à te quanta est aperiri; Quod si timeas ea verba; Jura dabunt severitati, noveris ea porro non formidinem incutere, sed animos addere; non retrahunt hæc, sed magis invitant & alliciunt ad pugnam, & fortè ut non segnus excitaret appòsita sunt; Sanè quid metuum? num rationum acumen? nihil magis in votis fuit, quàm hisce instrui; num dicteria aut jurgia? At hæc ab oppositoris doctrinà ac comitate expectare prohibeor; Quod si etiam forent in me talia jacienda, contemnerem, suserrem, silerem, offendi mallens, quàm offendere; Vides ergo Phil. maximè consonum æquitati quod contrà me dicitur referre, ut quod relatum fuerit, vel approbem; vel refellam.

*Phil.* Quonià tam cupidum ea te nosse cognosco, quæ contrà Opusculum tuum dicta sunt, confidenter enarrare incipiam. Dissertationem itaque primitiu (3) ex eo improbat Oppositor quod Auctoritatibus abundet, se sequè fatetur molestè eos ferre qui philosophicas questionem auctoritate pertractant, ac dirimunt; subdit postea (4) occasionem scribendi fecisse tibi Appendicem quamdam pro Spiritualitate Animæ brutorum exaratum, quam impugnandam assumpseras. *Crit.* Equidem mitior quod Censor eruditè faucatus me impugnamdam suscepisse præfatam appendicem, & simul reprehendat quasi Auctoritatibus innixam & redundantem Dissertationem meam. Gratulor ipse mihi quod initio Opusculi mei Appendicem ipsam appo-  
Pag. 3  
Pag. 4  
 fuerim, unusquisque enim in illa legere poterit Auctoritates ex Scripturis, ex D. Bern., ex D. Th. depromptas, ex quibus Animæ brutorum Spiritualitas, adstrui asserobatur; Porro Appendicem ipsam im-  
 prebabit ne Censor, quia hisce auctoritatibus referta est? Ut quid ergo Opusculum meum ex hoc capite arguere incipit? Quantum ex me est, quemadmodum rationes in Appendice adductas, rationibus retunderè studui; ita Auctoritates, Auctoritatibus, refellere debui; Et si res philosophicas Auctoritate dirimere culpa est, non hæc in Dissertationis, sed potius in Appendicis Authorem est refundenda, iste enim sciens & volens Auctoritatibus usus est ad evincenda,

(a) *Apolog. adversus Rufinum fol. 134.*



Animam in brutis Spiritualem, ille verò semel ac respondere susceperat, non poterat Adversarium alià aggredi vià, nisi qua Adversarius ipse occurrebat; hoc autem & præstari, & fideliter præstiti, ut enim legenti Opusculum meum constare liquidiò potest, Scripturas Scripturis, Divo Bern. D. Bernardum, Divum Thomam D. Thomæ opposui; Equidem ab Opponente intrui cuperem, num meliori methodo ab Adversariis adductæ Auctoritates retundi possint, & non ad intentum ostendi.

*Phil.* Notam hanc foeliciter à te excussisse videris, sed nescio an pari sorte valebis sequentia refellere? Itaque postquam per præcedentia, generalem Opusculi tui notionem dedit, pergit singillatim de eodem quò ad omnes partes ferre iudicium; Et ut agnoscas eruditum Censorem sedulam in eodem ferendo navasse operam, à Prefatione Opusculi tui exorditur, & in ipsà tria animadvertit reprehendenda. Primum est, quod usurpas illud Augustini. *Non timeamus grammaticorum ferulas, dummodo ad veritatem solidam, & certiore pervenimus*, hocque dicit non satis aptè usurpatum, quia neque centum Dialogis, ad veritatem solidam & certiore, in hac perdifficili quæstione pervenies. Alterum est, quod cum dixeris nullam ex reliquis sententiis tibi arridere, sparsim & in Dialogis IV. præsertim & VIII. nimis Peripateticum sapi. Tertium denique est quod dicis te primum (quod scias) *te hanc materiam ex professo* pertractare; Hoc autem inquit Eximius Censor, non multum laudari posse videtur, nam ipsemet plures legit Authores, qui de Brutorum Animà ex professo disserunt, si vox *ex professo* eo sensu sumenda est, quo illam (ut ipse opinatur) in tua disputatione usurpas, ideit quando quis de Animà Brutorum differens, unam potius, quàm aliam partem tueretur, vel neutram, vel utramque defendit. Legit autem ipse opus P. Pardies, le Voyage par le Monde de Descartes, M. de la Chambre; Dissertationem Antonii le Grand, Librum Gomezii Pereira Medici Hispani, cui Titulus. *Antoniana Margarita*, Entelechiam Sbaragli, Epistolæ C. Magalotti, Opusculum Danielis Sennerii, aliove quorum non meminit.

*Crit.* Video quidem oculatissimum Censorem, qui nihil non diffusum transire patitur, atque ipse sibi vias aperit, quæis reprehensionis aditus pateat, attamen bonà cum venià, immeritò hæc tria in me carpi censuerim. Primum quidem, quod de styli inconcinnitate veniam cum petierim, adduxerim postea illud Augustini. *Non timeamus* &c. non satis aptè ex eo reprehendor, quod neque centum Dialogis, in præsentia quæstione possim veritatem comparare. In primis etenim Auctoritas illa adducta est unicè (ut legenti patebit) ne quis plus æquo carperet stylum; unde abs re, & violenter traducitur ab

erudito Censore ad meritum quæstionis controversæ; Nec inibi Augustinus ipse ait se ad veritatem solidam & certiorē pervenisse, sed *dummodo pervenimus*, sive quod pro eodem facili intellexerim contendamus pervenire; Quod sanè non importat veritatis quæ quærebatur assequationem, sed assequenda contentionem; eo modo quo si dicat quispiam. *Non timeamus incertorum sceleris, dummodo ad Patriam, ad quam creati sumus, perveniamus*. Vel miles ad militem. *Non timeamus ignavorum irrisiones, dummodo ad victoriam perveniamus*. Certè neutra harum propositionum, animum significat quasi præsumentem vel Patriæ vel Victoriæ possessionem, sed solidam & hanc sperantem & illam, & utrique inhiantem; Ulteriùs si aliquam vel veritatem, vel veritatis probabilitatem, Appendicis Auctor se pro parte affirmativà assequutum censuerit, non video cur mihi nedum octo Dialogis non assequuta, sed neque centum assequenda pro parte negativà, tantà cum securitate pronuncietur. Hisce addo quod propositio illa ex Aug. deprompta hunc reddidit sensum, & in hoc fuerat usurpata. Non debere scilicet de poliori stylo esse sollicitum, cum qui de acquirenda sollicitus est veritate; Contrà quam proinde omnino extrà rem obicitur, quod nec centum Dialogis ad veritatem perveniam; Aliud enim est quærere, aliud consequi veritatem; Sed jam contrà frivolum vellicationem, nimis multa

Quod ad secundum, gratias agens de laudibus quibus velle excipere, si nulli quod ad controversiam de Animà brutorum, sententiæ forem addictus, breviter me expedit, Oppositorem amicè monens ut alia etiam vice non pigeat præstationem meam attentius excurre, inveniet enim quod non asserui, me nulli adhærere sententiæ; sed hoc unum. *Nec necesse est ut qui unam opinionem, reprobât, aliam positivè approbet & concludat, fieri enim potest, ut inter illas aliqua quidem tanquam periculosa, & manifestius falsa displiceat (sicut mihi in præsentiarum accidit) & tamen nullas etiam ex reliquis positivè ardeat*; Cum itaque dixerim non esse necesse una opinione rejecta aliam amplecti; Cum dixerim fieri posse ut una quidem Opinio magis displiceat, nulla tamen ex reliquis ardeat, non nisi gratis ac voluntarie asseritur me profiteri, quod nulli adhæream sententiæ; valde enim diversa sunt fieri posse; & factum esse. Neque opponat Sapientissimus Censor verba illa *sicut mihi in præsentiarum accidit*, neque enim, ut patet legeati, connectantur cum sequentibus, & tamen nullas etiam ex reliquis positivè ardeat, sed cum præcedentibus, nimirum, *fieri enim potest ut inter illas aliqua quidem tanquam periculosa & manifestius falsa displiceat*: Quod itaque mihi in præsentiarum accidit, hoc est, quod scilicet una opi-

nio

7

nio ex tribus supra recensitis tanquam manifestius falsa displiceat, non verò accidit mihi, quod nulla earum positivè arrideat, sed unice loqui, id secundum se & generaliter loquendo fieri posse; Quare non est, unde quasi vel de mendacio arguar, vel de inchoerentiâ ex quo in progressu operis Peripateticum redoleam.

Ad tertium dico, materiam de qua pertractare assumpsi, non esse simpliciter quæstionem de Animâ brutorum an sit in ipsis, & quæ nam sit; sed unice ostendere & Authoritate & Ratione, Brutorum Animam non esse spiritualem, quod ab aliis hucusque (non obstantibus AA. quos Oppositor legit) non præstitum puto. Cæterum non dixi absolute Primus, sed consultò apposui (quod sciam) ut si fortè quis alter mihi non cognitus, de eadem materia scripsisset, indebitam mihi laudem non vindicarem. Ut quid ergo de eo quod non asseveranter dictum est, quasi de absolute prolato redarguor?

*Phil.* Transiit jam à præfatione ad 1. Dialogum (5) atque in isto notat quod auditâ ab amico sententiâ de Animâ in brutis Spirituali, ipsum leniter increpans dixisti. *Bone Deus! hæc audio à te? quid hac opinione Homini injuriosus? quid Philospho indignus?* Cætera autem quæ ibi subiunxisti, referre ipse ait se nolle, ne te carpere videatur.

Pag 5.

*Crit.* Equidem veraciter posuit ea verba, *ne carpere videar*; non enim piget erudito Censori me carpere, sed piget carpere videri; & certè non poterat pejus carpere, quam testando se omittere quæ sequuntur, nè carpere videatur; Quantum ex me est, candidè fateor, malluissim ea ab opponente afferri, quàm cum nimis suspitionis præiudicio omitti. Cæterum est aliquantulum excessivum, non inde damnandus venire; Cum enim ibi exordium sumat Concertatio æquum erat, ut animi utrinque accensû ostenderentur ad pugnam; atque ulterius ipse met quasi qui tantisper excesserim, lubens in ore Philadelphi ea verba posui. *Videò te nimis abruptum zelo Critophile*, quæ quasi contrâ me iure dicta, sine ullâ vel responsione, vel reprehensione præterire permisi. Sed prosequere *Phil.*

*Phil.* In secundo Dialogo observat optimus Censor quod niteris ostendere opinionem de Animâ in brutis Spirituali, non habere à Veterum, aliorumve Auctoritate præsidium, & scribit „ Vides „ Amice Auctorem multum facere Auctoritatem humanam quam ipse sentio non curandam „ Subditque se facile dimittere. Cartesium, dum profert leges motus experientiz oppositas, vel docet calore subterraneo aquam philtrari, &c.

*Crit.* Quid ad hæc expectas *Phil.*? Video hominem qui & SS. PP. & Doctorum hominum Auctoritatem vel moleste fert, vel non

curandam sentit, nimium proinde proprio confidit ingenio, ei autem, qui nulli se credit, quis se facile credat? *Væ soli*, inquit (a) *quis cum ceciderit, non habet sublevantem se*. At dicet, „ Ipse ea tantum amplector in naturalibus questionibus, quæ vel ratio, vel geometrica demonstratio, vel experientia comprobant, bene est; At sibi nè uni, talibus ritè uti datum est? Aerem ne verberant Sancti PP. & quotquot erudito Oppositori contraria scripsere Authores? Veram quid plura? Licuit in Appen lice A.A. cum Veteres, tum Recentiores controversiæ velut Patronos sententiæ adducere; non licuit mihi, eos eidem minimè patrocinos ostendere? Viam hanc necessitate curri ad objecta respondens, non voluntate elegi quasi pergens per illam; Perperam itaque ejus in me accusatur positio, cujus justè reprehendenda fuisset ommissio. Transeamus ad alia.

Pag. 6.

*Phil.* Prosequitur eruditus Censor (b) inquit, quod tu ostendere credas opinionem de Animâ in brutis Spirituali non habere à Scripturis Sacris Patrocinium, subditque „ Sed quem locum debeant habere Scripturæ Sacræ in hisce questionibus, patet ex Sanctis Patribus, qui nos docent, quod in rebus naturalibus Philosophi debent investigare, & si quid ab istis, fuerit inventum & demonstratum, quod contingat contrarium apparere Scripturis, quum Scripturæ Sacræ multiplicem sensum habeant, istæ sunt explicandæ, & inventis accommodandæ. „ Afferit postea hanc regulam ex D. Aug. (b) *Us quidquid illi veracibus documentis de naturæ rerum demonstrare potuerunt, ostendamus, nostris libris non esse contrarium*. Afferit D. Hieron. affirmantem Scripturas, quandoque non prout res se habet, rem dicere, sed prout fertur. *Consuetudinis Scripturarum est, ut opinionem multarum rerum si narret Historicus, quomodo eo tempore ab omnibus credebatur, tum sic addere pergit*. Notum sanè est omnibus, quod Luna in Scripturis Luminare vocatur, & tamen quia Sapientes hujus Mundi ostenderunt non proprio lucere lumine, sed illud Solis reflectere, exponitur Scriptura dicendo, quod ita prout sit, quomodo Vulgus credebatur; Spiritus enim Dei noluit ista docere homines nulli saluti profutura. Addit denique ex Augustino (c). *In rebus obscuris, atque à nostris oculis remotissimis si quæ inde scripta etiam divina legerimus, quæ possint salva fide, quæ imbuimur, aliis atque aliis parere sententiis, in nullam earum nos præciniti affirmatione ita projiciamus, ut si fortè discussa veritas eam rectè labefactaverit, corruamus, non pro sententia Divinarum Scripturarum, sed pro nostrâ ita dimicantes, ut eam velimus*

(a) Eccl. c. 4. v. 10. (b) De Genesi ad lit. lib. 1. (c) Lib. 1. §. 37.

9

*limus Scripturarum esse quæ nostra est, quum potius eam quæ Scripturarum est, nostram esse, velle debeamus.* Concludit denique Opponens,, Discutienda itaque in rebus obscuris veritas, antequam Scripturas, quæ duplici sententiæ (ut in casu) favere possunt, unicam,, tantum respicere stabiliamus ..

*Cris.* Nunquam putaveram Rationem humanam lydiū lapidem esse, ad quem Divini Verbi sensuum veritas referenda foret; immò hucusque credideram Scripturam ipsam Regulam esse infallibilem ad quam humana maximèque fallibilis ratio, in obscuris præsertim ac difficilioribus confugere, eique se se humiliter instruendam deberet subijcere; Unde non sine admiratione audio modo ab erudito Oppositore, consulendam esse rationem nostram, ut ex ista genuinos Scripturæ sensus certo assequamur. Alti enim Sapienti cuiquam suafum esse debet, id quod superius est regulam esse inferioris, non è contrà. Hinc Sacra Congregatio contrà Sapientissimi Censoris canonem de Scripturis Sacris Philosophorum placito five inventis accommodandis, proscripsit Thesim de Motu annuo Terræ. Cæterum in rem præsentem haud bene traducitur Aug. quum primo cit. loco Oppositori non faveat, contrarietur, autem in secundo; Inquit enim primo loco. *Quidquid illi veracibus documentis. . . demonstrare potuerunt &c.* Quæ sunt autem veracia documenta Spirituales in Brutis animam convincentia, cum potius multa eaque probabiliora saltem, oppositum doceant? Ubi sunt demonstrationes quæ hanc sententiam evincant, cum tot, & quidem (modestè dicam) non infirma contrà illam militent argumenta, & Probationes omnes in Appendice allatæ satis fuerint in mea Dissertatione consultatæ? Contrariatur autem in secundo loco Aug. Oppositori meo, iniquiens non æquum esse *ut eam velimus sententiam scripturarum esse quæ nostra est, quum potius eam quæ Scripturarum est, nostram esse velle debeamus.* Quibus clarissimè docemur, non ingenio nostro Scripturas, sed nostrum Scripturis ingenium accommodari debere. Neque verò opportunè adducitur illud D. Hieron. *Consuetudinis Scripturarum est &c.* nam quemadmodum vellet Oculatus Censor ex hoc infirmare ea quæ in Opusculo meo ex Scripturis adduxi; quis non videat omnem similitudinem vim amittere ea quæ pro parte affirmativà mihi ex Scripturis obijciebantur in Appendice? Arramen ni fallor, non sumus in rerum paritate, quippe qui non ego, sicut Adversarius, Rationem meam Scripturarum interpretem constitui, sed loca cum locis ejusdem Scripturæ comparavi, & juxta Sanctorum Patrum interpretationem intellexi, atque adeo ejusdem D. Hieron. (.) eam efusi quærimo-

niam à qua se subducere non posse videtur eruditissimus cæteroquim  
 meus Oppositor. *Vitiosissimum docendi genus, depravare sententias, & ad voluntatem suam Scripturam trahere repugnantem.*  
 Mitto quod controversia præfens de Animâ Spirituali in Brutis, non  
 parvam habet cum Animâ hominis relationem, atque propinquitatem,  
 quæ proinde non naturali tantum lumine, sed superiori etiam venit  
 auctoritate discutienda; Mitto quod Doctrina Oppositoris quo ad  
 Scripturarum intellectionem, si Philosophis Catholicis, in ordine  
 ad veritates naturales, etiam Hæreticis ad Spiritum privatum Scrip-  
 turarum interpretem constituendum, aliave eorum prava dog-  
 mata sustinenda æquale præbet effugium ut reflectenti patebit.  
 Hisce succinctè attractis cum doctissimo Cornel. à lap. (a) conclu-  
 dam: *Philosophia & Physica adaptanda sunt Sacra Scriptura & verbo Dei à quo omnis existit natura numerus, ordo & modus, ait S. Aug. Non ergo è contrario torquenda est Sacra Scriptura ad sensa Philosophorum, aut ad Lumen & dictamen natura.*

Fig. 7.

*Phil.* Si reliqua audire placet, in expositione relationis pro-  
 grediar. Dicit itaque (7) te in Quinto Dialogo totam esse ut D. Ber-  
 nardum, in Sexto, ut D. Th. Spirituali brutorum animæ non favere  
 ostendas, & ad amicum sic fatur „ Sed tu nosti quod isti Sancti Viri,  
 „ hominum quidem ad bonam frugem redeantium, & ad perfectio-  
 „ nis apicem tendentium, non verò simplicium philosophorum du-  
 „ ces se futuros crediderunt. Tum sic prosequitur „ Unum obser-  
 „ vatu dignum est in V. quando nempe, ut ostendat D. Bern. enun-  
 „ rantem Spiritum pecoris cum aliis Spiritibus noluisse intelligi de vero  
 „ Spiritu, pulcherrimam adhibet paritatem ex eo desumptam quod  
 „ sermone in Cœnâ Domini Ablutionem pedum inter vera Sacra-  
 „ menta recenset, ex quo hæc deducit. Si ergo ex quo cum veris Spi-  
 „ ritibus recensetur Spiritus pecoris, legitimè per te deducitur ex  
 „ mente Sancti Doctoris Animam pecudis verum esse Spiritum, non  
 „ minus ac veri sint Spiritus Anima rationalis, Angelus & Deus  
 „ ipse; quomodo negare poteris ablutionem pedum, juxta eundem  
 „ verum, esse Sacramentum non minus ac Eucharistia & Baptis-  
 „ mus, cum illa inter hæc enumeretur? Paritatem hanc silentio  
 „ pressam libentius vidissem, si enim utrobique de Spiritibus sermo  
 „ esset, tunc ex collatione textuum mens Auctoris deduci, posset;  
 „ at verò quia in uno loco Bernardus inter Sacramenta, idest inter ea  
 „ signa, quibus appropinquans Passioni Dominus gratiam contulit  
 „ sic enim memini me legisse in eo sermone) lotionem pedum enu-  
 „ merat quæ non est ex septem Sacramentis, deducere, ergo quan-  
 „ do

(a) *Can. 2. in Pentateum.*

„do inter Spiritus nominat Spiritum pecoris, non intelligit ve-  
 „rum Spiritum, fateor in hac intelligendâ consequentiâ, est mihi-  
 „curta supellex . . „

*Crit.* Audisti' unquam Phil. fabellam de Vulpe & Gallo? nar-  
 rabo illam recreationis gratiâ. Quadam die esuriebat Vulpes, Gallum  
 vidit rubei coloris, insectata est asse quicupiens; quoad usque Gallus  
 currendo fugiebat, placebat ille Vulpi, eique fiebat in desiderium;  
 post modicum temporis, gallus celeri volatu se alta super arbore sta-  
 tuit; tunc Vulpes desiderio se suo frustratam sentiens, quasi spontè  
 dimittens, quem relinquebat invita, ad Gallum conversâ inquit.  
 Quousque placuerit voluta, quid ad me? Non placent mihi Galli co-  
 loris rubri: Quod fabulosè narratum est, verè accidere in præsen-  
 tiarum observo. Afferuntur pro adstruenda Animâ in brutis Spiritu-  
 ali D. Bern. ac D.Th. auctoritates, & quandiu Asserto favere cre-  
 duntur, pro maximis etiam in re philosophica, ac præstantissimis  
 prædicantur, cum autem ostenditur eos præfatæ sententiæ nullatenus  
 favere, tunc securè pronuntiatur quid ad nos? D.Ber. & D.Th. non  
 se credere futuros simplicium Philosophorum duces, non erudiant  
 Philosophos, sed homines ad bonam frugem instruunt. Sed mittamus  
 ista, veniamus ad paritatem à me ex Bern. adductam de pedum Lotione.

Dicit itaque Sapientissimus Cenfor, quod paritatem, hanc silen-  
 tio pressam libentiùs vidisset, & utique credo, quia mirum in mo-  
 dum infringit vim argumenti, quod ex D. Bern. auctoritate ferm. 5.  
 in Cantica efformabatur. Atque ut bene percipiat id quod ait se non  
 intelligere, suggeram eidem, ut discat distinguere Rem de qua dicitur,  
 à Modo quo de illa re dicitur; hac enim distinctione cognita,  
 percipiet instantiam à me adductam de Lotione, pedum, non esse de  
 re ad rem, sed de modo dicendi cum modo dicendi; Nam sicuti D.  
 Bernardus Animam pecoris vocat Spiritum, & Spiritum pecoris an-  
 numerat cum veris Spiritibus, ita idem Bern. Lotionem pedum vo-  
 cat; non signum (ut testatur Cenfor se legisse) sed Sacramentum,  
 eamque cum Sacramentis propriè ac verè talibus accenset; & quo-  
 niam Spiritualis Animæ in brutis Assertores, in primo dicendi modo  
 D. Bern. non parvam faciebant vim, hinc merito ex simili dicendi modo  
 ejusdem Sancti Doctōris, ut ut non in simili materiâ, ostendi, non  
 posse de mente Bernardi verum in brutis adstrui Spiritum, ex præciso  
 loquendi modo D. Bernardi; Quod autem instantia illa de Lotione  
 pedum, unicè adducta fuerit ad infringendam vim, quam in dicendi  
 modo D. Bern. faciebant Adversarii, patet legenti Dialogum V.  
 pag. 79. ubi addidi. *Quoniam tamen instantia, indirecta est dumtaxat*  
*objectionis solutio, videamus num verè textus ex Bern. allatus*

com-

comprobet verum brutis spiritum inesse. Atque usque ad pag. 92. prosequutus sum agens à Re, sive de Spiritu pecoris, ostendens talia prædicata huic Spiritu à D. Bern. apponi, talia negari, ut nisi pessimè D. Bernardus senserit de naturâ Spiritus, omnino intelligi nequeat de vero loquutus Spiritu, cum nomen Spiritus, brutorum Animæ attribuit. Serm. 5. in Cantica

*Phil.* Nè putes Crit. te palmam retulisse; majora supersunt, quibus illaqueatum te manere necesse est. Pergit ergo ingeniosissimus Opponens ad septimum Dial. atque se opus habere ut te confutat, plurimum postulaturus terminorum explicationem; Inter alia non intelligit id quod dixisti in hoc dialogo, videlicet „ Accidentia „ spiritualia, quæ sunt entitates materiales „ Insuper non est ei perspecta satis libertatis definitio quæ à te dicitur. *Facultas agendi cum ratione*, ipse enim firmis rationibus ductus credit *Libertatem esse facultatem ad opposita*.

*Crit.* Si placet, ab hoc ultimo respondere incipiam. In primis itaque non strictam professus sum me afferre libertatis definitionem, unde præmissi. *Quid enim est libertas in generali acceptione sui, nisi &c.* Illam videre poterit in P. Pardies, quem dicit Censor egregius se legisse; Illam ego in generali acceptione verissimam puto; ipsa enim est alterius causa & fundamentum; Unde enim procedit facultas ad opposita, nisi ex facultate agendi cum ratione? tolle ab homine facultatem agendi cum ratione, & abstulisti facultatem ad opposita; Quod si à me instrui doctissimus Censor erubescat, non dedignetur saltem quo ad hoc punctum, & hac vice tantum à D. Th. erudiri; Nec enim Doctor verè Angelicus ad solam perfectionem homines ducit, sed vel invitè fatendum est, quod ad veram sententiam Philosophos; ad verum Theologos adducit Doctrinam (1). *Ex hoc voluntas liberè potest ad diversa ferri, quia ratio potest habere diversas conceptiones boni, & ideo Philosophi definiunt liberum arbitrium. Quod est liberum de ratione iudicium, quasi ratio sit causa libertatis.*

Vellem modo regredi ad id quod primò retulisti, sed vereor ne tu Relationem Vincentii Phocæ relegero, allucinatus sis, & penè suspicarer quod ipsum calumnieris, ni aliunde tua mihi perspecta foret probitas, ac honestas.

*Phil.* Nec decipior, nec quod multò pejus esset, calumnior quemquam; Si mihi non adhibes fidem, habeo hinc mecum relationem ipsam, en, lege pag. 8.

*Crit.* verè lego *Accidentia spiritualia, quæ sunt entitates materia-*



13  
teriales, sed vix oculis ipse meis credo; Quid dicam nescio, nam Oppositorẽ talia mihi appingentem, Veracem non possunt, Mendacem non debeo, Deceptum appellare prohibeor; succinctẽ reponam; tam grossẽ ne dum in Dialogo VII, sed nec in tota Dissertatione, non erravi; nẽ dum talia non dixi, sed neque quæ umbratenus ad talia accedant; Dissertatio mea typis edita est, qui segerit Religionem Vincentii Phocæ, precor iudicium suspendat, Dissertationem, legat, fidem Relatoris probe; nihil enim vel tale, vel ei simile reperiet, publicam obtestor fidem; Interim habeo, unde gaudẽam, nam excidit è causâ, qui causam falsitate defendit.

*Phil.* Recordaberis de titulo, quò inscripsisti Dialogum VIII. nempe. *Opinio de Animâ Spirituali brutorum Conciliis adversa probatur.* Audi ergo quid de illo dicat eximius Oppositor. „ Quum primum titulum hunc inspexi, fateor, obitupi, nusquam enim „ credideram Concilia se hisce immiscuisse quæstionibus; desiderio „ tamen urgente novas acquirendi cognitiones, integrum lustravi „ modicam verò ex hoc voluptatem concepi, quum unicum relatum „ Concilium inveni, Lateranense nimirum IV. in quo PP. Confessionem fidei exponentes, dicunt. *Firmiter credimus, & simpliciter confitemur, quod unus solus est Deus... qui sui potenti virtute simul ab initio temporis, utramque de nihilo condidit Creaturam Spiritualem & Corporalem, Angelicam, videlicet & mundanam, ac deinde humanam quasi communem ex corpore & Spiritu constitutam.* „ Hoc in textu vides, quod nullam agitant quæstionem; sed „ Dei attributa ipsis nota recensentes, distinguunt Creaturas, in „ materiales, & Spirituales, neutras tamen specificè enumerant; „ deinde dicunt humanam ex corpore & Spiritu consistere, & nihil „ de Brutis verbum faciunt, unde nihil positivi inferri inde „ posse putarem. Quando sanè Ecclesia, aliquid vult definire, clare & aperte loquitur, nec eò tendit, ut ea, quæ reitet, negativè ut dicitur, statuta censeantur. Quoad usque ergo Ecclesia aperte non loquatur, possum indubitanter asserere eam nulli sectæ nomen dedisse.

*Crit.* Nihil mea refert, quod Exquisitissimus Cenfor modicam in legendo præfato Dialogo voluptatem conceperit, nec enim ego voluptati inhio, sed veritati; Animadversione tamen dignum est, quod „ subjungit. „ Quum unicum relatum Concilium inveni. „ Forte ne ly Unicum, opponit vocabulo plurali, quod in titulo apposui. *Conciliis* „ at non crediderim doctissimum Oppositorem nescisse, quod nonnumquam licet plurale pro singulari usurpare. Forte ne ei satis non est Unici Concilii Auctoritas? *Unicum Concilium?* Putatne Concilia Cr-

stanca-

**A**ncarum instar se habere, ut sicut istarum plures ad sedandam famem, ita illarum multa, ad faciendam fidem requirantur? *Unicum Concilium*? Quid est unicum Concilium, nisi Ecclesia in Spiritu Sancto Congregata, cujus proinde doctrina, cujus definitiones, infallibilem nequeunt non continere veritatem? Non habet ergo Opponents unde jure me redarguat, ex quo Unicum relatum Concilium invenit.

Sed videamus num hoc Concilium, ad intentum sufficiat. Concedo itaque quod hujus Concilii PP. presentem non agitent questionem; Concedo quod non enumerent specificè Creaturas; Concedo quod nullum de Brutis verbum expressè faciant; At hisce omnibus concessis, ex Concilii Doctrinà Spiritualem in brutis Animam non adesse, ritè deducitur; Nam sicut nomine Creaturæ Spiritualis circa dubium omne, intelligit Concilium Creaturam carentem corpore, ita nomine Creaturæ Corporalis, intelligit Creaturam carentem Spiritu, & sub hac bimembri partitione, omnes & quascumque Creaturas, omnes & quascumque Creaturarum species, solo homine excepto, comprehendit, hunc solum dicens esse Creaturam quasi communem, Spirituali (intellige) & Corporali, ex Spiritu & Corpore constitutam. Cum itaque Bruta nequeant accenseri primo membro Partitionis, nempe sub ly *Spiritualem*, neque sub aliquo communi Spirituali, & Corporali à Concilio reponantur; quis non videat ea sub secundo partitionis membro, sub ly nimirum *Corporalem* relinquere, consequenter cum ly *Corporalem* assumatur à Concilio, ut adæquatè oppositum Spirituali, & inadæquatè oppositum Soli Homini, assumitur tanquam solam corporalitatem importans, nihil de spiritualitate admiscens, nihilque de eadem Creaturis sub se, uno contentis communicans; Est ergo adversum menti Concilii, dicere Bruta naturam habere communem Spirituali & Corporeo, ex Spiritu nimirum & Corpore constitutam. Sed non est opus me hic ibi plura repetere Phil, sat enim est ea recolas, quæ in Dialogo VIII. fusius prosequutus sum. Unum monebo Censorem meum, quod aliud est Propositionem aliquam esse à Concilio expressè definitam; aliud est Propositionem aliquam esse Concilio adversam. Ad primum opus est quod Concilium singillatim & in terminis de illa mentionem faciat; Ad secundum sufficit, quod propositio aliqua eum iis quæ Concilium credenda proponit, non coherere ostendatur; Propositionem à Concilio expressè reprobam, defendere, hæreticum est; Propositionem Concilio adversam sustinere, temerarium saltem; Ego autem Opinionem de Animâ in brutis Spirituali, non à Concilio positivè reprobam dixi, sed Concilio adversam ostendere suscepi. Catholico autem indi-

indignum Philosopho iudicaverim, Opinionem Concilio adversam  
sustinere, quia nundum est expressè reprobata. Sed hæc nē tantum  
catpēda reperit in VIII. Dial. Eruditus Censor?

*Phil.* Handquaquam; pergit enim (pag. 9. & 10.) iudicium  
ferre de Argumento quod sub Dialogi finem, pro Peripateticis confe-  
cisti, in quo scilicet, ex quo Bruta non sint pura Authomata, ut con-  
cedebam tibi, neque possint habere Animam Spiritualem; ut osten-  
disse authomas, intulisti admittendam in brutis Animam materiale  
quæ materia non sit; hoc itaque per extensum relato, amicū ita  
alloquitur, „ Si hoc argumentandi genere, persuaderi homines pos-  
sent, jam & te, & me poenitere licet Geometricis & Algebricis  
„ Elementis assequendis insudasse, cum claritas & perspicuitas quæ  
„ illis obtinetur, jam reddatur inutilis „ Sed ne prolixus sim, reliqua  
summatim dicam: Inquit ergo in dilemmate primò Argumenti tui  
supponi disiunctivam, quæ parum accurata videtur. Inquit explican-  
dos esse hos terminos „ Viventia, ac Sensitiva. Anima quæ non sit  
„ formaliter materia, & maximas sibi offundi tenebras ex ea conse-  
„ quentia; ergo est materialis, non tamen materia subdens ex Mel-  
„ chiore Cano. *Puderet me dicere non intelligere, si ipsi intellige-  
rent qui hæc tractarunt.* Quæ sequuntur opus est referam de verbis  
ad verbum ut eorum vim percipias. Ait ergo quasi repētens argu-  
mentum tuum „ Fatentur in argumento actiones brutorum, à sola  
„ mechanica dispositione derivare non posse; sed neque Spiritus,  
„ inquit; admitti potest; ergo medium quid est admittendum,  
„ quo suprà materiam puram eorum anima constituitur, nec tamen  
„ puris spiritibus cooptetur. Lepidum sanè argumentum, cui si  
„ meum esset respondere, minorem negarem „ quid enim quæso  
„ prohibet Spiritum brutis concedere? Numquid pulcherrima illa  
„ gradatio perfectionum, quæ in rebus materialibus deprehenditur,  
„ Spiritibus erit deneganda? Numquid infirmus Spiritus debet ha-  
„ bere omnes perfectiones, quæ in superioribus reperitur? Num-  
„ quid quia substantias ex se in nihilum abire non posse cognoscimus;  
„ ita Creatoris potentia limites figemus, ut nulli illarum conservan-  
„ tis manum subtrahere possit? Qui hæc & similia, etiam affirmando  
„ assereret, nulla esset censura notandus „ Denique concludit  
pag. 11. quod qui admittunt in brutis cognitionem, debent & illis  
Spiritualem animam concedere.

*Crit.* Gratulor Censori meo quàm maximè quod Geometriæ  
studuerit, atque Algebræ, eidem tamen suggeram, perperam  
deduci inutilem, vel Geometriam esse, vel Algebram, ex quo  
sine unius, vel utriusque tñu perspicua fiat demonstratio, cum non  
ostēda-

ostendatur aliquid inutile, ob hoc quod non sit ad omnia necessarium, vel multa possint sine illo præitari. De Dilemmate nil dicam, cum enim determinatum in illo non assignet errorem, nec illum confiteri, nec ab ipso me vindicare valeo. Petitam terminorum explicationem, intelligere vel non volenti, vel non valenti afferre non debeo, maxime quia, cum hi in Peripateticorum libris passim inveniantur explicati, non expedit, ut in Præfatione præmisi, coctum recoquere.

Ad argumentum *Fatentur &c.* quod tanquam meum profert, lepidum esse concedo, sed lepidum utique facit, qui illud ita proponit; Sed ego nunquam tam insulse argumentatus sum, & possem merito retorquere illud Melchioris Cani. *Puderet me dicere non intelligere.* Hanc formam silogizandi, si ipse intelligeret, qui ita arguit. Dignum tamen observatu est, quod subiungit,; nimirum, cui si meum esset respondere, negarem minorem) melius dixisset, *secundam partem antecedentis.* Magna tamen in negando, securitas! perinde ac si in ejus probationem nihil omnino dictum sit, aut ipse liquidò solverit quæcumque ad illam probandam adducta sunt; Faxit Deus, quod qui hoc modo negat, nunquam incidat in errorem, cæterum insanabilis erit casus ejus in mortem.

Neque verò feliciter est, quod adducitur de gradatione perfectionum, sicut in Materialibus deprehensa, sic in Spiritibus admittenda. Nam hoc argumentum ab extrinseco est, relinquens adhuc examini subjiendum, num fortè similis gradatio repugnans sit Spirituum naturæ intrinsicè inspectæ, atque ad summum de possibili concludens, non de facto, cum non omne factibile à Deo factum sit, vel factum esse, queat ostendi. Repetat verò, quò usque ei placuerit, „ Numquid infimus Spiritus debet habere omnes perfectiones quæ in superioribus reperiuntur? „ Semper respondebo affirmative, de iis loquendo perfectionibus, quæ generaliter veri Spiritus naturam constituunt, vel ad illam naturaliter consequuntur, uti sunt Immortalitas, Intellectivas, Liberas &c. Quod si hæc non acquiescat, fa-  
 veat recurrere, quæ dixi Dial. 3. pag. 47. & seqq. & Dial. 4. pag. 62. & seqq. Frustraneum denique est, quod postremo addit, Creaturas scilicet posse à Deo in nihilum redigi; quis enim hoc negat? Quid verò ei prodest ad intentum? Ego ipse idem asserui Dial. V. ex hoc ipso ostendens, D. Bern. de vero Spiritu in Brutis non esse loquutum; & Dial. VI. pag. 99. probavi auctoritate D. Th. non in Aristotele, sed in Sacris fundatâ Scripturis, Brutorum animas de facto dici non posse per annihilationem desinere.

*Phil.* Videris mihi non incongruè hucusque cuncta refellisse,  
 aff

ast nescio quomodo te expedies ab iis quæ eruditissimus Censor opponit à pag. 11. usque ad 13. inclusivè, ibi enim fusiùs instat ostendendo pluribus, quod materia nequit ad cognoscendum assurgere, etiam attentà Omnipotentia Dei. Cumque Forma materialis Peripateticorum, solum nomine tenus non sit materia, consequens est eandem, utpotè quæ verè & realiter materia est, esse non posse cognoscitivam, concluditque eos qui bruta cognitione donant, illis etiam concedere teneri Spiritum cognitionis capacem. Si placet, cuncta singillatim referam ut jacent.

*Crit.* Haud quidem te absque causâ fatigari sinam Phil. Hæc etenim, eisi veram Formæ materialis in sensu Peripatetico repugnantiam demonstrare concederentur, adhuc verè de Censore dici posset. Benè currit, sed extrà viam. Benè saltat, sed extrà chorum. Numquid nos inter concertatio fuit, de Formâ materiali in Brutis admittenda vel non? An non potius tota huc collinavit, ut Anima Spiritiualis, non adstrueretur in ipsis? An non hoc idem in ipso Dissertationis titulo cuiquam patet? Cum itaque lis sit de Rure, cur respondet per quæstionem de Domo? Videat egregius Opponens quod proposita difficultas, non enervatur per alterius difficultatis propositionem, unde verissimè dictum est.

*Non litem solvit, qui litem lite resolvit.*

quidquid ergo contrà Formam materialem inculcet, non curo; cum non hac incessem viâ, non debeo à cepto deflectere tramite, ut extrà viam currentem sequar. Perge itaque ad alia si quæ habes Phil.

*Phil.* Pauca supersunt, quæ paucis expediam. Inquit ergo pereximius Censor ( 14. ) de tuâ in textibus citandis fidelitate, se nihil dicere posse, quia ruri degens, non habet libros quos consulat. Subdit denique confidentissimè alloquens amicum suum; Displicuisse sibi audire hominem, obscurissimam Philosophiæ quæstionem, quasi sola Auctoritate sin minus dirimere, unius saltem partis se iudicem exhibere. Displicuisse insuper cognoscere hominem, in quo ea vis ingenii elucet, quæ severioribus Musis donanda esset, obscuris retiaculis detentum, & à geometricâ methodo & perspicuitate, ac etiam ab Oratione concinnâ distantem. Denique multùm ait doctriinæ in tua Dissertatione elucere, in qua tamen acquirenda multùm insudare debuisti, tales enim videris habuisse institutiones, quas neque Magister tuus clarè valuit percipere, plerumque enim contingit, ut Seniores nolint aditum junioribus dare, ad novas comparandas cognitiones

*Vel quia nil rectum nisi quod placuit sibi, ducunt*

*Vel*

Pag. 14.

*Vel quia turpe putant parere minoribus, & quæ*

*Imberbes didicere, senes perdenda fateri.*

*Crit.* Gratias primitus opus est referam Censori meo, qui me in textibus citandis, de infidelitate carpere non valens, noluit saltem ab infidelitatis suspitione liberare; & nè putet verè me severioribus Mufis donandum (relieto quod de scurrilibus, aut mollioribus, aut procacibus, utique erubescerem) dicam lepidè, quod ea comitas, quam semper sibi sociam ubique prædicat, cum in ejus fronte non appareat, oportet, quod ipsum fortè sequatur à tergo. Primum quod eruditissimo semper Censori displicuit, sanè displicere non debuit; Obscurissima etenim (ut ipse ait) Philosophiæ quæstio, & quæstio (addam ego) valdè proximè communicans Animæ hominis, non nostri tantum tenuitate ingenii, sed superiori etiam fuerat investiganda lummie, & discutienda auctoritate; Quod si hoc ipsum, quod agere debueram, feci, jam non me unius partis judicem constitui, sed Scripturis Sacris, SS. Patribus, atque legitimis Conciliis judicium reliqui, hocque in fine Dissertationis testatus sum; unde contra me nonnisi carpendi libidine id dictum esse, quisque facillè perspiciet.

Alterum, quod omnimodis obscuris retiaculis, quibus ait me detineri (hæc enim non sunt nisi verba) perbellè dicitur, est, me distare à Geometrica methodo; doceri sanè cuperem, quis mihi occurrerit in tota Dissertatione locus, in quo vel Geometriam vel Geometrica methodo strictè tali opus esset, ut valeam percipere, quæ ratione mihi in probrum vertatur, geometricè non processisse. Subjungit me distare à perspicuitate, sed hoc invidè dictum non diffitebitur, qui meam legerit Dissertationem; in qua nihil fortè melius invenitur, quàm claritas in conceptibus meis explicandis. Postremum quod addit, me distare ab Oratione concinnâ, fortè à te Philadelphie illud extorqueret; Dicebat *cacabus olla*, aut illud D. Hieron. (a) *Dum alienam imperitiam volunt coarguere, suam produunt*. Absit tamen à me, ut talia reponam, immò sicut in operis præfatione confessus sum, sic in ejusdem defensione confiteor, me humili familiarique stylo scripsisse; Sed hoc ipsum mihi appingi minimè debuisse, hæc discat Optimus Oppositor. (b) *Granditati Philosophiæ, rerumque retrusarum difficultatibus, humilis, ac penè dixerim prostratus dicendi modus convenit*.

Ut ad ultima demùm faciam satis, uno verbo dicam; in Dissertatione constanda sive insudarim, sive non, quid ipsi interest? quod tamen insudare non debuerim, neque quales egregius Censor arbitrat, habuerim Magistros, vel ex hoc cognoscat, quod tanti est discipulus,

(a) *Ep. Cl. ad Pammach.* (b) *Apud Kirchof. de Kirchof. in præfat.*

scipulus, ut sicut antea Appendicem, ita modo Dissertationis, Relationem, brevi temporis intervallo, ad alia licet distractus plenè noverit confutare, majora scripturus, si meliora compellant. Neque verò cum veritate dictum est, quod Seniores (de nostris loquor) aditum junioribus negent ad novas cognitiones; Quam potius sylemata Modernorum, exagitanda tradi junioribus velint; quod autem eadem integrè sustinenda non proponant, in causa est, quod cum in pluribus Generalibus Ordinibus nostri Capitulis, sicut & in omnibus penè Universitatibus, Academiis, ac Regularibus Ordinibus statutum invenitur, sancitum sit, ut D. Th. Doctrina nostris in Scholis doceatur, malunt (ut religiosos viros omnino decet) obtinere obedientiae meritum, quam captare scientiae auram instantis .. Horatianum verò illud. *Vet quia nil relictum &c.* quod jam centies in Thesibus publicis hic Mediolani relegi, nihil evincit; aliunde enim examinandum est, num jure, an immerito nolint Senes Juniorum Doctrinis acquiescere; & quemadmodum à Recentioribus contra Peripateticos usurpatur, ita si antiquior foret recentiorum Doctrina, recentior autem illa Peripateticorum, simili prorsus modo in antiquioris Doctrinae sectatores, à recentioribus (in suppositione facta) Peripateticis intorqueri posset; ego tamen hic repetam quæ attuli in Dial. 1.

*Stulta hæc invidia est, cui cuncta recentia fopdunt.*

*Invida stultitia est, cui nova sola placent.*

Longius nolo te detinere Phil. debeo tamen quid de hac Relatione sentiam, tibi secretò aperire. Quem sibi itaque finem hujusce Relationis Author (illo mordendi & carpendi unice excepto), præstituerit, non video; Si quid enim aliqua dignum venia in mea Dissertatione invenitur, illud callidè omittit; si quid aliquatenus ambiguum, deteriore in partem interpretatur; de iis, quorum quaestio mihi non fuit, prolixè disserit; de eo, de quo agendum unice suscepi rationes, probabili saltem ratione à me solutas, quasi adhuc intactas, atque omnino inconcussas repetit; Quæ nunquam dixi, neque in æternum à me dicta probabit, Dial. 7. mihi appingit; carpit in me ingenium, methodum, stylum, & quia hæc omnia honestati suæ, atque comitati non sufficiunt, meos etiam Institutores, à suo eos dente intactos abire non finit; Sanctorum PP. auctoritates non recipit; Auctoritatem humanam, nihili facit; Scripturas Sacras Philosophicis accommodandas inventis docet, uni suo fidit ingenio; nunquam sane a tantæ Urbanitatis, ut se prædicat, Viro talia expectassem. Hæc tamen ei optimo ex corde dimitto; unum oro te Philadelphie mi, ut si fortè temporis decursu tibi cognitus fiat, qui modo ementito sub nomine latet egregius Cenfor (quoniam & libri examen, & defen-

20  
defendentis illum , atque severitatem minari non dubitavit ) dic illi ,  
nomine etiam meo si placuerit , quod si hisce lubeat respondere , pro-  
prio prodire sub nomine , non erubescat , nam contra incognitum  
hostem , me non amplius dimicaturum , spondeo ; Dic illi , quod im-  
posterum , vel calamo parcat , vel Veraciori utatur , atque præstantio-  
ri , nam ineptis obiectiunculis , sicut uti pudor est , ita piget responde-  
re . Interim maximas tibi grates rependo Phil. enixèque precor , ut  
sincerum in me tibi obsequendi desiderium , non differas iussibus tuis  
exercere . Vale .

*Phil.* Me semper tibi magis obstringis significationibus hisce  
tuis Crit. , eademque tibi non dispari desiderio exhibeo ; & si quid  
Novi contra te audiam , quod tamen solidas rationes contingat , non  
jurgia , ad te citius quàm hac vice , omnia fideliter relaturus , teque  
revisurus redibo . Vale .



*Die 7. Julii 1742.*

**I M P R I M A T U R**

*P. F. Thomas Franciscus Bassi Vicarius Generalis S. Officii Mediolani .*

*Benedictus Mazzolenus Canonicus Theologus S. Nazarii pro Eminentissimo ,  
ac Reverendissimo D. D. Card. Stampæ Archiepiscopo .*

*Carlus pro Excellentissimo Senatu .*

---

MEDIOLANI, Apud Franciscum Agnellum.  
*Superiorum permisso .*





no 663324



